


მსწიფმსფიფებფუწი ხეუფუხილ ხმსწიფსლი

ფსვიფ ჩიუვისიუ




 რა: ფეცრაუფჩეფა: შენ: სეწმწი: მშობილო: ხუფრო: უთოლოუ: უჯობილო:
 არცა: ვნეცეფ: შენ: სეწმწი: მშობილო: ხუფრო: მათ მელთელლობო:
 მოშობს: არა: ვნეცეფელ: უსრო: მოწმე: არს: ჭე მართელსა:



„იურისტების
სამყარო“

დავით ჩიკვაია

მართლმადიდებლური საეკლესიო სამართალი

თბილისი, 2015
გამომცემლობა „იურისტების საზნარო“



ეს წიგნი შედგენილია ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის „საეკლესიო სამართლის სილაბუსის“ მიხედვით და მოიცავს საეკლესიო სამართლის ძირითად დებულებებს და ინსტიტუტებს. წიგნში ნაწილობრივ ასახულია ავტორის მიერ რამდენიმე წლის წინ „საეკლესიო სამართლის“ სახელწოდებით გამოცემული სახელმძღვანელოს თავები. წიგნი საინტერესო იქნება როგორც იურიდიული ფაკულტეტის სტუდენტებისთვის, ისე სასულიერო სასწავლებლების სტუდენტებისა და მოსწავლეებისათვის, ასევე საეკლესიო სამართლით დაინტერესებული მკითხველთა ფართო წრისათვის.

ყველა უფლება დაცულია. ამ წიგნის არც ერთი ნაწილი (ეს იქნება ტექსტი, ფოტო-ილუსტრაცია თუ სხვა) არანაირი ფორმით და საშუალებით (იქნება ეს ელექტრონული თუ მექანიკური), არ შეიძლება გამოყენებულ იქნას ავტორის წერილობითი ნებართვის გარეშე, ასევე საავტორო უფლების სუბიექტის წერილობითი ნებართვის გარეშე.

საავტორო უფლებების დარღვევა ისჯება საქართველოს კანონმდებლობით.

© გამომცემლობა „იურისტების სამყარო“, 2015

© დავით ჩიკვაიძე, 2015



გამომცემლობა „იურისტების სამყარო“

თბილისი, მ. კოსტავას №75; ტელ.: 238 35 99; 557 51 51 34

E-mail: Lawyers.world@yahoo.com;

<https://www.facebook.com/PublishingHouseLawyersWorld>

ISBN 978-9941-9406-0-6

შინაარსი

წინათქმა	5
----------------	---

კარი I

შესავალი საეკლესიო სამართალში	7
თავი 1. საეკლესიო სამართლის არსი	8
თავი 2. საეკლესიო სამართლის წყაროები	18
თავი 3. საეკლესიო კანონთა გამოყენება.....	40

კარი II

ქრისტიანული ცხოვრების კანონიკური საფუძვლები	49
თავი 1. ეკლესიაში შესვლა, ეკლესიიდან გასვლა და	50
ხელახალი შესვლა	50
თავი 2. ქრისტიანული ცხოვრება და ქრისტიანული გარდაცვალება	61

კარი III

ეკლესიის მმართველობითი სამართალი.....	73
თავი 1. სამღვდლო იერარქია და საეკლესიო	74
ხელისუფლება.....	74
თავი 2. მსოფლიო მართლმადიდებელი ეკლესიები.....	86
თავი 3. საქართველოს სამოციქულო მართლმადიდებელი ეკლესია	97

კარი IV

ეკლესიის შეცოდებათა სამართალი	109
თავი 1. შეცოდებები და მათი კლასიფიკაცია.....	110
თავი 2. საეკლესიო სასჯელები	119
თავი 3. საეკლესიო სამართლის პროცესი.....	135

კარი V

ეკლესიის სამოქალაქო სამართალი.....	160
თავი 1. საეკლესიო ქორწინება (ჯვრისწერა), განქორწინება და შედეგები	161
თავი 2. საეკლესიო ქონება და მისი მართვა	175

კარი VI

ეკლესიის და სახელმწიფოს ურთიერთობა	185
ეკლესიისა და სახელმწიფოს ურთიერთობა საქართველოში	186

წინათქმა

ჩვენს ხელთ არსებული ნაშრომი „მართლმადიდებლური საეკლესიო სამართალი“ ბატონი დავით ჩიკვაძის მიერაა მომზადებული და როგორც სახელმძღვანელო, წმ. ექვთიმე ათონელის საეკლესიო სამართლის ინსტიტუტის ეგიდით გამოიცემა.

ეფიქრობთ, რომ ღვთისმეტყველებითი აზროვნება და სამეცნიერო ინტერესი საჭიროა გაცდეს საკუთრივ ეკლესიის კლირიკოსთა შთაგონების საზღვრებს და საუნივერსიტეტო კვლევისა და მსჯელობის საგნადაც უნდა იქცეს. ისიც უნდა აღინიშნოს, რომ, ზოგადად, სამეცნიერო საეკლესიო საკითხთა მკვლევარს ღრმა სულიერი წვდომა და საღვთისმეტყველო აკრიბიათა ფლობა მართებს.

სახელმძღვანელოს შექმნა ნებისმიერ დისციპლინაში უაღრესად რთული საქმეა, ურთულესია. აქ, ოდენ დისციპლინის სიღრმისეული ცოდნა არ არის საკმარისი. ეს საქმე მოითხოვს უდიდეს გამოცდილებას, არსებული სისტემებისა და მეთოდოლოგიის ნიუანსებში წვდომას, საკითხთა საგნობრივად განხილვისა და დალაგების ტექნიკის ფლობას. არსებული სახელმძღვანელოების სერიოზულ მიმოხილვასა და ანალიზს. მიზანდასახულობის მკითხველთა წინასწარ განსაზღვრული წრისათვის მისადაგებას.

ამ მხრივ, სახელმძღვანელოს შექმნაში ღვანლი საკმაო და საინტერესოა განეული, მონდომება კი — დასაფასებელი. ასეთი სახელმძღვანელო ჩვენს დედა ეკლესიას, მორწმუნე საზოგადოებას სჭირდება. ცნობილია, რომ საეკლესიო სამართალი მოქმედებს იქ სადაც ზნეობის საზღვრები ირღვევა.

ეს ნაშრომი, ერთგვარად, ორიგინალურია, რადგან არ ჰგავს ჩვენს ბიბლიოთეკებში უცხოურ ენაზე არსებულ ან თარგმნილ წინამორბედებს. თუნდაც იმით, რომ უფრო იურიდიულ მეცნიერებისათვის დამახასიათებელი სისტემითაა გადმოცემული, ვიდრე აქამდე კარგად ცნობილი საეკლესიო სამართლის სახელმძღვანელოები. საერთოდ დავა არახალია, საეკლესიო სამართალი საღვთისმეტყველო მეცნიერებას განეკუთვნება თუ იურიდიულს. ჩვენი აზრით ის ზღვარზე გადის ორივე მეცნიერებისა.

საკითხთა ავტორისეული სისტემატიზირება და ინოვაციები გადმოცემის მეთოდოლოგიაში, შეიძლება სადავოდ მოგვეჩვენოს, მაგრამ მიზანს ნამდვილად აღწევს, ვინაიდან სახელმძღვანელო უფრო პრაქტიკული დანიშნულების ნაშრომს წარმოადგეს, ვიდრე თეორიულს. გასათვალისწინებელია, რომ ნაშრომი უკვე ივანე ჯავახიშვილის სახელობის თბილისის სახელმწიფო უნივერსიტეტის იურიდიულ ფაკულტეტზე აპრობირებული „საეკლესიო სამართლის სილაბუსის“ მიხედვითაა შექმნილი და მოიცავს საეკლესიო სამართლის ძირითად დებულებებს და ინსტიტუტებს. თუმცა, კანონიკურ სამართალში ჩვეულებითი ყოველთვის არ ნიშნავს ტრადიციულს, და ტრადიციული — ზოგად-საეკლესიოს, კანონიკურს. ასეთი არათანადობითი ინტერპრეტაციები ზოგ შემთხვევაში შესამჩნევია. განსაკუთრებით მაშინ, როცა საქმე ადგილობრივ, საქართველოს სამოციქულო მართლმადიდებელი ეკლესიის ზოგიერთ ტრადიციას, დებულებას ან კანონიკური ხასიათის ტექსტის განხილვას ეხება. სასურველი იყო საკითხთა რაობაში მეტი გარკვეულობის შეტანა და ზოგიერთ დებულების ზოგადსაეკლესიო კონტექსტში განხილვა.

ჩვენი აზრით, ეს ნაშრომი უფრო მცდელობაა, მიზანდასახულობაა, ერთი ეტაპია, მომავალში კიდევ უფრო სერიოზული, სამეცნიერო ტექნიკური აპარატით კარგად უზრუნველყოფილი ნიგნის გამოსაცემად. ისიც უნდა შევნიშნოთ, რომ საეკლესიო საკითხებით დაინტერესებულ პირებს, კრიტიკა უფრო გვეხერხება, ვიდრე აკადემიური ოპონირება. და ეს არის კიდევ ჩვენში განათლებულობის ნაკლი.

ნაშრომი განკუთვნილია უმეტესად იურიდიული ფაკულტეტის სტუდენტებისათვის, თუმცა ის ასევე წარმატებით გამოადგება საეკლესიო სამართლის საკითხებით დაინტერესებულ ყველა მამიებელს.

**პატივისცემით,
† დოსითეოსი (ბოგვერაძე)
ბელგიისა და ჰოლანდიის ეპისკოპოსი**

კარი I

**შესავალი საეკლესიო
სამართალში**

თავი 1. საეკლესიო სამართლის არსი

ა) ეკლესიის განმარტება. ეკლესია ბერძნულიდან ითარგმნება, როგორც კრებული და იგი განიმარტება, როგორც ქრისტიანთა კრებული, ქრისტიანთა ერთობა, ქრისტიანთა საზოგადოება, რომლის თავი არის თავად უფალი იესო ქრისტე². ეკლესიას სხვაგვარად უწოდებენ „ღმრთის საზოგადოებას დედამიწაზე“³. საგულისხმოა, რომ ეკლესია, როგორც ღმრთის მორწმუნე ერის ერთობა ან, სხვაგვარად, ღმრთის რჩეული ადამიანების ერთობა, გამოიყენება ძველი აღთქმის ებრაული ტექსტის თარგმანშიც, ე.წ. „სეპტუაგინტაშიც“⁴, ხოლო ქართულად ხსენებული ტერმინი ზოგან ითარგმნება, როგორც „შესაკრებელი“.

დღევანდელი გაგებით ეკლესიას სამი მნიშვნელობა აქვს, რომელიც ქმნის არა სხვაობას ეკლესიის განმარტებისთვის, არამედ წარმოაჩენს იმ სამ ფორმას, რა ფორმითაც ვლინდება ეკლესია თანამედროვე ეპოქაში. პირველი მნიშვნელობა ეკლესიისა ზუსტად ის არის, რაც ზემოთ იქნა განხილული: ერთობა ქრისტიანებისა, რომელიც უხილავად ქმნის მაცხოვრის სხეულს.⁵ მართლმადიდებელი ეკლესია თავს მიიჩნევს პირდაპირ მემკვიდრედ სარწმუნოების სიმბოლოში („მრწამსში“), მე-9 წევრად აღიარებული „ერთი, წმინდა, კათოლიკე და სამოციქულო ეკლესიისა“, ამდენად ეკლესიის ეს პირველი მნიშვნელობა გულისხმობს კათოლიკე, ანუ მსოფლიო ეკლესიას, რომელიც ინახავს, იცავს და აღასრულებს ქრისტეს სჯულს. მეორე მნიშვნელობით ეკლესია არის ორგანიზაციული წარმონაქმნი, რომელიც უმეტეს შემთხვევაში მოიაზრება ამა თუ იმ სახელმწიფოს კანონმდებლობის საფუძველზე შექმნილ ან აღიარებულ იურიდიულ პირად, რომელიც მოქმედებს, უპირველესად, საღმრთო სჯულისა და საეკლესიო სამართლის შესაბამისად, ცხადია, სახელმწიფოს

1 The Pocket Oxford Classical Greek Dictionary, Oxford University Press, 2002, 103 (1)

2 პროტოპრესვიტერი მიხეილ პომა ზანსკი, დოგმატური ლეთისმეტყველება, თბილისი, 2006, 192

3 Prof. Dr. *Panteleimon Rodopoulos*, Metropolitan of Tyrolöb and Serention, *An Overview of Orthodox Canon Law*, 2007, 5

4 იქვე, 4

5 პროტოპრესვიტერი მიხეილ პომა ზანსკი, დასახ. ნაშრომი, იქვე

მიერ დადგენილი კანონების პატივისცემითა და მათი განუხრელი დაცვით. ამის მაგალითად შეგვიძლია დავასახელოთ **საქართველოს ეკლესია, საბერძნეთის ეკლესია, რუმინეთის ეკლესია** და ა.შ. რაც შეეხება ეკლესიის **მესამე მნიშვნელობას**, იგი არის კონკრეტულ ერთ ტაძართან არსებული ქრისტიანების ერთობა, რის გამოც, ხშირად, ამ გაგებით ეკლესია და ტაძარი სინონიმებად გვევლინებიან. მართებული კი უფრო იქნებოდა, რომ ეკლესია (მაგ.: მეტეხის ეკლესია, ანჩისხატის ეკლესია, ვაკის სამების ეკლესია...) ვუნოდოთ და მასში მოვიაზროთ იმ ქრისტიანთა ერთობა, რომელიც ხსენებული ტაძრის მრევლია, ხოლო ნაგებობას ვუნოდოთ — ტაძარი.

ახალი აღთქმის ეკლესიის შექმნის დღედ, მართლმადიდებლური სწავლებით, აღიარებულია სულთმოფენობის დღესასწაული, ანუ დღე ღმრთის ყოვლადნმიდა სულის გარდამოსვლისა.⁶ ვამბობთ „ახალი აღთქმის“ იმდენად, რამდენადაც რაკი ეკლესია „საღმრთო ერის“ ერთობაა, იგი მოიცავს ყველა იმ ადამიანს, ვინც მარადიულად ღმერთთან არის (სასუფეველშია) და დედამიწაზე მცხოვრებ ღმერთთან მყოფ ადამიანებს, ანუ ქრისტიანებს. ამ განმარტებით ეკლესიის წევრია თვით ადამიც, თუმცა არა ახალი აღთქმის პერიოდის. რაც შეეხება ზემოთყვანილ დაყოფას, აღნიშნულს ეფუძნება სწავლება იმის თაობაზე, რომ ეკლესია პირობითად იყოფა ორ — **მებრძოლ და მოზიემე** ეკლესიად,⁷ რომელიც არსობრივად ერთი ეკლესიაა. ამ მხრივ საგულისხმოა აღმოსავლეთის პატრიარქთა ეპისტოლის მე-10 თავი, რომლის დასაწყისშიც ნათლად არის ახსნილი ქრისტიანული სწავლება ეკლესიის ორი სახის და მისი ერთიანობის შესახებ: „გვწამს ისე, როგორც ნამცნები გვაქვს სარწმუნოება, როგორადაც სახელდებულია, როგორცაა ის თავის არსში, ე.ი. გვწამს ნმიდა, მსოფლიო და სამოციქულო ეკლესია, რომელიც აერთიანებს ქრისტეს მორწმუნეებს, ვინც უნდა იყვნენ ისინი, ყველას და ყველგანყოფთ, რომლებიც ამჟამად იმყოფებიან მიწიერ გზაზე და ჯერაც არ დამკვიდრებულან მამისეულ სასუფეველში. მაგრამ ერთმანეთში არ უნდა ავურიოთ და არ უნდა გავაიგივოთ ეკლესია ამქვეყნიური და ეკლესია ზეციური,

6 პროტოპრესვიტერი მიხეილ პომპანსკი, დასახ. ნაშრომი, 10

7 Prof. Dr. *Panteleimon Rodopoulos*, დასახ. ნაშრომი, 6

თუნდაც ისე, როგორც ფიქრობს ზოგიერთი ერეტიკოსი, რომ ერთიც და მეორეც თანაარსებობენ, რომ ისინი შეადგენენ ორ სამწყსოს ერთი და იმავე მწყემსმთავრისა - ღმრთისა, ნათელ-ლებულნი არიან ერთი წმინდა სულით. ამგვარი აღრევა უადგი-ლოა და მეუძღვებელი, რადგან ერთი იბრძვის და გზად იმყოფება ჯერაც. მეორე კი უკვე ზეიმობს გამარჯვებას, რადგან მიაღწია მამულს და მიიღო ჯილდო მსოფლიო ეკლესიის საფერი“.⁸

დაბოლოს, ეკლესიის თვისებანი შეგვიძლია ასე განვმარ-ტოთ:

ეკლესია **ერთია**, ვინაიდან ღმრთის მიმდევრები ერთნი არიან თავიანთი ღმერთის რწმენაში, რაც გამორიცხავს პარალელუ-რად მეორე ეკლესიის არსებობას ანდა ეკლესიის რაიმე არსები-თი ნიშნით დაყოფას;

ეკლესია **წმიდაა**, რადგან იგი მაცხოვრის უხილავი სხეულია, მის მიერ არის დაარსებული და მის მიერ იმართება. წმიდაა მას-ში მყოფი ადამიანებიც, რამეთუ, „თუ პირველნაყოფი... და თუ ფესვი წმიდაა, ასევე --- რტონიც“ (რომ. 11:16). ისინი, მართალია, ცოდვილნი და ცოდვისადმი მიდრეკილნი არიან, მაგრამ განიწ-მინდებიან ეკლესიის მიერ და არიან ტაძარი სულისა წმიდისანი (1 კორ. 6:19);

ეკლესია **კათოლიკეა**,⁹ ვინაიდან იგი არ შემოიფარგლება არც დროით და არც სივრცით. მასში მყოფობენ ადამიანები გა-ჩენის დღიდან, როგორც ხილულად, ისე უხილავად; და

ეკლესია **სამოციქულოა**, რადგან იგი ღმერთმა მოციქულთა მოღვაწეობის შედეგად დაარსდა, მის მიერ მოთხრობილ სჯულს იცავს და მისი სწავლება შენახული აქვს უცვლელად.

საგულისხმოა ისიც, რომ „სარწმუნოების სიმბოლოში აღ-ნიშნული თვისებები: ერთი, წმიდა, კათოლიკე და სამოციქულო - ეხება მებრძოლ ეკლესიას, მაგრამ სრულ დატვირთვას ეს თვი-სებები ზეციური და მიწიერი ეკლესიების ქრისტეს ერთ სხეულ-ში გაერთიანების გაცნობიერებისას იძენს: ეკლესია ერთია ზე-ციურ-მიწიერი ერთობით, წმიდა ზეციური-მიწიერი სინმიდით,

⁸ იხ.: <http://www.orthodoxy.ge/gvllismetkveleba/epistole1.htm>

⁹ „კათოლიკე“ ბერძნულად ნიშნავს „საყოველთაოს“: *The Pocket Oxford Classical Greek Dictionary*, Oxford University Press, 2002, 167 (2)

კათოლიკეა და სამოციქულო თავისი უწყვეტი კავშირით მოციქულებსა და ყველა წმიდანთან".¹⁰

ბ) საეკლესიო სამართალი. რამდენადაც ეკლესია ღმრთის საზოგადოებაა, საეკლესიო სამართალი, ანუ ეკლესიისათვის დადგენილი სამართალი, ღმრთის მიერ ქრისტიანთათვის განწესებული სამართალია. პირველი მცნება, ანუ პირველი კანონი ღმერთმა ადამიანებს ჯერ კიდევ სამოთხეში ყოფნისას დაუწესა: მათ არ უნდა ეჭამათ კეთილისა და ბოროტის შეცნობის ხის ნაყოფი, თორემ მოკვდებოდნენ (დაბ. 2:17). ამ მცნებას დღევანდელი კანონის ფორმაც აქვს: ითვალისწინებს საველდებულოდ შესასრულებელ წესს და სასჯელს მისი დარღვევისათვის. აქედან მოყოლებული ღმერთი, მუდმივ კავშირშია რა მის მიერ შექმნილ ადამიანთან, სხვადასხვა დროსა და ეპოქაში უდგენს მას კანონებს, ჯერ ზეპირი სახით (მაგ.: მამამთავარ აბრაამის მიმართ დადგენილი წესი წინადაცვეთის თაობაზე (დაბ. 17:10-14), რომელიც ითვალისწინებს სასჯელს შეუსრულებლობისთვის -- „უნდა მოიკვეთოს თავის ხალხიდან“ (იქვე) და რომელ წესსაც მოგვიანებით აღასრულებს აბრაამი, ისაკის დაბადების შემდეგ (დაბ. 21:4), ხოლო შემდგომ -- წერილობითი სახით (გამოსვლათა წიგნი, თავები 25-28, მეორე რჯულის წიგნი და ა.შ.).

დღესდღეობით, **საეკლესიო სამართალი არის იმ ნორმათა ერთობლიობა, რომელიც დადგენილია ღმრთის მიერ და აწესრიგებს ადამიანის სულიერი და ხორციელი ცხოვრების იმგვარ საკითხებს, რაც მნიშვნელოვანია მისი სულიერი ცხოვრების კეთილად წარმართვისათვის და საბოლოოდ, მისი ცხოვნებისათვის.**

ეკლესიას არ აქვს განზრახვა, რომ მისი სამართალი მოიცავდეს ცხოვრების ყველა სფეროს და მიმართულებას,¹¹ ვინაიდან:

ა) ცხოვრებისეული მრავალი საკითხია, რომელიც არ არის აუცილებელი მოწესრიგდეს ეკლესიის მიერ: „ხალხიდან ვილაცამ უთხრა: მოძღვარო, უთხარი ჩემ ძმას, რომ გამიყოს სამკვიდრებელი. ხოლო იესომ მიუგო მას: ვინ დამაყენა მე, კაცო, თქვენს მსაჯულად ანდა გამყრელად?“ (ლკ. 12:13-14);

ბ) ეკლესიის თავმა, უფალმა ჩვენმა იესო ქრისტემ თავად გაყო ამქვეყნიური სფეროები მოწესრიგების მხრივ საეკლესიო,

¹⁰ პროტოპრესვიტერი მიხეილ პოპა ზანსკი, დასახ. ნაშრომი, 212

¹¹ პროფ. პანაიოტის ბუმისი, კანონიკური სამართალი, თბილისი, 2007, 12

ანუ საღმრთო სფეროდ და არასაეკლესიო სფეროდ: „გვითხარი: როგორ გგონია, გვმართებს თუ არა ხარკი ვაძლიოთ კეისარს? ... მაშინ უთხრა მათ: მიაგეთ კეისარს კეისარისა, ხოლო ღმერთს — ღმერთისა“ (მთ. 22: 17, 21).

აღსანიშნავია ისიც, რომ მიჯნავენ ტერმინებს „საეკლესიო სამართალი“ და „კანონიკური სამართალი“. მიტროპოლიტ პანტელეიმონის (როდოპულოსი) მოსაზრებით „მართლმადიდებელი კათოლიკე ეკლესიის კანონიკური სამართალი, მკაცრი გაგებით, არის ის კანონები და განწესებები, რაც შედის სჯულისკანონში. ამ თვალსაზრისით კი, კანონიკური სამართალი განსხვავდება საეკლესიო სამართლისგან, რომელშიც მოიაზრება ეკლესიის და სახელმწიფოს მიერ გამოცემული კანონების ერთობლიობა, რომლებიც ანესრიგებენ ეკლესიის ცხოვრებას“.¹² ქართულ რეალობაში საეკლესიო სამართალს და კანონიკურ სამართალს პრაქტიკულად იდენტური მნიშვნელობა აქვს და ისინი სინონიმებად გამოიყენება.

რამდენად შეიძლება ვუნოდოთ საეკლესიო სამართალს საღმრთო ჭეშმარიტება? ქრისტიანული სწავლებით ეკლესიის მოძღვრება, რა თემაზეც არ უნდა იყოს ის, გადმოსცემს საღმრთო სიბრძნეს და არის ყოველგვარი სიმათლის საფუძველი: „ეკლესია ცოცხალი ღმერთისა, ჭეშმარიტების სვეტი და საფუძველი“ (1 ტიმ. 3:15). მართებულად აღნიშნავს პროფ. ბუმისი, რომ „კანონიკური სამართლის წყარო არაა „დაცემული“ კაცის ბუნების თუ ნების, შეზღუდული ადამიანური შემეცნების გამომხატველი, არამედ, იგი მოიცავს ქრისტეს მიერ გაცხადებულ, საღმრთო ჭეშმარიტებას, რაც ავთენტურად დასტურდება სულიწმიდით ეკლესიის მიერ“.¹³

საერო გაგებით თუ შევხედავთ, საეკლესიო სამართალი არის იმგვარი სამართალი, რომელიც მართლმადიდებელ ეკლესიას მიაჩნია ღმრთის მიერ განცხადებულ ნორმათა ერთობლიობად. ეკლესიისთვის არ არის მისი სამართალი იგივე, რაც ეს არის სახელმწიფოსთვის, ვინაიდან ეკლესიას კანონიკური ნორმები ხელთ უპყრია, როგორც მისთვის საღმრთო ნებით მიღებული კანონები და არა შიდა კონსენსუსით დამყარებული სამართ-

12 Prof. Dr. *Panteleimon Rodopoulos*, დასახ. ნაშრომი, 21

13 პროფ. *პანაოტის ბუმისი*, დასახ. ნაშრომი, 10

ლებრივი წესები. ეკლესია საეკლესიო სამართლით ხელმძღვანელობს, როგორც მისი წების გარეშე მიღებული, უცდომელი კანონებით და ამდენად, **საეკლესიო სამართალი შეცვლას არ ექვემდებარება**. შეიძლება ცალკეულ შემთხვევაში შეიცვალოს ცალკეული ნორმა,¹⁴ მაგრამ საეკლესიო სამართლის, როგორც ღმრთის სამართლის შეცვლა დაუშვებელია.

გ) საეკლესიო სამართლის ადგილი სამართლის სისტემაში. ზემოთ აღნიშნული თავისებურებების გააზრების შემდეგ, ბუნებრივია, დაისმება კითხვა, რა ადგილი აქვს საეკლესიო სამართალს სამართლის სისტემაში.

თავდაპირველად უნდა აღინიშნოს, რომ „**საეკლესიო სამართლის მეცნიერება არის იურიდიული, და არა საღმრთისმეტყველო**. თუმცა, რამდენადაც საეკლესიო ორგანიზმის წყობა, მის ძირითად ფარგლებში, განისაზღვრება დოგმატური აღმსარებლობითი სწავლებით, რომელიც შეადგენს ღმრთისმეტყველების საგანს, მითითება ეკლესიის დოგმატურ სწავლებაზე აუცილებელია როგორც წყობის მთლიანი სისტემის, ისე ცალკეული ინსტიტუტების გაგებისათვის“.¹⁵

უმართებულოა საეკლესიო სამართალი მივიჩნიოთ სამართლის ერთ-ერთ დარგად და იგი დავაყენოთ, ვთქვათ, ადმინისტრაციული სამართლის, სამოქალაქო სამართლის ან სისხლის სამართლის პარალელურად, რადგან საეკლესიო სამართალი, როგორც რელიგიური სამართალი, არის **სამართლის სისტემა** და არა სამართლის დარგი. ამ მხრივ, საეკლესიო სამართლის პარალელური სისტემებია რელიგიური სამართლის სხვა სისტემები, როგორებიცაა შარიათი (ისლამური სამართალი), ჰალახა (იუდეური სამართალი) და სხვა და არა ზემომოყვანილი დარგები, ვინაიდან საეკლესიო სამართალს თავად აქვს დარგები, რომლებსაც პირობითად შეგვიძლია ვუნოდოთ ეკლესიის სამოქალაქო სამართალი, ეკლესიის შეცოდებათა (სისხლის) სამართალი. აღსანიშნავია, რომ სწორედ ამგვარი პირობითი სახელწოდებებია გამოყენებული ამ სახელმძღვანელოშიც.

რელიგიურ სამართალს ძველ რომში ეწოდებოდა *ius sa-*

14 ამის შესახებ იხ. ამ კარის მე-3 თავის „დ“ ქვეთავი, 44

15 *Н. Суворовъ, Учебникъ церковнаго права, Москва, 1908, 8*

crum¹⁶ და იგი შეადგენდა საჯარო სამართლის (ius publicum) შემადგენელ ნაწილს.¹⁷ საგულისხმოა, რომ დღესაც, საეკლესიო სამართალი საჯარო სამართლის ნაწილად მიიჩნევენ,¹⁸ ხოლო საქართველოში იგი არის სახელმწიფოს მიერ აღიარებული, საქართველოს სამოციქულო ავტოკეფალური მართლმადიდებელი ეკლესიის მოქმედი სამართალი.¹⁹

საეკლესიო სამართალს დღესდღეობით არ აქვს სახელმწიფოს მოქმედი სამართლის სტატუსი, რამდენადაც მართლმადიდებლობა აღარ არის საქართველოს სახელმწიფო რელიგია. ამავ დროს უნდა აღინიშნოს, რომ საეკლესიო სამართალი დღეს გამოსულია კანონგარეშე სტატუსიდან, რაც მას არაოფიციალურად ჰქონდა სსრ კავშირის პერიოდში და, როგორც ზემოთ აღინიშნა, იგი სახელმწიფოს მხრიდან აღიარებულია, როგორც ეკლესიის მოქმედი სამართალი. შესაბამისად, საეკლესიო სამართალი დღეს მოქმედებს და იგი არეგულირებს საზოგადოებრივი ცხოვრების შემდეგ ნაწილებს:

ა) სასულიერო ცხოვრებას: თავისთავად ცხადია, რომ ეკლესიის, ისევე როგორც ნებისმიერი სხვა რელიგიური კონფესიის ექსკლუზიური უფლებამოსილებაა განსაზღვროს სასულიერო ცხოვრების წესები, დაადგინოს კანონები და მათთვის, ვისაც სწამს ამ მოძღვრების, შეასრულოს მნიშვნელოვანი ფუნქცია არა მხოლოდ სასულიერო, არამედ ხშირ შემთხვევაში საერო ცხოვრების დაგეგმვაშიც კი;

ბ) საოჯახო ურთიერთობებს: ქართველი საზოგადოების ტრადიციულობის გათვალისწინებით, ეკლესიამ მნიშვნელოვანწილად დაიბრუნა საოჯახო ურთიერთობების მომწესრიგებლის სტატუსი და ფუნქცია, რაც მას, უნდა აღინიშნოს, რომ თვით კომუნისტური რეჟიმის პირობებშიც კი რალაც დონეზე შენარჩუნებული ჰქონდა. საგულისხმოა, რომ მოქმედი კანონმდებლობა, კერძოდ, საქართველოს სამოქალაქო კოდექსის მე-2 მუხლის მე-4 ნაწილი და 1332-ე მუხლის პირველი ნაწილი ნებას

16 *მ. გარიშვილი, მ. ხოფერია*, რომის სამართალი, თბილისი, 2013, 23

17 ამის თაობაზე იხ. Prof. Dr. *Panteleimon Rodopoulos*, დასახ. ნაშრომი, 24

18 *გ. ხუბუა*, სამართლის თეორია, თბილისი, 2004, 205

19 თანახმად საქართველოს სახელმწიფოსა და საქართველოს სამოციქულო ავტოკეფალურ მართლმადიდებელ ეკლესიას შორის კონსტიტუციური შეთანხმების პირველი მუხლის მე-3 პუნქტისა.

რთავენ მოქალაქეებს, გამოიყენონ ჩვეულებით დამკვიდრებული წესები, რაც, საკმაოდ ბევრ შემთხვევაში, დანამდვილებით შეიძლება ითქვას, რომ საეკლესიო წესებია. მაგალითისთვის შეიძლება აღინიშნოს ისიც, რომ საქართველოს სამოქალაქო კოდექსის 1120-ე მუხლით დადგენილი ქორწინების დამაბრკოლებელი გარემოებები საზოგადოებრივ ცხოვრებაში ბევრად უფრო განვრცობილია და აქაც, იგი ძირითადად იმეორებს სწორედ რომ საეკლესიო კანონებით დადგენილ ქორწინების დამაბრკოლებელ გარემოებებს, რაც მოიცავს ნათესაობის უფრო ფართო წრეს, სულიერ ნათესაობას და შეზღუდვებს სასულიერო პირებისათვის;

გ) მიცვალებულთან დაკავშირებულ საკითხებს: მორწმუნე ადამიანისათვის გარდაცვალება ცალსახად მისტიკურ სფეროს განეკუთვნება და ასეთ დროს ყველაზე მეტად იჩენს თავს მისი რელიგიური განწყობები. აღნიშნულიდან გამომდინარე, ამ მნიშვნელოვანი თემატიკის მონესრიგებას მთლიანად უზრუნველყოფს ეკლესია მათთვის, ვინც მისი მრევლია და ასეთი სახელმწიფოს მოქალაქეთა ძალიან დიდი უმრავლესობაა. ბოლო პერიოდში, ადამიანის გარდაცვალებისთანავე ჭირისუფალთა მიერ იწყება საეკლესიო კანონთა და განწესებათა მოძიება, რათა ყოველივე შესრულდეს ქრისტიანული ჩვეულებების მიხედვით. ამდენად, საეკლესიო სამართალი არათუ მნიშვნელოვან როლს ასრულებს ადამიანთა ცხოვრებაში, არამედ აუცილებელიცაა მისი მთელი რიგი ნორმების ცოდნა;

დ) ცალკეულ სახელმწიფოებრივ საკითხებს: მიუხედავად იმისა, რომ საქართველოს კონსტიტუციის მე-9 მუხლის თანახმად სახელმწიფო და ეკლესია განცალკევებული არიან, ეკლესია მაინც მნიშვნელოვან როლს ასრულებს მთელი რიგი სახელმწიფოებრივი საკითხების განსაზღვრასა თუ გადაწყვეტაში. მაგალითად, საეკლესიო წესები, რომ ქრისტიანული სახელმწიფოს ეროვნულ დროშაზე გამოსახული უნდა იყოს ჯვარი, რომ პატრიარქი განიხილებოდეს, როგორც ქვეყნის ერთ-ერთი უმაღლესი პირი, რომ საეკლესიო დღესასწაულები აღინიშნებოდეს სახელმწიფო დონეზე და მრავალი სხვა, სათანადოდ არის ასახული საქართველოს შესაბამის საკანონმდებლო და კანონქვემდებარე აქტებში. ყოველივე ზემოთქმულის გათვალისწინებით, შეგვიძლია დავასკვნათ, რომ საეკლესიო სამართალი არის სა-

მართლის სისტემა, რომელიც არის არა სამართლის ისტორიის ნაწილი, არამედ წარმოადგენს მოქმედ სამართალს, რომელიც აწესრიგებს მთელ რიგ მნიშვნელოვან საზოგადოებრივ საკითხებს და გავლენას ახდენს არაერთ სახელმწიფოებრივ სფეროზე.

დ) საეკლესიო სამართლის მიმართება ღმრთისმეტყველებასთან. როგორც ზემოთაღნიშნა, მიუხედავად იმისა, რომ საეკლესიო სამართალი თავად სამართლისმცოდნეობის მეცნიერების ნაწილია, იგი ძალზედ მჭიდროდ არის დაკავშირებული ღმრთისმეტყველებასთან და მისი ბევრი ინსტიტუტი სწორედ რომ საეკლესიო მოძღვრებით განიმარტება.

მშვენიერი შედარება მოჰყავს ამერიკელ მართლმადიდებელ მღვდელს, დოქტორ პატრიკ ვისკუსს საეკლესიო სამართლისა და ღმრთისმეტყველების ურთიერთმიმართების თაობაზე: „კანონიკურ სამართალთან მიმართებით არსებობს ორი ძირითადი შეცდომა. ერთი შეცდომაა კანონთა საღმრთო ბუნების იმდენად გაზვიადება, რომ ისინი ჩაითვალოს ჭეშმარიტების სრულყოფილ გამოხატულებად ნებისმიერ დროში, კონტექსტის მიუხედავად, რაც შეიძლება აღინეროს, როგორც კანონიკური მონოფიზიტობა. მეორე კი არის ღმრთაებრივის ადამიანურისგან გამოყოფა, რაც გულისხმობს მთელი კანონიკური სამართლის ისტორიულად განპირობებულად მიჩნევას და ჭეშმარიტების ფლობის მხოლოდ უზილავი ეკლესიისათვის მიკუთვნებას. ეს შეიძლება დახასიათდეს, როგორც კანონიკური ნესტორიანიზმი.“

ქალკედონიური მიდგომა კი ისაა, რომ მივიჩნიოთ კანონები საღმრთო წყაროდან მომდინარედ, რომლებიც ფლობენ ისტორიულ და ღმრთაებრივ ბუნებას და წარმოადგენენ ჭეშმარიტების განხორციელებას დროითი და ისტორიული გარემოებების გათვალისწინებით”.²⁰

რაც შეეხება საეკლესიო სწავლებას ამ საკითხთან დაკავშირებით, მიღებულია, რომ „დოგმატებად იწოდებოდეს ქრისტიანული სწავლების, სარწმუნოების ჭეშმარიტებანი. რაც შეეხება კანონს, ესა საეკლესიო მოწყობის, მისი მართვის, სახარებისა და სამოციქულო სწავლების ზნეობრივი საფუძვლებიდან გამომდინარე საეკლესიო იერარქიის, მღვდელმსახურთა და თი-

20 Patrick Viscuso, *Orthodox Canon Law, A Casebook for Study*, Brookline, 2006, 4-5

თოეული ქრისტიანის მოვალეობათა განწესი".²¹

მიტროპოლიტი *პანტელეიმონი (როდოპულოსი)* მსჯელობს რა საეკლესიო სამართლისა და თეოლოგიის ურთიერთმიმართების საკითხებზე, აღნიშნავს, რომ საეკლესიო სამართლის სრულად გააზრებისათვის აუცილებელია თეოლოგიის 7 დარგის ცოდნა და გამოყენება, როგორც საეკლესიო კანონების განსამარტად, ისე მათი დებულებებით ხელმძღვანელობისათვის ყოველდღიურ ცხოვრებაში. ეს დარგებია: ეგზეგეზა, ანუ წმინდა წერილის, როგორც საეკლესიო სამართლის უმთავრესი წყაროს განმარტება; ეკლესიის ისტორია, რომელიც უმნიშვნელოვანესია თითოეული საეკლესიო კანონის მიღების წინა პერიოდის გასათვალისწინებლად, რაც ხელს შეუწყობს კანონის მიზნის სრულად გააზრებას; დოგმატიკები, რაც აღწერს ეკლესიის მოძღვრებათა საფუძვლებს და ხელს უწყობს კანონთა გაგებას; ქრისტიანული ეთიკა, რომელიც კანონიკური სამართლის მომიჯნავე დარგია და ერთ მთლიანობას ქმნის მასთან ერთად; პატროლოგია და ქრისტიანული ლიტერატურა; ლიტურგიკა, რომელიც განსაზღვრავს საეკლესიო ცხოვრების მნიშვნელოვან მომენტებს და აუცილებელია მთელი რიგი საეკლესიო დებულებების გააზრებისათვის და სამოძღვრო თეოლოგია, რომელიც განსაზღვრავს საფუძვლებს მწყემსსა და სამწყსოს შორის ურთიერთობებისათვის.²²

დასკვნის სახით უნდა აღინიშნოს, რომ საეკლესიო სამართალი, მართალია, მეცნიერების ცალკე დარგია, მაგრამ იგი იმდენად მჭიდრო კავშირშია ღმრთისმეტყველებასთან, რომ ფართო გაგებით ქმნის ერთობლიობას მასთან, რამდენადაც ისიც, მსგავსად ღმრთისმეტყველებისა, გამოიხატეულია, გამომეტყველია საღმრთო სიბრძნისა.

21 პროტოპრევიტერი *მიხეილ პოპა ზანსკი*, დასახ. ნაშრომი, 5-18

22 Prof. Dr. *Panteleimon Rodopoulos*. დასახ. ნაშრომი, 29

თავი 2. საეკლესიო სამართლის წყაროები

ა) წყაროთა კლასიფიკაცია. საეკლესიო სამართლის წყაროთა განსაზღვრება მჭიდროდ არის დაკავშირებული საეკლესიო სამართლის, როგორც რელიგიური სამართლის სისტემის გააზრებასთან.

რელიგიური სამართლის ნებისმიერი სისტემისათვის დამახასიათებელია რამდენიმე სპეციფიკა, რაც საერო სამართალს არ აქვს. ესენია:

ა) საღმრთო ნება, როგორც უმთავრესი კანონმდებელი: საეკლესიო სამართალში უმთავრესი წყარო სჯულდებისა არის სამპიროვანი და ერთარსება ღმერთის ნება, რომელიც გვევლინება სხვადასხვა ფორმით, მაგრამ იგი ასეთად აღიარებულია ეკლესიის, როგორც თავად ღმერთის ინსტიტუტის მიერ. ამიტომ, ეკლესია ყოველნამს უსმენს და ყურს უგდებს მხოლოდ ამ ნებას;

ბ) უმაღლესი წერილობითი წყარო — წმინდა წერილი: საეკლესიო სამართალშიც, ისევე როგორც იუდეურ და ისლამურ სამართალში, მთავარი წერილობითი წყარო არის წმინდა წერილი. იგი, ცნობილია, რომ თავის მხრივ, არ არის იურიდიული დოკუმენტი, რის გამოც აუცილებელი ხდება მისი განმარტება და სხვა კანონებში თუ განწესებებში ასახვა;

გ) რწმენა იმპეცნიური სამყაროსი: ეს რწმენა არ არის მხოლოდ პირადი რელიგიური აღქმადობის ნაწილი. იმპეცნიური სამყაროს რწმენა არეკლილია საეკლესიო სამართალშიც და მას ეფუძნება „საღმრთო მსჯავრის“, „იმპეცნიური მისაგებლის“, „გარდაცვლილის წმინდად შერაცხვის“, „სიკვდილის შემდეგ ანათემის“ და სხვა მსგავსი ინსტიტუტი, რაც მოითხოვს რწმენას იმისა, რომ ფიზიკური გარდაცვალების შემდეგ ადამიანის სული აგრძელებს მარადიულ არსებობას.

საეკლესიო სამართლის წყაროები გადმოცემის ფორმის მხრივ იყოფა წერილობით და დაუნერულ, ხოლო მნიშვნელობის მხრივ ძირითად და მეორეულ წყაროებად.

წერილობითია საეკლესიო სამართლის წყაროთა უმრავლესობა. წმინდა წერილს, მოციქულთა და კრებათა კანონებს, ეპისტოლარულ კანონებს და კანონთა კრებულებს ვუნოდებთ წერილობით წყაროებს, ხოლო საეკლესიო გარდამოცემას — დაუნერულ წყაროს.

რაც შეეხება მნიშვნელობას, წმინდა წერილს და დიდ სჯულ-ლისკანონში შემავალ წყაროებს ეწოდება საეკლესიო სამართლის ძირითადი წყაროები, ხოლო დიდი სჯულისკანონის მიღმა არსებულ, ცალკეული საეკლესიო მოღვაწეების კანონებს, ადგილობრივი კრებების განჩინებებს, სხვადასხვა საეკლესიო კრებულებს — ეწოდება მეორეული წყაროები.²³

ბ) წმინდა წერილი. წმინდა წერილი, იგივე ბიბლია²⁴ არის ქრისტიანული სარწმუნოების მთავარი წერილობითი ძეგლი, ქრისტიანული სარწმუნოების დოგმატური მოძღვრების საფუძველი და საეკლესიო სამართლის მთავარი წყარო. „წმინდა წერილში იგულისხმება ღვთიესულიერი წიგნები, რომლებიც წმინდა წინასწარმეტყველთა და მოციქულთა მიერ სულიწმიდის კარნახით დაიწერა“, აღნიშნულია პროტოპრესვიტერ *მიხეილ პომპაზანსკის* „დოგმატურ ღმრთისმეტყველებაში“.²⁵

ეკლესიისთვის წმინდა წერილი არის უმაღლესი წიგნი სჯულდებისა, კანონიკისა და მოძღვრებისა. იმის მიუხედავად, რომ ბიბლია არ შექმნილა, როგორც საეკლესიო საკანონმდებლო ძეგლი, მას ეკლესია იყენებს არა მხოლოდ როგორც საეკლესიო სამართლის საფუძველსა და წყაროს, არამედ როგორც ეკლესიისთვის მოქმედი წესების კრებულს. „ეკლესია, როგორც წმინდა წერილის ავთენტური განმმარტებელი, მისგან ქმნის საეკლესიო კანონმდებლობის პრინციპებს. წმინდა წერილის ის აკრძალვები, რომლებიც ეხება რწმენის ფუნდამენტურ ჭეშმარიტებებს და საეკლესიო მმართველობას, მუდამ მიღებულია ეკლესიის მიერ, რომელიც მათ, როგორც კანონებს, ინახავს აბსოლუტური ძალმოსილებით“.²⁶

წმინდა წერილის წიგნებს, რომლებიც ეკლესიის მიერ შეწყნარებულია, როგორც საღმრთო ნებით გარდამოვლენილი წიგნები, სხვაგვარად **კანონიკურ წიგნებს** უწოდებენ. კანონიკური წიგნები მათ ეწოდებათ იმის გამო, რომ ეკლესიამ განიხილა რა საღმრთოდ ნოდებული ყველა წიგნი, მათგან ისინი, რომლებიც

23 აღნიშნულის თაობაზე იხ. *პანაიოტის ბუმისი*, დასახ. ნაშრომი, 27-28 და Prof. Dr. *Panteleimon Rodopoulos*, დასახ. ნაშრომი, 31-34

24 ბერძნულად ნიშნავს „წიგნებს“.

25 პროტოპრესვიტერი *მიხეილ პომპაზანსკი*, დასახ. ნაშრომი, 10

26 Prof. Dr. *Panteleimon Rodopoulos*, დასახ. ნაშრომი, 35

მიიჩნია უცდომლად, შეურყენელად და საღმრთო ჭეშმარიტების სრულად გადმომცემად, დაამტკიცა საეკლესიო კანონებით, ორჯერ: მოციქულთა 85-ე და მეხუთე-მეექვსე მსოფლიო კრების მე-2 კანონებით.

ზემოაღნიშულის განხილვის შემდეგ უნდა აღინიშნოს, რომ წმინდა წერილი შედგება ორი მთავარი ნაწილისგან — ძველი და ახალი აღთქმისაგან. უნდა აღინიშნოს, რომ ქრისტიანთა ბიბლიის მხოლოდ პირველ ნაწილს, რომელსაც ჩვენ „ძველ აღთქმას“ ვუწოდებთ, თავის წმინდა წერილად აღიარებს იუდეური სარწმუნოება და მას „თანახი“ ეწოდება.²⁷

თუ ახალ აღთქმაში ცალსახად არის აღიარებული, რომ სულ 27 ნიგნი შედის, ამას ვერ ვიტყვით ძველ აღთქმაზე. იუდეური ტრადიციით აღიარებულია, რომ თანახში, ანუ ძველ აღთქმაში შედის 22 ნიგნი, რაც პირობითად აღებულია ებრაული ანბანის ასოთა რაოდენობით.²⁸ რაც შეეხება ქრისტიანულ ტრადიციას, ბერძნული ეკლესია აღიარებს ძველი აღთქმის 45 ნიგნს,²⁹ სლავური ეკლესიები — 50 ნიგნს,³⁰ ხოლო საქართველოს სამოციქულო მართლმადიდებელი ეკლესია აღიარებს 51 ნიგნს, დამატებით მეოთხე მაკაბელთა ნიგნს.³¹ თუმცა, საგულისხმოა, რომ ყველა ადგილობრივი მართლმადიდებელი კანონიკურად მიიჩნევს მოციქულთა კანონებში მითითებულ 45 ნიგნს.

ძველი და ახალი აღთქმის ნიგნები პირობითად იყოფა 4 კატეგორიად: სჯულის ნიგნები, ისტორიული ნიგნები, სამოძღვრო ნიგნები და წინასწარმეტყველთა ნიგნები.

სჯულის ნიგნებს ძველი აღთქმიდან განეკუთვნება ე.წ. მოსეს ხუთნიგნეული (იუდეური თორა), ანუ დაბადების, გამოსვლათა, ლევიანთა, რიცხვთა და მეორე სჯულის ნიგნები, ხოლო ახალი აღთქმიდან — 4 სახარება (მათესი, მარკოზის, ლუკასი და იოანესი).

27 „თანახი“ არის ძველი აღთქმის ნიგნების სამი კატეგორიის ინიციალებით შედგენილი სიტყვა: თ-ნ-ხ — თორა (სჯული), ნევიმ (წინასწარმეტყველნი), ქ(ხ)ეტუვიმ (წერილნი).

28 პროტოპრესვიტერი მიხეილ პოპა ზანსკი, დასახ. ნაშრომი, 10

29 პანაოტის ბუმისი, დასახ. ნაშრომი, 29

30 Протоиерей Владислав Цыпин, Курс церковного права, Учебное пособие, Клин, 2002, 50

31 ბიბლია, 2013, 754-767

ისტორიული წიგნები ძველ აღთქმაში ბევრია (ისუ ნავესი, მსაჯულთა, 4 მეფეთა...), ხოლო ახალ აღთქმაში მხოლოდ ერთი — მოციქულთა საქმეები.

სამოდერო წიგნებს ძველ აღთქმაში კმნიან იგავთა, ეკლესიასტე, ქებათა ქება, სიბრძნე სოლომონისა და სხვა წიგნები, ხოლო ახალ აღთქმაში — იაკობის, პეტრეს, იოანეს და იუდას კათოლიკე ეპისტოლეები და პავლე მოციქულის ეპისტოლეები ცალკეული ქალაქებისა და მონაფეების მიმართ.

რაც შეეხება, **წინასწარმეტყველთა წიგნებს**, ძველ აღთქმაში აღნიშნული წიგნებიც მრავლადაა (ესაიას, იერემიას, მალქაიას, ზაქარიას, ეზეკიელის, დანიელის), ხოლო ახალ აღთქმაში მხოლოდ ერთი წიგნია ამგვარი — გამოცხადება (აპოკალიფსი) იოანესი.

„ძველი აღთქმისა და ახალი აღთქმის წიგნთა ავტორიტეტი ქრისტეს ეკლესიაში ერთგვაროვანი არ არის“.³² მათი მიზანი არ ყოფილა ერთი და იგივე. ქრისტიანული რწმენა მიიჩნევს, რომ ძველი აღთქმა იყო მზადება ებრაელი ერისა აღთქმული მესიის, იესო ქრისტეს მისაღებად, ხოლო ახალი აღთქმა არის ღმრთის მიერ მოცემული ბოლო აღთქმა, საყოველთაო აღთქმა, რომელიც მოწოდებულია ყველა ერისათვის დროის და გეოგრაფიული არეალის მიუხედავად. ძველი აღთქმა და ახალი აღთქმა ერთმანეთს არ ეწინააღმდეგება. როგორც ნეტარი ავგუსტინე მართებულად აღნიშნავს „ახალი აღთქმა დაფარულია ძველში, ხოლო ძველი აღთქმა იხსნება ახალში“.³³ აუცილებელია აღინიშნოს მაცხოვრის სიტყვები: „ნუ გგონიათ, თითქოს მოვედი სჯულის, გინდა წინასწარმეტყველთა გასაუქმებლად. გასაუქმებლად კი არ მოვედი, არამედ აღსასრულებლად“ (მთ. 5:17). მნიშვნელოვანია ის ცვლილებებიც ძველ აღთქმაში, რაც მოსდევს მაცხოვრის ამ სიტყვებს და რომლითაც, მართლაც, არათუ უქმდება ძველ აღთქმაში მოცემული კანონი, არამედ პირიქით, უფრო მეტად სიღრმისეულად მოითხოვს მათ დაცვას და ვრცელდება ადამიანის ცხოვრების უფრო ფართო ნაწილზე. ქვემოთ მოყვანილ ციტატებში ჯერ მოხსენიებულია ძველი აღთქმის კანონი, ხოლო მას მოსდევს ახალი აღთქმის მიერ დადგენილი ახალი წესი:

³² Протоиерей *Владислав Цыпин*, დასახ. ნაშრომი, 50

³³ ციტატა წიგნიდან: Протоиерей *Владислав Цыпин*, დასახ. ნაშრომი, იქვე

„თქვენ გსმენიათ წინაპართა მიმართ თქმული: არა კაც ჰკლა; ხოლო ვინც მოჰკლავს სამართალში უნდა მიეცეს.

მე კი გეუბნებით თქვენ: ვინც უმიზეზოდ ურისხდება თავის ძმას, სამართალში უნდა მიეცეს; ხოლო ვინც ეტყვის თავის ძმას: რაკა, სინედრიონს უნდა წარუდგეს; და ვინც ეტყვის თავის ძმას: შლეგო, ცეცხლის გეენაში ჩავარდეს“ (მთ. 5:21-22);

„თქვენ გსმენიათ წინაპართა მიმართ თქმული: არა იმრუშო.

ხოლო მე გეუბნებით თქვენ: ყველამ, ვინც ნდომით შეხება ქალს, უკვე იმრუშა მასთან საკუთარ გულში“ (მთ. 5:27-28);

„ესეცა თქმულა: ვინც გაუშვებს თავის ცოლს, უნდა მისცეს გაყრის წერილი.

ხოლო მე გეუბნებით თქვენ: ვინც გაუშვებს თავის ცოლს სიძვის მიზეზის გარეშე, ამრუშებს მას, და ვინც განაშვებს შეერთავს, მრუშობს“ (მთ. 5:31-32);

„კვლავაც გსმენიათ წინაპართა მიმართ თქმული: ნუ დაიფიცავ ცყუილად, არამედ შეუსრულე უფალს შენი ფიცი.

ხოლო მე გეუბნებით თქვენ: სულაც ნუ დაიფიცავ: ნურც ცას, ვინაიდან ღმერთის ტახტია; ნურც მიწას, ვინაიდან მისი ტერფების კვარცხლბეკია; ნურც იერუსალიმს, ვინაიდან დიდი მეუფის ქალაქია. ნურც შენს თავს დაიფიცავ, ვინაიდან არ შეგიძლია არც ერთი ღერი თმის გათეთრება ან გაშავება. არამედ თქვენი სიტყვა იყოს: ჰო, ჰო; და - არა, არა; ვინაიდან რაც ამაზე მეტია, ბოროტისმიერია (მთ. 5:33-37);

„თქვენ გსმენიათ, რომ თქმულა: თვალი თვალისა წილ და კბილი კბილისა წილ.

ხოლო მე გეუბნებით თქვენ: ნუ აღუდგებით წინ ბოროტს: არამედ ვინც შემოგკრას მარჯვენა ყვრიმალში, მეორეც მიუშვირე მას. და თუ ვინმეს სურს გიჩვილოს და წაგართვას შენი პერანგი, მიეცი მას მოსასხამიც (მთ. 5:38-40);

„თქვენ გსმენიათ, რომ თქმულა: გიყვარდეს მოყვასი შენი და გძულდეს მტერი შენი.

ხოლო მე გეუბნებით თქვენ: გიყვარდით თქვენი მტერნი; და-ლოცეთ თქვენი მანყევარნი; კეთილი უყავით თქვენს მოძულეთ და ილოცეთ თქვენსავე მდევნელთა და შეურაცხმყოფელთათვის. რათა იყოს თქვენი ზეციერი მამისა, ვისაც თავისი მზე ამოჰყავს კეთილთა და ბოროტთათვის და წვიმას უგზავნის მარ-

თალთაც და უსამართლოთაც (მთ. 5:43-45).

გ) წმინდა გარდამოცემა. საეკლესიო სამართლის წყაროთა კლასიფიკაციისას ცალკე ფორმად აღინიშნა ე.წ. დაუნერეული წყაროები. როგორც მოყვანილი ციტატიდან ირკვევა, დაუნერეული სჯული დანერილ სჯულზე ძველია. „მამ ასე, ძმებო, მტკიცედ იდექით და გეპყრათ გადმოცემები, რომლებიც გისწავლიათ ჩვენი სიტყვით თუ წერილით“ (2 თეს. 2:15), ბრძანებს პავლე მოციქული და ამით სავალდებულოდ აცხადებს როგორც წმინდა წერილს, ისე წმინდა გარდამოცემას და მეტიც, გარდამოცემას (სიტყვას) წერილზე წინ ასახელებს. ამდენად, საეკლესიო სამართლის წყაროთა იერარქიაში წმინდა წერილს და წმინდა გარდამოცემას ერთად უკავიათ პირველი ადგილი.

მე-7 მსოფლიო საეკლესიო კრების დოგმატი წმინდა გარდამოცემას შემდეგნაირად აღიარებს: „ვიცავთ წერილობით ან დაუნერლად ჩვენთვის დადგენილ, არა ახალშემოსულ საეკლესიო გადმოცემებს“,³⁴ რითიც ეკლესია აღიარებს არა ახლად მოგონილ ან შემუშავებულ გარდამოცემას, არამედ იმას, რაც ძველია და მოციქულთაგან მომდინარეობს.

საგულისხმოა ბასილი დიდის ეპისტოლე ნეტარი ამფილოქესადმი, კერძოდ ოცდამეშვიდე თავი „სულიწმიდის შესახებ“, სადაც წმინდა მღვდელმთავარი ჩვეული მჭევრმეტყველებით აღწერს გარდამოცემის მნიშვნელობას ეკლესიისათვის: „ეკლესიის მიერ მიღებულ დოგმატებსა და ქადაგებათაგან ზოგი წერილობითი მითითების სახით, ზოგიერთი კი მოციქულთა გადმოცემიდან საიდუმლო მემკვიდრეობით მივიღეთ. ორივეს ღვთისმსახურების თანაბარი ძალა აქვს. ამას ვერავინ შეენინაღმდეგება, თვით საეკლესიო დადგენილებებში ნაკლებად განსწავლულიც კი. რადგანაც, თუ თითქოსდა ნაკლებმნიშვნელოვან დაუნერულ ჩვეულებათა უარყოფას გავბედავთ, ამით უეჭველად შევბღალავთ სახარებაში ყველაზე მთავარს. მეტიც, სამოციქულო ქადაგებებიდან უშინაარსო, ცარიელი სახელი დაგვრჩება. მაგალითად, ჯერ გავიხსენოთ პირველი და ყველასთვის საერთო: ვინ გვასწავლა წმიდა წერილში, რომ უფალი ჩვენი იესო ქრისტეს სახელზე მვედრებელნი პირჯვარს უნდა იწერდნენ? რომელი წმიდა წერილი გვასწავლის, რომ ლოცვის დროს

³⁴ დიდი სჯულისკანონი, რედ. ექვთიმე კოჭლამაზაშვილი, თბილისი, 2009, 8

პირი აღმოსავლეთისაკენ ვიბრუნოთ? რომელმა წმიდანმა დაგვიტოვა წერილობით მოხმობის სიტყვები ევექარისტიული პურის და სასმელის კურთხევისას?! ჩვენ არ ვკმაყოფილდებით იმ სიტყვებით, რომლებიც სახარებასა და სამოციქულოშია ნახსენები. მანამდეც და შემდგომაც წარმოვთქვამთ დაუნერვლი სწავლებიდან მიღებულ სიტყვებსაც, რომელთაც საიდუმლოთა აღსრულებაში დიდი ძალა აქვთ. ასევე - რომელი წმიდა წერილით ვაკურთხებთ წყალს, საცხებ ზეთს ან თვით მოსანათლავ ადამიანს?! განა დაფარული და საიდუმლო გადმოცემით არა?! კიდევ რა - რომელმა დანერილმა სიტყვამ გვასწავლა ზეთისცხება, საიდან მოდის ნათლობასთან დაკავშირებული სამჯერ შთაფლვა წყალში ადამიანისა, რომელი წერილიდან იქნა აღებული სატანასა და მისი ანგელოზების განგდება და სხვა?! იმ საჯაროდ ართქმული და დაფარული სწავლებიდან ხომ არა, რომელიც ჩვენმა მამებმა უსიტყვოდ, ცნობისმოყვარეთაგან მიუწვდომლად შეინახეს?! ისინი საფუძვლიანად იყვნენ მომზადებულნი, დუმილით დაეცვათ საიდუმლოთა სინმიდე. სხვანაირად რა უნესობა იქნებოდა, წერილობით განეცხადებინათ სწავლება მასზედ, რისი შეხედვის ნებაც არ ჰქონდათ უნათლავთ?!³⁵

წმინდა გარდამოცემის უმრავლესი ნაწილი დღეს უკვე წერილობით გვაქვს, მსოფლიო საეკლესიო კრებათა მიერ მიღებული დოგმატებისა და კანონების, აგრეთვე ეკლესიის ცნობილი მოღვაწეების ნაწერების სახით, თუმცა აღნიშნული არ აკნინებს მის განუზომელ მნიშვნელობას და მის თანასწორ სტატუსს წმინდა წერილთან.³⁶

დ) მოციქულთა კანონები. მართლმადიდებელი ეკლესია აღიარებს მოციქულთა 85 კანონს. მოციქულთა აღნიშნული კანონების ავტორები თავად მოციქულები არ არიან,³⁷ თუმცა ეკლესიას ისინი ხელთ უპყრია, როგორც მოციქულთა მიერ შექმნილი კანონები და მათ შესაბამის პატივს მიაგებს. მეხუთე-მექვსე მსოფლიო კრების მე-2 კანონში აღნიშნულია: „ფრიად კეთილად და ყოვლად სასწრაფოდ ადგენს ეს წმინდა კრება, რათა

35 ციტატა ნიგნიდან: პროტოპრესვიტერი მიხეილ პომა ზანსკი, დასახ. ნაშრომი, 13-14, იხ. აგრეთვე, დიდი სჯულის კანონი, 390-391

36 Prof. Dr. *Panteleimon Rodopoulos*, დასახ. ნაშრომი, 37

37 Prof. Dr. *Panteleimon Rodopoulos*, დასახ. ნაშრომი, 40

ამიერიდან მტკიცედ და შეუცვლელად დარჩეს ჩვენი სულისა და ვნებათა საკურნებლად ჩვენს წინამორბედ წმინდა და ნეტარ მამათა მიერ შეწყნარებული და ჩვენთვის **მოციქულთა სახელით მოცემული** ოთხმოცდახუთი კანონი“.³⁸

არსებობს არაერთი მოსაზრება მოციქულთა კანონების ავტორთან დაკავშირებით. თუმცა, იმის მიუხედავად, რომ ისინი უშუალოდ მაცხოვრის მონაფეთა ხელით არ დანერილა, „ძველთაგანვე მოციქულთა კანონები განიხილებოდა როგორც სამოციქულო გადმოცემის ნაწილი. მისით დღესაც იწყება მართლმადიდებელი ეკლესიის კანონიკური კოდექსი“.³⁹

მოციქულთა კანონებით განსაზღვრულია: ნათლობის შესრულების წესი (49-ე კანონი), საეკლესიო ხელისუფლების პატივგება (34-ე კანონი), სამღვდელო პირთა ხელდასხმის წესი (1-ლი და მე-2 კანონები), ეშმაკეულთა და წარმართობიდან ახლადმოქცეულთა თავისებურებანი (79-ე და მე-80 კანონები), ეკლესიისა და სახელმწიფოს ურთიერთობათა ფარგლები (30-ე და 84-ე კანონები), საღმრთო წირვის შესრულების წესი (მე-3, მე-4 და 71-ე კანონები), სასამართლო-საპროცესო ნორმები (74-ე და 75-ე) და მრავალი სხვა. მოციქულთა კანონები შედის მართლმადიდებელი ეკლესიის ყველა კანონიკურ კრებულში.

ე) მსოფლიო საეკლესიო კრებათა კანონები. დოგმატური ღმრთისმეტყველებით აღიარებულია, რომ „ეკლესიის უზენაესი სახელისუფლო ორგანო და ავტორიტეტი არის ეპისკოპოსთა კრება: ადგილობრივ ეკლესიაში იგი ადგილობრივი ეპისკოპოსებისაგან დგება, ხოლო **მსოფლიო საეკლესიო კრებებში** მთელი ეკლესიის ეპისკოპოსები მონაწილეობენ“.⁴⁰ მაშასადამე, მსოფლიო საეკლესიო კრება არის ეკლესიის უზენაესი და უმაღლესი ხელისუფლება.

მსოფლიო კრება არის „ეკლესიის ეპისკოპოსთა თავყრილობა ერთ ადგილას, საიმისოდ, რომ იბჭონ და მიიღონ საერთო გადაწყვეტილება იმგვარ საკითხებზე, რომლებიც ეხება ეკლესიის სისავსეს“.⁴¹

38 დიდი სჯულისკანონი, 235

39 Протоиерей Владислав Цыпин, დასახ. ნაშრომი, 50

40 პროტოპრესვიტერი მიხეილ პომპაზანსკი, დასახ. ნაშრომი, 222

41 Prof. Dr. *Panteleimon Rodopoulos*, დასახ. ნაშრომი, 136

იმისათვის, რომ საეკლესიო კრება აღიარებულ იქნეს მსოფლიო კრებად, აუცილებელია, რომ არსებობდეს მსოფლიო კრების **გარეგნული და შინაგანი ნიშნები**.⁴² მსოფლიო კრებისთვის **გარეგნული ნიშნებია**:

ა) მსოფლიო კრებაში მონაწილეობა უნდა მიიღოს მართლმადიდებელი ეკლესიის **ყველა მღვდელმთავარმა**, ხოლო თუ ეს არ ხერხდება, მაშინ მათ უნდა წარადგინონ თავიანთი მოსაზრებები ყველა განსახილველ საკითხზე;

ბ) კრებაზე მონაწილეთა **რაოდენობა** არსებითი არ არის. მთავარია ეკლესიის სრული სისავსის მონაწილეობა;

გ) კრებაზე მიღებული გადაწყვეტილებები უნდა **აღიაროს** ყველა ადგილობრივმა ეკლესიამ.

რაც შეეხება **შინაგან** ნიშნებს, ესენია:

ა) კრებაზე განხილულ უნდა იქნეს **საყოველთაო-საქრისტიანო საკითხები**;

ბ) კრების გადაწყვეტილება უნდა **შეესაბამებოდეს** წმინდა წერილს და წმინდა გარდამოცემას.⁴³

ყოველივე ზემოაღნიშნულის გათვალისწინებით და შემდეგ, მიიჩნევა, რომ „მსოფლიო კრების დადგენილებანი უცდომელია და მოიცავენ უზენაეს ძალმოსილებას, რადგანაც გამოხატავენ ქრისტიანული ეკლესიის უცდომელობას „რომელ არს ეკლესიაი ღმრთისა ცხოველისაი, სუეტი და სიმტკიცე ჭეშმარიტებისაი“ (1 ტიმ. 3:15).⁴⁴ მათ ავტორიტეს მსოფლიო კრებები „იხვეჭენ თვით ღმრთაებრივი სამართლით“ და არ საჭიროებენ საკუთარ დადგენილებათა დამონმებას ნებისმიერი საეკლესიო ხელისუფალის ან სახელმწიფო მმართველის მიერ“.⁴⁵

მართლმადიდებელი ეკლესია აღიარებს **შვიდ მსოფლიო საეკლესიო კრებას**.

პირველი მსოფლიო საეკლესიო კრება მოწვეულ იქნა 325 წელს, ქ. ნიკეაში. მასში მონაწილეობა მიიღო 318-მა ეპისკოპოსმა. კრების მთავარი განსახილველი საკითხი იყო „მივიჩნიოთ თუ

42 პანაოტის ბუმისი, დასახ. ნაშრომი, 136-137

43 პანაოტის ბუმისი, დასახ. ნაშრომი, 146-147

44 ციტატა ახალქართულად: „რომელიც არის ეკლესია ცოცხალი ღმრთისა, ჭეშმარიტების სვეტი და საფუძველი“

45 პანაოტის ბუმისი, დასახ. ნაშრომი, 149

არა ძე ღმრთისა ღმერთად, რომელიც თანასწორი იქნება მამა ღმრთისა, თუ ვალიაროთ იგი ქმნილებათა შორის სრულყოფილად ან კიდევ მივიჩნიოთ ღმერთად, მაგრამ ღირსებით არა თანასწორად მამისა".⁴⁶ პირველ მსოფლიო კრებაზე მიღებულ იქნა სულ 20 კანონი.

მეორე მსოფლიო საეკლესიო კრება გაიმართა კონსტანტინოპოლში, 381 წელს. კრებაში მონაწილეობდა 150 ეპისკოპოსი. მსოფლიო კრებამ განიხილა *მაკედონიოს კონსტანტინოპოლის მწვალებლობა* იმის თაობაზე, რომ თითქოს სულიწმიდა არის არა ერთარსება სამპიროვანი ღმრთის მესამე პირი, არამედ ღმრთის ქმნილება.⁴⁷ მსოფლიო კრებამ მიიღო **სარწმუნოების სიმბოლოს** („მრწამსის“) საბოლოო რედაქცია, რომელსაც დღესაც იყენებს ყოველდღიურად მართლმადიდებელი ეკლესია. კრებაზე აგრეთვე მიღებულ იქნა 7 კანონი. მათგან მნიშვნელოვანია მე-6 კანონი, რომელიც ადგენს საპროცესო ნორმებს საქმის აღძვრისა და განხილვისათვის.⁴⁸

მესამე მსოფლიო საეკლესიო კრება მოწვეულ იქნა 431 წელს, ქ. ეფესოში და იგი განიხილავდა *ნესტორის სწავლებას* იმის თაობაზე, რომ ქრისტეში განყოფილი იყო ღმრთაებრივი და ადამიანური არსება და იგი იყო არა ორბუნებოვანი, მაგრამ ერთი არსება, არამედ — ორი. კრებაში მონაწილე 200-მა ეპისკოპოსმა მიიღო ე.წ. 12 ანათემა *ნესტორის* მიმართ და 8 კანონი.⁴⁹

მეოთხე მსოფლიო საეკლესიო კრება მოწვეულ იქნა ქ. ქალკედონში, 451 წელს. მასში მონაწილეობდა 650 მამა. კრების მთავარი განსახილველი თემა იყო მონოფიზიტობის ერესი, რომელიც აღიარებდა ქრისტეში მხოლოდ ერთ ბუნებას: „ღმრთის სიტყვის განხორციელების შემდეგ მე თაყვანს ვცემ ერთ ბუნებას, განხორციელებული და განკაცებული ღმრთის ბუნებას“, ანუ „ვალარებ, რომ უფალი ჩვენი შეერთებამდე ორი ბუნებისგან შედგება, შეერთების შემდეგ კი ერთ ბუნებას ვალარებ“.⁵⁰

46 მსოფლიო საეკლესიო კრებები. დოგმატური ღმრთისმეტყველება, შეადგ. გრიგოლ რუხაძემ, თბილისი, 2004, 6

47 Prof. Dr. *Panteleimon Rodopoulos*, დასახ. ნაშრომი, 43

48 იხ. დიდი სჯულისკანონი, 106-107

49 Prof. Dr. *Panteleimon Rodopoulos*, დასახ. ნაშრომი, 44

50 მსოფლიო საეკლესიო კრებები. დოგმატური ღმრთისმეტყველება, 23

ასე გადმოიცემა მოკლედ ის სწავლება, რაც *ეკტიქიმ* შეიმუშავა და რასაც მონოფიზიტობა ეწოდება. ქალკედონის კრებაზე მიღებულ იქნა 30 კანონი. საგულისხმოა, რომ რომის ეკლესიამ არ მიიღო კრების 28-ე კანონი, რომელიც ადგენდა კონსტანტინოპოლის საყდრის თანასწორ პატივს რომის ეკლესიასთან.⁵¹

მეხუთე მსოფლიო საეკლესიო კრება მოწვეულ იქნა ქ. კონსტანტინოპოლში, 553 წელს. ამ კრებაზე განხილულ იქნა სამი გარდაცვლილი მღვდელმთავრის *თეოდორე მოპსუესტელის*, *თეოდორიტი კვირელის* და *იბა ედესელის* თხზულებები. მეხუთე მსოფლიო საეკლესიო კრებაში მონაწილეობდა 165 ეპისკოპოსი. კრებამ თეოდორე მწვალებლად მიიჩნია და ანათემაზე გადასცა, ხოლო დანარჩენი ორი — გაამართლა. კრებას კანონები არ მიუღია.⁵²

მეექვსე მსოფლიო საეკლესიო კრებაც კონსტანტინოპოლში შედგა, 680 წელს. კრებაში 153 ეპისკოპოსი მონაწილეობდა და იგი თითქმის 1 წელიწადს გაგრძელდა. კრების ძირითადი განსახილველი საკითხი იყო მონოთელიტობის ერესი, რომელიც მონოფიზიტობის ნიადაგზე ჩამოყალიბდა და გულისხმობდა უფალ იესო ქრისტეში არა ორი ნების, არამედ ერთი ნების არსებობას.⁵³ საგულისხმოა, რომ არც მეექვსე მსოფლიო კრებას მიუღია კანონები.

ადმინისტრაციულ-კანონიკური საკითხების გადაჭრის მიზნით, ამ კრებიდან 10 წლის შემდეგ მოწვეულ იქნა კრება, რომელიც არა მეშვიდე, არამედ **მეხუთე-მეექვსე**, ან სხვაგვარად **ტრულის** კრების სახელით არის ცნობილი და მასზე მიღებულ იქნა 102 კანონი,⁵⁴ რითიც შეივსო მეხუთე და მეექვსე მსოფლიო კრებებზე არსებული კანონიკური დანაკლისი. სწორედ ამის გამო აქვს ამ კრებას ზემოხსენებული სახელწოდებაც. საინტერესოა ის, რომ რომის ეკლესიამ არ მიიღო ამ კრების გადაწყვეტილება, დაქორწინებული პირების ხელდასხმის შესახებ და იგი დღემდე იცავს ე.წ. „ცელიბატის“ წესს, ანუ სასულიერო პირად

51 Prof. Dr. *Panteleimon Rodopoulos*, დასახ. ნაშრომი, 45

52 მსოფლიო საეკლესიო კრებები. დოგმატური ღმრთისმეტყველება, 45

53 იქვე, 52

54 Prof. Dr. *Panteleimon Rodopoulos*, დასახ. ნაშრომი, 46

ხელს ასხამს მხოლოდ ქორწინებაში არმყოფ მამაკაცს.⁵⁵

ბოლო, **მეშვიდე** მსოფლიო საეკლესიო კრება გაიმართა ქ. ნიკეაში, 787 წელს. ამ კრების განსახილველი მთავარი დოგმატური საკითხი იყო ხატმებრძოლობა, რომელიც აღმოსავლეთის ქრისტიანებაში განსაკუთრებულად მძვინვარებდა 741-775 წწ.⁵⁶ საეკლესიო კრებაში მონაწილეობდა 307 ეპისკოპოსი და კრებამ მიიღო დოგმატი „ხატთა თაყვანისცემის შესახებ“. ამავე კრებაზე მიღებულ იქნა 22 კანონი.

ვ) ადგილობრივ საეკლესიო კრებათა კანონები. ყოველი ავტოკეფალური ეკლესია უფლებამოსილია, რომ მის გამგებლობას მიკუთვნებულ საკითხთა თაობაზე მოიწვიოს ადგილობრივი საეკლესიო კრება. ადგილობრივი საეკლესიო კრება, შესაბამისად, ავტოკეფალური ეკლესიის **უმაღლესი მმართველობითი ორგანოა**. კრებას ბერძნულ ენაზე „სინოდი“ ეწოდება⁵⁷ და ზოგჯერ ამ ტერმინს უწოდებენ ხოლმე ეკლესიის ადგილობრივ კრებას. თუმცა, არაერთ ეკლესიაში (და მათ შორის, საქართველოს სამოციქულო მართლმადიდებელ ეკლესიაშიც) წმინდა სინოდი და საეკლესიო კრება სხვადასხვა ორგანოებია, რომელთაგან წმინდა სინოდი უფრო მცირერიცხოვანია საეკლესიო კრებისგან განსხვავებით და იგი უფრო ხშირად მოიწვევა, ვიდრე საეკლესიო კრება.

წყაროთა კლასიფიკაციის თვალსაზრისით ადგილობრივი საეკლესიო კრებები შეიძლება დაიყოს **ზოგადქრისტიანული მნიშვნელობის** და **ლოკალური მნიშვნელობის** კრებად. პირველ კატეგორიას მივაკუთვნებთ იმგვარ კრებებს, რომლებიც, მართალია, ადგილობრივ დონეზე იქნა მოწვეული, მაგრამ მასზე განხილული საკითხების, მიღებული გადაწყვეტილებების და მათი მნიშვნელობის გათვალისწინებით ეკლესიის მიერ აღიარებული არიან როგორც **საერთო-საეკლესიო მნიშვნელობის** კრებები და მათი გადაწყვეტილებები, როგორც პირდაპირ მოქმედი ნორმები გამოიყენება ყველა ავტოკეფალურ ეკლესიაში ერთნაირად, მაშინ როდესაც მეორე კატეგორიის კრებათა განჩინებებს სავალდებულო ძალა აქვს მხოლოდ იმ ეკლესიის კანონ-

⁵⁵ იქვე

⁵⁶ მსოფლიო საეკლესიო კრებები. დოგმატური ღმრთისმეტყველება, 71-78

⁵⁷ The Pocket Oxford Classical Greek Dictionary, დასახ. გამოცემა, 310 (1)

ნიკურ საზღვრებში, რომელიც მოიწვევს ამგვარ კრებას.

ზოგადქრისტიანული ადგილობრივი საეკლესიო კრებების კანონებს სავალდებულო და, რაც მთავარია, საერთო-საეკლესიო ძალა მიანიჭა მეხუთე-მეექვსე მსოფლიო საეკლესიო კრების მე-2 კანონმა. ეს საეკლესიო კრებებია:

ანკვირიის კრება, რომელიც შედგა მილანის ედიქტის (313 წ.) გამოცემის შემდეგ წელს. კრებაში მონაწილეობდა 18 ეპისკოპოსი და მას თავმჯდომარეობდა ანტიოქიის მთავარეპისკოპოსი **ვიტელიოსი**. კრებამ მიიღო 25 კანონი. მნიშვნელოვანია კრებაზე მიღებული მე-10 კანონი, რომელიც ნებას რთავს დიაკვნებს იქორწინონ, რაც შემდეგ გაუქმდა, როგორც დროებით, გარემოებების გამო მიღებული კანონი.⁵⁸

ნეოკესარიის კრება, რომელიც მოწვეულ იქნა 314-325 წწ. ამ კრებასაც **ვიტელიოს ანტიოქიელი** თავმჯდომარეობდა და მასზე 15 კანონი იქნა მიღებული.

ლანგრის კრება, რომელიც ჩატარდა 340 წელს და მასში 30 ეპისკოპოსი მონაწილეობდა **ევსევოს ნიკომიდიელის** ხელმძღვანელობით. კრებამ მიიღო 21 კანონი. მათგან მნიშვნელოვანია კანონები საეკლესიო ქორწინების შესახებ.

ანტიოქიის კრება, რომელიც გაიმართა ლანგრის კრებიდან 1 წლის შემდეგ, **პლაცეტუს ანტიოქიელის** თავმჯდომარეობით. კრებაში მონაწილეობდა 100 ეპისკოპოსი, რომლებიც მიწვეული იყვნენ ანტიოქიის ახალი ბაზილიკური კათედრალის კურთხევაზე. კრებამ მიიღო 25 კანონი, რომელიც ეხება საეკლესიო ცხოვრებისათვის მნიშვნელოვან არაერთ საკითხს.

ლაოდიკიის კრება, რომელიც ტარდებოდა 342-დან 381 წლამდე. კრებაში მცირე აზიის მრავალმა ეპისკოპოსმა მიიღო მონაწილეობა. კრებაზე მიღებულ იქნა 59 კანონი, ხოლო ცალკე კანონით (პირობითად, მე-60) დამტკიცდა კანონიკური წიგნები. ამ კრების კანონებით განისაზღვრა მრავალი ეთიკური და ლიტურგიკული წესი.

სარდიკიის კრება, რომელიც მოწვეულ იქნა 343 წელს. მასში მონაწილეობდა 300 ეპისკოპოსი დასავლეთის საქრისტიანოდან, ხოლო 76 — აღმოსავლეთიდან. კრებას თავმჯდომარეობდა **ოსიოს კორდობელი**. კრებამ მიიღო 20 კანონი.

⁵⁸ Prof. Dr. Panteleimon Rodopoulos, დასახ. ნაშრომი, 49

კართაგენის კრება, რომელიც ჩატარდა 419 წელს და მონ-ვეულ იქნა იმ საკითხის გადასაწყვეტად, ეკუთვნოდა თუ არა რომის ეკლესიას უფლებამოსილება, მოესმინა სააპელაციო სა-ჩივრები სხვა ავტოკეფალური ეკლესიებიდან. კრებაში მონაწი-ლეობდა 217 მამა, მათ შორის რომის პაპის ლეგატებიც. კრე-ბამ მიიღო განჩინება, რომლის მიხედვითაც უარი ეთქვა რომის ეკლესიაზე ზემოხსენებულ უფლებამოსილებაზე და აგრეთვე, მიღებულ იქნა 138 კანონი.⁵⁹

კონსტანტინოპოლის ორგზისი კრება, რომელიც ორჯერ მონვევის გამო ატარებს ამგვარ სახელს, შედგა 861 წელს. კრე-ბაში მონაწილეობა მიიღო 318-მა ეპისკოპოსმა და კრების მიერ მიღებულ იქნა სულ 17 კანონი.

რაც შეეხება ლოკალური მნიშვნელობის კრებებს, კერძოდ, **საქართველოს სამოციქულო მართლმადდებელი ეკლესიის ადგილობრივ საეკლესიო კრებებს**, იგი საუკუნეების მანძილ-ზე მოიწვეოდა საქართველოს ეკლესიის უმაღლესი იერარქიის მიერ და ნაწილი მათგანი საკანონმდებლო ხასიათისა იყო.

საქართველოს ეკლესიის საკანონმდებლო ხასიათის ადგი-ლობრივი საეკლესიო კრებებიდან მნიშვნელოვანია შემდეგი:

რუის-ურბნისის კრება, რომელიც მოწვეულ იქნა 1104 წელს, მეფე დავით აღმაშენებლის ბრძანებით. კრებას თავმჯ-დომარეობდა კათოლიკოს-პატრიარქი იოანე IV. როგორც ძე-გლისწერიდან ირკვევა, კრებაში მონაწილეობდნენ არა მხოლოდ ეპისკოპოსები, არამედ მღვდლებიც, დიაკვნებიც, მონაზვნებიც და მეუდაბნოეებიც.⁶⁰ კრებაზე განხილულ იქნა საქართველოს ეკლესიაში გავრცელებული მანკიერი ვითარება და მიღებულ იქნა სულ 19 კანონი.⁶¹

ცაიშ-ბედიის კრება, რომელიც შედგა სავარაუდოდ 1470-1474 წწ. კრება მოიწვია იმერეთის მეფე ბაგრატმა და ცაიშელ-ბე-დიელმა ეპისკოპოსმა იოაკიმემ. რაც ყველაზე მნიშვნელოვანია, კრებას განსაკუთრებული სტუმრის სტატუსით ესწრებოდა ან-ტიოქია-იერუსალიმის პატრიარქი, უნეტარესი მიხაელი. კრების

59 კანონთა საერთო ერთი ტექსტის აღიარების მიუხედავად, ბერძნული ეკლესია კართაგენის კრების კანონებს 133-დ ჰყოფს, ხოლო სლავური — 134-დ.

60 მიტროპოლიტი ანანია ჯაფარიძე, საქართველოს საეკლესიო კანონების კრებული, თბილისი, 2010, 159

61 დაყოფა აქ და ქვემოთ პირობითია.

მიერ მიღებულ დოკუმენტს „მცნებაი სასჯულოი“ ეწოდება⁶² და მისი უმთავრესი გადანყვეტილებაა აფხაზეთის კათალიკოსის ხელდასხმა პატრიარქ *მიხაელის* მიერ, ვითომცდა იმ მიზეზით, რომ საქართველოს ეკლესია, ანტიოქიის საპატრიარქოზე უნდა ყოფილიყო დაქვემდებარებული. კრებამ მიიღო სულ 43 კანონი.

აფხაზეთის კრება, რომელიც 1543-1549 წწ. უნდა გამართულიყო. მასში მონაწილეობდნენ აფხაზეთის კათალიკოსი *ევედემონი* და იმერეთ-ოდიშის ყველა მღვდელმთავარი. კრების მუშაობაში საგანგებო სტუმრად ესწრებოდა ქართლის კათალიკოსი *მალაქია*, რის გამოც კრების მიერ მიღებულ კანონებს „სამართალი კათალიკოსთა“ ეწოდება. კრებამ მიიღო სულ 22 კანონი. აღსანიშნავია, რომ კანონებს ხელმოწერათა შემდეგ მოსდევს 23-ე კანონი, რომელიც მეცნიერთა შორის მოგვიანო პერიოდში ჩამატებულიად ითვლება.⁶³

ტფილისის კრება, რომელიც ჩატარდა 1748 წლის 16 ნოემბერს, მეფე *ერეკლე II-ის ბრძანებით* და კათალიკოს-პატრიარქ *ანტონის* თავმჯდომარეობით. კრებას ესწრებოდა აღმოსავლეთ საქართველოს 13 ეპისკოპოსი და 7 მაღალი რანგის სამღვდლო პირი. ეს პირველი კრება იყო მუსლიმური სპარსეთის მმართველობის შემდეგ. კრებაზე მიღებულ იქნა 27 კანონი. კანონთაგან მნიშვნელოვანია მე-20 კანონი, რომელიც ადგენს ქორწინების დამაბრკოლებელი, ახლო ნათესაობის გამოთვლის წესს.⁶⁴

1917 წელს საეკლესიო ავტოკეფალიის აღდგენის შემდეგ საეკლესიო კრება მოწვეულ იქნა თორმეტჯერ, რომელთაგან ჯერჯერობით ბოლოა **მცხეთის** კრება, რომელიც შედგა 1995 წლის 18-19 სექტემბერს, კათალიკოს-პატრიარქ *ილია II-ის* ბრძანებით. ეს საეკლესიო კრება მიეძღვნა საქართველოს სახელმწიფოებრივი დამოუკიდებლობის აღდგენას (1991 წ.) და დამოუკიდებელი საქართველოს კონსტიტუციის მიღებას (1995 წ.). კრებამ მიიღო საქართველოს სამოციქულო მართლმადიდებელი ეკლესიის მართვა-გამგეობის მოქმედი დებულება.

ზ) ეპისტოლარული კანონები. საეკლესიო კანონთა ყველა

62 ქართული სამართლის ძეგლები, ტომი III, ტექსტები გამოსცა, შენიშვნები და საძიებლები დაურთო პროფ. ი. დოლიძემ, თბილისი, 1970, 221

63 *ივანე ჯავახიშვილი*, თხზულებანი თორმეტ ტომად, ტომი VI, თბილისი, 1982, 65-66

64 ქართული სამართლის ძეგლები, ტომი III, 801

კრებულში მნიშვნელოვან ადგილს იკავებს წმიდა მამათა ეპისტოლარული კანონები. ეპისტოლარული კანონი არსებითად ეპისტოლეა, ანუ საეკლესიო თემატიკის თაობაზე შედგენილი წერილი, რომელიც ერთ ან რამდენიმე პირს მიემართება და მასში გადმოცემულია ეკლესიის მოძღვრება. იმგვარ ეპისტოლეს, რომელიც კანონიკურ თემატიკას ეხება, ეკლესია ჰყოფს მუხლებად, ანუ კანონებად და ამდენად მას კანონიკური ეპისტოლე ან ეპისტოლარული კანონი ეწოდება. „ეს ეპისტოლეები, დროის პასაჟის და შინაარსის გათვალისწინებით დაიყო ინდივიდუალურ კანონებად და შემდეგ ამ ფორმით ჩართულ იქნა კანონთა კრებულებში, განსაკუთრებით მას შემდეგ, რაც მათი კანონიკური მნიშვნელობა დამოწმებულ იქნა ტრულის კრებაზე“.⁶⁵ ტრულის, ანუ მეხუთე-მეექვსე კრებამ, მსგავსად ადგილობრივი კრებების კანონებისა, დაამტკიცა ეპისტოლარული კანონების ის **წუსხა**, რომელიც სავალდებულო გამოყენებისაა მართლმადიდებელ ეკლესიაში.⁶⁶ ამ ქვეთავში განხილულ იქნება რამდენიმე **ქართული ეპისტოლარული კანონი**, რომელზეც საუბარი, როგორც წესი, ძველი ქართული სამართლის ისტორიის განხილვის დროს, სამსუხაროდ, არ არის ხოლმე.

საერთო-ქრისტიანული მნიშვნელობის ეპისტოლარული კანონებია:

ტარასი კონსტანტინოპოლის ეპისტოლე რომის პაპ ადრიანეს მიმართ, რომელიც ეხება ქრთამით ხელდასხმის აკრძალვასთან დაკავშირებულ საკითხებს;

დიონისე ალექსანდრიელის ეპისტოლე დიონისიოს ვასილიდი ეპისკოპოსის მიმართ, რომელიც ძირითადად ეხება ალდგომის აღნიშვნის საათთან დაკავშირებულ საკითხებს და პირობითად იყოფა 4 კანონად;

პეტრე ალექსანდრიელის კანონები, რომელიც მოცემულია მის სიტყვაში „სინანულის შესახებ“, რომლებიც ეხება ქრისტიანობიდან წასულ და შემდეგ დაბრუნებულ პირებს და პირობითად იყოფა 15 კანონად;

გრიგოლ ნოეკესარიელის კანონიკური ეპისტოლე მათ შესახებ, რომლებსაც ბარბაროსთა დამარბეველი შემოსევების

65 Prof. Dr. Panteleimon Rodopoulos, დასახ. ნაშრომი, 51

66 იხ. მეხუთე-მეექვსე კრების მე-2 კანონი.

დროს კერპთა შენაწირევი უჭამიათ ან სხვა რაიმეთი ცდუნებულან;

ათანასე ალექსანდრიელის ეპისტოლე ამონ მონაზვნის მიმართ და კანონები 39-ე ეპისტოლედან, რომლებიც ეხება ზნეობრივ საკითხებს და აგრეთვე, წმინდა წერილის კანონიკურ წიგნებს;

ბასილი დიდის რამდენიმე კანონიკური ეპისტოლე, რომლებიც ეხება ქრისტიანული ცხოვრების არაერთ თემას და პირობითად 85 კანონად არის დაყოფილი;

გრიგოლი ნოსელის ეპისტოლე მელიტინელ ეპისკოპოს ლიტოს მიმართ, რომლებიც ქრისტიანული ზნეობის საკითხებს ეხება და პირობითად 8 კანონად იყოფა;

ამფილოქე იკონიელის ეპისტოლე სელევკოსის მიმართ, რომელშიც ჩამოთვლილია კანონიკური წიგნები წმინდა წერილიდან;

ტიმოთე ალექსანდრიელის კანონიკური კითხვა-პასუხები, რომელშიც დასმულია ქრისტიანული ცხოვრებიდან გამომდინარე გავრცელებული 18 კითხვა და მოცემულია პასუხები მათზე;

თეოფილე ალექსანდრიელის კანონები, რომლებიც ეხება რამდენიმე ლიტურგიკულ საკითხს, მისი მოსახსენებელი, რომელიც პირობითად 10 კანონად იყოფა და 3 ეპისტოლე;

კირილე ალექსანდრიელის კანონები **კირილე დომნოს** მიმართ, რომელიც პირობითად 3 კანონად იყოფა და მისივე ეპისტოლე პენტაპოლელთა მიმართ, რომელიც 4 კანონად არის დაყოფილი;

გენადი კონსტანტინოპოლელის და მასთან ერთად წმინდა კრების მღვდელმთავრების ეპისტოლე რომის პაპის მიმართ.⁶⁷

რაც შეეხება ამ კატეგორიის ქართულ ნყარობებს, მრავალთაგან აღსანიშნავია:

ეფთიმე ათონელის კანონიკური ეპისტოლე დიდი ბერის **გიორგის** მიმართ, რომელიც 13 კანონად იყოფა პირობითად და

67 აღნიშნულის თაობაზე დანვრილებით იხ. Prof. Dr. Panteleimon Rodopoulos, დასახ. ნაშრომი, 51-54

ეხება უმართებულო წიგნებს, სქემის კურთხევას, მარხვის წესს და მსგავს თემებს;⁶⁸

იმავე *ექვთიმე ათონელის* კანონიკური ეპისტოლე *თეოდორე საბანმინდელის* მიმართ, რომელიც ასევე ანალოგიურ საკითხებს ეხება და შეიცავს 15 კანონს;⁶⁹

მეფე ერეკლე II-ისა და კათოლიკოს-პატრიარქ *ანტონ II-ის* მცნება მღვდელთათვის, რომელიც ეხება სამღვდლო პირთა მიერ ღმრთისმსახურების შესრულების წესებს და შესრულებისას გასათვალისწინებელ ცალკეულ დეტალებს, რომელიც 35 კანონად იყოფა;⁷⁰

მაქსიმე აფხაზ-იმერთა კათალიკოსის მცნებანი, რომელიც წირვა-ლოცვის აღსრულების საკითხებზეა და იყოფა 10 კანონად;⁷¹

ანტონ II-ის, ქართლის კათალიკოსის კანონთა განწესება ცოდვილთათვის, რომელიც დეტალურად აღწერს იმ სავალდებულო წესებს, რაც უნდა შეასრულოს მძიმე ცოდვილმა (მკვლელმა), თუ მას სინანული სურს. განწესება 10 კანონად არის დაყოფილი;⁷²

ილია II-ის, სრულიად საქართველოს კათალიკოს-პატრიარქის განჩინება მიცვალებულთა სულის საოხად, სადაც დადგენილია გარდაცვლილი მართლმადიდებელი ქრისტიანის სულის სავედრებლად შესასრულებელი წესები. განჩინება 23 კანონისგან შედგება.⁷³

თ) საეკლესიო კანონთა კრებულები. საეკლესიო სამართლის მეცნიერების დახვეწამ და, აგრეთვე, ქრისტიანული ცხოვრების დინამიურმა განვითარებამ დღის წესრიგში დააყენა საეკლესიო კანონთა **კრებულების** შექმნა. როგორც ზემომოყვანილი კანონების განხილვისას გამოიჩინა, საეკლესიო კანონები ერთიანი წესით არ მიიღებოდა, რის გამოც აუცილებელი გახდა მათი სისტემატიზაცია და გარკვეული კოდიფიკაცია. „იმ უდი-

68 ქართული სამართლის ძეგლები, ტომი III, 5-11

69 ქართული სამართლის ძეგლები, ტომი III, 12-18

70 ქართული სამართლის ძეგლები, ტომი III, 871-876

71 ქართული სამართლის ძეგლები, ტომი III, 914-915

72 ქართული სამართლის ძეგლები, ტომი III, 1018-1020

73 <http://www.orthodoxy.ge/samartali/ganchineba.htm>

დესი მნიშვნელობის გამო, რომელიც ენიჭება წმინდა კანონებს ეკლესიის სხეულის მართებული მსახურებისათვის, წარმოიჩინდება საგანგებო აუცილებლობა ყოველი მათგანის ერთ კრებულად გამთლიანებისა. ასე გაჩნდა სხვადასხვა კრებულები, რომელთაც მიენიჭათ სახელწოდება „ნომოკანონი“.⁷⁴ ⁷⁵ ბუნებრივია, ეს პროცესი აქტიურად ბიზანტიურ სამყაროში მიმდინარეობდა, თუმცა, ჩვენდა საბედნიეროდ მოგვეპოვება საეკლესიო კანონთა ქართული კრებულიც.

პირველი კრებული, რომელიც ეკლესიაში დღემდეა შემონახული, არის VI საუკუნის ბიზანტიელი იურისტის *იოანე სქოლასტიკოსის* მიერ შედგენილი „**50-თავიანი სჯულისკანონი**“.⁷⁶

მეორე და ყველაზე ცნობილი კრებული არის კონსტანტინოპოლის პატრიარქ *ფოტიოსის* მიერ შედგენილი **14-თავიანი სჯულისკანონი**, რომელშიც შედის საერთო-ქრისტიანული გამოყენების პრაქტიკულად ყველა კანონი, რომლებიც ზემოთ იყო განხილული, დანყებული მოციქულთა კანონებიდან დასრულებული ეპისტოლარული კანონებით. ეს კრებული, გავრცელებული მოსაზრებით, ქართულ ენაზე ითარგმნა ერთ-ერთი უდიდესი საეკლესიო მოღვაწის *არსენ იყალთოელის* მიერ, XI საუკუნეში და მას ქართულ სინამდვილეში **დიდი სჯულისკანონი** ეწოდა.⁷⁷ დიდი სჯულისკანონი მსოფლიო მართლმადიდებელი ეკლესიის მიერ აღიარებულია საეკლესიო კანონების ერთადერთ მოქმედ კრებულად.⁷⁸

ზემოაღნიშნულის მიუხედავად, საეკლესიო კანონთა უკეთ გამოყენების მიზნით, მათი კოდიფიკაციის პროცესი არ შეჩერებულა. XIV საუკუნეში უდიდესმა ბიზანტიელმა საეკლესიო მოღვაწემ და მონაზონმა *მათე ვლასტარისმა* შეადგინა **ანბანური სინტაგმა**, რომელიც, საგულისხმოა, რომ შედის მეფე *ვახტანგ VI-ის* კანონთა კრებულში, „სამართალი ბერძნულის“ ერთ-ერთ შემადგენელ ნაწილად. ანბანური სინტაგმა პრაქტიკულად არის დიდი სჯულისკანონის ერთგვარი საძიებელი, სადაც მნიშვნე-

74 *პანაიოტის ბუმისი*, დასახ. ნაშრომი, 37

75 „ნომოკანონი“ თავიდანვე ქართველმა კანონისტიებმა თარგმნეს როგორც „სჯულისკანონი“ და იგი დღემდე ამ ტერმინით გადმოიცემა.

76 *პანაიოტის ბუმისი*, დასახ. ნაშრომი, იქვე

77 ამ საკითხზე მსჯელობა იხ. *კორნელი კეკელიძე*, ძველი ქართული ლიტერატურის ისტორია, ორ ტომად, ტომი პირველი, თბილისი, 1980, 560-563

78 Prof. Dr. *Panteleimon Rodopoulos*, დასახ. ნაშრომი, 83

ლოვანი საეკლესიო ინსტიტუტების დასახელებები დალაგებულია ბერძნული ანბანის მიხედვით და თითოეულს მიწერილი აქვს ის საეკლესიო კრება და კანონის ნომერი, რომელიც ეხება შესაბამის ინსტიტუტს.

საეკლესიო კანონთა კოდიფიკაციის საქმეში მნიშვნელოვანი წვლილი აქვთ შეტანილ ბიზანტიელ სწავლულებს *ნიკოდიმოს მთაწმინდელს* და *მონაზონ ალაპის (ასიმაკისს)*, რომელთა შრომით შედგენილ იქნა **პიდალიონი**, ანუ „მესაქის წიგნი, ერთი წმიდა კათოლიკე და სამოციქულო მართლმადიდებელი ეკლესიის ხომალდისათვის“. იგი 1800 წელს გამოქვეყნდა პირველად.⁷⁹

საეკლესიო კანონთა შედარებით სრულყოფილი გამოცემა განხორციელდა 1852-1859 წწ. ბერძენი მკვლევარების *გ. რალისის* და *მ. პოტლისის* მიერ ქ. ათენში, რის გამოც ამ კრებულს **ათენურ სინტაგმას** უწოდებენ. სინტაგმა ექვსი წიგნისგან შედგება და მასში შედის არა მხოლოდ დიდ სჯულისკანონში შემავალი კანონები, არამედ მათი განმარტებებიც.⁸⁰

რაც შეეხება საეკლესიო კანონთა ქართულ კრებულს, იგი შედგენილია ათონის ივერთა მონასტრის ერთ-ერთი უდიდესი მოღვაწისა და მნათობის *ექვთიმე ათონელის* მიერ, საჯარაუდოდ 1005-1028 წწ და მას **მცირე სჯულისკანონი** ეწოდება. ამ კრებულს ქართული 2 მნიშვნელოვანი მიზეზის გამო უნდა ეწოდოს:

ა) მართლმადიდებელი ეკლესია იყენებს იმ კანონებს, რაც დამტკიცებულია მეხუთე-მეექვსე მსოფლიო კრების მე-2 კანონით და ბუნებრივია, რომ ყველა მათგანს ორიგინალი ბერძნულ ენაზე აქვს. ამ მხრივ კანონთა თარგმნა მათი კრებულის შედგენას ორიგინალობას ვერ დაუკარგავს, რამდენადაც მისი, როგორც კრებულის ანალოგი, ბერძნულად არ არსებობს;

ბ) *ექვთიმე ათონელს* არა მხოლოდ კრებული აქვს შედგენილი, არამედ მასში შემავალ კანონებზე დამატებული აქვს ქართული სინამდვილისთვის მნიშვნელოვანი მასალა.⁸¹ ეს ყოველივე კი ზრდის მცირე სჯულისკანონის, როგორც ქართული კრებულის ორიგინალობას.

79 *პანაიოტის ბუშისი*, დასახ. ნაშრომი, 38

80 *პანაიოტის ბუშისი*, დასახ. ნაშრომი, იქვე

81 მცირე სჯულისკანონი, გამოსაცემად მოამზადა *ელგუჯა გიუნაშვილმა*, თბილისი, 1972, 3

რაც შეეხება მცირე სჯულისკანონის შედგენილობას, მიუხედავად გავრცელებული შეხედულებისა, რომ იგი ოთხი ნაწილისგან შედგება,⁸² უფრო მეტად სავარაუდებელია, რომ მასში **ხუთი** ნაწილი შედის, ვინაიდან ერთ ნაწილად გაერთიანებული „კანონი შეცოდებულთანი იოანე მმარხველისა“ თავად *ექვთიმე ათონელს* ორ დამოუკიდებელ წიგნად აქვს შეტანილი და ამასთან, მცირე სჯულისკანონის მკვლევარები (ნ.ა. ზაოზერსკი, ა.ხახანაშვილი) ეჭვქვეშ აყენებენ მათი ერთი ავტორის მიერ შექმნას.⁸³ ამდენად, მცირე სჯულისკანონში შედის (ფრჩხილებში მითითებულია დასათაურება *ექვთიმე ათონელის* მიერ):

ა) მეხუთე-მეექვსე მსოფლიო კრების კანონები („წესი და განგებაი და რჩულისკანონი მეექუსისა კრებისაი ას სამოცდარვათა წმიდათა მამათაი, რომელნი შეკრბეს კოსტანტინეპოლეს, ახალსა ჰრომსა კოსტანტინე ღმრთისმსახურისა მეფისა ზე, ძისწულისა ძისა ჰერაკლე მეფისა“);

ბ) *იოანე მმარხველის* კანონები („კანონი შეცოდებულთანი, აღწერილნი ნეტარისა მამისა ჩუენისა იოვანეს მიერ, კოსტანტინეპოლელ მთავარებისკოპოსისა, რომელსა მმარხველ ეწოდებოდა“);

გ) *იოანე მმარხველის* სხვა კანონები („კანონი შეცოდებულთანი, განწესებულნი ნეტარისა მამისა ჩუენისა იოვანე მმარხველისა მიერ, კოსტანტინეპოლელ პატრიარქისაი“);

დ) *ბასილი დიდის* კანონები („კანონი დღითი-დღეთა ცთომათანი, ვითარცა წმიდამან მამამან ჩუენმან ბასილი განაწესნა“);

ე) კონსტანტინოპოლის 843 წლის კრების კანონები⁸⁴ (ძეგლისწერა სარწმუნოებისაი, რომელი აღწერეს წმიდათა მამათა კოსტანტინეპოლეს შეკრებულთა, წმიდათა ხატთა თაყვანისცემისათვის, რომელ-ესე წარიკითხვის სოფია წმიდას პირველსა კვირიაკესა წმიდათა მარხვათასა“).

ი) **საეკლესიო კანონთა განმარტებები**. საეკლესიო სამართლის წყაროებზე მსჯელობისას, ბოლოს უნდა აღინიშნოს

⁸² მცირე სჯულისკანონი, იქვე

⁸³ მცირე სჯულისკანონი, 6-8

⁸⁴ „საყურადღებოა, რომ ქართულ სამეცნიერო ლიტერატურაში ეს ძეგლი იწოდებოდა VII მსოფლიო კრების კანონებად. შეცდომა იქიდან უნდა მოდიოდეს, რომ VII მსოფლიო კრებამ დაგმო ხატმებრძოლობა და რაკი აქაც ხატმებრძოლობის დაგმობა იყო, ამიტომ გააიგივეს იგი VII კრების კანონებთან“ (მცირე სჯულისკანონი, 10).{

საეკლესიო კანონთა განმარტების შესახებ. იმის გათვალისწინებით, რომ ყოველი საეკლესიო კანონი განსხვავებულ დროსა და ვითარებაშია შედგენილი, მისი ზუსტი და მართებული გამოყენებისათვის აუცილებელია, რომ ეკლესიამ იხელმძღვანელოს განმარტებით. თუმცა ეს განმარტებები იმით განსხვავდება საერო სამართლის განმარტებისაგან, რომ ეკლესიას წმინდა კანონთა განმარტებაც მიაჩნია სულიწმიდის მოქმედებით შედგენილად. მართებულად აღნიშნავს მიტროპოლიტი *პანტელეიმონი*, რომ „შეუძლებელია იმ წმინდა კანონების, რომლებიც გამოხატულება ეკლესიაში მყოფი სულიწმიდისა, მშრალად განმარტება, თუ არა იმავე სულის მიერ, რომელმაც ისინი შექმნა“.⁸⁵

საეკლესიო კანონთა განმარტებლებისგან ცნობილია 4 მათგანი, რომელთაგან პირველი სამის განმარტება ეკლესიის მიერ ოფიციალურად არის აღიარებული და შედის ათენურ სინტაგმაში:⁸⁶

იოანე ზონარა, ბიზანტიელი ბერი და ღმრთისმეტყველი, ისტორიკოსი, გარდაიცვალა 1159 წელს;

თეოდორე ბალსამონი, ბიზანტიელი კანონისტი, ანტიოქიის პატრიარქი 1140-1199 წწ;

ალექსი არისტინე, ბიზანტიელი კანონისტი, კონსტანტინოპოლის საპატრიარქოს დიდი ეკონომოსი, გარდაიცვალა 1168 წელს;

ნიკოდიმ მილაში (1845-1915), სერბი კანონისტი და საეკლესიო ისტორიკოსი, სერბეთის ეკლესიის დაღმატია-ისტორიის ეპარქიის ეპისკოპოსი. ეპისკოპოს *ნიკოდიმს* შესრულებული აქვს დიდი სჯულისკანონის ერთგვარად შემაჯამებელი განმარტება, რადგან თითოეული კანონის განმარტებისას განიხილავს ზემოთ დასახელებული სამივე განმმარტებლის შრომას და, ამასათანავე, განმარტავს თვითონაც.

85 Prof. Dr. *Panteleimon Rodopoulos*, დასახ. ნაშრომი, 103

86 *პანაიოტის ბუმისი*, დასახ. ნაშრომი, 38

თავი 3. საეკლესიო კანონთა გამოყენება

ა) საეკლესიო კანონთა მიზანი. მას შემდეგ, რაც განხილულ იქნა საეკლესიო სამართლის წყაროები, უცილობლად უნდა ითქვას საეკლესიო კანონთა მიზნის შესახებ, რათა აღნიშნულის გამოკვლევის შემდეგ გაირკვეს საეკლესიო კანონთა გამოყენების წინაპირობები, შემთხვევები და წესი. ის სხვაობანი, რაც ახასიათებს საეკლესიო სამართალს და მას განარჩევს საერო სამართლისაგან, მიაჩნდება საეკლესიო სამართლის **განსაკუთრებულ მიზანზე**.

რა არის ეს განსაკუთრებული მიზანი? როგორც საეკლესიო სამართლის განმარტებისას აღინიშნა, იგი აწესრიგებს ადამიანის სულიერი და ხორციელი ცხოვრების იმგვარ საკითხებს, რაც მნიშვნელოვანია მისი სულიერი ცხოვრების კეთილად წარმართვისათვის და საბოლოოდ, მისი ცხოვრებისათვის. ამიტომ, საეკლესიო სამართლის მიზნად ცალსახად შეგვიძლია დავასახელოთ ადამიანის **სულის ცხოვრების ხელშეწყობა**. „წმინდა კანონები თითოეულ მორწმუნეს სთავაზობენ პროტოტიპს (ნიმუშს), რომლის საფუძველზეც თითოეულს ჰმართებს მოღვაწეობა და რომლისკენაც უნდა მიიმართებოდეს, ან რომლის საფუძველზედაც შეიძლება შემომდეს მისი აზრების, მისი სურვილების, მისი სიტყვებისა თუ საქმეების სისწორე. კანონები წარმოადგენს საზომს, კრიტერიუმს, საფუძველს, რომლის მიხედვითაც ობიექტურად განისჯება მორწმუნეთა, მწყემსთა და სამწყსოს საქმეები. ეს თუ არ იქნა, თითოეული კაცი სუბიექტივიზმისა და უსამართლობისაკენ მიიქცევა „გონებითა მით ხორცთა მისთაითა“ (კოლ. 2:18). მაშასადამე, **წმიდა კანონთა მიზანი მაცხოვრებელი ხასიათისაა**“.⁸⁷

ყოველივე ზემომოყვანილი მსჯელობა გულისხმობს იმას, რომ წმიდა კანონთა გამოყენებისას უნდა ვიხელმძღვანელოთ საეკლესიო სამართლის ამ მთავარი მიზნით — ადამიანის ცხოვრების ხელშეწყობით. ამ მხრივ გამოიყოფა საეკლესიო კანონებით ხელმძღვანელობის ორი წესი: აკრიბია და იკონომია.

ბ) აკრიბია. აკრიბია ბერძნულად „სიზუსტეს“ ნიშნავს⁸⁸ და

⁸⁷ პანაიოტის ბუმისი, დასახ. ნაშრომი, 24

⁸⁸ The Pocket Oxford Classical Greek Dictionary, Oxford University Press, 2002, 12 (2)

საეკლესიო სამართალში ამ ტერმინით გადმოსცემენ საეკლესიო კანონთა იმგვარ გამოყენებას, რომლის დროსაც მხედველობაში არ მიიღება კანონის გამოყენების წინაპირობა, პერიოდი და ვითარება და კანონი მოქმედებს თავისი სრული **აბსოლუტურობით**. სხვაგვარად რომ ითქვას, აკრიბია არის საეკლესიო კანონებით ისეთი ხელმძღვანელობა, როდესაც სუბიექტური გარემოება არ ცვლის კანონის ობიექტურ შინაარსს.

ეკლესია მიზნად ისახავს რა საეკლესიო კანონთა მეშვეობით ხელი შეუწყოს ადამიანის ცხოვრებას, წმინდა კანონებიდან ან მათი გამოყენების შემთხვევებიდან **გამოყოფს** იმათ, მხოლოდ რომელთა შესრულებით მიიღწევა საეკლესიო სამართლის მიზანი. ეს იმას გულისხმობს, რომ შეუძლებელია არსებობდეს შემთხვევა, როდესაც ამგვარ, ამ კატეგორიის საეკლესიო კანონთა დაუცველობა ხელს შეუწყობდა ადამიანის სულის ცხოვრებას. ეს უმეტესად ეხება იმგვარ კანონებს ან კანონთა გამოყენების შემთხვევებს, როდესაც ისინი გადმოსცემენ საღმრთო ჭეშმარიტებას, რომელიც, ეკლესიის სწავლებით, არ ექვემდებარება შეცვლას, მით უფრო კი ადამიანურ მიზეზთა გამო. შესაბამისად, იმ კანონთა შესახებ, რომელთა შეცვლა, გამოყენების შეჩერება ან გაუქმება დაუშვებელია, გამოიყენება გამოთქმა „**დაცულია აკრიბიით**“.

აკრიბიაზე მსჯელობისას გამოიყენება რამდენიმე დებულება:

ა) რამდენადაც აკრიბიით დაცულია საღმრთო ჭეშმარიტებანი, აკრიბიის საწინააღმდეგოდ სწავლება არის ეკლესიის სწავლების საწინააღმდეგო, რაც ითვლება ეკლესიისგან განდგომად;⁸⁹

ბ) აკრიბიის დაუცველობა და მისგან გადახვევა არა მოძღვრებით დონეზე, არამედ მოქმედებით, ცალსახად ქმნის საეკლესიო კანონებით გათვალისწინებულ შეცოდებას;⁹⁰

გ) აკრიბიით განისაზღვრება საეკლესიო კანონთა აბსოლუტური მოქმედების ფარგლები, რომელიც ერთნაირად სავალდებულოა ყველა ქრისტიანისათვის.

ე) იკონომია. იკონომიას ბერძნულ ენაში რამდენიმე მნიშვნე-

89 პანაიოტის პუმიისი, დასახ. ნაშრომი, 41

90 პანაიოტის პუმიისი, დასახ. ნაშრომი, იქვე

ლობა აქვს,⁹¹ თუმცა საეკლესიო კანონთა გამოყენების ეს წესი ქართულად ითარგმნება, როგორც „შენყალება“,⁹² ვინაიდან იგი მინაარსობრივად გადმოსცემს იკონომიის მნიშვნელობას.⁹³

რამდენადაც აკრიბიაზე მსჯელობისას აღინიშნა, რომ იგი ადგენს კანონთა წრეს ან მათი გამოყენების შემთხვევებს, რომლის დროსაც დაუშვებელია მოხდეს კანონიდან გადახვევა, ლოგიკურია, რომ სხვა კანონთა მიმართ ხსენებული გადახვევა დასაშვებია. სწორედ ამ გადახვევას ეწოდება **იკონომია**.

ამის საფუძველი წმინდა წერილშია მოცემული:

იუდეურ სჯულში დადგენილია: „დაიცავით შაბათი, რადგან წმიდაა იგი თქვენთვის. მისი შემბლალავი უნდა მოკვდეს; შაბათობით მოსაქმე უნდა მოიკვეთოს თავისი ხალხიდან“ (გამ. 31:14). როგორც ვხედავთ ამ კანონს არ აქვს განსაზღვრული სუბიექტური გარემოების გათვალისწინებით გადახვევის უფლება. თუ იუდეველი შებლალავს შაბათის კანონს, იგი უნდა მოკვდეს, ხოლო თუ ისაქმებს — მოიკვეთოს იუდეველთა სარწმუნოებიდან. ზემოთქმულის საპირისპიროდ, ახალ აღთქმაში მაცხოვარი ამბობს: „**შაბათი ადამიანისათვის არის შექმნილი და არა ადამიანი შაბათისთვის**“ (მკ. 3:27). ეს სახარებისეული ფრაზა კანონიკურად ასე შეიძლება იქნეს გაგებული: შაბათის დაცვის წესი, ანუ, ზოგადად, საეკლესიო კანონი, შექმნილია ადამიანისათვის და არა პირიქით, ადამიანი არ შექმნილა მხოლოდ იმიტომ, რომ საეკლესიო კანონები აღესრულებინა. როგორც არაერთგან აღინიშნა, საეკლესიო კანონთა მიზანია ადამიანის ცხოვნება, ამიტომ, **თუკი კანონი ობიექტურად უშლის ხელს ადამიანის ქრისტიანულ ცხოვრებას, იგი არ უნდა იქნეს გამოყენებული**. თუკი ჩვენ ამის საწინააღმდეგოდ მოვიქცევით, გამოვა, რომ საეკლესიო კანონის ფორმალურ აღსრულებას „ვწირავთ“ საეკლესიო კანონის მიზანს. ამგვარი კოლიზიის დროს, ბუნებრივია, საეკლესიო კანონის მიზანია უპირატესი.

ლოგიკურია კითხვა, რატომ არ შეიძლება მსგავსი მიდგომა იქნეს გამოყენებული აკრიბიით დაცული კანონების მიმართ? პასუხი შემდეგნაირია: აკრიბიით დაცული კანონი გადმოსცემს

91 The Pocket Oxford Classical Greek Dictionary, დასახ. ნაშრომი 227 (1)

92 პანაოტის ბუმისი, დასახ. ნაშრომი, იქვე

93 ისე კი, „იკონომიას“ და „ეკონომიას“ ერთი ფუძე აქვს და ის სახლის მართვად, მეურნეობად, შინა საქმეების გამართვად ითარგმნება.

საღმრთო ჭეშმარიტებას, რომლისგანაც გადახვევა ადამიანს ეკლესიისგან **განაყენებს** და, ამდენად, საეკლესიო კანონთაგან გადახვევა ვერანაირად ვერ შეუწყობს ხელს ადამიანის ცხოვრებას, არამედ პირიქით, ეკლესიისგან განდგომა დამღუპველი იქნება ადამიანისათვის.

ერთგან მაცხოვარი თავად სჯულის მოძღვრებასა და ფარისეულებს ეკითხება: „მინდა, გკითხოთ თქვენ: შაბათ დღეს კეთილის კეთებაა ნებადართული თუ ბოროტისა? სულის გადარჩენა თუ დაღუპვა?“ (ლკ. 6:9), ხოლო მეორეგან თავად სცემს პასუხს ამ კითხვას: „ამიტომ შეიძლება შაბათ დღეს კეთილის გაკეთება“ (მთ. 12:12). ამდენად, მართებულად მსჯელობს მიტროპოლიტი *პანტელეიმონი*, რომელიც ასე აყალიბებს იკონომიის განსაზღვრებას: „საეკლესიო იკონომია არის სიზუსტიდან დროებითი ან მუდმივი **ნებადართული** გადახვევა, საჭიროების ან **უფრო მეტი სიკეთის** გამო, მიმართული ეკლესიის ცალკეულ წევრთა ან მთელი ეკლესიისადმი, ოფიციალურად, განსაზღვრული წინაპირობების არსებობისას, თუკი უზრუნველყოფილია კანონთა პატივების დაუმცირებლობა და დოგმატთა დაურღვეველობა“.⁹⁴ მსჯელობს რა საეკლესიო იკონომიის საკითხებზე, საეკლესიო-სამართლებრივი ფილოსოფიის მკვლევარი სამართლის დოქტორი, *სულხან ონიანი*, საგანგებოდ აღნიშნავს, რომ უფრო მეტი სიკეთის გადარჩენის ცნება **ამოსავალია** საეკლესიო კანონების გამოყენებისათვის: „სამართლიანობაზე მაღლა ქრისტიანობა აყენებს სიკეთეს. აქედან შემოდის პრინციპი, რომ სჯული იცვლება ადამიანის სასიკეთოდ. ადამიანი არ დაისჯება, თუ ამით უფრო კარგი შედეგი დადგება მისი ან სხვა ადამიანის სულისათვის და, შესაბამისად, საზოგადოებისათვის. აქედან უკვე მოდის პრინციპი, რომ სამართლის მიზანი არ არის მხოლოდ წესების ფორმალური შესრულება. ამრიგად, შესაძლებელია, ზოგჯერ კანონის ნორმა არ აღსრულდეს სიტყვასიტყვითი გაგებით, მეტიც, სამართლიანად მიჩნეულ იქნეს ის, რაც პირდაპირ ეწინააღმდეგება ნორმის სიტყვასიტყვით განმარტებას, მაგრამ თანხვედება მიზანს“.⁹⁵

ყოველივე ზემოაღნიშნულის გათვალისწინებით, საეკლესიო
94 Prof. Dr. Panteleimon Rodopoulos, დასახ. ნაშრომი, იქვე

95 *სულხან ონიანი*, „უკიდურესი აუცილებლობა, როგორც სახარებისეული ტელეოლოგიური განმარტების ფორმულის — „შაბათი კაცისთვის და არა კაცი შაბათისათვის“ — ანარეკლი სჯულისკანონში // „სამართლის ჟურნალი“, 2, 2011, 11

იკონომიის გამოყენებისას გასათვალისწინებელია შემდეგი დებულებები:

ა) იკონომიას მივმართავთ კაცთა სიყვარულის გამო, მისი წარმატებული ქრისტიანული ცხოვრების უზრუნველსაყოფად;

ბ) იკონომია გამოიყენება უფრო დიდი სიკეთის გადასარჩენად. ამიტომ, თუნდაც კაცთა სიყვარული გვამოძრავებდეს, იკონომია ვერ იქნება გამოყენებული იმაზე მცირე სიკეთისთვის, რაც კანონის ფორმალური დაცვაა;

გ) იკონომიამ ხელი უნდა შეუწყოს ადამიანის სულიერ გაძლიერებას.⁹⁶ თუ კანონისგან გადახვევა უფრო დიდი სიკეთისთვის ხდება, მაგრამ ივარაუდება, რომ ეს არ შეუწყობს ხელს ადამიანის განმტკიცებას სულიერად, იკონომია არ უნდა იქნეს გამოყენებული;

დ) იკონომიას ეკლესია ვერ გამოიყენებს საღმრთო ჭეშმარიტებაზე, ანუ იმაზე, რაც აკრიბიითაა დაცული;

ე) იკონომიის გამოყენება არ გულისხმობს იმას, რომ საეკლესიო კანონი ნაკლულია;

ვ) იკონომია ვერ შეცვლის კანონს,⁹⁷ თუნდაც უვადოდ იყოს იგი დადგენილი, რადგან ასეთ დროს იკონომია მიემართება პირთა განსაზღვრულ რაოდენობას, ხოლო კანონი — განუსაზღვრელს და, მეორეც, დასაშვებია, რომ რაიმე მიზეზის გამო იკონომია გაუქმდეს.

პროფ. პანაიოტის ბუმისის მტკიცებით „არ არის ოფიციალურად ჩამოყალიბებული დეტალური დადგენილებები იკონომიის დაშვებისათვის“,⁹⁸ თუმცა, თუკი სჯულისკანონს გადავხედავთ, არაერთ კანონს ვნახავთ, სადაც ნერილობით არის ჩამოყალიბებული იკონომია და ხშირ შემთხვევაში, დეტალურადაც. მოვიყვანოთ რამდენიმე მათგანი:

ა) მოციქულთა 54-ე კანონი: „თუ სასულიერო პირი დუქანში მჭამელი ნახოს ვინმემ, მღვდლობის უფლება ჩამოერთვას, გარდა იმ შემთხვევისა, როდესაც მგ ზავრობისას საჭიროებისამებრ სასტუმროში დაისადგურებს“;

ბ) მოციქულთა 69-ე კანონი: „თუ ეპისკოპოსმა, მღვდელმა,

⁹⁶ პანაიოტის ბუმისი, დასახ. ნაშრომი, 46

⁹⁷ პანაიოტის ბუმისი, დასახ. ნაშრომი, იქვე

⁹⁸ პანაიოტის ბუმისი, დასახ. ნაშრომი, 49

დიაკონმა, კერძოდიაკონმა, წიგნისმკითხველმა ან მგალობელმა წმინდა ორმოცი ან ოთხშაბათი და პარასკევი არ იმარხოს, განიკვეთოს, **თუ ხორციელი უძღურებით არ იყოს შეპყრობილი**. თუ ერისკაცი იყოს, უზიარებლობით დაისაჯოს“. საგულისხმოა, რომ ამ იკონომიას განავრცობს *პეტრე ალექსანდრიელი* თავის კანონიკურ კითხვა-მიგებაში, სადაც მე-8 კითხვის პასუხად, რომელიც ორსულის (მშობიარის) მარხვას ეხება, წერს: „მარხვა დაწესებულია ხორცის დათრგუნვისათვის. ხოლო როდესაც ხორცი ისედაც დათრგუნული და უძღურია, დედაცაც შეუძლია, რამდენიც უნდა, მიიღოს საკვები და სასმელი“;

გ) კართაგენის კრების 42-ე კანონი: „ეკლესიაში ჭამა-სმა და ქეიფი არ უნდა იყოს, ნურც ერთი ეპისკოპოსი ეკლესიაში წვეულებას და სმას ნუ მოაწყობს. თუ უცხო მხარეში გაჭირვების გამო ჩამვლელმა მგზავრმა დაუსადგუროს ეკლესიაში, **მან შეიძლება ჭამოს იქ**“.

ასეთი კანონები არაერთია. მაშ, რის თაობაზე შეიძლება მსჯელობდეს პროფ. *ბუმისი*? უფრო შეგვიძლია ვივარაუდოთ, რომ (ა) საეკლესიო იკონომიის გამოყენების კონკრეტული შემთხვევა არ გვაქვს უმეტეს შემთხვევაში და ამის გათვალისწინებით, (ბ) საჭიროა იკონომიის შეფარდება უფლებამოსილი საეკლესიო იერარქიის მიერ. მართალია, ზემოთხსენებულ კანონებში მოხსენიებულია მარხვის დაუცველობის კონკრეტული დასაშვები შემთხვევა — ორსულის მდგომარეობა, მაგრამ მსგავსი კანონები ცოტაა.

რაც შეეხება საეკლესიო იკონომიის **მიმნიჭებელ ორგანოს**, „ეკლესიის კანონებით არაა გარკვევით განსაზღვრული, თუ რომელია კომპეტენტური, პასუხისმგებლობით აღჭურვილი საეკლესიო ორგანო ცალკეული შემთხვევისათვის. მაგრამ ყოველთვის შეგვიძლია ვთქვათ, რომ იგი იგივეობრივია იმისა, რომელიც კანონმდებლობს ან ზედამხედველობს აკრიბიის დაცვას, იგი არის, ვისაც აქვს ასევე უფლებამოსილება „შეკვრისა და გახსნისა“⁹⁹ შეკვრისა და გახსნის უფლება, საეკლესიო ტრადიციით, გადაეცა მაცხოვრისგან მის მოციქულებს, ხოლო მოციქულთაგან — სასულიერო პირებს (ეპისკოპოსებსა და მღვდლებს). „მღვდელმსახური მხოლოდ ხილული იარაღია ამ

99 *პანაიოტის ბუმისი*, დასახ. ნაშრომი, 44

საიდუმლოს აღსასრულებლად, რომელსაც უხილავად თავად ღმერთი აღასრულებს. როდესაც წმ. იოანე ოქროპირი საუბრობდა ეკლესიის მწყემსთა მიერ **შეკვრისა და განხსნის უფლების დადგინებაზე**, მას მხედველობაში ჰქონდა საღვთო დადგინება: „მღვდლები განსაზღვრავენ, თუ რა არის ქვენა, ღმერთი ადგენს ზენას და უფალი ეთანხმება თავის მონათა აზრს“. მღვდელი ამ შემთხვევაში საღვთო მონყალების იარაღია და **განხსნის ცოდვებს** არა თავისი, არამედ წმიდა სამების სახელით“. ¹⁰⁰ ამდენად, საეკლესიო იკონომიას ანიჭებს **ეპისკოპოსი**, ხოლო განსაკუთრებულ შემთხვევებში და შედარებით მცირე მნიშვნელობის კანონთაგან იკონომიას **მღვდელიც** მიანიჭებს.

თუკი საეკლესიო კანონიდან გადახვევის ნებართვაა გაცემული, ასეთ დროს გამოიყენება ტერმინი **დაშვებულია იკონომიით**.

დროის მხრივ არსებობს იკონომიის დაშვების ორი ფორმა: **წინასწარი და რეტროაქციული**, ხოლო ფორმის მხრივ: **განწერილი და მღუმარე**.

იკონომია **წინასწარია**, თუ იგი უფლებამოსილმა საეკლესიო ორგანომ გამოსცა ქმედობის ჩადენამდე, მაგალითად, დიდმარხვის წინ გაიცა კურთხევა რძის პროდუქტის მიღების თაობაზე.

რეტროაქციულ იკონომიას უწოდებენ იკონომიას, რომელიც მინიჭებულია ქმედობის ჩადენის შემდგომ, მისი ჩადენის ობიექტური გარემოებების შეფასებით. რეტროაქციული იკონომია ჰგავს აღსარებით მონანიებულ ქმედობას, მას მხოლოდ ის **განასხვავებს**, რომ რეტროაქციული იკონომიის დროს ქრისტიან ცოდვა **საერთოდ არ ეთვლება** ჩადენილად, ხოლო მეორე შემთხვევაში — ჩადენილად, მაგრამ მონანიებულად.

თუკი უფლებამოსილმა საეკლესიო ორგანომ განიხილა იკონომიის თხოვნა და მიანიჭა მადიებელს იკონომია, წინასწარი ან რეტროაქციული და მოხდა ამ იკონომიის განწერა, წერილობით ან დაუნერლად, საქმე გვაქვს **განწერილ** იკონომიასთან. განწერილს ვუწოდებთ მას, ვინაიდან ცნობილია ვის ეხება, რა შემთხვევისთვის, რა დროით არის გაცემული და ა.შ., ანუ ყოველივე ზემოთქმული განწერილია. ხოლო ისეთ შემთხვევაში, როდესაც საეკლესიო იერარქიამ იცის იკონომიის, ანუ საეკლესიო კანონ-

¹⁰⁰ პროტოპრესვიტერი მიხეილ პომა ზანსკი, დასახ. ნაშრომი, 258

თავან გადახვევის შესახებ, მაგრამ არ სჯის მას, არამედ ეთანხმება, თუმცა განწერილი არაფერია აღნიშნულის შესახებ, ამას მდუმარე იკონომია ეწოდება.

დ) საეკლესიო კანონთა გაუქმება. საეკლესიო სამართლის განმარტებისას აღინიშნა, რომ საეკლესიო სამართალი აღწერს საღმრთო ჭეშმარიტებას და ნებას. ამიტომ, ლოგიკურად დაისმის კითხვა საეკლესიო კანონთა გაუქმების დასაშვებობის შესახებ.

რამდენადაც კანონი, დოგმატისგან განსხვავებით, გადმოსცემს საღმრთო ჭეშმარიტებას, მაგრამ კონკრეტული ისტორიული ვითარების გათვალისწინებით, რომელიც შეიძლება შეიცვალოს, შესაბამისად, დასაშვებია შეიცვალოს ან გაუქმდეს კანონი. „ჭეშმარიტება გადმოცემულია ისტორიულ გარემოებებში და მიემართება სპეციფიკურ სიტუაციებს და გარემოებებს, ქცევის კატეგორიებს, სპეციფიკურ ადამიანებს და ინსტიტუციურ წარმონაქმნებს. ჭეშმარიტება მარადიულია. ისტორიული გარემოებები დროებითია და ექვედებარება შეცვლას. როდესაც კანონიკურ სამართალს მიმართავს, ჭეშმარიტება გამოიხატება, გადმოიცემა ისტორიულ გარემოებებში. როდესაც გარემოებები იცვლება, ჭეშმარიტება შეიძლება აღარ გადმოიცეს. უფრო ზუსტად, კულტურულმა ცვლილებებმა შეიძლება კანონიკური კანონმდებლობა გაუგებარი გახადოს, ან უარეს შემთხვევაში, იმგვარად იქნეს გაგებული, რაც არასდროს ყოფილა განზრახული და ამრუდებდეს საეკლესიო ცხოვრებას“.¹⁰¹

მიტროპოლიტ პანტელეიმონის მოსაზრებით, საეკლესიო კანონი შეიძლება შეიცვალოს ხუთ შემთხვევაში:

ა) როდესაც მას იმავე ან ზემდგომი საეკლესიო ორგანო აუქმებს. მაგალითად, მოციქულთა მე-5 კანონი ნებას რთავს ეპისკოპოსს, ჰყავდეს მეუღლეს, ხოლო მეხუთე-მეექვსე კრების მე-12 კანონმა ეს აკრძალა;

ბ) როდესაც იგი გამოცემულია კონკრეტულ ვადაში და ეს ვადა გავიდა. მაგალითად, მეხუთე-მეექვსე მსოფლიო კრების მე-3 კანონმა აღადგინა ნეოკესარიის კრების მე-8 კანონის მოქმედება, რომელიც დროის გასვლის გამო შეჩერებული იყო;

გ) როდესაც იგი ეხებოდა პირთა იმგვარ წრეს, რომელიც

101 Patrick Viscuso, დასახ. ნაშრომი, 4

აღარ არსებობს. მაგალითად, მოციქულთა 82-ე კანონის თანახმად, მონად მყოფი პირის ხელდასხმა დასაშვებია მხოლოდ ბატონის თანხმობის შემთხვევაში;¹⁰²

დ) როდესაც იგი გამოცემულია კონკრეტული გარემოებების გამო და ეს გარემოებები შეიცვალა. მაგალითად, ანკვირიის კრების მე-10 კანონი ნებას რთავდა დიაკონს ექორწინა, მაგრამ ეს წესი მეხუთე-მეექვსე მსოფლიო კრების მე-3 კანონმა გააუქმა;

ე) როდესაც იგი არ არის გადმოცემული ნათლად და აბსოლუტური ძალმოსილებით, რის გამოც იგი მიიჩნევა სპეციფიკურ ვითარებაში მიღებულად და აღარ გამოიყენება. მაგალითად, ორგზისი კრების მე-2 კანონი კრძალავს სამონაზვნო დასის წარმომადგენლის მონასტრის გარეთ ცხოვრებას, მაშინ, როდესაც ეპისკოპოსები რეზიდენციებში ცხოვრობენ, მაგრამ ამით არ არღვევენ სამონაზვნო აღთქმას.¹⁰³

ამრიგად, საეკლესიო კანონთა გაუქმების თაობაზე, მსგავსად იკონომიის შესახებ მსჯელობისას, უნდა აღინიშნოს, რომ საეკლესიო კანონი დასაშვებია გაუქმდეს, თუკი შეცვლილია ისტორიული ვითარება, რა დროსაც კანონი იქნა მიღებული და ამდენად, კანონის პირვანდელი სახით აღსრულებამ შეიძლება დაარღვიოს ის მიზანი, რის გამოც კანონი იქნა მიღებული.

102 ამ კატეგორიის განსამარტად მიტრ. პანტელეიმონს მოჰყავს მაგალითად მოციქულთა 84-ე კანონი მეფის ან მთავრის შეურაცხყოფის აკრძალვის შესახებ, როგორც დღესდღეობით ძალის არ მქონე, რასაც ვერ დავეთანხმებით. იხ. Prof. Dr. Panteleimon Rodopoulos, დასახ. ნაშრომი, 105

103 Prof. Dr. Panteleimon Rodopoulos, დასახ. ნაშრომი, 104-106

ქარჩი II

ქრისტიანული ცხოვრების
კანონიკური საფუძვლები

თავი 1. ეკლესიაში შესვლა, ეკლესიიდან გასვლა და

სელასალი შესვლა

ა) ეკლესიაში შესვლა. ეკლესიაში შესვლის უმთავრესი და ძირითადი წინაპირობაა **ნათლობა**.

ნათლობით **იწყება** ქრისტიანის ცხოვრება, „იგი არის შესასვლელი კარი მადლმოსილ სამეფოში — ეკლესიაში და სხვა საიდუმლოებში მონაწილეობის საშუალებას იძლევა“.¹⁰⁴ ნათლობა კანონიკურად შეიძლება განიმარტოს, როგორც ეკლესიაში, ანუ ამქვეყნად საღმრთო საზოგადოებაში შესვლის, მისი წევრობის წინაპირობა. ნათლობას ასევე ეწოდება სულიერი შობა.¹⁰⁵

ნათლობის სავალდებულობის შესახებ საუბრობს თავად მაცხოვარი: „ჭეშმარიტად, ჭეშმარიტად გეუბნები შენ: ვინც არ დაიბადება წყლისა და სულისაგან, ვერ შევა ღმრთის სასუფეველში. ხორცის მიერ შობილი ხორცია და სულის მიერ შობილი — სული“ (ინ. 3:4-5).

თუკი მოსანათლი ზრდასრულია, ნათლობის წინაპირობაა დამონაფება, ანუ სჯულის სწავლა, რომელიც წინ უსწრებს ნათლობას: „მაშ, ნადით, **დაიმონაფეთ** ყველა ხალხი და ნათელი ეცით მათ მამის და ძის და სული წმიდის სახელით“ (მთ. 28:19). მონათვლის წინ სჯულის შესწავლას უკავშირდება ეკლესიაში **კათაკმევლის** ინსტიტუტი, რაც აღნიშნავს პირს, რომელიც სწავლობს სარწმუნოებას. აღნიშნულზე მსჯელობისას აუცილებელია აღინიშნოს, რომ ნათლობა სავალდებულოა **ბავშვებისთვისაც**, იმის მიუხედავად, რომ ისინი სჯულს ვერ შეისწავლიან. ბავშვების ნათლობას აქვს თავისი კანონიკური მტკიცებულებები:

ა) იუდეური წინადაცვეთა, რომელიც 8 დღის ბავშვზე სრულდებოდა (დაბ. 17:11), ახალ აღთქმაში ნათლობით შეიცვალა (კოლ. 2:11-12);

ბ) მოციქულთა საქმეებში აღწერილია, რომ წარმართები ოჯახებით ინათლებოდნენ და არსადაა მითითება, რომ ბავშვებს არ ნათლავდნენ (საქ. 16:15);

გ) ადამიანს შეიძლება ცოდვები მიეტევოს ახლობლების რწმენით, რაც აღწერილია „განრღვეულის განკურნებაში“: „იხილა

104 პროტოპრესვიტერი მიხეილ პოპა ზანსკი, დასახ. ნაშრომი, 234

105 პროტოპრესვიტერი მიხეილ პოპა ზანსკი, დასახ. ნაშრომი, იქვე

იესომ მათი რწმენა და უთხრა დავრდომილს: გამხნეედი, შვილო, მოგეტევა შენი ცოდვები“ (მთ. 9:2);

დ) რამდენადაც „ვინც არ დაიბადება ნყლისა და სულისაგან, ვერ შევა ღმრთის სასუფეველში“ (ინ. 3:4), ბავშვებსაც ესაჭიროებათ სასუფეველში შესვლა, რადგან ადამიანი სიკვდილს ნებისმიერ ასაკში შეიძლება დაექვემდებაროს;

ე) კართაგენის კრების 110-ე კანონი, რომელიც ადგენს ჩვილთა ნათლობის სავალდებულობას.

ნათლობის კანონიკური ნამდვილობისთვის აუცილებელია შემდეგი გარემოებების არსებობა:

ა) ნათლობა უნდა აღესრულოს პირზე, რომელსაც შეგნებული აქვს ქრისტიანული სარწმუნოების არსი და მისი გადწყვეტილება მონათვლის შესახებ. საერთოდ, უნდა ითქვას, რომ არამართლმადიდებლის, ანუ სხვაგვარად, უცხოდმადიდებლის აღმნიშვნელ 5 კატეგორიას იცნობს საეკლესიო სამართალი:

წარმართი: ადამიანი, რომელიც აღიარებს წმინდა წერილისგან განსხვავებულ რელიგიურ წიგნს. წარმართს შეიძლება სწამდეს როგორც ერთი ღმერთის (ისლამი), ისე მრავალი ღმერთის (ქერპთაყვანისმცემლობა);

იუდეველი: ადამიანი, რომელიც აღიარებს წმინდა წერილიდან მხოლოდ ძველ აღთქმას, მაგრამ არ ცნობს იესო ქრისტეს ღმერთის ძედ და მესიად;

მწვალებელი: ადამიანი, რომელსაც სწამს იესო ქრისტეის, რელიგიურ წიგნად აღიარებს ბიბლიას, მაგრამ სწამს განსხვავებულად, ვიდრე ეს მართლმადიდებელი ეკლესიის მოძღვრებაა;

ათეისტი: ადამიანი, რომელსაც არ სწამს მიღმიერი, იმქვეყნიური სამყაროსი. ამ კატეგორიაში შეიძლება ჩაითვალოს ის პირებიც, რომლებსაც არამატერიალური სამყაროს შესახებ გარკვეული რწმენა-წარმოდგენები აქვთ, მაგრამ ეს არ უკავშირდება რელიგიური წესების შესრულებას;

სატანისტი: ადამიანი, რომელსაც სწამს იმქვეყნიური სამყაროსი, მაგრამ ემსახურება ბოროტ ძალას, ანუ ეშმაკს (სატანას).

ზემომოყვანილთაგან ნათლობა უცილობლად უნდა შესრულდეს წარმართზე, იუდეველსა და ათეისტზე. მწვალებელზე შეიძლება არ შესრულდეს ნათლობა, არამედ მხოლოდ მირონ-

ცხება (ამის შესახებ იხილეთ ქვემოთ). რაც შეეხება სატანისტს, მისი ნათლისღება მხოლოდ შეიძლება არანმინდა სულისგან სრული განწმედის შემთხვევაში (იხ. ტიმოთე ალექსანდრიელის მე-2 კანონი).

იმ შემთხვევაში, თუ ნათლობა ქრისტიანზე აღესრულა, ანუ ხელმეორედ შესრულდა, ეს ჩაითვლება მძიმე ცოდვად, ხოლო ნათლობა — შეუსრულებლად (მოციქულთა 47-ე კანონი).

იკონომიები:

1. ნათლობა შეიძლება შესრულდეს სწულზე, რომელსაც არ შეუძლია თავისი გონებით მიიღოს გადაწყვეტილება (კართაგენის კრების 45-ე კანონი).

2. ნათლობა შეიძლება მეორედ შესრულდეს ადამიანზე, თუ უცნობია, მონათლულია თუ არა ის და შეუძლებელია ამის დადგენა. ამ შემთხვევაში ნათლობის სიტყვების (იხ. ქვემოთ) წინ ითქმის სიტყვები „უკეთეს არა ნათელ-ღებულ არს“ (კართაგენის კრების 72-ე კანონი);

ბ) ნათლობა უნდა აღასრულოს კანონიკური წესით ხელდასხმულმა მართლმადიდებელ ეკლესიასთან სრულ თანაზიარებაში მყოფმა ეპისკოპოსმა ან მღვდელმა (მოციქულთა 46-ე და 47-ე კანონები). ეკლესიისგან განდგომილი სასულიერო პირის მიერ შესრულებული ნათლობის ნამდვილობა შეიძლება ეჭვქვეშ დადგეს;

იკონომია:

1. თუ შეუძლებელია მღვდლის მოყვანა და მონათვლის მსურველი ადამიანი სიკვდილის პირასაა, დასაშვებია ნათლობა შეასრულოს ქრისტიანმა საერო პირმა (ორივე სქესის), მხოლოდ ნათლობის სიტყვების წარმოთქმით. საგულისხმოა, რომ გადარჩენის შემთხვევაში ნათლობა უნდა დაასრულოს მღვდელმა (ეპისკოპოსმა) და სცხოს მონათლულს მირონი. გარდაცვალების შემთხვევაში პირი მონათლულად ჩაითვლება.

გ) ნათლობა უნდა შესრულდეს ეკლესიაში, წყალში სამგზის შთაფვლით, რამდენადაც ნათლობის ბერძნული შესატყვისი „ბაპტიზმა“ სწორედ-რომ შთაფვლას ნიშნავს;¹⁰⁶

იკონომიები:

1. თუ მთლიანად შთაფვლა არ ხერხდება, დასაშვებია დასხ-

¹⁰⁶ The Pocket Oxford Classical Greek Dictionary, დასახ. გამოცემა 63 (1)

მით ნათლობა.

2. თუ არ ხერხდება წყლით ნათლობა, დასაშვებია ქვიშით ან მინით.

3. დასაშვებია ნათლობა მდინარეში ან ტბაში, ხოლო მოსანათლის ავადმყოფობის შემთხვევაში — სახლშიც.

დ) ნათლობისას უნდა წარმოითქვას ნათლობის სიტყვები: „ნათელს იღებს მონა (მხვეალი) ღმრთისა (მოსანათლის სახელი) სახელითა მამისათა, ამინ! და ძისათა, ამინ! და წმიდისა სულისათა, ამინ! ან და მარადის და უკუნითი უკუნისამდე, ამინ! სამების თითოეული პირის დასახელებისას ხდება შთაფვლა. ნათლობის სიტყვები დაცულია აკრიბიით.

საერთო იკონომია ნათლობისთვის:

ადამიანი ეკლესიის წევრად ჩაითვლება, თუკი არცერთი ზემოაღნიშნული პირობა ყოფილა დაცული, მაგრამ იგი მოწამებრივად შეენირა ქრისტიანულ რწმენას და სისხლით დაამოწმა თავისი სარწმუნოება. ამგვარ ნათლობას სისხლით ნათლობას უწოდებენ.

ყოველივე ზემომოყვანილის ზედმიწევნით შესრულების შემდეგ, პირი ითვლება **მონათლულად**. იმ შემთხვევაში, როდესაც არსებობს საფუძვლიანი ეჭვი ნათლობის კანონიკურად უმართებულოდ შესრულების თაობაზე, საქმის გამოკვლევის შედეგად გადანყვეტილებას იღებს **შესაბამისი ეპარქიის ეპისკოპოსი**.

ნათლობის სახელთან დაკავშირებით გავრცელებულია მოსაზრება, რომ აუცილებელია ადამიანი მოინათლოს **მხოლოდ წმიდის სახელზე**. ეს ასე არ არის, რის დასტურადაც საკმარისია გავიხსენოთ, რომ *დიონისე არეოპაგელს, მეფე ვახტანგ გორგასალს, ქეთევან დედოფალს, აბო თბილელს* და სხვა არაერთ ცნობილ წმიდა ადამიანს სრულებითაც არ ერქვათ წმიდის სახელი და მათი სახელები ასეთად მხოლოდ მათი კანონიზაციის შემდეგ იქცა. რა თქმა უნდა, სასურველია, რომ ქრისტიანმა მშობლებმა შეიღეს ისეთი სახელი დაარქვან, რომელიც უკავშირდება რომელიმე ცნობილ წმიდას ან დღესასწაულს (მაგალითად, თეოფანე, აღდგომელა, ანასტასია, ხარება), რაც, ბუნებრივია, მათში აღძრავს კეთილ მისაბაძს, მაგრამ ეს **საეკლესიო კანონი** არ არის.

დიდად რეკომენდებულია, რომ მოსანათლ ადამიანს ჰყავდეს

ნათლია. ნათლიას ქრისტიანული ტრადიციით სულიერი მშობელი ეწოდება და იგი პასუხისმგებელია უფლის წინაშე ნათლულის ქრისტიანულად აღზრდისათვის. ნათლიის მოვალეობა განსაკუთრებით მაშინ იზრდება, როდესაც მოსანათლი ბავშვია და იგი **ვერ აცნობიერებს** ნათლობის საიდუმლოს. ასეთ დროს სწორედ ნათლია ამბობს ნათლულის სანაცვლოდ, რომ „განაგდებას სატანას“, „შეუდგება ქრისტეს“ და „სწამს იგი, ვითარცა მეუფე და ღმერთი“, ¹⁰⁷ ასევე წარმოთქვამს სარწმუნოების სიმბოლოს.

ნათლიად შერჩეული ადამიანი:

ა) უნდა იყოს **მართლმადიდებელი** სარწმუნოების აღმსარებელი, ეკლესიასთან თანაზიარებაში მყოფი და მიზანშეწონილია, აგრეთვე, იყოს ერისკაცი და არა მონაზონი; ¹⁰⁸

ბ) დაუშვებელია იყოს მოსანათლის **მშობელი**;

გ) საქართველოს სამოციქულო მართლმადიდებელი ეკლესიის ადგილობრივი ტრადიციით, არ უნდა იყოს მოსანათლის ოჯახის ხორციელი ან სულიერი **ნათესავი**. ¹⁰⁹

ნათლობის საიდუმლოს აღსრულების შემდეგ, ლაოდიკიის კრების 48-ე კანონის შესაბამისად აღესრულება **მირონცხების** საიდუმლო, რომელიც არსობრივად ცალკე საიდუმლოა და ნათლობის საიდუმლოს ნაწილი არ არის. მოციქულთა საქმეებში აღწერილია, რომ ადამიანები ინათლებოდნენ, მაგრამ მათ არ ჰქონდათ მიღებული **სულიწმიდა** და მოციქულები ხელს დაადებდნენ სულიწმიდის ნიჭთა მისაღებად (საქ. 8:14-17). ეს წესი ეკლესიაში მოგვიანებით მირონცხების საიდუმლოთი შეიცვალა.

მირონს მღვდელი ახლად მონათლულ ადამიანს ჯვრის სახით ცხებს „შუბლზე, თვალებზე, ნესტოებზე, ბაგეებზე, ყურებზე, მკერდზე, ხელებსა და ფეხებზე და სხეულის თითოეული ნაწილის ცხებისას წარმოთქვამს სიტყვებს: **„ბეჭედი მონიჭებულ არს სულისა მიერ წმიდისა“**. ¹¹⁰ დღეს გავრცელებული პრაქტიკის თანახმად, ნათლობის და მირონცხების საიდუმლოს

¹⁰⁷ ეს სიტყვები წარმოითქმის ნათლობის საიდუმლოს შესრულების დროს და მას ერთობლივად ამბობენ ნათლია და ნათლული, ხოლო თუ ეს შეუძლებელია, მაშინ მხოლოდ ნათლია.

¹⁰⁸ *პანაიოტის ბუშისი*, დასახ. ნაშრომი, 78

¹⁰⁹ ეკლესიის ეს ტრადიცია მიზანშეწონილია დაეიცვათ, თუმცა ისიც უნდა ვიცოდეთ, რომ ეს წესი ტრადიციად მხოლოდ და არა საეკლესიო კანონი.

¹¹⁰ პროტოპრესვიტერი *მიხეილ პომაზანსკი*, დასახ. ნაშრომი, 239

დასრულებისას მონათლულს მოებანება ნაცხები მირონი. ეს პროცედურა ძველად სახლში აღესრულებოდა, როგორც წესი, ნათლობიდან 3 დღის შემდეგ და ადამიანი 3 დღე მირონცხებუ-ლი დადიოდა. ამას უკავშირდება გავრცელებული შეხედულება „განმბანელის“, როგორც სულიერი ნათესავის თაობაზე, რაც უმართებულოა და მას კანონიკურად საფუძველი არ აქვს.

ყოველივე ზემოაღნიშნულის აღსრულების შემდეგ ადამიანი ხდება ქრისტეს ეკლესიის წევრი, ანუ იწოდება **ქრისტიანად**. ქრისტიანს ნათლობის შედეგად მიეცევა როგორც ადამის პირველქმნილი ცოდვა, ისე თავისი პირადი ცოდვები (ზრდასრულ ადამიანს), მიიღებს სულიერ ძალას ღმრთისგან, ხდება ქრისტეს სხეულის — ეკლესიის ნაწილი და მისი სახელი ჩაიწერება ზეციურ წიგნში (შდრ. ლკ. 10:20).¹¹¹ ქრისტიანის უფლებებსა და მოვალეობებს ეხება ამ წიგნის შემდეგი თავი.

ეკლესიის წევრები თანასწორი არიან ღმრთის წინაშე: „აღარ არის იუდეველი, აღარც ბერძენი, აღარც მონა და აღარც თავისუფალი, აღარც მამაკაცი და აღარც დედაკაცი, რადგანაც ყველანი ერთი ხართ ქრისტე იესოში“ (გალ. 3:28), „მაგრამ როგორც ყოველ ცოცხალ ორგანიზმში, ეკლესიის სხეულშიც თითოეულ წევრს აქვს თავისი დანიშნულება“.¹¹² აღნიშნულის განსამარტად პავლე მოციქული აღნიშნავს, რომ ღმერთმა „დაადგინა ზოგი მოციქულად, ზოგი წინასწარმეტყველად, ზოგი მახარებლად, ზოგნიც მწყემსებად და მოძღვრებად. რათა სრულეყოთ ნშიდანი მსახურების საქმისათვის - ქრისტეს სხეულის ასაშენებლად“ (ეფ. 4:11-12). ამდენად, ეკლესიის წევრთაგან ზოგისთვის მეტი და ზოგისთვის ნაკლები უფლებამოსილების განსაზღვრა ნიშანია არა იმისა, რომ მათ შორის უფროს-უმცროსობაა, არამედ იმისა, რომ თითოეული თავისი შესაძლებლობის მიხედვით ემსახურება ერთ ღმერთს და მის ეკლესიას. ქრისტიანული მორჩილებაც ამ მიმართულებით უნდა იქნეს გაგებული.

ეკლესიის წევრები განსხვავდებიან ცხოვრების წესის და მსახურების წესის მიხედვით.¹¹³

ცხოვრების წესის მიხედვით ქრისტიანი შეიძლება იყოს მო-

111 პანაოტის ბუმისი, დასახ. ნაშრომი, 82

112 Протоиерей Владислав Цыпин, დასახ. ნაშრომი, 174

113 Протоиерей Владислав Цыпин, დასახ. ნაშრომი, 176

ნაზონი (მარტო მცხოვრები) ან **ერში მცხოვრები**, ხოლო მსახურების წესის მიხედვით **სამღვდლო** ან **საერო** პირი.

ბ) ეკლესიაში შესვლა სხვა ქრისტიანული მიმდინარეობებიდან. უპირველესად უნდა აღინიშნოს, რომ არამართლმადიდებლური ეკლესიები, რომლებიც თავს ქრისტიანულ სარწმუნოებას მიაკუთვნებენ, პირობითად შეიძლება ორ ჯგუფად დაიყოს:

სამოციქულო ტრადიციის ეკლესიები, რომლებსაც მიეკუთვნებიან ის უძველესი ეკლესიები, რომლებიც, მართალია, აღარ არიან ერთი, წმიდა, კათოლიკე და სამოციქულო ეკლესიის ნაწილი, მაგრამ შენარჩუნებული აქვთ მრავალი ქრისტიანული ტრადიცია, აღიარებენ მღვდლობას, როგორც საიდუმლოს და სხვა საიდუმლოებს, ექვარისტიისას პურისა და ღვინის მაცხოვრის ხორცად და სიხლად გადაარსებას, აქვთ მოციქულთაგან უწყვეტი იერარქია და ა.შ. ამგვარი ეკლესიებია: რომის, სომხური, კობეტური, სირიული და სხვა;

არასამოციქულო ტრადიციის ეკლესიები, რომლებიც ზემოთ განხილული ეკლესიებისგან განსხვავდებიან, უარყოფენ საიდუმლოებს მთლიანად ან მათ ნაწილს, არ აქვთ მოციქულთაგან უწყვეტი ხელდასხმა, ბევრგან შემოღებული აქვთ ქალთა ხელდასხმა და ა.შ. ამგვარი ეკლესიებია ყველა დანარჩენი ქრისტიანული მიმდინარეობა: ბაპტისტური, ლუთერული, ორმოცდაათიანელთა და სხვა.

სხვა ქრისტიანული კონფესიებიდან მართლმადიდებელ ეკლესიაში მიღების წესს რამდენიმე კანონი ეხება დიდ სჯულისკანონში. მეხუთე-მეექვსე მსოფლიო კრების 95-ე კანონის თანახმად, არსებობს ამ კატეგორიის ადამიანთა მიღების 3 წესი:

აღსარებით, რაც გულისხმობს იმას, რომ ადამიანი საჯაროდ უარყოფს თავისი კონფესიის მოძღვრებას და აღიარებს მართლმადიდებლურ სჯულს;

მირონცხებით, რაც გულისხმობს აღსარებას და ამის შემდეგ პირზე აღესრულება მირონცხების საიდუმლო;

სრული ნათლობით, რაც გულისხმობს იმას, რომ პირი ეკლესიაში მიიღება, როგორც წარმართი, ნათლობა-მირონცხებისათვის დადგენილი ყველა წესის შესრულების შემდეგ.

იმ შემთხვევაშიც კი, როდესაც ეკლესია მიზანშეწონილად არ მიიჩნევს ნათლობის საიდუმლო გარეგნულად ხელახლა

შეასრულოს, არ ნიშნავს იმას, რომ ამით ეკლესია აღიარებს არამართლმადიდებლური კონფესიის მიერ შესრულებული საიდუმლოს მადლმოსილებას: „ეკლესიას, როგორც საღმრთო მადლის საგანძურის მფლობელს, შესწევს ძალა, აღავსოს ღვთიური მადლით საიდუმლოს ის წესი, რომელიც აღსრულდა ამა თუ იმ მწვალებლურ, ან სქიზმატურ ქრისტიანულ განშტოებაზე“.¹¹⁴

მეხუთე-მეექვსე მსოფლიო კრების 95-ე კანონში ჩამოთვლილია იმ მწვალებლობათა ნუსხა, რომელიც კრებამდე ან კრების პერიოდში არსებობდა და განსაზღვრულია თითოეულის მიმართ მართლმადიდებელ ეკლესიაში მიღების რომელი წესი უნდა იქნეს გამოყენებული. თუმცა უნდა აღინიშოს ისიც, რომ ჩამოთვლილთაგან დღესდღეობით **არცერთი** მათგანი არ არსებობს. ამიტომ, მართლმადიდებელი ეკლესიის იერარქიას მართებს გამოიყენოს **ანალოგიის პრინციპი** და ისე მიიღოს მწვალებლური კონფესიებიდან მართლმადიდებელ ეკლესიაში შესვლის მსურველნი.

მაგალითად, მეორე მსოფლიო კრების მე-7 კანონის თანახმად, ის მწვალებლები, რომელნიც გარეგნულად ისეთივე წესით არიან მონათლულნი, როგორც ეს მართლმადიდებელ ეკლესიაში აღესრულება (ანუ სამჯერ შთაფვლით, წმინდა სამების სახელით), მათ ევალებათ უარყონ სარწმუნოებრივი ცდომილება, ხელი მოანერონ სპეციალურ დოკუმენტს — ლიველონს და მიიღონ მირონცხება. რაც შეეხება ნათლობის შესრულების წესის დარღვევით „მონათლულებს“, მათ ხელახალ მონათვლას ადგენს კანონი. ბასილი დიდი უცხოდმადიდებელთა მიღების შესახებ აღნიშნავს, რომ მთავარი არის არა ნათლისღების სიტყვების სწორად წარმოთქმა ან გარეგნული აღსრულება, არამედ იმ **სიმძიმის** განხილვა, რასაც ეს ერეტიკული დაჯგუფება ასწავლის: „არ შევიწყნარებთ მათ ეკლესიაში, თუ არ მოინათლებიან ჩვენი ნათლისღებით. მათ **არ უნდა თქვან**, რომ ნათელ-იღეს მამის, ძისა და სულიწმიდის მიმართ, რადგან მარკიონისა და სხვა მწვალებლების მსგავსად ღმერთს ბოროტების გამჩენის სახელს არქმევენ“ (47-ე კანონი).

დღევანდელ ეპოქაში, ყველა ადგილობრივი მართლმადიდებელი ეკლესია არასამოციქულო ტრადიციის ეკლესიებში მო-

114 *პანაოტის ბუმიის*, დასახ. ნაშრომი, 85

ნათლულ პროტესტანტ ქრისტიანებს **ნათლავენ** მართლმადიდებლური წესით, ვინაიდან „მათზე შეწყდა სამოციქულო მემკვიდრეობა — აუცილებელი წინაპირობა ყოველთა საიდუმლოთა ძალმოსილებისათვის. გარდა ამისა, მრავალ პროტესტანტს (მათ სხვადასხვა განშტოებებს) არ სწამთ ერთარსება სამება“.¹¹⁵

რაც შეეხება სამოციქულო ტრადიციის ეკლესიების მიერ შესრულებულ ნათლობას, ბერძნულ ეკლესიაში ისინი მიიღებიან **მართლმადიდებლური სარწმუნოების საჯაროდ აღიარებით და მირონცხებით**.¹¹⁶ თუმცა საგულისხმოა, რომ არსებობს კონსტანტინოპოლის ადგილობრივი კრების 1756 წლის განჩინება „დასავლელ ქრისტიანთა ნათლობის შესახებ“, რომლის თანახმად რომის ეკლესიის წევრები მართლმადიდებელ ეკლესიაში მხოლოდ **სრული ნათლობით** მიიღებიან.

ანალოგიური, ანუ მირონცხების წესი გამოიყენება სამოციქულო ტრადიციის უცხოდმადიდებელთა მიმართ **რუსეთის ეკლესიაშიც**.¹¹⁷

რაც შეეხება საქართველოს სამოციქულო მართლმადიდებელი ეკლესიის ტრადიციას, ჩვენში მოქმედებს რუის-ურბნისის 1104 წლის კრების მე-15 კანონი, რომლის თანახმად სომხური ეკლესიის წარმომადგენლები მართლმადიდებელ ეკლესიაში **სრული ნათლობით** მიიღებიან. რაც შეეხება რომის ეკლესიას, აღნიშნულის თაობაზე ცალკე კანონი არ არსებობს. საქართველოს ეკლესია დღეს გავრცელებული პრაქტიკით იყენებს რუის-ურბნისის ზემოხსენებული კანონის ანალოგიას და მათაც **ნათლავს** მართლმადიდებლური წესით.

გ) ეკლესიიდან გასვლა და ხელახლა შესვლა. ეკლესიაში შესვლა და იქ მყოფობა მთლიანად დამოკიდებულია ადამიანის **ნებაზე**. ეკლესია უარყოფს ყოველგვარ ძალდატანებას ადამიანზე იმისათვის, რომ ის ეკლესიის წევრი იყოს. ამიტომ, ეკლესიიდან გასვლა, განსხვავებით, მაგალითად ისლამური სამართლისგან,¹¹⁸ საერთოდ არ ისჯება. ადამიანს მინიჭებული აქვს სრული თავისუფლება, ნებისმიერ წამს დატოვოს ეკლესია. მსგავსი

115 პანაიოტის ბუმისი, დასახ. ნაშრომი, 86

116 პანაიოტის ბუმისი, დასახ. ნაშრომი, იქვე

117 Протоиерей *Владислав Цыпин*, დასახ. ნაშრომი, 184

118 *David Forte*, "Islam's Trajectory" // Revista de științe politice, Craiova, Nr. 29, 2011, 97

თავისუფლება იშვიათია ნებისმიერ ინსტიტუციაში, რაც დედამინაზე არსებობს, ვინაიდან ეკლესიაში ყოფნა ღმერთთან ყოფნაა და ღმერთთან ყოფნა მხოლოდ თავისუფალი გადანყვეტილების საფუძველზე უნდა მოხდეს. ერთადერთი სასჯელი, რაც შეიძლება გამოყენებულ იქნეს ეკლესიიდან წასულ ადამიანზე, არის ანათემაზე გადაცემა, თუმცა იგი სხვა არაფერია, თუ არა დამონება იმ ფაქტისა, რომ ადამიანმა დატოვა ეკლესია და ის მართლმადიდებელი ქრისტიანი აღარ არის.

ეკლესიისგან გასვლის შედეგად ადამიანი აღმოჩნდება ზემოთ დასახელებულ არამართლმადიდებელთა ხუთი კატეგორიიდან ერთ-ერთი.

ცალკე უნდა აღინიშნოს, რომ ადამიანი ეკლესიიდან განდგომილად ჩაითვლება, თუნდაც იგი არ განუდგეს ეკლესიას გარეგნულად, მაგრამ შერაცხად მდგომარეობაში **მოიკლავს თავს (ტიმოთე ალექსანდრიელის მე-14 კანონი)**. თვითმკვლელობად ჩაითვლება შერაცხადი, სრულ გონებაზე მყოფი ქრისტიანის:

ა) ნებისმიერი მოქმედება ან უმოქმედობა, შესრულებული და მიმართული საკუთარი სიცოცხლის მოსასპობად, რასაც მოჰყვა სასიკვდილო შედეგი, ჩადენილი ღმრთის მიმართ უსასოობის გამო;

ბ) დუელში დაღუპვა;¹¹⁹

გ) ნარკოტიკული თრობის მდგომარეობაში გარდაცვალება.¹²⁰

თავგანწირვა, მიუხედავად იმისა, რომ გარეგნული ფორმით ჰგავს თვითმკვლელობას (რადგან ადამიანი საკუთარი ნებით თანხმდება მის სიკვდილს და აღასრულებს მას), **არ შეიძლება ჩაითვალოს** თვითმკვლელობის ცოდვად, ვინაიდან ამ დროს ქრისტიანი აღასრულებს მაცხოვრის უმთავრესი ორი მცნებიდან ერთ-ერთს: „ეს არის ჩემი მცნება, რათა გიყვარდეთ ერთმანეთი, როგორც მე შეგიყვარეთ თქვენ. არავისა აქვს იმაზე დიდი სიყვარული, ვინც **სულს დადებს** თავისი მეგობრისთვის“ (ინ. 15:12-13).

119 პანაოტის ბუმისი, დასახ. ნაშრომი, 202

120 საქართველოს სამოციქულო მართლმადიდებელი ეკლესიის წმინდა სინოდის 2005 წლის 27 ივნისის განჩინებათა მე-4 კანონის გათვალისწინებით, რომლის თანახმად ნარკოტიკის გავრცელება კაცის კვლის ცოდვის თანახმორად შეირაცხა.

სპეციალური კანონები მოქმედებს იმ შემთხვევაში, როდესაც ადამიანი ეკლესიაში **დაბრუნებას** გადანყვევებს. საგანგებოდ უნდა აღინიშნოს, რომ ნათლობის საიდუმლო არ **მეორდება**, იმ შემთხვევაშიც კი, ქრისტიანი სატანისტურ დაჯგუფებაშიც რომ გადავიდეს.

საეკლესიო სასჯელი იმის მიხედვით შეეფარდება ადამიანს, თუ რა გარემოებებში დატოვა მან ეკლესია. საეკლესიო კანონები განარჩევს ადამიანის მიერ ეკლესიიდან **გასვლის 3 წინაპირობას**, რომლებიც ეფუძნება მხოლოდ ადამიანის **ნებას**:

ა) თუ ადამიანმა **წამების შიშით** უარყო ქრისტიანობა: ეს ყველაზე მისატყვევებელია და ისჯება უზიარებლობით 4 წლით (*პეტრე ალექსანდრიელის მე-3 კანონი*);

ბ) თუ ადამიანმა **სულმოკლეობის გამო** უარყო ქრისტიანობა: ისჯება უზიარებლობით 12 წლით, ხოლო თუ ეს სულმოკლეობა გამომდინარეობდა პირადი სარგებლის მიღების მოტივაციით — 15 წლით (პირველი მსოფლიო კრების მე-11 და მე-12 კანონები);

გ) თუ ადამიანმა **საკუთარი ნებით, ძალდაუტანებლად** უარყო ქრისტიანობა: ისჯება უზიარებლობით სიკვდილამდე (*ბასილი დიდის 73-ე კანონი*).

იკონომია:

შეიძლება ვადები შემცირდეს (ანკვირიის კრების მე-5 კანონი).

ცალკე უნდა აღინიშნოს, რომ თუკი ადამიანი ქრისტიანობას **განუდგა მოჩვენებით**, იგი დაისჯება უზიარებლობით 6 თვით (*პეტრე ალექსანდრიელის მე-3 კანონი*).

თავი 2. ქრისტიანული ცხოვრება და ქრისტიანული გარდაცვალება

ა) საფუძვლები ქრისტიანული ცხოვრებისთვის. მას შემდეგ, რაც ადამიანი გახდება ქრისტეს ეკლესიის წევრი, ანუ ქრისტიანი, მას მართებს თავისი ცხოვრება წარმართოს ქრისტიანული მოძღვრების თანახმად.

ქრისტიანული სარწმუნოების მიხედვით ადამიანი შექმნილია სამი მიზნით:

ა) ადიდოს თავისი შემოქმედი ღმერთი;

ბ) ისწრაფოს შემოქმედისკენ ნეტარების მისაღწევად;

გ) იყოს შუამავალი ღმერთსა და მის ქმნილებათა შორის.¹²¹

ამ სამი დანიშნულებასთან არის დაკავშირებული ადამიანის სამი უნარი, რომელიც არ აქვს არცერთ სხვა ქმნილებას: ღმრთისმსახურების, სიბრძნის და მართვის. შესაბამისად, საეკლესიო კანონები და, ზოგადად, ეკლესიის მოძღვრება ანესრიგებენ ადამიანური ცხოვრების არა ყველა მხარეს, არამედ მხოლოდ ისეთ საკითხებს, რაზედაც, რომელთა შესრულებაზეც საღმრთო ნების თანახმად დამოკიდებულია ქრისტიანის ცხოვრება.

ეკლესიაში დადგენილია შვიდი საიდუმლო, რომელთა აღსრულება არის წინაპირობა საეკლესიო კანონთა და სწავლებათა მიზნის მისაღწევად. ეს საიდუმლოებია:

ა) ნათლისღება, იგივე ნათლობა, რომლის თაობაზე იყო უკვე მსჯელობა და იგი არის სანყისი ეკლესიაში კეთილწარმატებისათვის;

ბ) მირონცხება, რომელიც აგრეთვე განხილულ იქნა და რომელიც არის სულიწმიდის „ბეჭედი“ საღმრთო ნიჭთა მისაღებად;

გ) აღსარება, იგივე სინანული, რომელიც ცოდვების მისატყუებლად და შესაბამისად, ცოდვილი ცხოვრებისგან განსაწმენდად არის დადგენილი;

დ) ზიარება, ეკლესიის უმთავრესი საიდუმლო, რომლითაც ადამიანი ხდება ღმრთის ხორცისა და სისხლის თანაზიარი;

ე) ზეთის კურთხევა, რომელიც დადგენილია სულიერ და ხორციელ სწეულებათაგან განსაკურნებლად;

ვ) ქორწინების საიდუმლო, რომელიც არ არის სავალდებუ-

¹²¹ პროტოპრესვიტერი მიხეილ პომაზანსკი, დასახ. ნაშრომი, 111-112

ლო, მაგრამ მიზანშეწონილია, თუკი ქრისტიანი საერო ცხოვრებას აპირებს;

ზ) მღვდლობა, რომელიც არის საღმრთო მადლის წყარო ქრისტიანებისათვის.

ბ) **საეკლესიო საიდუმლოებში მონაწილეობა.** ზემოთ ჩამოთვლილ საიდუმლოთაგან პირველი და მეორე, როგორც აღინიშნა უკვე განხილულ იქნა. ქორწინებას და მღვდლობას, როგორც განსაკუთრებულ საიდუმლოებს ეძღვნება ამ წიგნის ცალკე თავები. ამდენად, აქ განხილულ იქნება **აღსარების, ზიარებისა და ზეთის კურთხევის** საიდუმლოები.

აღსარების, ანუ სინანულის საიდუმლო დადგენილია ცოდვების მოსატევებლად: „სინანულის საიდუმლო კურნავს ადამიანის სულიერ სნეულებებს, აცილებს სულის მნიკვლს და ქრისტიანი ცოდვათა შენდობის მიღების შემდგომ ისევ უცოდველი და განწმედილი ხდება — ისეთი, როგორიც წყლიდან ამოვიდა ნათლისღების შემდგომ“.¹²² აღსარების საიდუმლო თავად ღმრთის მიერ არის დაწესებული, რაც წმინდა ნერილშია გადმოცემული:

ა) აღსარება აუცილებელია ყველა ქრისტიანისთვის: „ერთმანეთის წინაშე აღიარეთ თქვენი ცოდვები და ილოცეთ ერთმანეთისთვის“ (იაკ. 5:13);

ბ) ეკლესიას შეუძლია მონაწილეობა ცოდვა მიუტევოს ქრისტიანს: ღმერთმა თავის მოციქულებს და ამ გზით ეკლესიას მისცა ეს უფლება: „უთხრა მათ (მოციქულებს, ანუ ეკლესიას)¹²³: მიიღეთ სულიწმიდა. ვისაც მიუტევებთ ცოდვებს, მიეტევებათ, და ვისაც დაუტოვებთ, დარჩებათ“ (ინ. 20:23-24).

აღსარების საიდუმლოს შესრულებისთვის სახეზე უნდა იყოს შემდეგი წინაპირობები:

ა) აღსარებას ეკლესია იღებს მართლმადიდებელი ეკლესიის წევრისგან და მართლმადიდებელი ეკლესიის მიერ ხელდასხმული მღვდლის ან ეპისკოპოსის წინაშე. აღმსარებელი უნდა იყოს 10 წლის მაინც (ტიმოთე აღექსანდრიელის მე-18 კანონი)¹²⁴;

122 პროტოპრესვიტერი მიხეილ პომაზანსკი, დასახ. ნაშრომი, 256

123 პანაიოტის ბუმისი, დასახ. ნაშრომი, 88

124 ამ კანონის კომენტარებისას ეპისკოპოსი ნიკოდიმი (მილაში) აღნიშნავს, რომ

ბ) აუცილებელია ქრისტიანის **სინანული**, რაც თავის მხრივ მოიცავს (1) ნუხილს ჩადენილი საქციელის, მოქმედების გამო და (2) სურვილს აღარ გაიმეოროს მსგავსი ქმედობა;

გ) აღსარების მიმღებ სასულიერო პირს უნდა ემოსოს **ოლარი**,¹²⁵ რომელიც აუცილებელია აღსარების შემდეგ შენდობის ლოცვის წასაკითხად. საუბარი მოძღვართან, რომელსაც თან არ მოჰყვება შენდობის ლოცვა, **ვერ ჩაითვლება** აღსარებად.

აღსარების შედეგად ქრისტიანი იღებს **ცოდვათა** მიტევებას. თუკი მას აღსარების შემდეგ მოძღვარმა (ეპისკოპოსმა) განუხაზღვრა **ეპიტიმია** ან **სასჯელი**, ასეთ შემთხვევაში ჩადენილი შეცოდებები მიტევებულად ჩაითვლება მხოლოდ განწესებული ეპიტიმის ან სასჯელის აღსრულების შემდეგ.

აღსარების საიდუმლოსთან დაკავშირებით გამოიყოფა **ოთხი** კანონიკური დებულება:

ა) მონანული ქრისტიანისგან აღსარების მიღება სასულიერო პირისთვის **სავალდებულოა**. აღნიშნულის შეუსრულებლობა იმდენად მძიმე ცოდვაა, რომ ისჯება სასულიერო ხარისხიდან განკვეთით (მოციქულთა 52-ე კანონი). ასევე არაა განსაზღვრული, თუ **რამდენჯერ** შეიძლება მიტევება ცოდვილისთვის, რადგან სახარებისეული ციტატის მეტაფორით, მისი რაოდენობა უსასრულოა: „მაშინ მიუახლოვდა მას პეტრე და უთხრა: უფალო, რამდენჯერ მივუტევო ჩემს ძმას, რომელიც ჩემს წინააღმდეგ სცოდავს? შვიდჯერ? იესომ მიუგო: არ გეუბნები: შვიდჯერ-მეთქი, არამედ სამოცდაათჯერის შვიდჯერ“ (მთ. 18:21-22). ერთადერთი ცოდვა, რომლის მიტევებაც არ ხდება, არის სულიწმიდის **შეგნებულ გმობა** (მთ. 12:31);

ბ) აღსარების საიდუმლო **გაუმჟღავნებელია**. რამდენადაც აღსარების დროს ქრისტიანი ცოდვებს აღიარებს ღმრთის წინაშე, ხოლო მღვდელიც მას ღმრთის სახელით მიუტევებს ცოდვებს, შესაბამისად ცოდვის შესახებ ცნობები **საიდუმლოდ** უნდა დარჩეს და მისი გათქმა კატეგორიულად არის აკრძალული. აღსარებისას განდობილი ცოდვის თაობაზე ინფორმაციას მტკი-

პრაქტიკის თანახმად ეს ასაკი 7 წლამდეა შემცირებული. ასევე საქართველოს ეკლესიაშიც ამჟამად.

125 ოლარი — სამღვდლო და საეპისკოპოსო შესამოსელის ნაწილი, რომელიც ორად გაყოფილია, იდება კისერზე და განასახიერებს ორ წილ სამღვდლო მადლს.

ცებულებად არ იღებს არც საერო სასამართლო¹²⁶ და არც საეკლესიო;¹²⁷

გ) აღსარება, იგივე აღიარება, არის **შემამსუბუქებელი გარემოება** საეკლესიო-საპროცესო სამართალში (*ბასილი დიდის* 61-ე კანონი) და იგი **ანახევრებს** სჯულისკანონით განსაზღვრულ უზიარებლობის ვადას;

დ) აღსარების შემთხვევაში საეკლესიო სამართლის პროცესი **გამარტივებული** წესით ტარდება¹²⁸ (იხ. ამ წიგნის მეოთხე კარი, მე-3 თავი, „გ“ ქვეთავი)

ზიარება, ანუ ევქარისტია,¹²⁹ იგი ქრისტიანისათვის **უმთავრესი საიდუმლოა**,¹³⁰ რამდენადაც იგი არის აღმნიშვნელი და გამომხატვებელი ეკლესიასთან თანაზიარებისა. გამომდინარე აქედან მას აქვს განსაკუთრებული კანონიკური მნიშვნელობა, ვინაიდან ზიარების უფლება არის **ქმედუნარიანობა** ეკლესიაში.¹³¹

ზიარების საიდუმლოს აღსრულების უმთავრესი საეკლესიო მსახურება არის **წირვა**, ანუ **საღმრთო ლიტურგია**. დასაშვებია ზიარება წირვის გარეშეც, სნეულთათვის, რაც ქვემოთ იქნება განხილული.

როგორც პროფ. *პანაიოტის ბუმისი* აღნიშნავს, ზიარების საიდუმლოს წინ უნდა უძლოდეს ორი კატეგორიის წინაპირობა, მისი **აღსრულებისთვის** და მასში **თანამონაწილეობისთვის**.¹³²

საღმრთო წირვის **აღსრულებისათვის** სავალდებულოა:

ა) წირვა აღასრულოს მართლმადიდებელი ეკლესიის **ეპისკოპოსმა ან მღვდელმა**, რომელსაც აქვს მსახურების უფლება;

126 იხ. საქართველოს სამოქალაქო საპროცესო კოდექსის 129-ე მუხლის „ბ“ ქვეპუნქტი და 141-ე მუხლის „ბ“ ქვეპუნქტი და საქართველოს სისხლის სამართლის საპროცესო კოდექსის 50-ე მუხლის პირველი ნაწილის „გ“ ქვეპუნქტი.

127 კართაგენის კრების 59-ე კანონი.

128 იხ. აგრეთვე *დავით ჩიკვაიძე*, საღმრთო ლიტურგია ნაშრომი სამართლის დოქტორის აკადემიური ხარისხის მოსაპოვებლად: „საეკლესიო სამართლის პროცესი“, http://press.lsu.edu/ge/data/image_db_innova/Disertaciebil/davit-chikvaize.pdf, 47

129 ევქარისტია ბერძნულად „მადლობას“ ნიშნავს. *The Pocket Oxford Classical Greek Dictionary*, Oxford University Press, 2002, 147 (1)

130 პროტოპრესვიტერი *მიხეილ პომპიანსკი*, დასახ. ნაშრომი, 244

131 *დავით ჩიკვაიძე*, დასახ. ნაშრომი, 91

132 *პანაიოტის ბუმისი*, დასახ. ნაშრომი, 95-97

ბ) წირვა აღსრულდეს ერთ დღეს მხოლოდ ერთ ტრაპეზზე¹³³, ანუ დაუშვებელია წირვის აღვლენა ერთსა და იმავე ტრაპეზზე, რომელზეც იმ დღით უკვე შესრულებული იყო წირვა ან სასულიერო პირის მიერ, რომელმაც უკვე სწირა იმ დღეს;

გ) წირვის აღმვლენი სასულიერო პირი იყოს უზმოზე;

დ) წირვას ესწრებოდეს მრევლის ერთი წარმომადგენელი მაინც (თუნდ მგალობელი). მარტო სასულიერო პირი წირვას ვერ აღასრულებს;

ე) წირვა აღესრულოს მართლმადიდებლურ ტაძარში, ნაკურთხ ტრაპეზზე, ოდიკით¹³⁴;

იკონომიები:

1. დასაშვებია წირვის აღსრულება არამართლმადიდებლურ ტაძარში, სადაც მართლმადიდებელი ეკლესიის სინმინდეთა (მაგ. წმ. ნიკოლოზის საფლავი იტალიის ქ. ბარიში).

2. აგრეთვე, თუკი არსებობს საგანგებო საჭიროება ამისთვის, დასაშვებია წირვის აღსრულება მინდორში, შენობაში ან სხვა ადგილზე, სადაც შესაძლებელია სისუფთავის დაცვა და იგი არაა მკრეხელობასთან დაკავშირებული.

აკრიბია:

წირვისთვის ოდიკი აუცილებელია.

ვ) წირვის მასალად გამოყენებულ იქნეს გაფუებული, თეთრი ხორბლის ფქვილისგან გამომცხვარი პური (სუფისკვერი) და წითელი, ყურძნისგან დაყენებული ღვინო. წირვის დაწყების წინ ღვინოში უნდა შეერიოს მტკნარი წყალი (მეხუთე-მეექვსე მსოფლიო კრების 32-ე კანონი);

იკონომია:

ბერძნული ეკლესიის პრაქტიკით დასაშვებია წირვის აღსრულება თეთრი ღვინით.

ზ) წირვა აღესრულოს შუალამით ან დღის პირველ ნახევარში, წელიწადის ნებისმიერ დროს, გარდა დიდი მარხვის სადაგი დღეებისა (შაბათ-კვირის გარდა), თანახმად მეხუთე-მეექვსე მსოფლიო კრების 52-ე კანონისა. დიდ მარხვაში შუა კვირაში

133 ქრისტიანულ ტაძარში, საკურთხეველში მდებარე მაგიდა, რომელზეც აღსრულება საღმრთო წირვა და სხვა საზოგადო მსახურებები.

134 თეთრი, აბრეშუმის მართკუხთა ქსოვილი, რომელზეც გამოსახულია საფლავში მდებარე მაცხოვარი და მისი წამების იარაღები და რომელშიც ჩატანებულია წმიდის ნაწილი.

წირვა შეიძლება შესრულდეს მხოლოდ დიდი დღესასწაულის (მაგალითად, ხარების) დამთხვევის დროს. სხვა შემთხვევაში აღესრულება ე.წ. პირველშენირულის წირვა (ლაოდეციის კრების 51-ე კანონი);

თ) წირვა აღსრულოს ეკლესიის მიერ დადგენილი განწესის ზედმინენითი დაცვით. განწესის დარღვევით წირვის აღსრულება არის მძიმე საეკლესიო შეცოდება და ისჯება სასულიერო პირის განკვეთით (კართაგენის კრების 37-ე და 41-ე კანონები, მეხუთე-მეექვსე მსოფლიო კრების 23-ე, 28-ე და 32-ე კანონები).

საღმრთო წირვაში **თანამონაწილეობისათვის** სავალდებულოა:

ა) მაზიარებელი იყოს სრულ გონებაზე მყოფი მართლმადიდებელი ქრისტიანი, რომელსაც არ აქვს შეზღუდული/აკრძალული წმ. ზიარების მიღება;

იკონომია:

სულით ავადმყოფები და ბავშვები ეზიარებიან ახლობლების რწმენით;

ბ) მაზიარებელი მზად იყოს სულიერად (შეძლებისდაგვარად განწმენდილი ცოდვებისგან, ლოცვები ჰქონდეს აღვლენილი) და ხორციელად (იყოს უზმოზე, დაუშვებელია ზიარება ძილში დაცემის, სქესობრივი კონტაქტის მეორე დილას და დედათა წესის დროს).

იკონომია:

დასაშვები მიზეზების არსებობისას, შესაძლებელია ამ კანონებიდან გადახვევა.

ზეთის კურთხევის საიდუმლო ეკლესიაში სწეულებისგან განსაკურნებლად არის დადგენილი: „ავადაა ვინმე? ეკლესიის ხუცესთ მოუხმოს, რათა ილოცონ მისთვის და ზეთი სცხონ უფლის სახელით. რწმენის ლოცვა იხსნის ავადმყოფს, უფალი აღადგენს მას, და თუ ცოდვა რამ ჩაუდენია, მიეტივება“ (იაკ. 5:14-15). ზეთის კურთხევის საიდუმლოს სხვაგვარად **შვიდგზის** ზეთისცხებას უწოდებენ, მისი შვიდჯერადი ცხების გამო.

ზეთისცხების აღსრულებისთვის სავალდებულოა:

ა) იგი აღსრულოს სწეულ ქრისტიანზე;

იკონომია:

მართლმადიდებელ ეკლესიაში ბოლო პერიოდში დამკვიდრდა ტრადიცია, რომ დიდი მარხვის დროს ზეთის კურთხევა აღესრულება ჯანმრთელ ქრისტიანებზეც, სულიერ სწეულებათაგან საკურნებლად.

ბ) იგი აღასრულოს შვიდმა მართლმადიდებელმა სასულიერო პირმა;

იკონომია:

1. დასაშვებია მსახურება აღასრულოს რამდენიმე სასულიერო პირმა ან ერთმაც კი.

2. ძველ პერიოდში ზეთის კურთხევის შემდეგ ცხების უფლება ჰქონდა ერისკაცსაც. მე-13 საუკუნიდან ეს წესი გაუქმებულა.¹³⁵

გ) ზეთის კურთხევისთვის აუცილებელია მცენარეული, სუფთა ზეთი (მიზანშენონილია ზეთისხილის) და წითელი ღვინო.

ზეთის კურთხევის შემდეგ, თანახმად იაკობ მოციქულის ზემომოყვანილი სიტყვებისა, სწეულს მიეტყვევა ცოდვები. დღესდღეობით მართლმადიდებელი ეკლესიის პრაქტიკაში დამკვიდრებულია შეხედულება იმის თაობაზე, რომ ზეთის კურთხევის შედეგად ქრისტიანს მიეტყვევა **დავინყებულნი ცოდვები**. აღნიშნულის საფუძველი შეიძლება იყოს სწავლება იმის შესახებ, რომ ლოცვების აღვლენის შემდეგ ღმერთი უძღურს ცოდვებისგან მიტევებას ანიჭებს, რადგან „მხედველობაში მისაღებია ისიც, რომ ხორცითა და სულით დაუძღურებულ ადამიანს ყოველთვის არ შეუძლია სათანადოდ აღიაროს ცოდვები“,¹³⁶ რაც სავარაუდებელია მხოლოდ მცირე და, შესაბამისად, დავინყებულნი ცოდვების შემთხვევაში, ვინაიდან მძიმე ცოდვა, ჩვეულებრივ, ადამიანს ვერ დაავინყდება.

გ) ქრისტიანული გარდაცვალება. ქრისტიანული ცხოვრება მზადებაა ქრისტიანული გარდაცვალებისათვის. ამიტომ, ქრისტიანი მთელი თავისი ცხოვრება ემზადება გარდაცვალებისათვის, რის გამოც და დასტურად ეკლესია საღმრთო წირვის აღსრულების დროს მუდმივად აღავლენს ლოცვას ღმრთისადმი: „ქრისტიანობითონი აღსასრულნი ცხოვრებისა ჩვენისანი, უჭირ-

¹³⁵ *პანაოტის ბუმისი*, დასახ. ნაშრომი, 94

¹³⁶ პროტოპრესვიტერი *მიხეილ პომაზანსკი*, დასახ. ნაშრომი, 275

ველნი, ურცხვენელნი, მშვიდობითნი და კეთილი სიტყვის-გებაი წინაშე საშინელსა სამსჯავროსა ქრისტესსა, ვითხოვოთ“ (იოანე ოქროპირის საღმრთო წირვის განწესიდან).

ქრისტიანული გარდაცვალებისათვის მოსამზადებლად და გარდაცვალების შემდეგ შესასრულებელი წესების თაობაზე არსებობს სრულიად საქართველოს კათოლიკოს-პატრიარქის 1992 წლის განჩინება „მიცვალებულთა სულის საოხად“,¹³⁷ რომელიც განხილული იქნება დეტალურად.

პირობითად მიცვალებულის სულისათვის ზრუნვა შეიძლება დაიყოს სამ ნაწილად: **გარდაცვალებიდან დასაფლავებამდე, დასაფლავებიდან მეორმოცე დღემდე და მეორმოცე დღიდან შემდგომ პერიოდში.**

გარდაცვალებიდან დასაფლავებამდე:

განჩინების მე-2 პუნქტის შესაბამისად, „გარდაცვალების შემთხვევაში პირველივე დღიდან დასაფლავებამდე მიცვალებულის თავთან ჩაუქრობლად უნდა ენთოს სანთელი და კანდელი, უნდა იდგეს ხატი, ხორბალი, წყალი, ღვინო, მარილი და დღედაღამ ახლობლების მიერ უნდა იკითხებოდეს დავით წინასწარმეტყველის ფსალმუნები“. განჩინების მე-4 პუნქტის თანახმად კი სავალდებულოა, რომ გარდაცვლილს გულზე ეკიდოს მის სახელზე ნაკურთხი ჯვარი. შეძლებისდაგვარად, სამოქალაქო პანაშვიდების დროს უნდა სრულდებოდეს საეკლესიო საგალობლები (მე-6 პუნქტი), ცოცხალი შესრულებით ან ჩანერილი ვერსია.

განჩინების მე-8 პუნქტის თანახმად **დაუშვებელია** გარდაცვალებულისათვის რაიმე ზედმეტი ნივთის ან ტანსაცმლის „ჩატანება“/„ჩაყოლება“.

განჩინების მე-9 პუნქტი ითვალისწინებს **წესის აგებას** მიცვალებულისათვის: „დასაფლავების დღეს, დილით, ან წინა ღამეს მოძღვარმა უნდა აუგოს წესი მიცვალებულს და უკურთხოს საფლავის მიწა, ღვინო, პური, მარილი, წყალი“. აქვე უნდა აღინიშნოს, რომ როგორც საეკლესიო კანონებით (*ტიმოთე ალექსანდრიელის* მე-14 კანონი), ისე ხსენებული განჩინებით **„თვითმკვლელობით** აღსრულებულის და მოუნათლავისათვის საეკლესიო წესების შესრულება საეკლესიო კანონების თანახ-

¹³⁷ <http://www.orthodoxy.ge/samartali/ganchineba.htm>

მად აკრძალულია. მათ სახელზე მხოლოდ მოწყალეობა შეიძლება გაიცეს“ (21-ე პუნქტი), ხოლო „თუ ფსიქიკურად დაავადებული ადამიანი მოიკლავს თავს, მისთვის საეკლესიო კანონის თანახმად, საეკლესიო წესების შესრულება ნებადართულია“ (22-ე პუნქტი).

განჩინების მე-12 პუნქტით რეკომენდებულია ოჯახის ახლობელთა მიერ მარხვის დაცვა (თუ ადამიანი ხსნილის პერიოდში გარდაიცვალა).

რაც შეეხება დასაფლავებას, იგი უნდა აღესრულოს გარდაცვალებიდან 3-5 დღის განმავლობაში (მე-7 პუნქტი). აქვე აუცილებელია აღინიშნოს, რომ საეკლესიო ტრადიციით, ვადის ათვლა იწყება იმგვარად, რომ ვადის ათვლის დასაწყისი დღე ითვლება პირველ დღედ. მაგალითისთვის, თუ ადამიანი გარდაიცვალა 11 ნოემბერს, მე-5 დღე იქნება 15 ნოემბერი.

დასაფლავებიდან მეორმოცე დღემდე:

განჩინების მე-10 პუნქტის თანახმად სავალდებულოა, რომ დასაფლავების დღიდანვე საფლავზე დაიდგას მღვდლის მიერ ნაკურთხი დროებითი ჯვარი (ხის, ლითონის ან სხვა მასალის), რადგან უჯვრო საფლავს, წმიდა მამების სწავლებით, ეშმაკი ეპატრონება. დასაფლავების შემდეგ მისი სულის მოსახსენებლად მზადდება მოკრძალებული ქელები მხოლოდ უახლოესი ნათესავებისა და ახლობლებისთვის, სახსნილო ან სამარხვო, იმის მიხედვით წლის რა პერიოდიცაა. ქელები არ უნდა გაგრძელდეს დიდხანს (მე-11 პუნქტი).

განჩინების მე-13 პუნქტის თანახმად, „გარდაცვალებიდან 39-ე დღეს მოძღვარმა უნდა შეასრულოს პანაშვიდი, ხოლო მეორმოცე დღეს და წლისთავზე მიცვალებულისთვის უნდა დამზადდეს საკურთხი და ეკლესიაში შესრულდეს შეკვეთილი წირვა და პანაშვიდი“.

გასათვალისწინებელია, რომ მიცვალებულის ორმოცი გადაიხადონ გარდაცვალებიდან ზუსტად მეორმოცე დღეს, ან წინა დღეს, რადგან მეორმოცე დღეს ხდება გარდაცვლილის სულის დამკვიდრება მისთვის განკუთვნის სავანეში (მე-14 პუნქტი).

მნიშვნელოვანია, რომ სრულიად საქართველოს კათოლიკოს-პატრიარქისგან „გარდაცვლილის ახლობლებს ეძლევათ

ლოცვა-კურთხევა, ატარონ შავი ტანსაცმელი **40 დღე** ან არაუმეტეს 1 წელი. ერთი წლის შემდეგ შავი სამოსი აუცილებლად უნდა გაიხადოს ყველამ. შვილის, მეუღლის, ან მეტად ახლობელი ადამიანის სიყვარული უნდა გამოიხატოს არა შავი სამოსის ტარებით, არამედ ლოცვით და მიცვალებულის სულისთვის ღვთის სათნო კეთილ საქმეთა აღსრულებით“ (23-ე პუნქტი).

მეორმოცე დღიდან შემდგომ პერიოდში:

განჩინების მე-20 პუნქტის შესაბამისად, „ორმოცი დღის შემდეგ გარდაცვლილის ტანსაცმელი და ნივთები უნდა **დაურიგდეთ** გაჭირვებულთ“.

რაც შეეხება ქრისტიანის საფლავს, იგი არ უნდა იყოს **მდიდრული**. მიცვალებულის სულისთვის უკეთესია, თუ თანხაც გაჭირვებულთ დაურიგდებათ (მე-18 პუნქტი). ამასთან, სასურველია მოძღვარმა პერიოდულად **აკურთხოს** საფლავი, მაგალითად, მიცვალებულთა მოხსენიების დღეებში (მე-19 პუნქტი).

განჩინების მე-14 პუნქტი ეხება წლისთავსაც: „იგი უნდა გადაიხადონ გარდაცვალებიდან ზუსტად ერთი წლის შემდეგ“.

რაც შეეხება **ლოცვას**, სასურველია:

ა) **ფსალმუნის** კითხვა (თუნდაც დღეს მხოლოდ ერთი კანონის) სასურველია, დასაფლავების შემდეგ ერთი წლის განმავლობაში მაინც გაგრძელდეს (მე-3 პუნქტი);

ბ) ყოველ წელიწადს მიცვალებულთა ხსენების დღეს მისი ახლობლები უნდა ამზადებდნენ საკურთხს, რომელსაც დილით, წირვის დაწყების წინ, მიიტანენ ტაძარში პანაშვიდისთვის (მე-15 პუნქტი);

გ) მეტად კარგია თუ მიცვალებულის ახლობლები გააკეთებენ **საკურთხს** და ეკლესიაში მოძღვარს შეასრულებინებენ პანაშვიდს გარდაცვლილის დაბადების დღეს, გარდაცვალებისა და ანგელოზის დღეებში. საკურთხად გამოიყენება: ზეთი, ღვინო, პური, წანდილი, კოლიო ან სხვა საქმელი (მე-16 პუნქტი);

დ) განსაკუთრებული მნიშვნელობა აქვს მიცვალებული-სათვის, თუ მისი ახლობლები ყოველ შაბათ-კვირას და დღესასწაულის დღეებში ესწრებიან წირვა-ლოცვას, ეზიარებიან და სეფისკვერს **აგზავნიან** საკურთხეველში გარდაცვლილის სულის მოსახსენიებლად (მე-17 პუნქტი).

როგორც ზემოაღნიშნულის, ისე ცალკეულ კანონთა ანალიზის შედეგად შეგვიძლია გამოვყოთ შემდეგი უფლებები, რაც ქრისტიანს, როგორც საეკლესიო სამართლის სუბიექტს აქვს გარდაცვალების შემდეგ:

ა) დაკრძალულ იქნეს ქრისტიანულ სასაფლაოზე;

ბ) მისი სახელი მარად იქნეს მოხსენიებული ღმრთისმსახურების შესრულების დროს;

გ) მიეტევოს ცოდვები, გარდა სულიწმიდის გამობისა (მთ. 12:32).

გარდაცვლილი ქრისტიანისთვის ლოცვა აუცილებელია იმის გამოც, რომ ჩვენთვის უცნობია გარდაცვლილის სულის ხვედრი და ივარაუდება, რომ შეიძლება ის არც იყოს ცხოვნებული.¹³⁸ ამ საკითხთან მჭიდროდ არის დაკავშირებული წმიდად¹³⁹ შერაცხვა, ანუ კანონიზაცია.

ქრისტიანის წმიდად შერაცხვის და მისთვის წმიდის პატივგების მიზანია: მორწმუნეთა განწმედა, სწულთა კურნება, ეშმაკთა განდევნა, მისი ღვანლის მოგონება და ვედრება მის მიმართ უფლისადმი მეოხებისათვის.¹⁴⁰

კონსტანტინოპოლის პატრიარქმა ფოტიოს II-მ (1929-1935 წწ.) 1931 წელს დადგენილების სახით ჩამოაყალიბა წმიდად აღიარების ზოგადი პრინციპები:¹⁴¹

„1. წმიდათა გამოცხადებისთვის მონაცემების განხილვა და კონტროლი წარმოებს სინოდური წესით, რომელიც შედგება შესაბამისი ეკლესიის ყველა მიტროპოლიტის, მთავარეპისკოპოსის, ეპისკოპოსისა და ოფიციალური თანამდებობის აღმსრულებელი სასულიერო პირებისაგან.

138 საეკლესიო სამართლის ახალგაზრდა მკვლევარს დავით მაისურაძეს ამ საკითხზე ეკუთვნის მოსაზრება, რომ ამ ვარაუდს შეიძლება ეწოდოს „წარწყმედულობის პრეზუმფცია“, ანუ ადამიანი, ივარაუდება, რომ ვერ ცხოვნდა, სანამ არ დამტკიცდება საპირისპირო.

139 არასწორია ბოლო ათწლეულებში დამკვიდრებული პრაქტიკა, რომ კანონზეულ ქრისტიანს ვუნოდოთ „წმიდანი“, რადგან ეს ფორმა გრამატიკულად მრავლობით რიცხვს აღნიშნავს და იგი არცერთ ძველ საეკლესიო დოკუმენტში არ გვხვდება, როგორც ცალკეული ადამიანის აღმნიშვნელი ტერმინი. ამდენად, მართებული ფორმაა ერთ ადამიანზე ვთქვათ „წმიდა“.

140 პანაოტის ბუმისი, დასახ. ნაშრომი, 212

141 ციტატა წიგნიდან: პანაოტის ბუმისი, დასახ. ნაშრომი, 210. სიტყვა „წმიდანი“ ყველგან გასწორებულია ზემოხსენებული წესით.

2. წმიდად შერაცხვისათვის საკითხის განხილვა **ზედმეტია** მათთვის, ვისაც ეკლესიის მწყემსთა და სამწყსოსაგან შედგენილმა საერთო სავსებამ უკვე დიდი ხანია მიაგო წმიდობის პატივი და თაყვანს სცემს. ამ წმიდა პიროვნებებს, რომელთაც დღემდე ვადიდებთ, როგორც განწმენდილთ და უფლისმიერ განდიდებულთ, ეკლესიისაგან მიღებული აქვთ ფორმალური აღიარება.

3. აღიარებისას დგება შესაბამისი **საეკლესიო ოქმი**.

4. აღიარების ოქმს საზეიმოდ **ხელს აწერენ** ეკლესიაში შესაფერისი საეკლესიო მსახურების აღსრულებით.

5. აღიარებულ წმიდათა პატივის მისაგებად დროულად იქმნება **ხატი** და სათანადო **განგება** ეკლესიაში აღსასრულებლად.

6. ასევე აუცილებელია, **გაიხსნას** საფლავი, ამოყვანილ იქნას წმინდა ნაწილები (თუკი ისინი შემოინახა) და მათ ეცხოს წმინდა მირონი. საფლავის გახსნას, ჩვეულებრივ, თან ახლავს ღამისთევა და სადღესასწაულო ლიტურგიები“.

ბოლო პუნქტის კომენტირებისას მართებულად აღნიშნავს ისტორიის დოქტორანტი, თბილისის სასულიერო აკადემიის კურსდამთავრებული მღვდელი *ილია (ირაკლი) ჭილაძე*, რომ „უკანასკნელი პუნქტი ბერძნულ, რუსულ და სხვა ადგილობრივ ეკლესიებში უძველესი დროიდან ზედმიწევნით ხორციელდება, საქართველოს ეკლესიას კი ამგვარი პრაქტიკა არ გააჩნია. **გამონაკლისია** მხოლოდ წმინდა მონამეთა დავით და კონსტანტინეს წმინდა ნაწილები, რომლებიც მონამეთას მონასტერშია დაბრძანებული“.¹⁴² თავის მხრივ, ამ გამონაკლისს შეგვიძლია **დავუმატოთ** წმიდა არქიმანდრიტი *გაბრიელი (ურგებაძე)*, აღმსარებელი და სალოსი, რომლის კანონიზაციაც მოხდა საქართველოს სამოციქულო მართლმადიდებელი ეკლესიის 2012 წლის 20 დეკემბრის განჩინებით და აღნიშნულის თანახმად **გაიხსნა** მისი საფლავი.

გარდაცვლილ ადამიანზე ასევე აღესრულება **ანათემაც**, რაც ნიშანია მისი ეკლესიიდან განკვეთისა და რის შემდეგაც წყდება მისი მოხსენიება ეკლესიის მიერ. ანათემა, როგორც სასჯელის უმძიმესი ფორმა, განხილულია ამ წიგნის მეოთხე კარში.

142 <http://www.orthodoxy.ge/sakhil/kanonizacia.htm>

ქარი III

ეკლესიის მმართველობითი
სამართალი

თავი 1. სამღვდლო იერარქია და საეკლესიო ხელისუფლება

ა) მღვდლობა და მონაზვნობა. მღვდლობის საიდუმლო, როგორც აღნიშნა, შვიდ საიდუმლოთაგან ერთ-ერთია. იგი დადგენილია თავად ეკლესიის თავის მიერ და მოწოდებულია, რომ ემსახუროს ღმერთს და მის სამწყსოს — ქრისტეს ერს. აღნიშნული ძირითადი მოვალეობის გამო სამღვდლო პირებს **ღმრთისმსახურები** ეწოდებათ.

სამღვდლო პირები უნდა განვასხვავოთ მონაზვნებისგან. **მონაზონი** ბერძნულად მარტო მცხოვრებს ნიშნავს (მონოს — მხოლოდ, მარტო¹⁴³ და ზონ — მცხოვრები¹⁴⁴) და მათ რიცხვს მიეკუთვნებიან ის პირები, რომლებმაც დადეს სამონაზვნო აღთქმა, რაც თავის მხრივ მოიცავს სამ პირობას:¹⁴⁵

ა) **უქორწინებლობის**, რაც ნიშნავს პირობას, რომ სამონაზვნე, თუ ის კანონიერ ქორწინებაშია, განქორწინდება მეუღლის თანხმობით, ხოლო თუ ის ქორწინებაში არ იმყოფება, აღარ დაქორწინდება. ამასთან, ეს აღთქმა ამძიმებს სიძვის ცოდვას და იგი მრუშობას უტოლდება (*ბასილი დიდის მე-60 კანონი*);

ბ) **უპოვარების**, რაც ნიშნავს იმას, რომ სამონაზვნე პირს აღარ უნდა ჰქონდეს უძრავ-მოძრავი ქონება, საეკლესიო საჭიროებიდან გამომდინარე პირადი ნივთების გარდა (ორგზისი კრების მე-6 კანონი);

გ) **მორჩილების**, რაც ნიშნავს მონაზვნის დაქვემდებარებას მონასტრის წინამძღვრისა და ეპარქიის ეპისკოპოსისადმი, რისთვისაც მონაზონი წინასწარ გადის მორჩილების გამოცდას, როგორც წესი, სამი წელი მაინც (ორგზისი კრების მე-5 კანონი), დამკვიდრებულია მონასტერში (მეხუთე-მეექვსე მსოფლიო კრების 46-ე კანონი) და ვალდებულია არ მიატოვოს მონასტერი განსაკუთრებული საჭიროებების არსებობის გარდა (მეოთხე მსოფლიო კრების მე-4 კანონი).

მონაზვნად შედგომის წინ აღთქმის ნიშნად სამონაზვნეს მოკვეცენ თმას, ანუ **ალკვეცენ**. მონაზვნად აღკვეცა საეკლესიო

143 The Pocket Oxford Classical Greek Dictionary, დასახ. გამოცემა, 216 (1)

144 იქვე, 151 (2)

145 *პანაოტის ბუმისი*, დასახ. ნაშრომი, 124

მსახურებაა, მაგრამ იგი საეკლესიო საიდუმლო არ არის.¹⁴⁶

აუცილებელია აღინიშნოს, რომ მონაზონი ორივე სქესის აღკვეცილი პირია. რაც შეეხება ბერს, იგი არის, როგორც წესი, ასაკში მყოფი, დიდი სულიერი გამოცდილების მქონე მამაკაცი მონაზვნის წოდება.¹⁴⁷

აღნიშნულიდან გამომდინარე, კიდევ ერთხელ უნდა აღინიშნოს, რომ დეკ. ვლადისლავ ციპინის მიხედვით, ეკლესიის წევრები განსხვავდებიან ცხოვრების წესის და მსახურების წესის მიხედვით.¹⁴⁸ ეს შეგვიძლია წარმოვადგინოთ შემდეგი ცხრილის სახით:

მსახურების წესით	ცხოვრების წესით	
	ამსოფლიური	მონაზონი
სამღვდლო	მღვდელი	მღვდელმონაზონი
საერო	ერისკაცი	მონაზონი

მღვდლობის საიდუმლო მოიცავს სამ ხელდასხმას, ანუ ქიროტონიას: დიაკვნის, მღვდლის და ეპისკოპოსის (მღვდელმთავრის). „ეკლესიაში აუცილებელია მღვდლობის ამ სამი ხარისხის არსებობა. მაგრამ მცირე თემს ნება ეძლევა, ჰყავდეს მხოლოდ ერთი ან ორი იერარქი (მღვდელი, მღვდელი და დიაკონი, ორი მღვდელი და ა.შ.). მაგრამ მთელს ეკლესიაში, თუნდაც ადგილობრივში, იერარქიის სისრულე აუცილებელია. მოციქულთა მონაფე, წმ. ეგნატე თავისი ეპისტოლეებით გვიჩვენებს, თუ როგორ ამონმებს ამას ძველი ეკლესია. იგი წერს: „აუცილებელია, და ასეც იქცევით, არაფერი მოიმოქმედოთ ეპისკოპოსის გარეშე. ასევე დაემორჩილეთ პრესვიტერებს, როგორც ჩვენი სასოების - იესო ქრისტეს მოციქულებს. დაე, ღმერთმა ინებოს ჩვენი ცხო-

146 იქვე

147 სამწუხაროდ, ბოლო პერიოდში ქართულ საეკლესიო ლიტერატურაში დამკვიდრდა ტრადიცია, რომ მამაკაც მონაზონს უწოდებენ ბერს, ხოლო ბერის შესატყვისად იყენებენ რუსულ „სტარეცს“, რაც, ცხადია, უმართებულოა.

148 Протоиерей Владислав Цыпин, დასახ. ნაშრომი, 176

ვრება მასში. ასევე დიაკვნებს, იესო ქრისტეს საიდუმლო მსახურებს, ყველამ ყოველმხრივ უნდა აჩვენოთ თანადგომა, რადგან ისინი არიან ღვთის ეკლესიის მსახურნი და არა საქმელ-სასმელისა... მათ გარეშე არ არსებობს ეკლესია".¹⁴⁹

მღვდლობის საიდუმლო მნიშვნელოვანი და აღმატებულია, რადგან მას მინიჭებული აქვს სრულიად განსაკუთრებული მოვალეობა — აღავლინოს ღმრთისმსახურება, უფლის მიმართ და მისი განწესით. საინტერესო ისაა, რომ მღვდლობის საიდუმლო, უპირატესობასთან ერთად გამორჩეულ მსახურებასაც მოითხოვს ხელდასხმული პირისგან: „ვინც თქვენში მოისურვებს უფროსობას, თქვენს მსახურად იქცეს. და ვინც თქვენს შორის მოისურვებს პირველობას, თქვენს მონად იქცეს“ (მთ. 20:26-27).

„ხელმწიფებას სასულიერო პირები იძენენ ხელდასხმით — ქიროტონით. ქიროტონია არის საიდუმლო რიტუალი, რომლის დროსაც აღველინება განსაკუთრებული ლოცვა და სამღვდლო კანდიდატს თავზე ეპისკოპოსის ხელთდასხმით გადმოეკლინება საღმრთო მადლი და განაწესებს მას მღვდლობის სამ ხარისხთან ერთ-ერთზე“.¹⁵⁰

საგულისხმოა, რომ მღვდლობის საიდუმლო ეკლესიის პრაქტიკაში დღესდღეობით ერთადერთია, რომელიც დამოუკიდებელი მსახურების სახით არ აღველინება და ჩაერთვება წირვის (საღმრთო ლიტურგიის) აღსრულების დროს:

დიაკვნის ხელდასხმას ასრულებს ერთი ეპისკოპოსი (მოციქულთა მე-2 კანონი), საუფლო ლოცვის („მამაო ჩვენო“) წარმოთქმამდე, მღვდლის ხელდასხმასაც ასრულებს ასევე ერთი ეპისკოპოსი (იქვე), დიდი გამოსვლის შემდეგ.

რაც შეეხება **ეპისკოპოსის** ხელდასხმას, იგი საგანგებოდ და განსაკუთრებულად აღესრულება.

საეპისკოპოსო კანდიდატის გამორჩევა ხდება **წმინდა სინოდის** მიერ (ანტიოქიის კრების მე-19 და 23-ე კანონები). ხელდასხმის წინა დღეს აღესრულება მისი წარდგინება სამღვდელოებისა და მრევლის წინაშე, რა დროსაც მომავალი ეპისკოპოსი წარმოთქვამს სიტყვას, სადაც მადლობას სწირავს ღმერთს და მოკლედ აღწერს მის გეგმებს ეპარქიაში. ამასთან, ეპისკოპოსის ხელ-

149 პროტოპრესვიტერი მიხაილ პომაზანსკი, დასახ. ნაშრომი, 220-221

150 პანაოტის ბუმისი, დასახ. ნაშრომი, 127

დასხმის დროს დასახელდება ის ეპარქია (ეკლესია), რომელსაც უნდა უმწყემსმთავროს ეპისკოპოსმა (მეოთხე მსოფლიო კრების მე-6 კანონი). საერთო-ქრისტიანული პრაქტიკით მიღებულია, რომ ეპისკოპოსის ხელდასხმა აღესრულოს იმ **საკათედრო ტაძარში**, სადაც მან უნდა აღასრულოს შემდგომში თავისი სამღვდელმთავრო მსახურება, თუმცა საქართველოს სამოციქულო მართლმადიდებელი ეკლესიის **ადგილობრივი ტრადიციით** ყველა ეპისკოპოსი იკურთხება **სვეტიცხოვლის საპატრიარქო ტაძარში**.¹⁵¹ ეპისკოპოსის ხელდასხმა სრულდება „ნმიდაო ღმერთოს“ გალობის შემდეგ,¹⁵² სულ ცოტა ორი ან სამი მღვდელმთავრის მონაწილეობით (მოციქულთა 1-ლი კანონი), რომელშიც აუცილებლად უნდა იყოს ეკლესიის მეთაური (პირველი მსოფლიო კრების მე-4 კანონი).

ხელდასხმა აღესრულება, როგორც წესი, კვირა დღეს ან დიდ დღესასწაულზე, რათა იგი **საჯარო** იყოს.¹⁵³ ხელდასხმის მსახურების ნაწილია ხელდამსხმელის მიერ შეკრებილი მრევლისათვის დასმული კითხვა „**აქსიოს?**“ (ბერძნ. ღირსია?), რასაც მოჰყვება სამგზის დასტური — აქსიოს, აქსიოს, აქსიოს.¹⁵⁴ მრევლის წევრს, თუ ის ფლობს ინფორმაციას, რომ სამღვდლო კანდიდატი უღირსია ამ პატივისთვის, უფლება აქვს წარმოთქვას **ანაქსიოს** (უღირსია), რაც შეიძლება გათვალისწინებულ იქნეს ხელდამსხმელი მღვდელმთავრის მიერ. თუმცა, უნდა აღინიშნოს, რომ დღესდღეობით ეს წესი („აქსიოს“ სიტყვის წარმოთქმა) სიმბოლურ ხასიათს ატარებს.¹⁵⁵

რაც შეეხება **სამღვდლო კანდიდატისთვის** წაყენებულ მოთხოვნებს, იგი უნდა იყოს:

ა) მართლმადიდებელ ეკლესიასთან სრულ **თანაზიარებაში** მყოფი პირი;

ბ) **მამაკაცი**;

151 „წესი, რომელი იქმნების ხელდასხმასა ზედა ეპისკოპოზისა“ // საქართველოს ეკლესიის 1976 წლის კალენდარი, თბილისი, 1976, 73

152 „წესი, რომელი იქმნების ხელდასხმასა ზედა ეპისკოპოზისა“, 82

153 *პანაოტის ბუმისი*, დასახ. ნაშრომი, 131

154 ეკლესიაში დამკვიდრებული პრაქტიკის თანახმად, „აქსიოს“ წარმოითქმის ყოველთვის ბერძნულ ენაზე, რა ენაზეც არ უნდა სრულდებოდეს იმ დღეს საღმრთო წირვა.

155 *Протоиерей Владислав Цыпин*. დასახ. ნაშრომი, 190

გ) შესაბამის ასაკს მიღწეული: სადიაკვნე — 25 წლის, სამღვდელთა — 30 წლის (მეხუთე-მეექვსე მსოფლიო კრების მე-14 კანონი) და საეპისკოპოსო — 35 წლის (რუის-ურბნისის ძეგლის წესების მე-2 კანონი);

დ) გარეშეთ შორის კეთილი სახელის მქონე (ლაოდიკიის კრების მე-12 კანონი), რაც, თავის მხრივ, გულისხმობს იმას, რომ იგი არ უნდა იყოს დასჯილი მძიმე შეცოდებისთვის (მოციქულთა 61-ე და 66-ე კანონები), უნდა ჰქონდეს კარგი რეპუტაცია ნაცნობებს შორის, არ უნდა იყოს ორჯერ ქორწინებული (მოციქულთა მე-17 კანონი) და ოჯახის წევრები უნდა ჰყავდეს მართლმადიდებელი ქრისტიანი (კართაგენის 36-ე კანონი);

ე) ისეთი ფიზიკური (სიბრმავე, სიყრუე) ან სულიერი (ეპილეფსია, ეშმაკეულობა) ნაკლის არმქონე, რაც დააბრკოლებს მის მიერ სამღვდელთა მოვალეობის შესრულებას (მოციქულთა 23-ე, 78-ე და 79-ე კანონები);

ვ) კარგი მცოდნე წმინდა წერილისა და საეკლესიო მოძღვრებისა (მეშვიდე მსოფლიო კრების მე-2 კანონი).

აკრიბიდი და ცულია „ა“ და „ბ“ უნქტები.

ამასთან, გარდა ზემოაღნიშნული წინაპირობების დაცვისა, ხელდასხმის კანონიკური ძალმოსილებისათვის:

ა) აუცილებელია ხელდასხმა თითო ხარისხზე აღესრულოს ერთხელ (მოციქულთა 68-ე კანონი). ამ კანონის დარღვევა ისევეა სამღვდელთა ხარისხიდან განკვეთით;

ბ) დაუშვებელია ხელდასხმა შესრულდეს სამივე ხარისხზე ერთ დღეს;¹⁵⁶

გ) დაუშვებელია ხელდასხმა შესრულდეს ქრთამის საფუძველზე (ე.წ. „სიმონია“, მოციქულთა 29-ე კანონი) ან საერო ხელისუფლების ჩარევით (მოციქულთა 30-ე კანონი). ამ კანონების დარღვევისთვის განკვეთით ისევეა როგორც ხელდამსხმელი, ისე ხელდასხმული.

ბ) სამღვდელთა წოდებები (იერარქია). ეკლესიაში, როგორც ზემოთაღნიშნა, დადგენილია სამი ქიროტონია, ანუ ხარისხი: დიაკონის, მღვდლისა და ეპისკოპოსის. თუმცა, საგულისხმოა ისიც, რომ თითოეულ ამ ქიროტონიას აქვს თავისი წოდებები. წოდება არ გულისხმობს ცალკე საიდუმლოს აღსრულებას ან

¹⁵⁶ პანაიოტის ბუმის, დასახ. ნაპრომი, იქვე

ამით რაიმე საგანგებო, ზეალმატებული სტატუსის მინიჭებას: „მაგალითად, არქიმანდრიტს აქვს მღვდლის (ანუ ხუცესის) ხარისხი, ეს არ არის საგანგებო სამღვდლო ხარისხი. იგივე ითქმის მიტროპოლიტსა და პატრიარქზე, რაც არის ტიტულები და არა მღვდლობის ხარისხები, ეპისკოპოსზე მაღალი. ამა თუ იმ ოფიციალის მინიჭებით ესა თუ ის სასულიერო პირი იხვეჭს საყდრის პირველობას („პროტოკატედრიას“) იმავე ხარისხის სხვა დანარჩენ სასულიერო პირებს შორის. ანუ, იგი პირველია თანასწორთა შორის“.¹⁵⁷

საქართველოს სამოციქულო მართლმადიდებელ ეკლესიაში დადგენილი სასულიერო პირთა წოდებები შემდეგი ცხრილის სახით შეიძლება აღიწეროს:

სამღვდლო ხარისხი	„ამსოფლიურნი“	„მონაზონნი“
დიაკონი	დიაკონი	ბერდიაკონი
	პროტოდიაკონი ¹	არქიდიაკონი
მღვდელი	მღვდელი	მღვდელმონაზონი
	დეკანოზი	ილუმენი
	პროტოპრესვიტერი ²	არქიმანდრიტი
ეპისკოპოსი	X	ეპისკოპოსი
		მთავარეპისკოპოსი ³
		მიტროპოლიტი
		კათოლიკოს-პატრიარქი

შენიშვნები:

*1. პროტოდიაკონი (ისევე როგორც არქიდიაკონი) არის, როგორც წესი, საპატრიარქო ტაძრის ერთ-ერთი მთავარი დიაკონი.

2. პროტოპრესვიტერი არის ჩამოთვლილთაგან ერთადერთი საეკლესიო თანამდებობა, რომელიც ეწოდება თბილისის სიონის საპატრიარქო ტაძრის წინამძღვარს.

3. სლავური ტრადიციით, მიტროპოლიტი აღემატება მთა-

¹⁵⁷ პანაიოტის ბუმისი, დასახ. ნაპროში, 135

ვარეპისკოპოსს,¹⁵⁸ ხოლო ბერძნული ტრადიციით — მთავარეპისკოპოსი არა მხოლოდ უპირატესია, არამედ ეს ტიტული აქვთ ავტოკეფალური ეკლესიების მეთაურებს (პატრიარქთან ერთად ან უამისოდ).¹⁵⁹ საქართველოს სამოციქულო მართლმადიდებელ ეკლესიაში ამჟამად სლავური ტრადიცია მოქმედებს. თუმცა, საგულისხმოა, რომ საქართველოს სამოციქულო მართლმადიდებელი ეკლესიის 1945 წლის 28 მარტის დებულების თანახმად, საქართველოს ეკლესიაში დადგენილი იყო მხოლოდ ეპისკოპოსის და მიტროპოლიტის წოდებები,¹⁶⁰ ხოლო მთავარეპისკოპოსის წოდება ჰქონდა კათოლიკოს-პატრიარქს, როგორც მცხეთა-თბილისის ეპარქიის მმართველს.¹⁶¹

აქვე უნდა აღინიშნოს, რომ ეკლესიაში დადგენილია ქალთა ორი საეკლესიო წოდება, რომელთაგან დღესდღეობით ორივე სამონაზვნო წოდებაა:

დიაკონისა (ძველქართულად დედათ-დიაკონი), როგორც წესი, ქალწული მონაზონია, არანაკლებ 40 წლისა. ცალკეული წყაროები მიუთითებენ, რომ დიაკონისას უფლება აქვს შევიდეს საკურთხეველში.¹⁶²

იღუმენია, ანალოგიურია როგორც იღუმენი, ანუ ეს წოდება ენიჭება დედათა მონასტრის წინამძღვარს, ცხადია, საეკლესიო საიდუმლოებათა და მსახურებათა აღსრულების უფლების გარეშე.

გ) საეკლესიო ხელისუფლება. მართლმადიდებლური სწავლებით, ეკლესიის თავიცი და მისი საფუძველიც არის განკაცებული ძე ღმრთისა — იესო ქრისტე.¹⁶³ მას სხვაგვარად ეკლესიის უხილავ ეპისკოპოსსაც უწოდებენ.¹⁶⁴

მსოფლიო საეკლესიო კრებათა კანონებზე მსჯელობისას

158 Протоиерей Владислав Цыпин, დასახ. ნაშრომი, 207

159 პანაიოტის ბუმისი, დასახ. ნაშრომი, 138

160 საქართველოს სამოციქულო ეკლესიის მართვა-გამგეობა, §23, 2 // საქართველოს 1979 წლის კალენდარი, თბილისი, 1979, 23

161 იქვე, §6, 21

162 მართლმადიდებელი ეკლესიის კანონები ეპისკოპოს ნიკოდიმის (მილაში) განმარტებებით, ტომი I, თბილისი, 2007, 338

163 პროტოპრესვიტერი მიხეილ პოპა ზანსკი, დასახ. ნაშრომი, 195

164 იქვე, 196

აღინიშნა, რომ მართლმადიდებელი ეკლესია, მისი ხილული, დედამიწაზე დამყარებული ორგანიზაციის მართვის ერთადერთ ფორმად აღიარებს საკრებო, კრებულის მმართველობას.¹⁶⁵ ამის დასტურია წმინდა წერილში:

ა) მეთორმეტე მოციქულად მატათას არჩევა კრებულის წინაშე:

„იმ დღეებში დადგა პეტრე შეკრებილ ძმებს შორის (იქნებოდა სულ ასოცამდე კაცი) და თქვა: კაცნო, ძმანო! უნდა აღსრულებულიყო წერილი, რაც დავითის პირით იწინასწარმეტყველა სულმა წმიდამ იუდაზე, წინ რომ წაუძღვა იესოს შემპყრობთ. ამიტომაც საჭიროა, რომ ერთი იმ კაცთაგანი, რომელნიც მუდამ თან გვახლდნენ მთელი იმ ხნის მანძილზე, როცა ჩვენს შორის დადიოდა უფალი იესო, იოანეს ნათლისცემიდან მოყოლებული იმ დღემდე, როცა ამაღლდა ჩვენგან, - შემოგვიერთდეს და ჩვენთან ერთად იყოს მისი აღლგომის მოწმე. და დააყენეს ორნი: იოსები, ბარაბად ნოდებულები, რომელსაც იუსტუსი შეარქვეს, და მატთია. ილოცეს და თქვეს: უფალო, ყველას გულთამხილავო, გვიჩვენე ამ ორთაგან ერთი, რომელიც ამოირჩიე. რომ მიიღოს ადგილი ამ მსახურებისა, რასაც გამოაკლდა იუდა, რათა მისულიყო თავის ადგილას. და უყარეს მათ წილი; შეხვდა წილი მატთიას და შეირაცხა წილი მატთიას და შეირაცხა თერთმეტ მოციქულს შორის“ (საქმ. 1:15-16, 21-26);

ბ) წარმართებზე ძველი აღთქმის მცნებების გავრცელების საკითხის გადანყვეტა მოციქულთა კრებაზე:

„ზოგ-ზოგიერთნი ჩამოვიდნენ იუდეიდან და ასწავლიდნენ ძმებს: თუ მოსეს წესით არ მიიღებთ წინადაცვეთას, თავს ვერ იხსნიეთ. როდესაც პავლეს და ბარნაბას დიდი დავა და უთანხმოება მოუხდათ მათთან, გადანყვიტეს, პავლე, ბარნაბა და ზოგიერთი მათგანი ამ საკითხის გამო იერუსალიმში ასულიყვნენ მოციქულებსა და უხუცესებთან.

მაშინ ამ საქმის გასარჩევად შეიკრიბნენ მოციქულები და უხუცესები.

ხანგრძლივი ბჭობის შემდეგ პეტრე ადგა და უთხრა მათ: კაცნო, ძმანო, ხომ იცით, რომ ღმერთმა პირველი დღეებიდანვე ამომირჩია თქვენს შორის, რათა წარმართებს ჩემი პირით მოეს-

¹⁶⁵ პროტოპრესვიტერი მიხეილ პომაზანსკი, დასახ. ნაშრომი, 222

მინათ სახარების სიტყვა და ერნმუნათ. გულთამხილავი ღმერთი ემონმა მათ, რაკილა მათაც ჩვენსავით მისცა სული წმიდა. ამრიგად, რწმენით რომ განმინდა მათი გულები, არაფრით **განვეუსხვავებივართ** ერთმანეთისგან.

იაკობმა აიღო სიტყვა და თქვა: კაცნო, ძმანო, მომისმინეთ:

სიმონმა გვიამბო, როგორ მოიხილა ღმერთმა პირველად წარმართნი, რათა შემოეკრიბა მათგან ხალხი თავისი სახელით. მასვე ეთანხმებიან წინასწარმეტყველთა სიტყვები, როგორც წერილი: ღმერთისთვის უკუნისიდან ცნობილია ყოველი საქმე მისი. ამიტომ მე ამგვარად **განვსჯი**: ნუ გავუძნელებთ წარმართებს ღვთისკენ მიქცევას. არამედ **მივწეროთ** მათ, რომ **ეკრძალონ** კერპთაგან შებილწულსა და სიძვას, დამხრჩვალსა და სისხლს (საქმ. 15:1-2, 6-8, 13-14, 18-20)".

აღნიშნული ტრადიციის გასაგრძელებლად ეკლესიაში დამკვიდრდა წესი, რომ მნიშვნელოვანი საკითხების შესახებ სამსჯელოდ შედგეს საეკლესიო კრება, რომელიც უფლებამოსილი იქნება მიიღოს **ღმრთივსათნო** გადაწყვეტილება.

საეკლესიო კრება შეიძლება იყოს **მსოფლიო, ადგილობრივი და საეპარქიო**.

მსოფლიო კრება, უკვე აღინიშნა, რომ არის მართლმადიდებელი კათოლიკე ეკლესიის უმაღლესი მმართველობითი ორგანო, რომელიც არის ხილული განსახიერება ეკლესიის უცდომელობისა და მის მიერ განჩინებულ გადაწყვეტილებებს აზის სულიწმიდისეული შეუმცდარობის ბეჭედი.

ადგილობრივ საეკლესიო კრებას იწვევს, როგორც წესი, ავტოკეფალური ან ავტონომიური ეკლესია. საეკლესიო ტრადიციით, ადგილობრივი საეკლესიო კრება **ორგვარია**:

ა) **სრული**, ყველა ეპისკოპოსის და ხშირ შემთხვევაში სამღვდელთა, სამონაზნო და თვით საერო პირებისგან შემდგარი **კრება**, რომელიც შედარებით იშვიათად მოიწვევა და მასზე განიხილება საეკლესიო და ქრისტიანთა თემისთვის მნიშვნელოვანი თემატიკა;

ბ) **მცირე კრება**, რომელიც უფრო ხშირად მოიწვევა და ამ კატეგორიის კრებას უმეტესწილად **წმინდა სინოდს** უწოდებენ. ზოგიერთ ავტოკეფალურ ეკლესიაში გავრცელებულია პრაქტიკა, რომ წმინდა სინოდში როტაციის წესით შეირჩევა 12 მღვდელმთავარი, საერთო მოქმედი მღვდელმთავრებიდან.

ადგილობრივ კრებასთან დაკავშირებით საეკლესიო სამართალი ადგენს შემდეგ **კანონიკურ დებულებებს**:

ა) **მცირე** ადგილობრივი კრება მოიწვევა წელიწადში **ორჯერ** მაინც (მოციქულთა 37-ე, პირველი მსოფლიო კრების მე-5 და კართაგენის კრების 73-ე კანონები), ხოლო **სრული** ადგილობრივი კრება აუცილებელი არაა, რომ **ყოველ წელს** იქნეს მოწვეული (კართაგენის კრების 95-ე კანონი);

ბ) ადგილობრივ კრებას იწვევს **ეკლესიის მეთაური** (ანტიოქიის კრების მე-19 და მე-20 კანონები);

გ) ადგილობრივ კრებას უნდა ესწრებოდეს **ყველა** განწესებული ეპისკოპოსი (მეოთხე მსოფლიო კრების მე-19 კანონი), გარდა იმ შემთხვევისა, თუ მათ **ობიექტური მიზეზი** აქვთ გამოუცხადებლობისათვის (მეხუთე-მეექვსე მსოფლიო კრების მე-8 კანონი). ამ კანონის დარღვევისთვის განწესებულია ძმური შეგონება;

დ) ადგილობრივი კრება უფლებამოსილია, თუ მას ესწრება **ეკლესიის მეთაური** (ანტიოქიის კრების მე-16 კანონი) ან მისი **მოსაყდრე**;

ე) ადგილობრივი კრების **კომპეტენციაა**: საეკლესიო დავების განხილვა, ეპისკოპოსის განწესება, მიმდინარე საქმეების ხელმძღვანელობა, საეკლესიო სასამართლო ფუნქციების განხორციელება.

საეპარქიო კრება, ან სხვაგვარად საეპარქიო საბჭო, ეპარქიის მმართველ მღვდელმთავართან არსებული **სათათბირო** ორგანოა. საეპარქიო კრების უფლებამოსილება მოიცავს **კანონიკურ და მოძღვრებით** იურისდიქციას შესაბამის ეპარქიაზე.¹⁶⁶ კანონიკური იურისდიქცია მოიცავს სასამართლო ფუნქციებს, საეკლესიო ქონების მართვას, სამღვდელო პირთა კანონიკურ ზედამხედველობას, სადავო საკითხებზე გადანყვებილების მიღებას, ხოლო რაც შეეხება მოძღვრებით იურისდიქციას, მასში იგულისხმება საეკლესიო საიდუმლოებათა აღსრულების ზედამხედველობა, მორწმუნეთა რელიგიური ცხოვრების ზედამხედველობა.¹⁶⁷ საეპარქიო კრებას უნდა ესწრებოდეს **სამი** პირი მაინც.

166 Prof. Dr. *Panteleimon Rodopoulos*, დასახ. ნაშრომი, 139

167 იქვე, 140

აღსანიშნავია, რომ კრებითი მმართველობის გვერდით, ეკლესიაში დადგენილია ცალკეული საეკლესიო თანამდებობებიც. მათ რიცხვს მიეკუთვნება ზემოხსენებული საეკლესიო წოდებებიც მთავარეპისკოპოსისა და მიტროპოლიტისა. ამათ გარდა, ეკლესიაში არსებობს შემდეგი თანამდებობები:

ა) **ქორეპისკოპოსის:** ქორეპისკოპოსი ბერძნულად „სოფლის ეპისკოპოსს“ ნიშნავს. ქორეპისკოპოსს, მართალია, სამართავად გადაცემული აქვს ესა თუ ის დასახლებული პუნქტი, მაგრამ იგი არ ითვლება მის სრულ კანონიკურ მმართველად,¹⁶⁸ რამდენადაც ქორეპისკოპოსს უფლებამოსილება **დელეგირებული** აქვს ეპარქიის მმართველი მღვდელმთავრის მიერ და იგი ახორციელებს ეპისკოპოსის **წარმომადგენლობას** ადგილზე. ქორეპისკოპოსს ზოგჯერ ლათინურ **ვიკარიუსსაც** უწოდებენ. კათალიკოსთა სამართლის მე-12 კანონის თანახმად ქორეპისკოპოსის კომპეტენციაა: საეკლესიო დღესასწაულების აღნიშვნის ზედამხედველობა, სისხლის აღრევის კონტროლი, საეკლესიო წეს-ჩვეულებების შესრულების შემოწმება და საეკლესიო კანონთა შესრულების ზოგადი ზედამხედველობა.¹⁶⁹ საქართველოს სამოციქულო მართლმადიდებელ ეკლესიაში ამჟამად ქორეპისკოპოსები ჰყავს მხოლოდ ეკლესიის მეთაურს, რომლებიც სრულად განაგებენ საკუთარ ეპარქიებს, მაგრამ ამავე დროს თანაშემწის რანგში ეხმარებიან კათოლიკოს-პატრიარქს მცხეთა-თბილისის ეპარქიაში;

ბ) **დამხმარე (ტიტულარული) ეპისკოპოსის:** თუკი ქორეპისკოპოსს მმართველი მღვდელმთავრისგან დელეგირებული აქვს უფლებამოსილება ტერიტორიული პრინციპით, დამხმარე ეპისკოპოსს ნომინალურადაც არ აქვს საგამგებლო ტერიტორია ან დასახლებული პუნქტი. იგი ასრულებს თავისი ეპისკოპოსის დავალებებს. იმის გამო, რომ ეპისკოპოსის ხელდასხმა დაუშვებელია ეპარქიის დაუსახელებლად, მათ „ენიჭებათ ტიტული რომელიმე გაუქმებული ეპარქიისა“,¹⁷⁰ რის გამოც, სწორედ, მათ უწოდებათ ტიტულარული ეპისკოპოსები. საქართველოს სამო-

168 იქვე, 149

169 მიტროპოლიტი ანანია (*ჯაფარიძე*), საქართველოს საეკლესიო კანონების კრებული, 209

170 Prof. Dr. Panteleimon Rodopoulos, დასახ. ნაშრომი, 149

ციქულო მართლმადიდებელ ეკლესიაში ამჟამად რამდენიმე ტიტულარული ეპისკოპოსია;

გ) **ეგზარქოსის:** ეგზარქოსი მიტროპოლიტზე აღმატებული წოდებაა. თუმცა, საერთო საეკლესიო ტრადიციით, ეგზარქოსი ავტოკეფალური ეკლესიის მეთაური ვერ იქნება. ამ ტიტულს და თანამდებობას იკავებენ, როგორც წესი, ავტონომიური ან სხვა ტიპის თვითმმართველი ეკლესიების მეთაურები. ცნობილია, რომ ეგზარქოსი ეწოდებოდა **საქართველოს** ეკლესიის საჭეთმპყრობელს (1811-1917 წწ.), როდესაც ის რუსეთის ეკლესიას ექვემდებარებოდა. დღესდღეობით ეს ტიტული აქვს **ამერიკის** ბერძენ მართლმადიდებელ მთავარეპისკოპოსს და ატლანტისა და წყნარი ოკეანეების ეგზარქოსს (კონსტანტინოპოლის მსოფლიო საპატრიარქო) და მინსკისა და სლუცკის მიტროპოლიტს და სრულიად **ბელარუსის** საპატრიარქო ეგზარქოსს (მოსკოვის საპატრიარქო);

დ) **პატრიარქის:** პატრიარქი მამამთავარს ნიშნავს და იგი უმაღლესი საეკლესიო თანამდებობაა. პატრიარქის ტიტულს ატარებენ მხოლოდ ისტორიული ავტოკეფალური ეკლესიების მეთაურები, როგორც წესი, მათი, რომლებიც მოციქულთა მიერ არიან დაარსებული. დღესდღეობით პატრიარქი 9 ავტოკეფალური ეკლესიის მეთაურს ეწოდება. გამონაკლისია საქართველოს სამოციქულო მართლმადიდებელი ეკლესია, რომლის საჭეთმპყრობელიც იწოდება **კათოლიკოს-პატრიარქად**. კათოლიკოსი (ისევე, როგორც „კათოლიკე“) საყოველთაოს ნიშნავს.

აუცილებელია აღინიშნოს, რომ „ტიტული „პატრიარქი“ ისევე, როგორც „მთავარეპისკოპოსი“ და „მიტროპოლიტი“, არ წარმოადგენს საფუძველს სამღვდელო (იერარტიკული) ძალაუფლების განსხვავებისთვის; ამ წოდებებისთვის ნიშანდობლივია საეპისკოპოსო ძალაუფლება, გარდამოვლენილი სულიწმიდით ყველა ეპისკოპოსზე კანონიკური საიდუმლო ხელდასხმით -- ქიროტონიით“.¹⁷¹

171 პანაიოტის ბუმისი, დასახ. ნაშრომი, 140

თავი 2. მსოფლიო მართლმადიდებელი ეკლესია

ა) ავტოკეფალია. მსოფლიო მართლმადიდებელი ეკლესიები, რომლებსაც აქვთ სრული თავისუფლება მმართველობითი საკითხების დამოუკიდებლად გაძღოლისათვის, **ავტოკეფალურ ეკლესიებად** იწოდებიან.

ავტოკეფალია ბერძნულიდან შეიძლება ითარგმნოს, როგორც თვითმწყემსობა ან თვითმეთაურეობა (ავტოს... — თვით, ¹⁷² კეფალი — თავი¹⁷³) და იგი მოიცავს ორ ძირითად უფლებამოსილებას:

ა) დამოუკიდებლად მართოს, ანუ „მწყემსოს“ თავისი თავი;

ბ) დამოუკიდებლად აირჩიოს თავისი მწყემსმთავარი, ანუ ეკლესიის მეთაური.

ადგილობრივი ეკლესიების ავტოკეფალურ უფლებას ადგენს მეორე მსოფლიო კრების მე-2 კანონი:

„ეკლესიათა კეთილად განგებისა და მშვიდობისათვის არც ერთ ეპისკოპოსს არ აქვს უფლება **გაცდეს** თავისი ეკლესიის საზღვრებს და შეიჭრას სხვა ეკლესიის საზღვრებში, რათა არ მოახდინოს ეკლესიების **აღრევა**. კანონთა თანახმად აღექსანდრიის ეპისკოპოსი უნდა განაგებდეს მხოლოდ ეგვიპტის ეკლესიებს, აღმოსავლეთის ეპისკოპოსნი უნდა განაგებდნენ მხოლოდ აღმოსავლეთის ეკლესიებს. დაცული უნდა იყოს ნიკეის კანონებით დანესებული პატივი ანტიოქიის ეკლესიისა. აზიის სოფლების ეპისკოპოსნი განაგებდნენ მხოლოდ აზიის ეკლესიებს, პონტოელი ეპისკოპოსნი უნდა მართავდნენ მხოლოდ პონტოს ეკლესიებს, ხოლო თრაკიის ეპისკოპოსნი - მხოლოდ თრაკიის ეკლესიებს.

ეპისკოპოსი არ უნდა გავიდეს თავისი სამრევლო ეკლესიის ფარგლებიდან ხელდასხმისათვის, ან სხვა რაიმე საეკლესიო განგებისათვის მონოდების, ანუ მიწვევის გარეშე“.

ალსანიშნავია ისიც, რომ რამდენადაც „ერთია უფალი, ერთია რწმენა, ერთია ნათლისღება“ (ეფ. 4:5), ავტოკეფალია არ უნდა იქნეს აღქმული ისე, თითქოს ეს ეკლესიები დამოუკიდებლად არსებობენ. ქრისტეს წმინდა მართლმადიდებელი კათო-

172 The Pocket Oxford Classical Greek Dictionary, 58 (2)

173 იქვე, 183 (2)

ლიკე ეკლესია ერთია და შესაბამისად, ამ ერთ ეკლესიაში განყოფილება დაუშვებელია. ამდენად, ავტოკეფალია არის ერთ, წმიდა, კათოლიკე და სამოციქულო მართლმადიდებელ ეკლესიაში არსებული მმართველობითი უფლება, რომლის მეშვეობითაც ადგილობრივი ეკლესია თავის შინაგან და ლოკალური მნიშვნელობის საკითხებს განაგებს სხვათა ჩაურევლად.

ისტორიულად, ეკლესიაში არსებობდა ე.წ. „პენტარქია“ ანუ „ხუთთა მმართველობა“, რომელშიც მოიაზრებოდა რომის, კონსტანტინოპოლის, ალექსანდრიის, ანტიოქიისა და იერუსალიმის ადგილობრივი ეკლესიები. 1054 წლის შემდეგ, რაც მოხდა განყოფილება რომისა და მართლმადიდებელ ეკლესიას შორის, პენტარქიიდან დარჩა ოთხი ეკლესია (ანუ ტეტარქია). მას შემდგომში მიემატა სხვა ავტოკეფალური ეკლესიები, რომელთაგან ზოგიერთის მეთაური პატრიარქად იწოდება, ხოლო ზოგიერთის მთავარეპისკოპოსად ან მიტროპოლიტად. ამდენად, ავტოკეფალური ადგილობრივი ეკლესიები პირობითად სამ ჯგუფად შეიძლება დაიყოს: ისტორიული საპატრიარქოები, ახალი საპატრიარქოები და ავტოკეფალური ეკლესიები. ეკლესიათა ჩამონათვალში თითოეულის ადგილი მკაცრად არის განსაზღვრული და ამგვარ სიას ზოგჯერ დიპტიქს უწოდებენ, რაც ორად გასაკეცად ითარგმნება¹⁷⁴ და აღნიშნავს მოსახსენებელს, სადაც იწერებოდა და იწერება ეკლესიის მეთაურთა სახელები.

ბ) ისტორიული საპატრიარქოები. ისტორიულ საპატრიარქოებში, როგორც ზემოთაც აღინიშნა, ვგულისხმობთ უძველეს 4 საპატრიარქოს.

დიპტიქში პირველ ადგილს, მეორე მსოფლიო კრების მე-3 კანონის თანახმად, იკავებს კონსტანტინოპოლის მსოფლიო საპატრიარქო.¹⁷⁵

დამაარსებელი: წმ. მოციქული ანდრია პირველწოდებული;

იურისდიქცია: თურქეთის რესპუბლიკის უკიდურესი დასავლეთი, საბერძნეთის რესპუბლიკის ჩრდილოეთი ნაწილი, ათონის წმ. მთა, კ. კრეტა, მსოფლიოს მართლმადიდებლური სამრევლოები, რომლებიც სხვა ეკლესიის იურისდიქციაში არ შედიან;

¹⁷⁴ The Pocket Oxford Classical Greek Dictionary, დასახ. გამოცემა, 87 (1)

¹⁷⁵ ვებგვერდი: <http://www.ec-patr.org/>

საპატრიარქო საყდარი: კონსტანტინოპოლის წმ. გიორგის ტაძარი (სტამბოლი, თურქეთის რესპუბლიკა);

ეკლესიის მეთაური: მისი ღმრთაებრივი ყოვლადუნმიდესობა, მთავარეპისკოპოსი კონსტანტინოპოლისა — ახლისა რომისა და მსოფლიო პატრიარქი, *ბართლომეოს პირველი*;

ლიტურგიკული ენა: ბერძნული, ინგლისური, სლავური;

ადმინისტრაციული მონყოლა: საპატრიარქოს იურისდიქციაშია 6 თვითმმართველი სამთავარეპისკოპოსო და რამდენიმე ათეული სამიტროპოლიტო. საპატრიარქოს ასევე ექვემდებარება ათონის წმ. მთა, რომელსაც ავტონომიური მმართველობის უფლება აქვს. მას ხელმძღვანელობს წმ. მთის კინოტი (20 მონასტრის ილუმენთა კრება) და წმ. მთის პროტოსი;

მღვდელმთავრების რაოდენობა: 125;

მრევლის რაოდენობა: დაახლ. 5,3 მილიონი.

ლიბტიქში მეორე ადგილზეა **ალექსანდრიის საპატრიარქო**.¹⁷⁶

ადმარსებელი: წმ. მოციქული და მახარებელი მარკოზი;

იურისდიქცია: ეგვიპტის არაბთა რესპუბლიკა და მთელი აფრიკის კონტინენტი;

საპატრიარქო საყდარი: ალექსანდრიის ხარების სახელობის ტაძარი (ეგვიპტის არაბთა რესპუბლიკა);

ეკლესიის მეთაური: მისი ღმრთაებრივი უნეტარესობა, პაპი და პატრიარქი დიდისა ქალაქისა ალექსანდრიისა, ლიბიისა, პენტაპოლისისა, ეთიოპიისა, სრულად ეგვიპტისა და სრულიად აფრიკისა, მამაი მამათა, მწყემსი მწყემსთა, მღვდელმთავარი მღვდელმთავართა, მეცამეტე მოციქული და მსოფლიო მსაჯული, *თეოდორე მეორე*;

ლიტურგიკული ენა: ბერძნული, არაბული, ინგლისური, სუაჰილი;

ადმინისტრაციული მონყოლა: საპატრიარქოს იურისდიქციაშია 22 სამთავარეპისკოპოსო და 7 სამიტროპოლიტო. ალექსანდრიის საპატრიარქოს აქვს სპეციალური მისიები, რომლითაც იგი ხელს უწყობს ქრისტიანობის გავრცელებას აფრიკის ცალკეულ ტომებში;

176 ვებგვერდი: <http://www.patriarchateofalexandria.com/>

მღვდელმთავრების რაოდენობა: 31;
მრევლის რაოდენობა: 250 000.

ღიბტიქში მესამე ადგილზე ანტიოქიის საპატრიარქო.¹⁷⁷
დამაარსებელი: ნმ. მოციქულთა თავი პეტრე;

იურისდიქცია: სირიის არაბთა რესპუბლიკა, ლიბანის რესპუბლიკა, ერაყის რესპუბლიკა, ქუვეითის რესპუბლიკა, არაბთა გაერთიანებული საამიროები, სხვა არაბულენოვანი სამრევლოები მსოფლიოში;

საპატრიარქო საყდარი: დამასკოს მიძინების ტაძარი (სირიის არაბთა რესპუბლიკა);

ეკლესიის მეთაური: მისი უნეტარესობა, პატრიარქი ღმრთისა ქალაქისა დიდისა ანტიოქიისა, სირიისა, კილიკიისა, არაბეთისა, შუამდინარეთისა და სრულად აღმოსავლეთისა, *იოანე მეთაე*;

ღიბტიურგოვანი ენა: არაბული, ბერძნული;

ადმინისტრაციული მონაცემები: საპატრიარქოს შუამდინარეთში აქვს 16 სამთავარეპისკოპოსო, ევროპაში — 2, ამერიკაში — 5 და ოკეანეთში — 1. ცალკეულ სამთავარეპისკოპოსოს აქვს ეპარქიები. აღსანიშნავია, რომ მეხუთე საუკუნემდე საქართველოს ეკლესიის ანტიოქიის საყდრისადმი დაქვემდებარების გამო, ზოგიერთ გამოცემაში ეკლესიის მეთაურის ტიტულში მითითებულია, აგრეთვე, „ივერიისა“;

მღვდელმთავრების რაოდენობა: 49;

მრევლის რაოდენობა: დაახლ. 2 მილიონი.

ღიბტიქში მეოთხე ადგილზე იერუსალიმის საპატრიარქო.¹⁷⁸

დამაარსებელი: ყველა მოციქული;

იურისდიქცია: ისრაელის სახელმწიფო (პალესტინის ავტონომიის ჩათვლით), იორდანის ჰაშიმიტური სამეფო, ყატარის სახელმწიფო;

საპატრიარქო საყდარი: იერუსალიმის მაცხოვრის აღდგომის ტაძარი (ისრაელის სახელმწიფო);

ეკლესიის მეთაური: მისი უნეტარესობა, პატრიარქი ნმიდი-

¹⁷⁷ ვებგვერდი: <http://www.antiochpatriarchate.org/>

¹⁷⁸ ვებგვერდი: <http://www.jerusalem-patriarchate.info/>

სა ქალაქისა იერუსალიმისა და სრულად პალესტინისა, მდინარე იორდანიის გაღმა მიწათა, გალილეის კანასი და წმინდა სიონისა, თეოფილე მესამე;

ლიტურგიკული ენა: ბერძნული, არაბული;

ადმინისტრაციული მონაცემები: საპატრიარქოს ექვემდებარება სინაის მთის ავტონომიური ეკლესია (ეგვიპტე), 10 სამთავარებისკოპოსო და 10 სამიტროპოლიტო;

მღვდელმთავრების რაოდენობა: 20;

მრევლის რაოდენობა: დაახლ. 130 000.

გ) ახალი საპატრიარქოები. ახალ საპატრიარქოებად საეკლესიო სამართალში მიიჩნევა ყველა ის საპატრიარქო, რომელიც ჩამოყალიბდა ზემოგანხილული ტიტრარქიის შემდგომ, მიუხედავად მათი დაარსებისა.

დიპტიქში **მეხუთე**, ხოლო ახალ საპატრიარქოთა შორის პირველ ადგილზეა **რუსეთის (მოსკოვის) საპატრიარქო**.¹⁷⁹

დამაარსებელი: წმ. მოციქული ანდრია პირველწოდებული;

იურისდიქცია: რუსეთის ფედერაცია, დამოუკიდებელ სახელმწიფოთა თანამეგობრობის წევრი ქვეყნები (გარდა სომხეთის რესპუბლიკისა და აზერბაიჯანის რესპუბლიკის ზაქათალის, ბელაქანისა და კახის რაიონებისა), ევროპისა და ამერიკის რუსულენოვანი სამრევლოები;

საპატრიარქო საყდარი: მოსკოვის ქრისტე მაცხოვრის სახელობის ტაძარი (რუსეთის ფედერაცია);

ეკლესიის მეთაური: უწმიდესი პატრიარქი მოსკოვისა და სრულიად რუსეთისა, *კირილე*;

ლიტურგიკული ენა: სლავური;

ადმინისტრაციული მონაცემები: საპატრიარქოს ექვემდებარება თვითმმართველი ეკლესიის სახით არსებული რუსეთის მართლმადიდებელი ეკლესია საზღვარგარეთ, იაპონიის და უკრაინის ავტონომიური ეკლესიები, რამდენიმე სხვა ავტონომიური ეკლესია და მის შემადგენლობაშია ათეულობით ეპარქია;

მღვდელმთავრების რაოდენობა: 207;

მრევლის რაოდენობა: 150 მილიონი.

179 ვებგვერდი: <http://www.patriarchia.ru/>

დიპტიქში მეექვსე ადგილზეა საქართველოს სამოციქულო მართლმადიდებელი ეკლესია.

აუცილებელია აღინიშნოს, რომ საქართველოს ეკლესიის ადგილი დიპტიქში ბოლომდე გარკვეული არ არის: თავად საქართველოს ეკლესია და სლავური ტრადიციის ეკლესიები მას მე-6 ადგილზე მოიხსენიებენ, ხოლო ბერძნული ტრადიციის — მე-9 ადგილზე (ანუ საპატრიარქოთა შორის ბოლოზე). საქართველოს ეკლესიის ადმინისტრაციული მონყობის საკითხებს ეხება ამ კარის შემდეგი თავი.

დიპტიქში მეშვიდე ადგილზეა სერბეთის საპატრიარქო.¹⁸⁰

დამაარსებელი: წმ. მღვდელმთავარი საბა;

იურისდიქცია: სერბეთის რესპუბლიკა, ყოფილი იუგოსლავიის რესპუბლიკები, სამრევლოები ევროპაში, ამერიკასა და კანადაში;

საპატრიარქო საყდარი: ბელგრადის წმ. საბას სახელობის ტაძარი (სერბეთის რესპუბლიკა);

ეკლესიის მეთაური: მისი უწმიდესობა, მიტროპოლიტი ბელგრად-კარლოვაცისა, მთავარეპისკოპოსი პეტისა და პატრიარქი სერბეთისა, ირინეოსი;

ლიტურგიკული ენა: სლავური;

ადმინისტრაციული მონყობა: საპატრიარქოს დაქვემდებარებაშია ოხრიდის ავტონომიური სამთავარეპისკოპოსო (ყოფილი იუგოსლავური რესპუბლიკა მაკედონია);

მღვდელმთავრების რაოდენობა: 44;

მრევლის რაოდენობა: დაახლ. 8 მილიონი.

დიპტიქში მერვე არის რუმინეთის საპატრიარქო.¹⁸¹

დამაარსებელი: წმ. პავლე მოციქულის მონაფეხი;

იურისდიქცია: რუმინეთის რესპუბლიკა, უნგრეთის რესპუბლიკა, მოლდოვის რესპუბლიკა (ნანილობრივ);

საპატრიარქო საყდარი: ბუქარესტის წმ. მეფე კონსტანტინესა და დედოფალ ელენეს სახელობის ტაძარი (რუმინეთის რესპუბლიკა);

¹⁸⁰ ვებგვერდი: <http://www.spc.rs/>

¹⁸¹ ვებგვერდი: <http://www.patriarhia.ro/>

ეკლესიის მეთაური: მისი უნეტარესობა, მთავარეპისკოპოსი ბუქარესტისა, მიტროპოლიტი მუნტენისა და დობროჯისა, მოსაყდრე კესარია-კაბადოკიისა და პატრიარქი რუმინეთისა, დანიელი;

ლიტურგიკული ენა: რუმინული;

ადმინისტრაციული მონაცემები: საპატრიარქოს ექვემდებარება 6 სამიტროპოლიტო და 10 სამთავარეპისკოპოსო. საპატრიარქოს დავა აქვს მოსკოვის საპატრიარქოსთან, მოლდოვის ეკლესიის იურისდიქციასთან დაკავშირებით;

მღვდელმთავრების რაოდენობა: 53;

მრევლის რაოდენობა: 16,3 მილიონი.

დიპტიქში მეცხრე, ხოლო საპატრიარქოთა შორის ბოლო ადგილზე არის ბულგარეთის საპატრიარქო.¹⁸²

დამაარსებელი: წმ. ანდრია პირველწოდებული;

იურისდიქცია: ბულგარეთის რესპუბლიკა, ევროპაში, ამერიკასა და ავსტრალიაში ბულგარული სამრევლოები;

საპატრიარქო საყდარი: სოფიის წმ. ალექსანდრე ნეველის სახელობის ტაძარი (ბულგარეთის რესპუბლიკა);

ეკლესიის მეთაური: მისი უწმიდესობა, პატრიარქი ბულგარეთისა და მიტროპოლიტი სოფიისა, ნეოფიტე;

ლიტურგიკული ენა: სლავური;

ადმინისტრაციული მონაცემები: საპატრიარქოს ექვემდებარება 15 ეპარქია, რომელთაგან 13 არის ბულგარეთის რესპუბლიკის ტერიტორიაზე, ხოლო 2 — საზღვარგარეთ. საპატრიარქოს ექვემდებარება ანტარქტიდაზე მდებარე სამლოცველო;

მღვდელმთავრების რაოდენობა: 15;

მრევლის რაოდენობა: 6,5 მილიონი.

დ) ავტოკეფალური ეკლესიები. ამ კატეგორიაში შედის ყველა ის ადგილობრივი ავტოკეფალური მართლმადიდებელი ეკლესია, რომლის მეთაურსაც საპატრიარქო ღირსება არ აქვს, მაგრამ ისტორიულად ჩამოყალიბდა, როგორც ავტოკეფალური უფლებების მქონე ან მან ამგვარი სტატუსი მიიღო ბოლო ათწლეულებში.

¹⁸² ვებგვერდი: <http://www.bg-patriarshia.bg/>

ავტოკეფალურ ეკლესიებში პირველ, ხოლო დიპტიქში **მეთაუ**
ადგილზეა **კვიპროსის ეკლესია**.¹⁸³

დამაარსებელი: წმ. მოციქული ბარნაბა;

იურისდიქცია: კვიპროსის რესპუბლიკა;

სამეთაურო საყდარი: ნიქოზიის წმ. იოანე ღმრთისმეტყვე-
ლის სახელობის ტაძარი (კვიპროსის რესპუბლიკა);

ეკლესიის მეთაური: მისი უნეტარესობა, მთავარეპისკოპოსი
ახლისა იუსტინიანესი და სრულიად კვიპროსისა, *ქრიზოსტომოს*
მეორე;

ლიტურგიკული ენა: ბერძნული;

ადმინისტრაციული მონაცემები: სამთავარეპისკოპოსოს ექვემ-
დებარება 9 სამიტროპოლიტო, 3 საეპისკოპოსო და 4 ტიტულა-
რული ეპისკოპოსი;

მღვდელმთავრების რაოდენობა: 16;

მრევლის რაოდენობა: 500 000.

დიპტიქში **მეთერთმეტე** ადგილზეა **საბერძნეთის**¹⁸⁴ ეკლე-
სია.¹⁸⁵

დამაარსებელი: წმ. მოციქული პავლე;

იურისდიქცია: საბერძნეთის რესპუბლიკის ცენტრალური და
სამხრეთი ნაწილი;

სამეთაურო საყდარი: ათენის ხარების სახელობის ტაძარი
(საბერძნეთის რესპუბლიკა);

ეკლესიის მეთაური: მისი უნეტარესობა, მთავარეპისკოპოსი
ათენისა და სრულიად საბერძნეთისა, *იერონიმე*;

ლიტურგიკული ენა: ბერძნული;

ადმინისტრაციული მონაცემები: სამთავარეპისკოპოსოს დაქ-
ვემდებარებაშია 81 სამიტროპოლიტო, ტიტულარული მიტრო-
პოლიტი და ეპისკოპოსი. საეკლესიო კრება ირჩევს მუდმივმო-

¹⁸³ ვებგვერდი: <http://www.churchofcyprus.org.cy/>

¹⁸⁴ ჩვენში დამკვიდრებულია, რომ საბერძნეთის ეკლესიას იხსენიებენ ელადის ეკლესიად, რაც უმართებულოა. აღნიშნული განპირობებულია რუსული გავლენით, სადაც განსხვავებული მნიშვნელობის მქონე ტერმინები „ბერძნული ეკლესია“ და „საბერძნეთის ეკლესია“ ერთნაირად გადმოიცემა (Греческая церковь), რის გამოც, პირველი მნიშვნელობისგან განსამიჯნად შეშუშავდა ახალი ტერმინი „ელადის ეკლესია“.

¹⁸⁵ ვებგვერდი: <http://www.ecclesia.gr/>

ქმედ სინოდს ეკლესიის მეთაურისა და 12 მღვდელმთავრის შე-
მაღგენლობით;

მღვდელმთავრების რაოდენობა: 101;

მრევლის რაოდენობა: დაახლ. 17 მილიონი.

დიპტიქში მეთორმეტე¹⁸⁶ არის **ალბანეთის ეკლესია**.¹⁸⁷

დამაარსებელი: წმ. მოციქული პავლე;

იურისდიქცია: ალბანეთის რესპუბლიკა;

სამეთაურო საყდარი: ტირანის ხარების სახელობის ტაძარი
(ალბანეთის რესპუბლიკა);

ეკლესიის მეთაური: მისი უნეტარესობა, მიტროპოლიტი ტი-
რანა-დურეს-ელვასანისა და მთავარეპისკოპოსი სრულიად ალ-
ბანეთისა, *ანასტასიოსი*;

ლიტურგიკული ენა: ალბანური;

ადმინისტრაციული მონაცემები: ეკლესიის მეთაურს ექვემ-
დებარება სამი ეპარქია უშუალოდ. ამის გარდა არსებობს სამი
სამიტროპოლიტო და ოთხი ტიტულარული საეპისკოპოსო. წმ.
სინოდის შემადგენლობაშია, აგრეთვე, პროტოპრესვიტერი, რო-
მელიც სინოდის გენერალური მდივანია;

მღვდელმთავრების რაოდენობა: 6;

მრევლის რაოდენობა: 700 000.

დიპტიქში მეცამეტე არის **პოლონეთის ეკლესია**.¹⁸⁸

დამაარსებელი: წმ. მოციქულთა სწორნი კირილე და მეთო-
დე;

იურისდიქცია: პოლონეთის რესპუბლიკა და პოლონური
სამრევლოები ბრაზილიის ფედერაციულ რესპუბლიკაში;

სამეთაურო საყდარი: ვარშავის წმ. მარიამ მაგდალინელის
სახელობის ტაძარი (პოლონეთის რესპუბლიკა);

ეკლესიის მეთაური: მისი უწმიდესობა, მიტროპოლიტი ვარ-
შავისა და სრულიად პოლონეთისა, *საბა*;

ლიტურგიკული ენა: პოლონური, სლავური;

¹⁸⁶ სლავური ტრადიციით, ალბანეთის ეკლესია დიპტიქში მეთორმეტე ადგილზეა,
ხოლო ბერძნული ტრადიციით — მეცამეტე, პოლონეთის ეკლესიის შემდგომ.

¹⁸⁷ ვებგვერდი: <http://www.orthodoxalbania.org/>

¹⁸⁸ ვებგვერდი: <http://www.orthodox.pl/>

ადმინისტრაციული მოწყობა: სამიტროპოლიტოს დაქვემდებარებაშია 5 ეპარქია პოლონეთში და 1 — ბრაზილიაში, 4 ტიტულარული ეპისკოპოსი და პოლონეთის შეიარაღებულ ძალებთან არსებული 1 სამხედრო მართლმადიდებლური ორდინარიატი;

მღვდელმთავრების რაოდენობა: 12;

მრევლის რაოდენობა: დაახლ. 600 000.

დიპტიქში **მეთოხმეტე** არის **ჩეხეთის და სლოვაკეთის ეკლესია**.¹⁸⁹

დამაარსებელი: ნმ. მოციქულთა სწორნი კირილე და მეთოდე;

იურისდიქცია: ჩეხეთის რესპუბლიკა და სლოვაკეთი;

საპატრიარქო საყდარი: პრალის ნმიდა მოციქულთა სწორთა კირილეს და მეთოდეს სახელობის ტაძარი (ჩეხეთის რესპუბლიკა);

ეკლესიის მეთაური: მისი უწმიდესობა, მთავარეპისკოპოსი პრალისა და ჩეხეთის მიწათა და სლოვაკეთისა, *რასტისლავი*.

ლიტურგიკული ენა: ჩეხური, სლოვაკური, სლავური;

ადმინისტრაციული მოწყობა: ეკლესია გაყოფილია პრალისა და ჩეხეთის მიწათა სამთავარეპისკოპოდ და პრეშოვისა და სლოვაკეთის სამთავარეპისკოპოსოდ. პრეშოვის სამთავარეპისკოპოსოს ექვემდებარება 2 ეპარქია და 2 ვიკარიუსი;

მღვდელმთავრების რაოდენობა: 6;

მრევლის რაოდენობა: დაახლ. 100 000.

დიპტიქში ბოლო, ანუ **მეთხუმეტე** ადგილზე არის **ამერიკის ეკლესია**.¹⁹⁰

დამაარსებელი: ნმ. გერმანე ალიასკელი;

იურისდიქცია: ამერიკის შეერთებული შტატები, კანადა;

სამეთაურო საყდარი: ვაშინგტონის ნმ. ნიკოლოზის სახელობის ტაძარი (ამერიკის შეერთებული შტატები);

ეკლესიის მეთაური: მისი უნეტარესობა, მთავარეპისკოპოსი ვაშინგტონისა და მიტროპოლიტი სრულიად ამერიკისა და კანა-

189 ვებგვერდი: ჩეხეთის <http://www.pravoslavnacirkev.cz/> სლოვაკეთის <http://www.orthodox.sk/>

190 ვებგვერდი: <http://www.o.ca.org/>

დის, ტიზონი;

ლიტურგიკული ენა: ინგლისური, სლავური, ესპანური;

ადმინისტრაციული მონაცემები: სამიტროპოლიტოს ექვემდებარება 12 ეპარქია და 3 ეთნიკური ეპარქია (რუმინული, ბულგარული, ალბანური);

მღვდელმთავრების რაოდენობა: 10;

მრევლის რაოდენობა: 84 600.

თავი 3. საქართველოს სამოციქულო მართლმადიდებელი ეკლესია

ა) ავტოკეფალიის უფლება. საქართველოს საისტორიო ტრადიციით, საქართველოს ეკლესიამ ავტოკეფალია მიიღო ანტიოქიის საყდრისგან, მეხუთე საუკუნის მეორე ნახევარში, ქართლის მეფის ვახტანგ გორგასლის დროს.¹⁹¹ საგულისხმოა, რომ ზემოხსენებული მეორე მსოფლიო კრების მე-2 კანონის კომენტარებისას, რომელიც ადგენს ავტოკეფალურ უფლებას ადგილობრივი ეკლესიებისათვის, თეოდორე ბალსამონი აღნიშნავს: „ამბობენ, რომ ღმრთის ქალაქის, ე.ი. ანტიოქიის უწმიდესი პატრიარქის უფალ პეტრეს დღეებში, საკრებო განკარგულება იყო იმაზე, რომ ივერიის ეკლესია, დაქვემდებარებული მაშინ ანტიოქიის პატრიარქისადმი, იქცა თავისუფლად და დამოუკიდებლად (ავტოკეფალურად)“.¹⁹² ანტიოქიას პეტრედ ნოდებული პატრიარქი ჰყავდა 471-488 წლებში, რაც ემთხვევა ქართულ საისტორიო მონაცემებს.

რუსეთსა და ქართლ-კახეთს შორის 1783 წელს გაფორმებული გეორგიევსკის ტრაქტატის მე-8 არტიკული (მუხლი) ითვალისწინებდა ქართლის კათალიკოსისათვის რუსეთის მართლმადიდებელი ეკლესიის წმ. სინოდის წევრობის ბოძებას და ადგილს ტობოლსკის მღვდელმთავრის შემდეგ. ამ ჩანაწერმა ხელი შეუწყო ქართული ეკლესიისთვის ავტოკეფალური უფლების გაუქმებას. 1811 წელს ეს პროცესი საბოლოოდ დასრულდა და ქართული ეკლესია, გაყოფილი ორ საკათალიკოსოდ — ქართლის და აფხაზეთ-იმერეთის, რუსეთის მართლმადიდებელ ეკლესიას შეუერთდა ავტონომიური უფლებებით.

საქართველოს ეკლესიის ავტოკეფალია აღდგა 1917 წლის 12 (25) მარტს, სვეტიცხოვლის საპატრიარქო ტაძარში. საქართველოს ეკლესიის ავტოკეფალია რუსეთის ეკლესიამ ცნო 1927 წლის 8 თებერვალს,¹⁹³ ხოლო ლოცვით-ეგქარისტიული კავშირი აღადგინა 1943 წლიდან. რაც შეეხება მსოფლიო საპატრიარქოს მიერ მიღებულ სიგელს, იგი მიღებულ იქნა კონსტანტინოპო-

191 საქართველოს სამოციქულო ეკლესიის კალენდარი — 2012, თბილისი, 2011, 4

192 Правила святых Вселенских соборовъ съ толкованіями, Москва, 2000, 86

193 მიტროპოლიტი ანანია (ჯაფარიძე), საქართველოს საეკლესიო კანონების კრებული, 609-610

ლის მსოფლიო პატრიარქ დიმიტრიოსის მიერ 1990 წლის 25 იან-
ვარს.¹⁹⁴

ბ) საქართველოს ეკლესიის იურისდიქცია.¹⁹⁵ საქართველოს მართლმადიდებელი ეკლესია არის მრავალეროვანი ადგილობრივი ავტოკეფალური (დამოუკიდებელი) მართლმადიდებელი ეკლესია, რომლის დიდ უმრავლესობას ქართველი მოსახლეობა შეადგენს. იგი იმყოფება დოგმატურ-სარწმუნოებრივ-ლიტურგიკულ ერთიანობასა და ლოცვით-კანონიკურ ურთიერთობაში ყველა სხვა ადგილობრივ ავტოკეფალურ მართლმადიდებელ ეკლესიებთან.

საქართველოს ეკლესიის იურისდიქციაში შედიან:

ა) საქართველოში მცხოვრები ყველა მართლმადიდებელი ქრისტიანი;

ბ) საქართველოს საზღვრებს გარეთ მცხოვრები ის მართლმადიდებელი ქართველები, რომლებზედაც არ ვრცელდება სხვა ადგილობრივი მართლმადიდებელი ეკლესიის იურისდიქცია;

გ) სომხეთის რესპუბლიკაში მცხოვრები მართლმადიდებელი ქრისტიანები;

დ) საქართველოს საზღვრებს გარეთ მცხოვრები ის მართლმადიდებელი ქრისტიანები, რომლებიც არ შედიან სხვა ადგილობრივი მართლმადიდებელი ეკლესიების იურისდიქციაში და აქვთ სურვილი იყვნენ საქართველოს ავტოკეფალური მართლმადიდებელი ეკლესიის იურისდიქციაში.

გ) საქართველოს ეკლესიის ადგილობრივი კრება. საქართველოს ეკლესიაში მოიწვევა ადგილობრივი კრება ორი სახით: გაფართოებული და წმინდა სინოდი. კრებას იწვევს სრულიად საქართველოს კათოლიკოს-პატრიარქი ან მისი მოსაყდრე. წმიდა მართლმადიდებელი ეკლესიის კანონების თანახმად, ის საეკლესიო კრება, რომელიც არ არის მოწვეული კათოლიკოს-პატრიარქის ან მოსაყდრის მიერ, უკანონოა.

საქართველოს ეკლესიის გაფართოებული კრების მოწვევა ხდება მხოლოდ ორ შემთხვევაში:

194 იქვე, 622-624

195 ეს თავი შედგენილია საქართველოს სამოციქულო მართლმადიდებელი ეკლესიის მართვა-გამგეობის დებულების შესაბამისად. ოფიციალური ტექსტი იხ. მიტროპოლიტი ანანია (ჯაფარიძე), საქართველოს საეკლესიო კანონების კრებული, 309-330

ა) სრულიად საქართველოს კათოლიკოს-პატრიარქის არჩევისას;

ბ) საქართველოს ეკლესიის მართვა-გამგეობის ახალი დებულების დამტკიცებისას.

საქართველოს ეკლესიის გაფართოებული კრების შემადგენლობაში შედიან:

ა) წმ. სინოდის ყველა წევრი;

ბ) ყოველი ეპარქიიდან მოწვეული 2 სასულიერო და 1 საერო პირი;

გ) თითოეული მონასტრიდან, სასულიერო აკადემიებიდან და სემინარიებიდან წარმოდგენილი 2-2 დელეგატი;

დ) გელათის მეცნიერებათა აკადემიიდან - 4 დელეგატი;

ე) მცხეთა-თბილისის ეპარქიიდან იმდენივე წარმომადგენელი, რამდენიც იქნება მოწვეული ყველა დანარჩენი ეპარქიიდან.

რაც შეეხება წმინდა სინოდს, მას ეკუთვნის საქართველოს ეკლესიაში უმაღლესი ხელისუფლება მოძღვრების, საეკლესიო მმართველობისა და საეკლესიო სასამართლოს სფეროებში, ანუ - საკანონმდებლო, აღმასრულებელი და სასამართლო ხელისუფლება

საქართველოს ეკლესიის წმიდა სინოდის საკანონმდებლო და აღმასრულებელი უფლებამოსილება:¹⁹⁶

ა) განმარტავს წმიდა წერილისა და წმიდა გარდამოცემის საფუძველზე მართლმადიდებელი ეკლესიის სწავლებას. ზრუნავს სხვა ადგილობრივ ავტოკეფალურ მართლმადიდებელ ეკლესიებთან დოგმატურ-სარწმუნოებრივსა და კანონიკურ ერთიანობაზე;

ბ) იხილავს და წყვეტს კანონიკურ, საღვთისმსახურო, სამოძღვრო და სხვა საკითხებს, რომლებიც ეხებიან ეკლესიის საშინაო და საგარეო მოღვაწეობას;

გ) ადგენს ახალ წმინდანთა აღიარებას (კანონიზირებას) და შესაბამის ღვთისმსახურებას;

დ) ზრუნავს ეკლესიასა და სახელმწიფოს შორის სამართლებრივ ურთიერთობაზე, ეკლესიის კანონების, საეკლესიო კრებე-

¹⁹⁶ მართვა-გამგეობის დებულების მეორე თავის §4-ში მოცემული უფლებამოსილებები გადმოტანილია შემოკლებით.

ბის დადგენილებების, საქართველოს ავტოკეფალური მართლმადიდებელი ეკლესიის მართვა-გამგეობის დებულების, სახელმწიფოს კონსტიტუციისა და კანონების შესაბამისად;

ე) შესაბამისი საშუალებებით გამოხატავს თავის დამოკიდებულებას სახელმწიფოში და მთელ მსოფლიოში მომხდარი მოვლენებისა და წამოჭრილი პრობლემების შესახებ;

ვ) ქმნის ან აუქმებს ეპარქიებს, ცვლის მათ ტერიტორიულ საზღვრებსა და სახელწოდებებს, ირჩევს საქართველოს ეკლესიის მღვდელმთავრებს და ახდენს მათ ხელდასხმას, ხოლო საჭიროების შემთხვევაში, კათოლიკოს-პატრიარქის წინადადებით, გადაყავს მღვდელმთავრები ერთი ეპარქიიდან მეორეში;

ზ) საჭიროების შემთხვევაში იღებს გადაწყვეტილებებს მმართველი მღვდელმთავრების პენსიაში გასვლის შესახებ;

თ) ადგენს **პროცედურას** ყველა საეკლესიო სასამართლოსათვის;

ი) ამტკიცებს, ცვლის, აუქმებს და განმარტავს თავის დადგენილებებს, რომლებიც შეეხებიან საეკლესიო ცხოვრებას;

კ) ზრუნავს **საეკლესიო კანონების კრებულების**, სასულიერო და საერო სასწავლებლების შესაბამისი სახელმძღვანელოების, საღვთისმეტყველო ლიტერატურისა და პერიოდიკის გამოცემისათვის;

ლ) ზრუნავს საეკლესიო საგანძურის აღრიცხვის, დაცვისა და შევსებისათვის.

საქართველოს ეკლესიის წმიდა სინოდის **თავმჯდომარე** არის სრულიად საქართველოს კათოლიკოს-პატრიარქი ან მის მიერ დანიშნული საპატრიარქო ტახტის მოსაყდრე.

საქართველოს ეკლესიის **წმინდა სინოდის სასამართლო უფლებამოსილება:**

ა) საქართველოს ეკლესიის წმ. სინოდი არის პირველი და უკანასკნელი **ინსტანცია** საქართველოს ეკლესიაში, რომელიც უფლებამოსილია გაასამართლოს მღვდელმთავარი, განიხილოს მისი მოღვაწეობის დოგმატური და კანონიკური ცდომილება;

ბ) წმ. სინოდი არის პირველი და უკანასკნელი ინსტანცია საქართველოს ეკლესიაში, რომელიც სასამართლო წესით განიხილავს **კონფლიქტებს** მღვდელმთავრებს შორის;

გ) წმ. სინოდი არის ასევე **უკანასკნელი ინსტანცია** იმ სასუ-

ლიერო და საერო პირებისათვის, რომლებსაც ეპარქიის მმართველმა მღვდელმთავარმა მიუსაჯა მღვდელმსახურების აკრძალვა, სამღვდლო ხარისხიდან განკვეთა, სიკვდილამდე უზიარებლობა ან ეკლესიიდან განკვეთა (ანათემა); აგრეთვე იმ სასულიერო და საერო პირებისათვის, რომლებსაც აქეთ საკმარისი საფუძველი თავიანთი ეპარქიის მმართველი მღვდელმთავრის განაჩენის გასაჩივრებისათვის.

საქართველოს ეკლესიის **წმინდა სინოდის რეგლამენტი:**

ა) საქართველოს ეკლესიის წმ. სინოდზე გადანყევტილების მიღება ხდება ხმების უმრავლესობით. ხმების თანაბრად გაყოფის შემთხვევაში მიღებული იქნება ის გადაწყვეტილება, რომელსაც ემხრობა კრების თავმჯდომარე - სრულიად საქართველოს კათოლიკოს-პატრიარქი (ან მოსაყდრე);

ბ) საქართველოს ეკლესიის წმ. სინოდზე დასწრება საქართველოს ეკლესიის მღვდელმთავრების კანონიკური ვალდებულებაა;

გ) თუ მღვდელმთავარი მნიშვნელოვანი მიზეზის გამო ვერ დაესწრება წმ. სინოდის სხდომას, მაშინ ის ვალდებულია წმ. სინოდს წერილობით მოახსენოს თავისი შეხედულება განსახილველ საკითხებზე;

დ) წმ. სინოდის არცერთ წევრს არ შეუძლია ხმის მიცემისაგან თავის შეკავება. თუ მღვდელმთავარი არ ეთანხმება მიღებულ დადგენილებას, მან ეს იმავე სხდომაზე უნდა განაცხადოს, ხოლო სხდომიდან სამი (3) დღის განმავლობაში წერილობით უნდა წარადგინოს თავისი მოსაზრება, რომელიც დაერთება საეკლესიო კრების ოქმებს;

ე) საქართველოს ეკლესიის წმ. სინოდის დადგენილებები სავალდებულოა საქართველოს ეკლესიის ყოველი წევრისათვის.

დ) **სრულიად საქართველოს კათოლიკოს-პატრიარქი.** საქართველოს ეკლესიის საჭეთმპყრობელი არის სრულიად საქართველოს კათოლიკოს-პატრიარქი.

სრულიად საქართველოს კათოლიკოს-პატრიარქის სრული ტიტულია: **უწმიდესი და უნეტარესი, სრულიად საქართველოს კათოლიკოს-პატრიარქი, მცხეთა-თბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი,**

დიდი მეუფე, მამაი ჩვენი (სახელი).

სრულიად საქართველოს კათოლიკოს-პატრიარქის **არჩევის** წესი:

1. კათოლიკოს-პატრიარქობის კანდიდატი უნდა აკმაყოფილებდეს შემდეგ **მოთხოვნებს**:

ა) ეროვნებით უნდა იყოს ქართველი;

ბ) უნდა იყოს საქართველოს მართლმადიდებელი ეკლესიის მღვდელმთავარი;

გ) უნდა ჰქონდეს საღვთისმეტყველო განათლება და საეკლესიო მმართველობის საკმარისი გამოცდილება;

დ) ასაკით უნდა იყოს არანაკლებ ორმოცი წლისა და არაუმეტეს სამოცდაათი წლისა;

ე) უნდა იყოს ბერი.

2. სრულიად საქართველოს კათოლიკოს-პატრიარქს ირჩევს საქართველოს ეკლესიის **გაფართოებული კრება**.

3. საპატრიარქო ტახტის **მოსაყდრის** დადგენა:

ა) სრულიად საქართველოს კათოლიკოს-პატრიარქის გარდაცვალების, გადადგომის ან სხვა ისეთი მიზეზის გამო, რომელიც შეუძლებელს ხდის კათოლიკოს-პატრიარქისათვის თავისი მოვალეობების შესრულებას, კათოლიკოს-პატრიარქის მიერ დადგენილი საპატრიარქო ტახტის **მოსაყდრე** მართავს ეკლესიას ახალი კათოლიკოს-პატრიარქის არჩევამდე;

ბ) სრულიად საქართველოს კათოლიკოს-პატრიარქის გარდაცვალების შემდეგ **ქიროტონიით უპირატესი** მღვდელმთავარი წმ. სინოდის წევრთა უმრავლესობის თანდასწრებით ხსნის კათოლიკოს-პატრიარქის მიერ დატოვებულ ანდერძს და აცხადებს საპატრიარქო ტახტის მოსაყდრის ვინაობას;

გ) იმ შემთხვევაში, როცა საპატრიარქო ტახტის მოსაყდრე დადგენილი არ არის, ქიროტონიით უპირატესი მღვდელმთავარი ავტომატურად ხდება მოსაყდრე.

დ) სრულიად საქართველოს კათოლიკოს-პატრიარქის ანდერძით დადგენილი საპატრიარქო ტახტის მოსაყდრისადმი **კანონიკური მორჩილება** საქართველოს ეკლესიის ყოველი წევრის მოვალეობაა;

4. საპატრიარქო **არჩევნების** დანიშვნა:

ა) საპატრიარქო ტახტის დაქვრივებიდან **40 დღის შემდეგ**,

მაგრამ არა უგვიანეს ორი თვისა, საპატრიარქო ტახტის მოსაყდრე ინვევს საქართველოს ეკლესიის გაფართოებულ კრებას, რომელზედაც მოხდება სრულიად საქართველოს კათოლიკოს-პატრიარქის არჩევა;

ბ) საქართველოს ეკლესიის გაფართოებული კრების წინ მოსაყდრე ინვევს წმ. სინოდს, საპატრიარქო კანდიდატების შესარჩევად. წმ. სინოდი ირჩევს გაფართოებულ კრებაზე წარსადგენ **3 კანდიდატს.** წმ. სინოდის ყველა წევრს აქვს უფლება წარმოადგინოს ერთი საპატრიარქო კანდიდატი, მათ შორის თავისი თავიც;

გ) **სამი** საპატრიარქო კანდიდატი, რომლებიც მიიღებენ ხმათა უმრავლესობას, კენჭს იყრიან გაფართოებულ კრებაზე, როგორც პატრიარქობის კანდიდატები;

დ) გაფართოებული კრების ყველა მონაწილეს აქვს უფლება გამოთქვას აზრი კანდიდატთა შესახებ;

ე) კათოლიკოს-პატრიარქის არჩევის კენჭისყრაში მონაწილეობას იღებენ მხოლოდ მღვდელმთავრები.

5. საპატრიარქო არჩევნებში **გამარჯვებულის** გამოვლენა და მისი **აღსაყდრება:**

ა) სრულიად საქართველოს კათოლიკოს-პატრიარქად არჩეულად ჩაითვლება ის კანდიდატი, რომელიც მიიღებს კრების მონაწილე მღვდელმთავართა ხმების ნახევარზე მეტს;

ბ) თუ ვერცერთი კანდიდატი ვერ მიიღებს ხმათა ნახევარზე მეტს, ტარდება ხელმეორე კენჭისყრა, რომელშიც მონაწილეობას მიიღებს ის ორი კანდიდატი, რომელიც პირველ კენჭისყრაში მიიღებს ხმათა უმრავლესობას;

გ) სრულიად საქართველოს კათოლიკოს-პატრიარქის აღსაყდრება (ინტრონიზაცია) ხდება **მცხეთის სვეტიცხოვლის** წმ. ათორმეტთა მოციქულთა სახელობის საპატრიარქო ტაძარში;

დ) სრულიად საქართველოს კათოლიკოს-პატრიარქის არჩევა მართლმადიდებლური ტრადიციის თანახმად, ხდება სამუდამოდ (კათოლიკოს-პატრიარქის გარდაცვალებამდე).

სრულიად საქართველოს კათოლიკოს-პატრიარქი:

ა) ზრუნავს საქართველოს მართლმადიდებელი ეკლესიის საეკლესიო დადგენილებების განხორციელებისათვის;

ბ) ხელს აწერს საქართველოს ეკლესიის წმიდა სინოდის დადგენილებებსა და სხვა საერთო-საეკლესიო დოკუმენტებს;

გ) არის საქართველოს მართლმადიდებელი ეკლესიის სრულყოფილი წარმომადგენელი სახელმწიფოს ხელისულების წინაშე;

დ) ზედამხედველობს და ხელმძღვანელობს ახალი მღვდელმთავრის არჩევას. სხვა მღვდელმთავრებთან ერთად ახდენს ახალი მღვდელმთავრის ხელდასხმას. აძლევს მას „დადგინების სიგელს“;

ე) საჭიროების შემთხვევაში ავალებს მღვდელმთავრებს, სხვა კანონებით გათვალისწინებული მიზეზების გამო, თავისუფალი ეპარქიის დროებით მმართველობას;

ვ) იღებს საჩივრებს მღვდელმთავრებზე და აძლევს მათ კანონიერ მსვლელობას;

ზ) ამტკიცებს ეპარქიების მმართველი მღვდელმთავრების ყველა ზოგადსაეკლესიო მნიშვნელობის გადაწყვეტილებას;

თ) ალყავს მღვდელმთავრები დადგენილ საეკლესიო წოდებებში და აძლევს მათ საეკლესიო ჯილდოებს;

ი) აქვს სტავროპიგიების დაარსების უფლება;

კ) ამტკიცებს, ხოლო განსაკუთრებულ შემთხვევებში თვითონ ნიშნავს მონასტრების წინამძღვრებს;

ლ) ნიშნავს და ამტკიცებს სასულიერო სასწავლებლების რექტორებსა და პრორექტორებს. ამტკიცებს სამეცნიერო-საღვთისმეტყველო წოდებებისა და ხარისხების მინიჭებას, ზედამხედველობას უწევს სასწავლო კომიტეტს;

მ) ეკლესიის საჭიროებისამებრ ნიშნავს სამღვდელო ან საერო პირებს საქართველოს საზღვრებს გარეთ სამსახურისათვის;

ნ) სამღვდელო და საერო პირებს ანიჭებს დადგენილ საეკლესიო ჯილდოებს;

ო) ზრუნავს წმიდა მირონის დროულად მომზადებისათვის და აკურთხებს მას;

პ) ზრუნავს წმინდანთა საფლავების დაცვისა და გამშვენებისათვის, ეკლესიების აღდგენა-რესტავრაციისა და ახალი ტაძრების მშენებლობისათვის.

ჟ) **საეპარქიო მონყობა და მღვდელმთავარი.** საქართველოს ეკლესია იყოფა ეპარქიებად, რომლებსაც მართავენ მღვდელმ-

თავრები. ეპარქია შედგება ოლქებში (სამთავარზუცესოებში) გაერთიანებული სამრევლოებისაგან და ამ ეპარქიის ტერიტორიაზე განლაგებული მონასტრებისაგან.

ეპარქია ეწოდება საქართველოს ეკლესიის იმ ნაწილს, რომელსაც კანონიკურად მართავს სრულიად საქართველოს კათოლიკოს-პატრიარქისა და წმ. სინოდის მიერ დადგენილი ეპარქიის მღვდელმთავარი. ეპარქიების საზღვრებს საქართველოს ტერიტორიაზე ადგენს საქართველოს მართლმადიდებელი ეკლესიის წმ. სინოდი სახელმწიფოს ადმინისტრაციულ-ტერიტორიული დაყოფის გათვალისწინებით. საქართველოს საზღვრებს გარეთ ეპარქიების საზღვრები დგინდება საქართველოს ეკლესიის წმ. სინოდის გადაწყვეტილებით.

საეკლესიო საჭიროებებისათვის ეპარქიებში შეიძლება შეიქმნას სათანადო **დანესებულებანი**, რომელთა მოღვაწეობაც განისაზღვრება სრულიად - საქართველოს კათოლიკოს-პატრიარქის ლოცვა-კურთხევით, საქართველოს ეკლესიის წმიდა სინოდის დადგენილებით.

საქართველოს ეკლესიის წმ. სინოდს უფლება აქვს **ალადგი-ნოს** ძველი და **გახსნას** ახალი ეპარქიები, გააუქმოს რომელიმე არსებული, შეუცვალოს დასახელება და ტერიტორიული საზღვრები.

ეპარქიის მღვდელმთავარი, წმიდა მოციქულებიდან მომდინარე **უნყვეტი** იერარქიული ხელდასხმის მადლით, არის ეპარქიის საჭეთმპყრობელი და მისი **კანონიკური მმართველი**.

ეპარქიის მღვდელმთავრები ატარებენ **წოდებას**, რომელშიც შედის ეპარქიის სახელწოდება. მღვდელმთავართა წოდებები განისაზღვრება საქართველოს ეკლესიის წმ. სინოდის კრების მიერ.

ეპარქიის მღვდელმთავარი სრულიად საქართველოს კათოლიკოს-პატრიარქთან **შეთანხმებით** ასრულებს სასულიერო პირების ხელდასხმას, იძლევა ლოცვა-კურთხევას ბერად და მონოზვნად აღკვეცაზე და ნიშნავს მათ მსახურების ადგილებზე, აგრეთვე ნიშნავს ეპარქიის დანესებულებების ყველა თანამშრომელს.

ეპარქიის მღვდელმთავარს უფლება აქვს კათოლიკოს-პატრიარქთან შეთანხმებით **მიიღოს** თავის ეპარქიაში სამსახუ-

რისათვის სხვა ეპარქიიდან გადმოსული **სასულიერო პირი**, თუ მას აქვს თავისი ეპისკოპოსისაგან „განტყვევის სიგელი“. აგრეთვე მღვდელმთავარს უფლება აქვს გაუშვას თავისი ეპარქიიდან სხვა ეპარქიებში სასულიერო პირები და მისცეს მათ **განტყვევის სიგელები**.

ეპარქიის მღვდელმთავარი არის უმაღლესი ზედამხედველი ეპარქიაში შემავალ მონასტრებზე და დაწესებულებებზე, გარდა **სტავროპიგიალურისა**, რომელიც უშუალოდ კათოლიკოს-პატრიარქს ექვემდებარება.

ეპარქიის მღვდელმთავარი არის ეპარქიაში უმაღლესი **სასამართლო** ხელისუფალი. საეკლესიო კანონების მიხედვით მას **უფლება აქვს**:

ა) მწყემსმთავრული შენიშვნა მისცეს სასულიერო პირებს, გამოუცხადოს მათ საყვედური, გადააყენოს თანამდებობიდან, დააღოს ეპიტიმია და აუკრძალოს მღვდელმოქმედება;

ბ) მწყემსმთავრული შენიშვნა მისცეს ერისკაცებს, დააღოს ეპიტიმია და დასაჯოს ისინი უზიარებლობით;

გ) შეამსუბუქოს სასჯელი;

დ) საეკლესიო კანონების შესაბამისად გადაწყვიტოს საეკლესიო ქორწინებისა და განქორწინების საკითხები.

ეპარქიის მღვდელმთავარს უნდა ჰყავდეს **საეპარქიო საბჭო** და დანიშნოს მისი წევრები და თანამშრომლები. ეპარქიის მღვდელმთავარი არის თავისი ეპარქიის საეკლესიო ქონების უმაღლესი ზედამხედველი, და იგი პასუხისმგებელია ამ ქონებაზე წმიდა სინოდისა და კათოლიკოს-პატრიარქის წინაშე. საეპარქიო საბჭო არის სათათბირო, კოლეგიალური ორგანო, რომელიც ეპარქიის მღვდელმთავარს ეხმარება ეპარქიის მმართველობაში და უშუალოდ მას ექვემდებარება. **საეპარქიო საბჭოს წევრები არიან: მღვდელმთავარი, ოთხი სასულიერო და ორი საერო პირი**. ისინი უნდა გამოირჩეოდნენ მაღალი ზნეობით, სულიერობით, შესაბამისი საღვთისმეტყველო განათლებით და ცხოვრებისეული გამოცდილებით.

საეპარქიო საბჭო კომპეტენტურია განიხილოს შემდეგი სახის **სასამართლო საქმეები**:

ა) სასულიერო პირთა და ერისკაცთა მიერ სარწმუნოებისაგან განდგომა;

ბ) მათ მიერ საეკლესიო და ზნეობრივი კანონების დარღვევა

გ) საეკლესიო ქორწინება და განქორწინება;

დ) ის საკითხები, რომლებიც ეხებიან საეკლესიო მართლწესრიგს.

საეპარქიო საბჭო სასამართლო საქმეებს იხილავს „საქართველოს ეკლესიის საეკლესიო სასამართლოს შესახებ წესდების“ შესაბამისად.

ვ) მონასტრები. მონასტერი არის საფანე, რომელშიც ცხოვრობს და მოღვაწეობს ბერების ან მონოზენებისაგან შემდგარი კრებული. ამ კრებულებში ბერები ან მონოზენები გაერთიანებული არიან უპოვარების, უქორწინებლობისა და მორჩილების აღთქმით და თავისი ცხოვრება მიძღვნილი აქვთ უბინოებისა და ლოცვისადმი.

მონასტრების დაარსების ნებართვას იძლევა სრულიად საქართველოს კათოლიკოს-პატრიარქი, ან წმ. სინოდი ეპარქიის მმართველი მღვდელმთავრის წარდგინებით და კანონიკური პროცედურის დაცვით.

სრულიად საქართველოს კათოლიკოს-პატრიარქს აქვს უფლება სტავროპიგიალური მონასტრების დაარსებისა საქართველოს საპატრიარქოს იურისდიქციაში შემავალ მთელ ტერიტორიაზე. სტავროპიგიალური მონასტრები შედიან უშუალოდ სრულიად საქართველოს კათოლიკოს-პატრიარქის იურისდიქციაში, ხოლო ეპარქიის ტერიტორიაზე არსებული სხვა მონასტრები ექვემდებარებიან მმართველი მღვდელმთავრის იურისდიქციას.

მონასტრები სარგებლობენ იურიდიული პირის უფლებით, აქვთ ბეჭედი და ტვიფარი.

საქართველოს ეკლესიის ყველა მონასტრის შევსება ხდება მმართველი მღვდელმთავრის ლოცვა-კურთხევის თანახმად, მართლმადიდებელი აღმსარებლობის პირებით, რომელთაც ბერმონოზენური ცხოვრების სურვილი აქვთ.

მონასტრები თავის მოღვაწეობას ახორციელებენ „საქარ-

თველოს ეკლესიის მონასტრებისა და ბერმონოზენების შესახებ დებულების“ თანახმად. ყოველ მონასტერს შეიძლება ჰქონდეს თავისი სპეციფიკური ტიპიკონი, მაგრამ იგი უნდა შეესაბამებოდეს „დებულებას“ და დამტკიცებული უნდა იყოს კათოლიკოს-პატრიარქის ან წმინდა სინოდის მიერ.

ქარი IV

ეკლესიის შეცოდეგათა
სამართალი

თავი 1. შეცოდებაჲი და მათი კლასიფიკაცია

ა) ცოდვის და შეცოდების კანონიკური გაგება. საეკლესიო მოძღვრების თანახმად, ნებისმიერი საუფლო მცნების, კანონის ან სიტყვის წინააღმდეგ წასვლა არის **ცოდვა**. პირველ ცოდვად მიჩნეულია ადამის და ევას მიერ აკრძალული ხილის შეჭმა, როგორც ღმრთის მიერ მათთვის მიცემული მცნების დარღვევა. ამ ცოდვას სხვაგვარად **პირველქმნილ ცოდვასაც** უწოდებენ.

ღოგმატური ღმრთისმეტყველების თანახმად მიჩნეულია, რომ „წმიდა მამების მითითებით, **ბოროტებას** არ გააჩნია არსი, მას ღვთის მიერ შექმნილი ელემენტებისა და სამყაროს ძალთა მსგავსი ნამდვილი, დამოუკიდებელი მყოფობა არ ახასიათებს. იგი არის მხოლოდ ცოცხალ არსებათა მიდრეკა შემოქმედის მიერ დადგენილი მდგომარეობის **საპირისპირო** მხარეს. ამიტომაც, ბოროტების მიზეზი ღმერთი კი არა, თავად ის არსებები არიან, რომლებმაც თავი აარიდეს თავიანთი ნების შეთანხმებას საღვთო ნებასთან. ბოროტება არის ღვთის ნების, მისი მცნებებისა და ადამიანის სინდისში ჩანერილი ზნეობრივი კანონების დარღვევა. ამ დარღვევას **ცოდვა ეწოდება**“.¹⁹⁷

ცოდვისგან უნდა გაიმიჯნოს **შეცოდება**. თუკი ცოდვა ეწოდება საღმრთო ნებისგან სულ უმნიშვნელო გადახვევასაც კი, **შეცოდება** არის **სჯულისკანონით გათვალისწინებული ცოდვა, რომლისათვისაც გათვალისწინებულია საეკლესიო სასჯელი**. შეცოდება კი, თავის მხრივ, უნდა გაიმიჯნოს **დანაშაულისგან**, ვინაიდან შეცოდება, არსობრივად, ეწინააღმდეგება საღმრთო ნებას და ამით ხელს უშლის ადამიანის ცხოვნებას მაშინ, როდესაც დანაშაული არის სახელმწიფოს მიერ დადგენილი მართლწესრიგის დარღვევა. თუმცა, დასაშვებია, რომ ცალკეული ქმედება ჩაითვალოს როგორც **შეცოდებად**, ისე **დანაშაულად** (მაგალითად, მკვლელობა, ქურდობა).

საინტერესოა საეკლესიო მოძღვრება შეცოდების ჩადენის სტადიების შესახებ. ბიზანტიელი კანონისტის, *იოანე ზონარასა*¹⁹⁸ და კონსტანტინოპოლელი პატრიარქის *იოანე მმარხველის*

¹⁹⁷ პროტოპრესვიტერი *მიხეილ კომა ზანსკი*, დასახ. ნაშრომი, 123

¹⁹⁸ მართლმადიდებელი ეკლესიის კანონები ეპისკოპოს *ნიკოდიმის (მილაში)* განმარტებით, ტომი II, თბილისი, 2007, 27

მოსაზრებათა თანახმად¹⁹⁹ ადამიანი შეცოდების ჩადენამდე გადის შემდეგ ეტაპებს:

ა) ცოდვიანი აზრის შემოსვლა და მისი უარყოფა: პირველი ეტაპი საერთოდ არ ითვლება ცოდვად და მას საეკლესიო სასჯელი არ ედება (*იოანე მმარხველის მე-4 კანონი*);

ბ) ცოდვიანი აზრის შემოსვლა, მასთან ბრძოლა, მაგრამ მისი უარყოფა: არც ეს ეტაპია შეცოდება, მაგრამ შეიძლება სულიერი მკურნალობის მიზნით მეორე ეტაპის შემდეგ ადამიანს განესაზღვროს ეპიტიმია (მისი მე-6 კანონი);

გ) ცოდვიანი აზრის შემოსვლა, მასთან ბრძოლა და ცოდვიანი აზრის გამარჯვება: მესამე ეტაპი უკვე შეცოდებაა, თუმცა მას **გულისხმისყოფით**, ანუ **გონებით** ცოდვა ეწოდება (მისი მე-5 კანონი);

დ) ცოდვიანი აზრის სისრულეში მოყვანა (მისი მე-7 კანონი): ეს არის დასრულებული მოქმედება, ანუ **ჩადენილი შეცოდება**.

მატერიალური შემადგენლობის შეცოდება არ ჩაითვლება შეცოდებად, თუ მას კანონით გათვალისწინებული შედეგი არ მოჰყოლია (ნეოკესარიის მე-4 კანონი).

ქმედების მხოლოდ გონებაში დაგეგმვის გამო მისი შეცოდებად მიჩნევა მომდინარეობს საეკლესიო სამართლის **მიზნიდან**, რითიც ის საერო სამართლისგან განსხვავდება. სახარების თანახმად, ადამიანს შებილწავს ის, რაც მისი გულიდან გამოდის (მთ. 15:18-19) და ამდენად, დასჯადია ყოველი ის ქმედება, რომელიც, შებილწავს რა მას, **ხელს უშლის** ადამიანის ცხოვრებას.

ბ) **შეცოდებათა კლასიფიკაციის საკითხი**. შეცოდებათა კლასიფიკაციას საეკლესიო სამართალში განსაკუთრებული მნიშვნელობა ენიჭება, ვინაიდან ამ გზით შეიძლება გავერკვეთ შეცოდების არსში, მისი ჩადენის მიზეზებში, ხასიათში, სახეებსა და სხვა მსგავს საკითხებში. არსებობს შეცოდებათა კლასიფიკაციის სხვადასხვა სახე, რომელთაგან აქ გამოიყენებული იქნება ტრადიციული საეკლესიო წესი.

1. კლასიფიკაცია **სუბიექტთა** მიხედვით. აქ გამოიყოფა შეცოდებათა სამი ჯგუფი:

ა) **სამღვდლო პირთა**: მაგალითად, ღმრთისმსახურების არასათანადოდ შესრულება, აღსარების გათქმა;

¹⁹⁹ იქვე, 470-471

ბ) ერისკაცთა: მაგალითად, საკურთხეველში უნებართვოდ შესვლა;

გ) საზოგადოდ, ქრისტიანთა: მკვლელობა, ქურდობა, მრუშობა და სხვა.

2. კლასიფიკაცია **ბრალის** მიხედვით. აქ გამოიყოფა შეცოდებათა ორი ჯგუფი:

ა) ნებსითი, ანუ შეცოდება ჩადენილი ქმედების მართლწინააღმდეგობის და მისი შედეგის გაცნობიერებით;

ბ) უნებლიე, ანუ ნების გარეშე, ქმედების მართლწინააღმდეგობის ან მისი შედეგის გაუცნობიერებლობით ან არატოლფასოვანი გაცნობიერებით.

3. კლასიფიკაცია **სიმძიმის** მიხედვით. აქ გამოიყოფა შეცოდებათა სამი ჯგუფი:

ა) მსუბუქი, რომელშიც იგულისხმება ქმედება, რომელსაც აქვს მცირე სიმძიმე და, სხვაგვარად, შეგვიძლია მივიჩნიოთ მხოლოდ ცოდვად;

ბ) საშუალო, რომელშიც გაერთიანებული ქმედებები შეცოდებად მიიჩნევა და მისთვის გათვალისწინებულია საეკლესიო სასჯელი;

გ) მძიმე, ან სხვაგვარად მომაკვდინებელი შეცოდება, რომლის ჩადენაც იწვევს განსაკუთრებულ საეკლესიო სასჯელს, ხშირ შემთხვევაში — სიკვდილამდე უზიარებლობას ან ანათემას.

4. კლასიფიკაცია **აღსრულების** მიხედვით. აქ გამოიყოფა შეცოდებათა ორი ჯგუფი:

ა) უშუალოდ ჩადენილი, რაც გულისხმობს იმას, რომ ქმედება, რასაც მოჰყვა მართლწინააღმდეგო შედეგი, ჩადენილია მხოლოდ ერთი პირის — შემცოდის მიერ;

ბ) შუამავლობით ჩადენილი, რაც გულისხმობს იმას, რომ ქმედება ჩადენილია ერთი პირის მიერ, მაგრამ სხვა პირის აქტიური ჩარევით და მისი შუამავლობით.

5. კლასიფიკაცია **ფორმის** მიხედვით. აქ გამოიყოფა შეცოდებათა სამი ჯგუფი:

ა) გულისხმისყოფით, ანუ გონებით შეცოდება ნიშნავს ამა თუ იმ შეცოდების ჩადენის მოფიქრებასა და გადაწყვეტას. ამიტომ გონებით შეცოდებას საეკლესიო სამართალი აღიქვამს სა-

ქმით შეცოდების აღმამსუბუქებელ, ანუ **შემამსუბუქებელ** გარემოებად. შესაძლოა, რომ გონებით შეცოდება სიმძიმით გარდაემეტოს კიდევ ზოგიერთ საქმით შეცოდებასაც. მაგალითად, ღვთის გამობა ან სასონარკვეთილება უფრო დიდი შეცოდებაა, თუნდაც რომ გულისხმისყოფით იყოს, ვიდრე, ვთქვათ, გულმანყნობით მარხვის დარღვევა.

ბ) სიტყვით, ანუ შეცოდება ჩადენილი სიტყვის ნარმოთქმით, რომელსაც არ მოჰყოლია მატერიალურად ნეგატიური შედეგი. სიტყვით შეცოდება შეიძლება ძალიან მძიმეც იყოს, მაგალითად, გინება და გამობა;

გ) საქმით შეცოდებები, თავის მხრივ, იყოფა ორ ქვეჯგუფად **ქმნით** (ანუ მოქმედებით) შეცოდებაში იგულისხმება ისეთი შეცოდება, როდესაც ადამიანი თავისი ქმედებით გადააბიჯებს კანონით დადგენილ ზღვარს, და **უღებებით** (ანუ სიზარმაცით) შეცოდება არის საკუთარ მოვალეობაზე თავის არიდების შემთხვევა.

ნ. კლასიფიკაცია **დროის** მიხედვით. ამ კატეგორიის შეცოდებებში ცალკე ჯგუფები არ გამოიყოფა, რადგან დროს ქმედების ჩადენისას მხოლოდ მაშინ აქვს კანონიკური მნიშვნელობა, თუკი ეს ქმედება გარკვეულ პერიოდში არის მიჩნეული ცოდვად, რისი ყველაზე ნათელი მაგალითია **მარხვა**, ანუ თავშეკავება ცხოველური და რძის პროდუქტისგან წლის განსაზღვრულ პერიოდში.

გ) შეცოდებათა კლასიფიკაცია **ობიექტის მიხედვით**. როგორც ზემოთაც აღინიშნა, ყოველი შეცოდება ღმრთის მიერ დადგენილი კანონების წინააღმდეგ ქმედებაა. შესაბამისად, ფართო გაგებით, ყოველი შეცოდების ობიექტი, ანუ სიკეთე, რის წინააღმდეგაც მიმართულია იგი, არის **ღმერთი**. თუმცა, ცხადია, არსებობს ვიწრო გაგებით ობიექტის მიხედვით კლასიფიკაცია, რომლის თანახმად, შეცოდება შეიძლება მიმართულ იყოს **ღმრთის**, **ადამიანის** ან **სახმართა (ნივთთა)** წინააღმდეგ. ქვემოთ განხილული იქნება უმთავრესი შეცოდებები თითოეული ჯგუფის მიხედვით.

შეცოდებანი ღმრთის წინააღმდეგ

ვიწრო გაგებით ღმრთის წინააღმდეგ ჩადენილი შეცოდების **შეცოდებაა**, რომელიც მიმართულია და არღვევს სჯულისკა-

ნონით ქრისტიანის მიერ ღმრთის თაყვანისცემასთან, საეკლესიო წესების აღსრულებასთან და სინმიდებებთან დაკავშირებით დადგენილ ნორმებს.

ღმრთის წინააღმდეგ შეცოდებათა ჯგუფში გამოიყოფა სამი ქვეჯგუფი:

- ა) შეცოდებანი საეკლესიო მოძღვრების სფეროში;
- ბ) შეცოდებანი საეკლესიო წესების შესრულების სფეროში;
- გ) შეცოდებანი სინმიდეთა პატივგების სფეროში.

შეცოდებანი საეკლესიო მოძღვრების სფეროში

1. ღმრთის გმობა, ესე იგი ღმრთის არსებობის უარყოფა: მოციქულთა 62-ე, ბასილი დიდის 81-ე კანონები;

2. ღმრთის უარყოფისკენ მოწოდება, ესე იგი მოწოდება ქრისტიანების მიმართ, რომ უარყონ ღმრთის არსებობა: ანკვირიის კრების მე-9 კანონი;

3. მწვალებლობა, ესე იგი მართლმადიდებლობისგან განსხვავებული ქრისტიანული სწავლების მოგონება ან აღიარება: მეორე მსოფლიო კრების 1-ლი კანონი;

4. წარმართობა, ესე იგი ქრისტიანობისგან განსხვავებული სარწმუნოების აღიარება: მოციქულთა 71-ე და ლაოდიკიის კრების 39-ე კანონები.

შეცოდებანი საეკლესიო წესების შესრულების სფეროში

1. ღმრთისმსახურების არაჯეროვნად აღსრულება, ესე იგი საღმრთისმსახურო წესების ლიტურგიკულ წმინდა წიგნებში აღწერილისგან განსხვავებულად შესრულება: მოციქულთა მე-3, მეხუთე-მეექვსე მსოფლიო კრების 32-ე და 57-ე კანონები;

2. დიაკვნის ან ერისკაცის მიერ ზიარება, ესე იგი დიაკვნის ხარისხის მქონე პირის ან საერო პირის მიერ სხვა პირის ზიარება: პირველი მსოფლიო კრების მე-18 და მეხუთე-მეექვსე მსოფლიო კრების 58-ე კანონები;

3. მრევლის მიმართ უყურადღებობა, ესე იგი წმინდა წერილის და სჯულისკანონის საფუძველზე სამღვდელო პირისთვის დაკისრებული მწყემსის მოვალეობის შეუსრულებლობა, გამობატული ნაკლები დაინტერესებით მრევლის სულიერი მდგომარეობით, მათი სწორი ცხოვრებით, სჯულის და სიკეთის ქმნის

უსწავლელობით: მოციქულთა 36-ე და 58-ე კანონები;

4. მეორედ ნათლობა, ესე იგი ერთხელ აღსრულებული ნამდვილი და კანონიკურად სწორი ნათლობის შემდეგ ხელახალი მონათვლა: მოციქულთა 47-ე კანონი;

5. მარხვის წესის არაჯეროვანი დაცვა, ესე იგი მარხვის დარღვევა ან/და ხსნილის პერიოდში მარხვა: მოციქულთა 64-ე კანონი;

6. ქრისტიანისთვის შეუფერებელი საქციელი, ესე იგი ერისკაცის მიერ ბილნი და უხამსი ქმედების ჩადენა, სასულიერო პირის მიერ საერო სამსახურში შესვლა ან სასულიერო პირისთვის აკრძალული ქმედების განხორციელება: მოციქულთა მე-6, 30-ე, პირველი მსოფლიო კრების მე-12, მეოთხე მსოფლიო კრების მე-3, მე-7, მეხუთე მეექვსეს 51-ე, 64-ე და მე-100 კანონები.

შეცოდებანი სინშიდთა პატივების სფეროში

1. ტაძრის შეურაცხყოფა, ესე იგი ტაძრის, საღმრთისმსახურო ნაგებობის ან/და მონასტრის მიმართ საეკლესიო კანონებით აკრძალული საქმის შესრულება, რაც მოიცავს ტაძარში ლოცვისა და ზიარების გარდა სხვა რამისთვის შესვლას, ტაძარში ჭამას, ტაძრის ეზოში შეუფერებელი ნაგებობის აგებას და ტაძარში პირუტყვის შეყვანას: მოციქულთა მე-9, 76-ე, მეხუთე-მეექვსე მსოფლიო კრების 74- და 88-ე კანონები;

2. ტაძრის განკრახვა, ესე იგი ტაძარში არსებული საეკლესიო ნივთის (და არა ჩვეულებრივი) მართლსაწინააღმდეგო ფარული ან აშკარა დაუფლება: მოციქულთა 72-ე კანონი;

3. სამონასტრო ტაძრის განსაეროება, ესე იგი მონასტრის ტერიტორიაზე აღმართული და მისთვის განკუთვნილი ტაძრისთვის სხვა სტატუსის მინიჭება, მათ შორის, სამრევლო ტაძრად გადაკეთება: მეორე მსოფლიო კრების მე-13 კანონი.

შეცოდებანი ადამიანის წინააღმდეგ

რამდენადაც ქრისტიანული მოძღვრების თანახმად ადამიანი არის ღმრთის ქმნილებათა გვირგვინი და ყოველი ადამიანი ადამიანისათვის მოყვასია (ლკ. 10:29-37), ადამიანები მოწოდებული არიან ერთმანეთის მიმართ განმსჭვალული იყვნენ სიყვარულით და პატივისცემით. ამასთან აღსანიშნავია ისიც, რომ

ამ კატეგორიის შეცოდებებში შედის როგორც სახელმწიფოს და საზოგადოების, როგორც ადამიანთა გაერთიანების წინააღმდეგ მიმართული შეცოდებები, ისე საეკლესიო სამართლისთვის დამახასიათებელი სპეციფიკური — საკუთარი თავის წინააღმდეგ მიმართული შეცოდებები. საკუთარი თავის წინააღმდეგ მიმართული შეცოდების რაობა დამახასიათებელია საეკლესიო სამართლისათვის და ეს განასხვავებს მას საერო სამართლისაგან. საკუთარი თავის წინააღმდეგ ქმედების შეცოდებად მიჩნევის საფუძველი არის **საეკლესიო სამართლის მიზანი**, რომელიც მოწოდებულია ადამიანის ცხოვნებისკენ. შესაბამისად, ქმედება რომელიც ამ მიზანს უშლის ხელს, ბუნებრივია, რომ მოიაზრება ამავე სამართლით დასჯად ქმედებად ანუ შეცოდებად.

ამდენად, ადამიანის წინააღმდეგ შეცოდებათა ჯგუფში გამოიყოფა შემდეგი ქვეჯგუფები:

- ა) შეცოდებანი მოყვასის წინააღმდეგ;
- ბ) შეცოდებანი საკუთარი თავის წინააღმდეგ;
- გ) შეცოდებანი სახელმწიფოსა და საზოგადოებრივი წყობის წინააღმდეგ.

შეცოდებანი მოყვასის წინააღმდეგ

1. მკვლელობა, ესე იგი ადამიანის მიერ მეორე ადამიანის, მათ შორის მუცლად მყოფის, წინააღმდეგ ნებისით ან უნებლიეთ განხორციელებული ისეთი ქმედება, რასაც მოჰყვამეორე ადამიანის სიცოცხლის ნაადრევად შეწყვეტა, ჩადენილი უსამართლოდ, შურისძიებით ან დაუდევრობით: მოციქულთა 36-ე, მეხუთე-მეექვსე მსოფლიო კრების 91-ე და ბასილი დიდის მე-8 კანონები;

2. ცოდვილის და მონანულის შეუწყნარებლობა, ესე იგი ადამიანის, რომელიც განიცდის ჩადენილ ცოდვას, აღსარების თქმაზე უარი სასულიერო პირის მიერ ან მის მიმართ შეურთიკებლობა ერისკაცის მიერ: მოციქულთა 27-ე და 52-ე კანონები;

3. გასაჭირში მყოფის დაუხმარებლობა, ესე იგი შესაძლებლობის შემთხვევაში გულგრილი დამოკიდებულება სხვა ადამიანის გაჭირვების მიმართ და უმოქმედობა მის დასახმარებლად: მოციქულთა 59-ე კანონი;

4. ცემა ან დათრგუნვა, ესე იგი ადამიანის მიმართ ფიზიკური ძალის გამოყენება, დამდგარი შედეგის მიუხედავად: მოციქულთა 57-ე კანონი;

5. შეურაცხყოფა, ესე იგი ადამიანის მიმართ უსამართლო განრისხება, დაცინვა ან სხვაგვარი დამამცირებელი ქმედება: მოციქულთა 57-ე კანონი.

შეცოდებანი საკუთარი თავის წინააღმდეგ

1. სიძვა, ესე იგი დაუქორწინებელი ქალის და მამაკაცის სქესობრივი კავშირი: მოციქულთა 25-ე კანონი;

2. მრუშობა, ესე იგი ქორწინებაში მყოფი ადამიანის სქესობრივი კავშირი სხვა ადამიანთან: მეხუთე-მეექვსე მსოფლიო კრების 87-ე კანონი;

3. სოდომია, ესე იგი ადამიანის სქესობრივი კავშირი იმავე სქესის ადამიანთან: ბასილი დიდის მე-7 და 62-ე კანონები.

4. მემთვრალეობა, ესე იგი ალკოჰოლური სასმელის მიღებით ან სხვა ფორმით თრობის გამოწვევა: მოციქულთა 42-ე და მეხუთე-მეექვსე მსოფლიო კრების 50-ე კანონები.

5. არასათანადო შესამოსლის ჩაცმა, ესე იგი ქალის მიერ სამამაკაცო შესამოსლის ჩაცმა, ხოლო მამაკაცის მიერ ქალის შესამოსლის, ასევე სამღვდელო ან სამონაზვნო პირის მიერ საერო ტანსაცმლის ჩაცმა: მეხუთე-მეექვსე მსოფლიო კრების 27-ე და 62-ე კანონები.

შეცოდებანი სახელმწიფო და საზოგადოებრივი წყობის წინააღმდეგ

1. საერო მთავრობის უპატივცემლობა და მისდამი დაუმორჩილებლობა: მოციქულთა 84-ე კანონი;

2. შფოთის და არეულობის მოყვარეობა: პირველი მსოფლიო კრების მე-15 კანონი.

შეცოდებანი სახმართა (ნივთთა) წინააღმდეგ

ამგვარ შეცოდებებს მიეკუთვნება ისეთი შეცოდებები, როცა ადამიანი ფლობს რაიმე ნივთს და მას არ იყენებს, აგდებს ან იყენებს არასაჭიროებისამებრ. ასევე ამ კატეგორიის შეცოდებებში შედის მომხვეჭელობა, ანუ სახმარის უკანონოდ დაუფლება,

მევახშეობა, ანუ საკუთარი სახმარით მოგების მიღება უშრომელად და სხვის ხარჯზე. უნდა ითქვას, რომ ეს უკანასკნელი შეცოდება, როგორც წესი, მხოლოდ სამღვდლო პირთათვისაა განსაზღვრული. სავარაუდებელია, რომ საეკლესიო სამართალი ერისკაცებს რთავს მევახშეობის ნებას. ამ ჯგუფს ცალკე ქვეჯგუფები არ აქვს.

1. ნივთის არადანიშნულებისამებრ გამოყენება, ესე იგი ღირებული ნივთის იმგვარი გამოყენება, რაც ცდება ნივთის დანიშნულების მიზანს, თუკი შესაძლებელი იყო იმავე ნივთის უკეთესი საქმისთვის მიმართვა ან ნივთის გადაგდება, თუკი მისი გამოყენება ჯერ კიდევ შესაძლებელი იყო: მოციქულთა 73-ე კანონი;

2. პარვა, ესე იგი სხვისი ნივთის მართლსაწინააღმდეგო ფარული ან აშკარა დაუფლება: მოციქულთა 25-ე და ბასილი დიდის 61-ე კანონები;

3. ავაზაკობა, ესე იგი სხვისი ნივთის მართლსაწინააღმდეგო დაუფლება სიცოცხლისათვის საშიში მუქარით: გრიგოლი ნოსელის მე-6 კანონი;

4. სასულიერო პირის მიერ მევახშეობა, ესე იგი სარგებლის მიღება თანხის გასესხებით: მოციქულთა 44-ე, მეხუთე-მეექვსე მსოფლიო კრების მე-1- კანონები.

თავი 2. საეკლესიო სასჯელები

ა) ზოგადი დებულებანი საეკლესიო სასჯელის აღსრულებისათვის. სასჯელის სულიერი ასპექტი საინტერესო ინსტიტუტია საეკლესიო სამართალში და განაჩევს მას საერო სამართლისგან. განსხვავება მდგომარეობს იმაში, რომ საეკლესიო სასჯელი მჭირდოდა დაკავშირებული ადამიანის სულთან, მის სულიერ ცხოვრებასთან, ვინაიდან, როგორც აღინიშნა, ქრისტიანული მოძღვრების თანახმად, შეცოდების მიტევებისა და შეკერის უფლება მინიჭებული აქვს ეკლესიას, რომელიც მას მიენიჭა უფლის მიერ მოციქულთა გზით (ინ. 21:22-23). ამიტომაც, საეკლესიო სასამართლოს მიერ გამოტანილი გადაწყვეტილება, ზემომოყვანილი მაგალითის შემთხვევაში, უნდა დადასტურდეს საღმრთო განგებულებითაც, რომელიც ჩვენთვის უხილავი და დაფარულია. საეკლესიო სამართლისათვის არსებითი მხოლოდ ის არ არის, გარეგნულად აღსრულდება თუ არა გამოტანილი განაჩენი, არამედ უმნიშვნელოვანესია ისიც, რომ მისი აღსრულება უტყუარი იყოს სულიერი თვალსაზრისითაც. ეკლესიის სწავლებით, სასულიერო პირი ღვთისმსახურად გამორჩეულია თავად უფლის მიერ, რომელიც მას, როგორც თავის მსახურს, ანიჭებს მღვდელმოქმედებისთვის საჭირო მადლს, ამდენად საღმრთო მსახურებას აღასრულებს თავად ღმერთი.²⁰⁰ ყოველივე ზემოთქმულიდან გამომდინარე უდიდესი მნიშვნელობა ენიჭება საეკლესიო განაჩენს, ვინაიდან მისი კანონიერ ძალაში შესვლა იწვევს პირის საღმრთო მადლისგან განძარცვას.

ეპ. ნიკოდიმის აზრით, სასჯელი ორ სახედ იყოფა — მისაგებელ და მაკურნებელ სასჯელად.²⁰¹ აღსრულების თვალსაზრისითაც განსხვავდება ეს ორი სასჯელი. „მისაგებელი სასჯელის შეფარდებისას, დამნაშავემ სრულად უნდა დაითმინოს სატანჯველი, სასამართლოს მიერ მის მიმართ ჩადენილი დანაშაულის გამო განჩინებული, მიუხედავად იმისა, მოინანია თუ არა, გამოსწორდა თუ არა; გამოსასწორებლად გამოტანილი მაკურნებელი სასჯელის დროს კი შურისგება წყდება იმ მომენტში, როდესაც სასჯელმა თავის მიზანს მიაღწია, ანუ როცა მონანუ-

200 პროტოპრ. მიხეილ პოპაზანსკი, დასახ. ნაშრომი, 180-181

201 მართლმადიდებელი ეკლესიის კანონები, ტომი I, დასახ. ნაშრომი, 35

ლი დამნაშავე გამოსწორდა“.²⁰² პროფ. ბერდნიკოვის მოსაზრებით კი „საეკლესიო სასამართლოს უმაღლესი მიზანი არის არა დამნაშავეის დასჯა, არამედ შემცოდის გამოსწორების ხელშეწყობა. საეკლესიო სასჯელი არ დაედება უცილობლად და შეიძლება შეიცვალოს, შემცოდის გამოსწორების მიხედვით მხოლოდ სასულიერო პირთა განკვეთაა უცილობელი და ამგვარად მას აქვს დასჯითი ხასიათი“.²⁰³

ჩვენ თავის დროზე ამ საკითხის მიმართ განსხვავებული მოსაზრება გვქონდა და ვიზიარებთ იმ აზრს, რომ სასჯელის აღსრულება, ისევე როგორც ნებისმიერი მოქმედების შესრულება ეკლესიაში ეფუძნება მხოლოდ ადამიანის ნებას და მასში იძულება ან ძალდატანება პრინციპულად არის გამორიცხული: „ეპიტიმების შესრულება არ ხდება ძალის გამოყენებით და იძულებით, ვინაიდან ამგვარ მეთოდებს მართლმადიდებელი ეკლესია არ იცნობს. მხოლოდ და მხოლოდ მას შემდეგ, რაც განკანონებული გამოთქვამს სინანულს ჩადენილთან დაკავშირებით, შესაძლებელია აღსრულდეს ეპიტიმია. წინააღმდეგ შემთხვევაში, ოცი წელიც რომ გავიდეს განაჩენის გამოტანიდან, განკანონებულს უფლება არ აქვს ეზიაროს, თუკი მას სრულებით არ აღუსრულებია მისთვის განსაზღვრული სასჯელი“.²⁰⁴

ცალკეული შეცოდებისთვის სასჯელის კონკრეტულ ფორმას, როგორც ცნობილია, განსაზღვრავენ კანონიკური ნორმები. აქ მხედველობაში გვაქვს სასჯელის სახე, კერძოდ: უზიარებლობა, დაცადება, განკვეთა და ა.შ. რაც შეეხება სასჯელის ვადას, მას ადგენს საეკლესიო სასამართლო ან აბსოლუტური ძალმოსილებით ანდა შეზღუდული ძალმოსილებით, იმის მიხედვით, თუ რის უფლებას ანიჭებს მას საეკლესიო კანონი.²⁰⁵

ამასთან ერთად გასათვალისწინებელია აღსრულების ფორ-

202 იქვე, 35-36

203 Краткий курсь церковнаго права, сост. проф. И.С.Бердниковъ, Казань, тип. Императорскаго Университета, 1888, 180

204 დავით ჩიკვაიძე, საეკლესიო სამართალი (ლექციების კურსი), თბილისი, 2008, 137

205 აქ ვგულისხმობთ იმ შემთხვევებს, როდესაც ერთი მხრივ საეკლესიო კანონით დადგენილია სასჯელის ვადა (ვთქვათ, „ათი წლით უზიარებლობა“), ხოლო მეორე მხრივ საეკლესიო კანონში სასჯელის ვადაზე საერთოდ არ არის საუბარი. პირველ შემთხვევაში არის შეზღუდული ძალმოსილება, ხოლო მეორე შემთხვევაში — აბსოლუტური ძალმოსილება.

მაც, განსაკუთრებით — უზიარებლობის შემთხვევაში, ვინაიდან როგორც საეკლესიო კანონების, ისე სასამართლო პრაქტიკის ანალიზი გვიჩვენებს, შეცოდებისათვის მისჯილი სასჯელის ვადა განვლილ უნდა იქნეს შესაბამისი ქმედობებით. ეს ქმედობები ხშირად პირდაპირ არის მითითებული კანონებში და მისი აღსრულების პროცედურებზე ქვემოთ იქნება მსჯელობა.

ბ) ეპიტიმები და მათი აღსრულების წესი. ეპიტიმია ბერძნული სიტყვაა და ნიშნავს ზე-პატიობას, ანუ პატივზე ზემოთ დადგომას. იგი გულისხმობს იმას, რომ შეცოდების გამო საკუთარი პატივის დამცრობით ერისკაცმა დაიბრუნოს ის უფლებები, რაც მას იქამდე ჰქონდა. ეპიტიმია შეიძლება მიესაჯოს როგორც ძირითადი, ისე დამატებითი სასჯელის სახით.²⁰⁶

შეტირება

შეტირება შეიძლება დაენიშნოს ერისკაცს. იგი ხშირად ინიშნება ყველაზე უფრო მძიმე შეცოდების სასჯელის პირველ ნაწილად.

შეტირება სრულდება შემდეგი წესით: განკანონებული ვალდებულია შეტირებისთვის განსაზღვრული მთელი პერიოდის მანძილზე იდგეს ეკლესიის კარებში და ყოველი შემსვლელის და გამომსვლელის წინაშე აღიაროს თავისი შეცოდება, თხოვოს ყველას პატიება აღნიშნულისათვის და ითხოვოს მისთვის ლოცვა, რათა ღმერთმა შეუნდოს ჩადენილი შეცოდება. შეტირების წესი აღწერილი აქვს *ევეთიმე ათონელს VI* მსოფლიო კრების 85-ე კანონის კომენტარებისას: „ესე იგი არს, რაითა დგეს გარეშე კართა ეკლესიისათა და შემავალთა ეკლესიად მორწმუნეთა ევედრებოდის ლოცვად მისთვის და აღიარებდეს ცოდვასა მასთვისა“.²⁰⁷

შევრდომა და შეტანია

შევრდომა *სულხან-საბას* სიტყვის კონის მიხედვით ნიშნავს „ორისავე მუხლით დაჩოქებას“. საეკლესიო სამართალში შევრდომა შემდეგი სახით აღესრულება: განკანონებული ვალდებულია შეასრულოს განსაზღვრული რაოდენობის შეტანია

206 მართლმადიდებელი ეკლესიის კანონები, ტომი I, დასახ. ნაშრომი, 37

207 მცირე სჯულისკანონი, 78

(ვთქვათ, დღეში 40 ან 50-ჯერ) და მუხლმოდრეკილმა მოისმინოს წირვა.

შევრდომის, ლოცვისა და მეტანიის წესს დეტალურად განსაზღვრავს *ექვთიმე ათონელი*: „ლოცვისა კანონი ესრეთ აქუნდეს: გარეშე განწესებულთა ჟამთასა სამგზის აღასრულებდენ ლოცვასა სინანულისასა: განთიად და შუადღე და მწუხრი. და თითოეულსა ლოცვასა ზედა იტყოდინ: „მწყალებსა“ ერთგზის, „წმიდაო ღმერთოსა“ სამგზის, „მამაო ჩუენოსა“ ერთგზის, კვირიელესიონი რ (ე.ი. 100-ჯერ), „ღმერთო, მილხინე ცოდვილსა ამას“ ნ (ე.ი. 50-ჯერ), და მუხლთდრეკაი ნ“.²⁰⁸

მსმენელებთან დადგინება

მსმენელებს სხვანაირად კათაკმეველები ეწოდებათ. მსმენელებთან დადგინებულ ქრისტიანს, მათივე მსგავსად არ აქვს უფლება ბოლომდე იყვნენ წირვაზე და დაესწრონ უსისხლო მსხვერპლშენირვის საიდუმლოს. ისინი ვალდებული არიან მსმენელებთან (ანუ კათაკმეველებთან) ერთად დატოვონ ტაძარი მას შემდეგ, რაც მღვდელი წარმოთქვამს სიტყვებს - „რაოდენნი კათაკმეველნი ხართ განვედით“.

ექვთიმე ათონელის განმარტებით „ქუედავრდომით მევერებელთა თანა განვიდოდის, რომელნი-იგი დგანან შინაგან ბჭეთა ეკლესიისათა. და ოდეს დიაკონმან ხმა-ყოს: „კათაკუმეველნი განვედით!“ განვლენ ეკლესიით“.²⁰⁹

მორწმუნეებთან ლოცვა ზიარების გარეშე

ეს არის უზიარებლობის კანონის აღსრულების ბოლო და ყველაზე მსუბუქი სახე. იგი გულისხმობს მორწმუნის დასწრებას მთელ წირვაზე, მხოლოდ იმ განსხვავებით, რომ მას უფლება არ აქვს ეზიაროს. ამგვარი სასჯელის შეფარდების უფლება აქვს მღვდელსაც ეპისკოპოსის და საეკლესიო კრების გარეშე, შედარებით ნაკლებად მძიმე შეცოდებისთვის ან ყველა იმ ცოდვისთვის, რომელიც თავისი მცირე მნიშვნელობის გამო შეცოდებად არ ითვლება. ცხადია, ამგვარი უზიარებლობის ვადა დიდ

²⁰⁸ იქვე, 112

²⁰⁹ მცირე სჯულისკანონი, 78

ხანს (თუმცა საეკლესიო სამართალი ზუსტად არ განსაზღვრავს ვადას) არ შეიძლება გაგრძელდეს. ნებისმიერ შემთხვევაში მორწმუნეს უფლება აქვს მღვდლის ეს გადაწყვეტილება გაასაჩივროს ეპისკოპოსთან.

დიდ სჯულისკანონში ეს ეპიტიმია მოხსენიებულია, როგორც ზიარება „სინმიდეთა გარეშე“ (ანკვირიის მე-4, მე-8 და მე-16 კანონები). ამ შემთხვევაში „ზიარებაში“ უნდა ვიგულისხმოთ ეკლესიის ერთობაში, მათ შორის წირვა-ლოცვაში თანამონაწილეობა, ანუ თანაზიარება. ხოლო რაც შეეხება „სინმიდეს“, მასში მოიაზრება უშუალოდ ქრისტეს ხორცისა და სისხლის მიღება, რასაც ჩვენ, როგორც ნესი, ზიარებას ვუნოდებთ.

მორწმუნეებთან ლოცვის აკრძალვა

შესაძლებელია საეკლესიო სასამართლოს მიერ განკანონებული მისეაჯოს ლოცვის აკრძალვა ეკლესიის წევრების, ანუ მორწმუნეების გვერდით. ასეთ შემთხვევაში მას უფლება აქვს ილოცოს ცალკე ან იმ კატეგორიის ადამიანებთან, რომელთა ერთობა ეკლესიას არ ქმნის. მაგალითად, ანკვირიის კრების მე-17 კანონის თანახმად „პირუტყუთა თანა პირუტყუქმნილთა და განკეთრებულთა უბრძანებს წმინდა კრებაი, რაითა ეშმაკეულთა თანა ილოცვიდენ“.²¹⁰ ასეთ შემთხვევაში უკვე ეკლესიის მიერ დგინდება არა მხოლოდ მორწმუნეთა გვერდით ლოცვის აკრძალვა, არამედ ვისთან თანალოცვის უფლება აქვს მას.

დამატებითი მარხვა

ქრისტიანს ეპიტიმიის სახით შეიძლება განესაღვროს დამატებითი მარხვა ხსნილის პერიოდში ან მარხვის ჩვეულებრივი ფორმის მძიმე ფორმით შესრულება მარხვის პერიოდში. *ექვთიმე ათონელი იოანე მმარხველის* „კანონნი შეცოდებულთანი“-ს კომენტარებისას დეტალურად აღწერს დამატებითი მარხვის შესრულების წესს.²¹¹ მას დამატებითი მარხვა გაყოფილი აქვს სამ ჯგუფად. პირველი არის ვრცელი და ყველაზე მძიმე. მეორე ჯგუფს მინერილი აქვს: „უკუეთუ ზემონერილი იგი ნესი ვერ ეძლოს მონანულთა მათ აღსრულებად, ანუ უძღურებისაგან,

²¹⁰ იქვე

²¹¹ იქვე, 110-113

ანუ არა ლმოობიერებისა, ესე დაიმარხონ“.²¹² ხოლო მესამე ჯგუფი განსაზღვრულია მათთვის, ვინც სისუსტის თუ სხვა მიზეზის გამო ვერ ახერხებს როგორც პირველი, ისე მეორე ჯგუფის მარხვის ნების შესრულებას: „ხოლო მესამე სახე ესრეთ არს ჭირის მაგიერ: უკუეთუ ზემონერილთა მათ წესთა ვერ იმარხვიდენ, მრავალთა რაჟმე მიზეზთათვის“.²¹³

ეს ეპიტიმია, როგორც აღინიშნა, პირობითად შეგვიძლია **ორ ნაწილად** გავყოთ: დამატებითი შეზღუდვები მარხვის პერიოდში და შეზღუდვები ხსნილის პერიოდში.

(ა) მარხვის პერიოდში შეზღუდვა თავის მხრივაც **ორ ნაწილად** იყოფა: მძიმე მარხვის და მსუბუქი მარხვის პერიოდებად.

დიდ მარხვაში და **მარიამობის მარხვაში**, როგორც წესი, ოთხშაბათ-პარასკევის გარდა, ღვინის მცირედით მიღება დასაშვებია. ამ შემთხვევაში კი, ცოდვილს ეკრძალება ღვინის მიღება შაბათ-კვირის გარდა. სხვა შეზღუდვები ამ პერიოდისთვის არ განისაზღვრება.

შედარებით მსუბუქ, **საშობაო** და **პეტრე-პავლობის მარხვაში** კი, თუკი ჩვეულებრივ ღვინის მიღება დასაშვებია მთელი მარხვის მანძილზე, ამ განწესით ცოდვილისათვის აკრძალულია ოთხშაბათს და პარასკევს.

რაც შეეხება (ბ) ხსნილის პერიოდს, აქ წესდება ორი შეზღუდვა: იკრძალება ხორცის მიღება დამატებით ორშაბათსაც და ამასთან, თევზის მიღება ოთხშაბათს და პარასკევს, რომლებიც, ჩვეულებრივ, დაშვებულია ხოლმე.

ფინანსური ვალდებულება

ეპიტომიის სახით, მორწმუნეს შეიძლება განესაზღვროს ფინანსური ვალდებულება. იგი სხვადასხვანაირი სახის შეიძლება იყოს: გადასახადი ეკლესიისთვის, მოწყალების გაცემა, გაჭირვებულთათვის შემწეობა და ა.შ.²¹⁴ მოციქულთა 72-ე კანონი პირდაპირ ადგენს გადასახდელი ფინანსური ვალდებულების ხუთმაგ მსგავსადვე, თანხის ოდენობას ადგენს მეხუთე-მეექვსე

212 იქვე, 111

213 იქვე, 112

214 შუად. მართლმადიდებელი ეკლესიის კანონები, ტომი I, დასახ. ნაშრომი, 37

მსოფლიო კრების მე-6 კანონიც, სადაც განსაზღვრულია ოთხ-მაგი გადასახადი.

მნიშვნელოვანია ისიც, რომ გრიგოლ ნოსელის მე-6 კანონის თანახმად, თუ განკანონებულს არ აქვს შესაბამისი ფინანსური შესაძლებლობა, მაშინ მან ფიზიკური შრომით უნდა აანაზღაუროს მსგავსი ვალდებულება.

გ) უზიარებლობა და მისი აღსრულების წესი. როგორც არაერთხელ აღინიშნა, ზიარება, ანუ ევქარისტიის საიდუმლო, ქრისტიანთა რწმენით, არის პურისა და ღვინის უხილავად გადაარსება ქრისტეს ხორცად და სისხლად. ევქარისტიის უდიდესი მნიშვნელობა კანონიკური სამართლისათვის არის ის, რომ იგი „უმჭიდროესად აერთიანებს ყველა მართალს ქრისტეში ერთ სხეულად“.²¹⁵ ზიარების უფლებას ერთგვარად შეიძლება ეწოდოს სრული ქმედუნარიანობა ქრისტეს ეკლესიაში, ხოლო მისგან განყენება — ქმედუნარიანობის მოკლება და შესაბამისად, უფლებათა დამცრობა ქრისტიანისათვის. უზიარებლობის პარალელურად ინიშნება არაერთი დამატებითი ეპიტიმია, როგორებიცაა მორწმუნეებთან ლოცვა ზიარების გარეშე, შეტირება, შევრდომა და ა.შ. განვიხილოთ უშუალოდ უზიარებლობის, როგორც სასჯელის შესრულების წესი.

კანონიკური განსაზღვრება

უზიარებლობა გულისხმობს ქრისტიანისთვის ზიარების მიღების უფლების ჩამორთმევას გარკვეული ვადით ან სიკვდილამდე. ეს სასჯელი, როგორც წესი, განესაზღვრება ქრისტიანსაერო პირს.

ზიარების წესი, ჩვეულებრივ, სრულდება საღმრთო წირვის დროს, მის დასასრულ ნაწილში. დასაშვებია, ზიარების შესრულება შინ, სახლშიც და სხვა საგანგებო პირობებში, საზიარებელი პირის სწეულების ან სხვაგვარი უძღურების გამო. რამდენადაც ზიარება წირვის დროს სრულდება, კანონიკურ სამართალში არსებითია იმის დადგენაც, რამდენად აქვს უზიარებელს საერთოდ წირვაზე დასწრების უფლება.

რაც შეეხება სხვა საეკლესიო საიდუმლოებსა თუ საღმრ-

²¹⁵ პროტოპრესვიტერი მიხეილ პომაზანსკი, დასახ. ნაშრომი, 253

თისმსახურო ლოცვებში მონაწილეობის უფლების საკითხს, აღნიშნულის თაობაზე უშუალოდ არცერთ საეკლესიო კანონში არ არის საუბარი. კანონისტთა მოსაზრებების საფუძველზე, შეგვიძლია დავასკვნათ შემდეგი:

ა) **ნათლობის** საიდუმლო: მასში განკანონებული ვერ მიიღებს მონაწილეობას. საუბარია მის მიერ მიმქმელის, ანუ ნათლიის ფუნქციის შესრულებაზე. ის, ვინც განყენებულია თავისი შეცოდების გამო ეკლესიის ერთობიდან, ცხადია, ვერ იქნება დავმდები სხვის მიერ ქრისტიანული ცხოვრებისა და აღზრდისა. „აკრძალულია მიმქმელი იყოს სხვა სარწმუნოების წარმომადგენელი, ან მწვალებელი, სქიზმით განდგომილი თუ დაყენებული“. ²¹⁶ რაც შეეხება **მირონცხების** საიდუმლოს, მასში მონაწილეობს მხოლოდ სასულიერო პირი და ის, ვისაც მირონს ცხებენ. ამდენად, გარეშე პირების მასში მონაწილეობაზე საუბარი არ შეიძლება იყოს.;

ბ) **აღსარება**: ბუნებრივია, რამდენადაც იგი დადგენილია სწორედ რომ ცოდვილთათვის, მისი მონაწილებისა და სულიერი კურნებისათვის, ²¹⁷ ცხადია, მასში მონაწილეობა უპირველესად განკანონებულითვის არის სასურველი;

გ) **ზეთის კურთხევა**: საიდუმლო ეკლესიაში დანესებულია სწეულის სულიერ და ხორციელ უძღურებათა განსაკურნებლად. ²¹⁸ პ. ბუმისის მითითებით, ზეთის კურთხევის აუცილებელ წინაპირობათაგან ერთ-ერთია ის, რომ სწეული მიეკუთვნებოდეს მართლმადიდებელ ეკლესიას. ²¹⁹ იმის თაობაზე, შეუძლია თუ არა განკანონებულ პირს, მონაწილეობა მიიღოს ზეთის კურთხევის საიდუმლოში, პასუხს სცემს V ს. საეკლესიო მოღვაწე რომის პაპი *ინოკენტი*, რომელიც აღნიშნავს, რომ „საეკლესიო სინანულში მყოფს არ შეიძლება ცხების ნება დაერთოს, რადგანაც ეს არის საიდუმლო და ვისაც ეკრძალება სხვა საიდუმლონი, როგორ შეიძლება მარტო ერთის ნება მიეცეს?“ ²²⁰

216 *პანაოტის ბუმისი*, დასახ. ნაშრომი, 78

217 პროტოპრესვიტერი *მიხეილ პოპა ზანსკი*, დასახ. ნაშრომი, 256

218 იქვე, 272

219 *პანაოტის ბუმისი*, დასახ. ნაშრომი, 94

220 იხ. პროტოპრესვიტერი *მიხეილ პოპა ზანსკი*, დასახ. ნაშრომი, 274

დ) **ქორწინება**: მასში მონაწილეობის შესახებაც, სხვა საიდუმლოთა მსგავსად, როგორც აღინიშნა, არ არსებობს მკაფიო განსაზღვრება. თუმცა, საგულისხმოა, რომ ქორწინების დადებით წინაპირობათა შორის, *პ. ბუმისი* გამოყოფს „ეპისკოპოსის ნებართვას“.²²¹ ვფიქრობთ, ეს მრავლისმომცველი ჩანაწერი, რამდენადაც სწორედ ეპისკოპოსი დაადგენს კონკრეტულ შემთხვევაში მიიღოს თუ არა ჯვრისწერის საიდუმლოში მონაწილეობა ზიარებიდან განყენებულმა, შეცოდების სიმძიმის, მისჯილი სასჯელისა და მისი აღსრულებიდან გამომდინარე;

ე) **მღვდლობის** საიდუმლო: მასშიც მონაწილეობას განკანონებული ვერ მიიღებს, რამდენადაც არათუ განკანონებულის ან სხვაგვარად დაყენებულის, არამედ ახლად მოქცეულის ხელდასხმაც კი იკრძალება,²²² რათა ახალბედა ქრისტიანის მღვდლობით არც თვითონ დაბრკოლდეს და არც სხვები დააბრკოლოს.

ვადა და მისი დინება

უზიარებლობის ვადის განმავლობაში აუცილებელია მმართველი მღვდელმთავრის მეთვალყურეობა, რათა მან შეაფასოს, როგორ სრულდება განსაზღვრული სასჯელი და როგორ წარმატება სულიერ ღვაწლში განკანონებული. ამას კანონიკური მნიშვნელობა ენიჭება იმ მხრივ, რომ თუკი ის შეატყობს, რომ დამნაშავეს სულიერი კურნება ბევრად უფრო **სწრაფად** მიმდინარეობს, ვიდრე ეს უზიარებლობისთვის ვადის განსაზღვრისას ივარაუდებოდა, მას უფლება აქვს იმსჯელოს უზიარებლობის ვადის შემცირების თაობაზე. მნიშვნელოვანია, რომ პირველი მსოფლიო კრების მე-12 კანონის თანახმად, „საჭიროა, დანვრისლებით გამოიძიონ მათი (ე.ი. შემცოდეთა) მისწრაფება და სინანულის სახე, თუ როგორი შიშით, ცრემლით, მოთმინებით და კეთილმოქმედებით, საქმით და არა მხოლოდ გარეგნულად გამოაჩენენ თავის მოქცევას“.

თავის მხრივ, ბასილი დიდის 74-ე კანონით განისაზღვრა, რომ შემცოდის სინანულის შემთხვევაში, განმკანონებულს უფლება აქვს **შეამციროს** ვადა. ამ კანონის მსგავსივე შინაარსი,

221 *პანაიოტის ბუმისი*, დასახ. ნაშრომი, 103

222 იხ. პირველი მსოფლიო კრების მე-2 კანონი

მხოლოდ ერთი კონკრეტული შეცოდების თაობაზე არსებობს მეხუთე-მეექვსე მსოფლიო კრების მე-16 კანონშიც. საინტერესოა, რომ ამ მხრივ ანკვირიის კრების მე-5 კანონი ავრცობს ეპისკოპოსის კომპეტენციას და უფლებას აძლევს მას არა მხოლოდ შეამოკლოს, არამედ **გაზარდოს** კიდევაც სასჯელის ზომა, გამომდინარე მისი აღსრულებისას გამოჩენილი ქმედობიდან.

ზემოაღნიშნული კანონებიდან გამომდინარე, უზიარებლობის ვადის დინებასთან და უზიარებლობის კანონის შესრულებასთან დაკავშირებით შეგვიძლია **დავასკვნათ** შემდეგი:

ა) განკანონებულ პირზე აუცილებლად უნდა დანესდეს მმართველი მღვდელმთავრის **მეთვალყურეობა**, რათა მას შეექმნას წარმოდგენა განკანონებული სინანულის თაობაზე, განსაკუთრებით შეცოდებადელი და შეცოდების შემდგომი ქმედობების შესადარებლად;

ბ) გამომდინარე განკანონებულის საქციელიდან, **შესაძლებელია** უზიარებლობის ვადის შემცირება;

გ) ამის **უფლებამოსილება** აქვს მმართველ მღვდელმთავარს;

დ) ეს არის მხოლოდ **უფლება** და არა ვალდებულება ან აუცილებლობა;

ე) ვადის შემცირებას საფუძვლად უდევს **კაცთმოყვარეობა** და არა ძალაში მყოფი სასჯელის მიმართ ეჭვი ან მისი უკანონობის თაობაზე შესაძლო ვარაუდი.

სიკვდილამდე უზიარებლობის შემთხვევები

განსხვავებულად ნესრიგდება უზიარებლობის კანონის შესრულების შემთხვევები, როდესაც უზიარებლობა სიკვდილამდე არის მისჯილი.²²³

ასეთ შემთხვევაში, აგრეთვე მაშინ, როდესაც სიკვდილი დგება უზიარებლობის კანონის ვადის დინების დროს, ეკლესია **უშვებს** ზიარების უფლებას, უზიარებლობის რა დროც არ უნდა იყოს გასული, რათა მისი მოკლებით ქრისტიანს არ მოაკლდეს მარადიული ნეტარი ცხოვრების სანინდარი.²²⁴ აღნიშნულთან მიმართებით, განსახილველია **ორი** შემთხვევა: სასჯელის მოხდის

223 მაგ., ნებისმიერ მკვლელობისათვის, ანკვირიის 22-ე კანონის თანახმად.

224 პროტოპრესვიტერი მიხეილ პომაზანსკი, დასახ. ნაშრომი, 255

გაგრძელების საკითხი, თუკი მომაკვდავი ქრისტიანი სასწაულე-ბრივად გადარჩება მის მიმართ ვადიანი ან სიკვდილამდე უზი-არებლობის შემთხვევაში:

ა) როდესაც უზიარებლობა ვადიანია და ზიარების შემდეგ ქრისტიანი გადარჩება, იგი ვალდებულია, რომ დაასრულოს შე-ცოდებისათვის განწესებული როგორც უზიარებლობის კანონი, ისე თანმდევი ეპიტიმია;

ბ) რაც შეეხება შემთხვევას, როდესაც სასჯელად სიკვდი-ლამდე უზიარებლობა იყო განსაზღვრული, მაშინ, გრიგოლ ნოსელის 1-ლი კანონის შესაბამისად განკანონებული „თუ უი-მედობის მიუხედავად, მაინც მოხდეს ისე, რომ არ მოკვდეს და დაუბრუნდეს სიცოცხლეს, ისე იმავე სასჯელით იცხოვროს და იყოს უზიარებელი სინმიდის საიდუმლოთაგან, სანამ არ დაუდ-გება ბოლო წუთები“.

საგულისხმოა, რომ ანათემა ანუ დიდი დაყენება თვით სიკ-ვდილის წინაც კი არ იძლევა ზიარების უფლებას, რამდენადაც ანათემიზირებული ადამიანი ეკლესიის წევრი აღარ არის.

რაც შეეხება იმ შემთხვევას, როდესაც განკანონებული პირი უზიარებლად გარდაიცვლება. მიუხედავად იმისა, უზიარებლო-ბა ვადიანი იყო თუ უვადო, იგი სიკვდილის შემდეგ უბრუნდება ეკლესიის უფლებებს და შესაძლებელია მისი როგორც ქრის-ტიანული წესით დაკრძალვა, ისე მისი მოხსენიება ქრისტიანისა-თვის დადგენილ ლოცვებსა და მსახურებებში.²²⁵

დ) დაყენება (დაცადება) და მისი აღსრულების წესი. დაყე-ნება, იგივე დაცადება სასულიერო პირის სასჯელია. მას სხვა-გვარად მღვდელმოქმედების აკრძალვასაც უწოდებენ. დიდი სჯულისკანონის ძველქართულ თარგმანში მიეთითება ხოლმე, რომ ცალკეული შეცოდების ჩადენისათვის სასულიერო პირი „დაეცადენ“. პ. ბუმისის მოსაზრებით, დაყენების ანუ დაცადე-ბის სამი ფორმა არსებობს: „ა) დაყენება მხოლოდ განსაზღვრუ-ლი სახით ღმრთისმსახურებისაგან, ბ) დაყენება ყველანაირი ღმრთისმსახურებისაგან გარკვეული დროით... და გ) დაყენება მთელი ცხოვრების მანძილზე“.²²⁶ მსგავსივე პოზიცია აქვს ეპ.

225 შეად. პანაიოტის ბუმისი, დასახ. ნაშრომი, 170

226 პანაიოტის ბუმისი, დასახ. ნაშრომი, 167

ნიკოდიმსაც.²²⁷ შესაბამისადვე, განსხვავდება თითოეული მათგანის აღსრულების წესი.

ცალკეული მღვდელმოქმედებისაგან დაყენება

ეს სასჯელი გულისხმობს იმას, რომ სასულიერო პირს ეკრძალება შეასრულოს **ცალკეული სახის** საღმრთისმსახურო მოქმედებანი. ეს სასჯელი შესაძლებელია იყოს როგორც **ვადიანი**, ისე **უვალო**, ანუ სიცოცხლის ბოლომდე. ცალკეული მღვდელმოქმედების აკრძალვის აღსრულებაში უმთავრესი არის ის, რომ სასულიერო პირს უნარჩუნდება წოდება, აქვს უფლება შეასრულოს მხოლოდ განჩინებით განსაზღვრული მსახურებები, ხოლო სასჯელის სრულად და პირნათლად აღსრულების შემდეგ, თუკი სასჯელი ვადიანი იყო, მას სრულად აღუდგება არა მხოლოდ სამღვდლო პატივი, არამედ შესაბამისი წოდებისათვის ნებადართული ყველა მღვდელმოქმედების შესრულების უფლება.

მღვდელმოქმედების დროებითი აკრძალვა

ეს სასჯელი სასულიერო პირს განესაზღვრება მაშინ, როდესაც მას „ისეთ დანაშაულში ედება ბრალი, რომელსაც ხარისხიდან განკვეთა მოსდევს“.²²⁸ ამის მაგალითია მოციქულთა მე-5 კანონი, რომელიც სასულიერო პირს მეუღლის უმიზეზოდ გაშვებისთვის მღვდელმოქმედების აკრძალვას, ხოლო განმეორების ან გაგრძელების შემთხვევაში — განკვეთას უდგენს, აგრეთვე, მოციქულთა 58-ე კანონი, რომელიც სასულიერო პირს ავალდებულებს კეთილმსახურების სწავლებას და მოციქულთავე 59-ე კანონი, რომელიც ავალდებულებს სასულიერო პირს მოყვასის თანადგომას.

დაყენება მთელი ცხოვრების მანძილზე

ამ სასჯელს ძველქართულად „დაცხრომაც“ ეწოდება. „ეს სასჯელი ეფარდებათ შედარებით მძიმე ცოდვისათვის, განსაკუთრებით ისეთებისათვის, რომლებიც ერში საცდურს წარმოშობენ, მაგრამ ჩადენილია ან უმეტერებით, ან გამოუვალი მდგომარეობით და, ამასთან, როცა შემცოდებელმა მოინანია და

227 მართლმადიდებელი ეკლესიის კანონები, ტომი I, დასახ. ნაშრომი, 40

228 იქვე

ცოდვა დაუტევა".²²⁹

დაყენება, თუკი ის ვადიანია, აუცილებლად გულისხმობს სასულიერო პირისათვის შესაძლებლობას, რომ ამ გამოსაცდელ პერიოდში მან გააცნობიეროს თავისი შეცოდების სიმძიმე და გამოიყენოს სამღვდლო პატივში ხელახალი აღდგენის ეს საშუალება. ხოლო თუკი მან პირიქით, უარყოფითად და არაქრისტიანულად განვლო სინანულისთვის მიცემული პერიოდი, შესაძლებელია არათუ აღარ აღუდგეს მას სამღვდლო პატივი და მღვდელმოქმედების უფლება, არამედ საერთოდ განიკეთოს კიდევაც სასულიერო დასიდან.

ე) განკვეთა და მისი აღსრულების წესი. განკვეთა უმძიმესი სასჯელია სასულიერო პირისათვის. განკვეთის აღსრულების შემდეგ სასულიერო პირი კარგავს ყოველგვარ პატივს, მღვდელმოქმედების უფლებას და იგი ერისკაცამდე დაიყვანება. „განკვეთით დასჯილი სასულიერო პირი, პირველ რიგში კარგავს ყველა იმ უფლებასა და უპირატესობას, რაც მას მინიჭებული ჰქონდა... ამას გარდა, ის კარგავს ყველა პატივს, რაც მას ეკუთვნოდა, როგორც ღვთისმსახურს... მისი სახელი წარიშლება სასულიერო დასის სიიდან, სადაც ის ხელდასხმისას შეიყვანეს, დაბოლოს, გადადის ერისკაცთა რიგში და სარგებლობს მხოლოდ მრევლის უფლებებით“.²³⁰

მადლმოქმედების საკითხი

განკვეთასთან მიმართებით უაღრსად საინტერესო და მნიშვნელოვანია საეკლესიო სამართლისთვის მახასიათებელი და საერო სამართლისაგან განმასხვავებელი საღმრთო მადლმოქმედების საკითხი, რამდენადაც სასულიერო პირის უფლებამოსილების საკითხს განსაზღვრავს არა მხოლოდ განკვეთის თაობაზე არსებული დოკუმენტი, არამედ — მღვდლობის საიდუმლოს აღსრულებით მისთვის მინიჭებული მადლის მოქმედების საკითხი. შესაბამისად, ამასთანვეა მჭიდროდ დაკავშირებული ამ სასჯელის აღსრულების საკითხიც. აღნიშნულის თაობაზე საკუთარ მოსაზრებას აყალიბებს პროფ. *პანაიოტის*

229 იქვე, 41

230 მართლმადიდებელი ეკლესიის კანონები, ტომი I, დასახ. ნაპრომი, 41

ბუმისი: „განკვეთის სასჯელს უკავშირდება „წარხოცვის“ ანუ მღვდლად ყოფნა-არყოფნის საკითხი. კანონის მრავალ მცოდნეს მიაჩნია, რომ მღვდლობა არ არის წარუხოცველი ხასიათისა, და, შესაბამისად, განკვეთა წარხოცავს მღვდლობის ნიჭსაც (მაღლს). სხვების აზრით კი, რაკი მღვდლობის მაღლს ანიჭებს ღმერთი, ადამიანს არ ძალუძს მისი წარხოცვა, შესაბამისად, იგი წარუხოცველია. მართლმადიდებელ ეკლესიას არ გამოუტანია ოფიციალურად აზრი ამ საკითხის თაობაზე. მაგრამ შეიძლება აქ დავიმოწმოთ უფლის სიტყვები: „რაოდენი შეჰკრათ ქვეყანა-სა ზედა, კრულ იყოს იგი ცათა შინა“ (მათე 18, 18). მაშასადამე, თუკი ეკლესია უკრძალავს ამა თუ იმ სასულიერო პირს ღმრთის-მსახურებას, იგი მას „შეჰკრავს“ ეკლესიის წევრთა მიმართ და წინაშე უფლისა და მღვდელი მოკლებულია ნიჭსა და უნარს, რათა გადასცეს საღმრთო მაღლი მორწმუნეებს“. ²³¹ ზემოთყვანილი მსჯელობიდან გამომდინარე, პ. ბუმისი ასკვნის, რომ „განკვეთა... არის მღვდლობის მაღლის მოქმედების წარხოცვა. მაშასადამე, განკვეთა უმოქმედოს ხდის ღმრთიურ მაღლს“. ²³²

განკვეთილის სამღვდლო ხარისხში აღდგენის საკითხი

განკვეთის აღსრულებასთან მიმართებაში საგულისხმოა განკვეთილი სასულიერო პირისათვის ხარისხის აღდგენის საკითხი. დეკანოზ ვლ. ციპინის მოსაზრებით, „ხარისხიდან განკვეთა განისაზღვრება ერთხელ და სამუდამოდ. ბასილი დიდის მე-3 კანონის თანახმად, სასულიერო ხარისხი, რაკი ერთხელ ჩამორთმეულ იქნა, არ შეიძლება დაბრუნებულ იქნეს“. ²³³ ეპ. ნიკოდიმი არა მხოლოდ იზიარებს იმ აზრს, რომ სასულიერო პირის განკვეთა სამუდამოა და არ აღდგება, არამედ ამის საფუძვლად სწორედ რომ ბასილი დიდის **ზემოხსენებულ მე-3 კანონს** უთითებს. ²³⁴

აღნიშნულთან მიმართებაში საგულისხმოა, რომ პ. ბუმისი უშვებს განკვეთილი სასულიერო პირისათვის ხარისხის აღდგენის საკითხს და მას უკავშირებს თავის მსჯელობას სამღვ-

231 *პანაოტის ბუმისი*, დასახ. ნაშრომი, 168

232 იქვე

233 *Протоиерей Владислав Цыпин*, დასახ. ნაშრომი, 531

234 მართლმადიდებელი ეკლესიის კანონები, ტომი I, დასახ. ნაშრომი, 41

დელი მადლის მუდმივობის და მხოლოდ მადლის მოქმედების წარმოცვის შესახებ: „რაკი განკვეთა არის სწორედ მღვდლობის მადლის წარმოცვა და არა მისი განყენება, მოკლება, ამიტომ ახალმა სასამართლომ კვლავაც თუ გაამართლა განკვეთილი სასულიერო პირი, იგი ახალი ხელთდების გარეშე უბრუნდება სამღვდლო ნოდებას“.²³⁵

ამდენად, თუ ბოლო ინსტანციის საეკლესიო სასამართლომ საქმე განიხილა ობიექტურად, დიდი სჯულისკანონის როგორც მატერიალური, ისე საპროცესო ნორმების სრული დაცვით, **სრულად** გამოიკვლია მტკიცებულებები და ამის შემდეგ გამოიტანა განაჩენი სასულიერო პირის ხარისხიდან განკვეთის შესახებ, ეს განაჩენი აღარ უქმდება და განკვეთის ძალმოსილება რჩება **სამუდამოდ**.

ვ) ანათემა და მისი აღსრულების წესი. ანათემა, იგივე დიდი განყენება, იგივე შერყენება, იგივე ყოვლითურთ მოკვეთა არის უმძიმესი საეკლესიო სასჯელი.

კანონიკური განსაზღვრება

პ. ბუმისის მოსაზრებით, ანათემა „მიიჩნევა ბეჭდად მებრძოლი ეკლესიიდან ერთ-ერთი მისი წევრის თავისი ნებით გამოსვლისა, და იგი **სულიერი სიკვდილის ტოლფასია**“.²³⁶ ეპ. **ნიკოდიმი** ანათემის შესახებ განმარტავს, რომ იგი იწვევს ეკლესიიდან ერთობის დაკარგვას, ყველა იმ უფლებისა და შესაძლებლობის დაკარგვას, რომელიც ქრისტიანს ენიჭება ნათლობის შედეგად. უზიარებლობისა და ანათემის ურთიერთმიმართების საინტერესო შედარებაა რუსულ „სასულიერო რეგლამენტში“: „ანათემით ადამიანი ემსგავსება **მოკლულს**, ხოლო უზიარებლობით ან განყენებით მსგავსია **დაპატიმრებულსა**“.²³⁷

ანათემის აღსრულების თავისებურებები

იმის გამო და გათვალისწინებით, რომ ანათემის შედეგად ქრისტიანი კარგავს ეკლესიის წევრობის პატივს, საერო პირებთან რელიგიური, ხოლო სასულიერო პირებთან პირადი ურ-

235 *პანაიოტის ბუმისი*, დასახ. ნაშრომი, 168

236 *პანაიოტის ბუმისი*, დასახ. ნაშრომი, 205

237 იხ. *Протоиерей Владислав Цыпин*, დასახ. ნაშრომი, 526

თიერთობის უფლებასაც,²³⁸ ანათემის შესახებ გადაწყვეტილება ცხადდება **საჯაროდ**.²³⁹ მეტიც, ეკლესიაში არსებობდა ტრადიცია, როდესაც ანათემებს საგანგებოდ **აცხადებდნენ**. დღეს ეს სრულდება დიდი მარხვის პირველ კვირა დღეს, როდესაც აღინიშნება „მართლმადიდებლობის ზეიმი“. თუმცა, დღესდღეობით, ამ დღეს წირვის დასასრულს წარმოითქმება ხოლმე ისტორიულ-დოგმატური ცდომილებებისა და მათი მხარდამჭერების ანათემები. მსგავსივეა რუის-ურბნისის ძეგლისწერის სინოდიკონის ბოლო ნაწილი.

ანათემის საგულისხმო და გამორჩეული მახასიათებელია მისი **სიკვდილის შემდეგ** ძალმოსილება. შეჩვენების შესახებ შეგვიძლია ვთქვათ, რომ იგი იმდენად უვადო და მარადიულად ძალმოსილია, რომ თუკი სხვა ყველა სასჯელის მოქმედება **წყდება** ადამიანის გარდაცვალებით,²⁴⁰ ანათემით ქრისტიანი კარგავს „უფლებას, სიკვდილის შემდეგ აეგოს წესი და დაიკრძალოს მართლმადიდებლურ სასაფლაოზე“.²⁴¹ **პ. ბუმისის** მიხედვით კი, „ეკლესიას არ აქვს უფლება სამგლოვიარო მსახურება აღუსრულოს ასეთ [(ე.ი. ანათემიზირებულ, დ.ჩ.)] მიცვალებულს, მოიხსენიოს იგი, ან აღასრულონ ესა თუ ის შესანდობარი წესი“.²⁴²

ამდენად, ანათემის აღსრულების პირობებში ქრისტიანი:

ა) განიდევნება ეკლესიიდან;

ბ) კარგავს ყველა უფლებასა და პრივილეგიას, რაც მან ნათლობისას მიიღო;

გ) შეჩვენების პერიოდი უვადოა, ანუ გრძელდება სიკვდილის შემდეგაც;

დ) ამის შემდეგ მასზე (რამდენადაც იგი აღარაა ეკლესიის წევრი) მოქმედებას წყვეტს საეკლესიო სამართალი.²⁴³

რაც შეეხება საღმრთო **აღსრულების** საკითხს, „სრული დაჯერებულობით მაინც ვერ განვსაზღვრავთ შეჩვენებულის სულიერ მდგომარეობას. იგი გადაეცემა უფლის **განგებას**“.²⁴⁴

238 მართლმადიდებელი ეკლესიის კანონები, ტომი I, დასახ. ნაშრომი, 39

239 *პანაიოტის ბუმისი*, დასახ. ნაშრომი, 205

240 იქვე, 170

241 მართლმადიდებელი ეკლესიის კანონები, ტომი I, დასახ. ნაშრომი, 39

242 *პანატიოს ბუმისი*, დასახ. ნაშრომი, 205

243 *დავით ჩიკვაიძე*, დასახ. ნაშრომი, 139

244 *პანაიოტის ბუმისი*, დასახ. ნაშრომი, 206

თავი 3. საეკლესიო სამართლის პროცესი

ა) **განსჯადობის საკითხი.** საეკლესიო სამართლის პროცესში სამართლის სხვა საპროცესო დარგების მსგავსად, მნიშვნელოვან საკითხს წარმოადგენს განსჯადობა, ანუ ვინ შეიძლება იყოს ამა თუ იმ საქმის **განმხილველი** ორგანო. თავდაპირველად უნდა ითქვას, რომ საეკლესიო მართლმსაჯულების უფლებამოსილება მიენიჭა **მოციქულებს** (მთ. 18:18). მოციქულთაგან კი იგი გადაეცა მხოლოდ ეპისკოპოსებს, რომლებიც სრულად ფლობენ სა-მოციქულო მადლს, რამდენადაც ისინი ითვლებიან მოციქულთა მემკვიდრეებად (პირველი მსოფლიო კრების მე-5 კანონი). სწორედ ამის გამო, XIX საუკუნის რუსი პროფესორი *ბერდნიკოვი* მიიჩნევს, რომ „საეკლესიო სასამართლო, როგორც მაცხოვრის სიტყვებიდანაც ჩანს, ძირითადად ეფუძნება საღმრთო უფლებამოსილებას, იგი არის **ღმრთის სასამართლო**.“²⁴⁵

საქმის განხილვის უფლებამოსილებასთან დაკავშირებით, საეკლესიო კანონმდებლობა ადგენს რამდენიმე მნიშვნელოვან დებულებას:

ზოგადი დებულებანი განსჯადობასთან დაკავშირებით

კართაგენის მე-15 კანონის თანახმად, სასჯელს ექვემდებარება ის სასულიერო პირი, რომელიც საეკლესიო საქმის განხილვის საჭიროებისას გვერდს აუვლის საეკლესიო სასამართლოს და მიმართავს საეროს. ეპისკოპოსი *ნიკოდიმი* ამ კანონის კომენტარებისას აღნიშნავს, რომ „ეს სულაც არ გულისხმობს იმას, რომ ეკლესიას სურს თავისი მსახურები მუდმივად და ყოველმხრივ გაათავისუფლოს საერო სასამართლოსაგან და არ უშვებს, რომ ისინიც შეიძლება **დაექვემდებარონ** ამგვარ სასამართლოს; ვინაიდან არსებობს საქმეები, რომლებიც თავისი შინაარსით ექვემდებარებიან საერო სასამართლოს, მაგალითად სახელმწიფოებრივი დანაშაულები, რომელთა განსჯა არასდროს აუღია ეკლესიას თავის თავზე.“²⁴⁶

საეკლესიო ხასიათის ყველა სასამართლო პროცესი უნდა

245 Краткий курсь церковнаго права, сост. проф. *И.С.Бердникоу*, Казань, тип. Императорскаго Университета, 1888, 180

246 მართლმადიდებელი ეკლესიის კანონები, ტომი II, დასახ. ნაშრომი, 141

შესრულდეს **საეკლესიო მართლმსაჯულების** მიერ. გამო-
ნაკლისია მხოლოდ მკაფიოდ გამოხატული საერო ხასიათის ქმე-
დებები. საგულისხმოა, რომ ამ დებულებას უფრო ლაკონურად
აყალიბებს კართაგენის 104-ე კანონი, რომლის თანახმადაც თუ
სასულიერო პირი ითხოვს **მეფისაგან** საერო სამსჯავროში თა-
ვისი საქმის გარჩევას, წაერთმევა მისი პატივი. ხოლო თუ მეფე-
საგან საეპისკოპოსო სამსჯავროს მოითხოვს, ნუ აეკრძალება ეს
მას.

საინტერესო მოსაზრებას ავითარებს *ბერდნიკოვი*, რომე-
ლიც აღნიშნავს, რომ „საეკლესიო სასამართლოში აუცილებე-
ლია განვასხვავოთ საერთო სასამართლო ყველა მორწმუნისა-
თვის და საგანგებო სასამართლო ეკლესიის მსახურთათვის“.²⁴⁷

დიაკონისა და მღვდლის საქმეების განხილვის უფლება- მოსილება

საეკლესიო წესებითა და კანონებით დადგენილია, რომ მღ-
ვდელსა და დიაკონს ხელს ასხამს მხოლოდ ერთი ეპისკოპოსი.
შესაბამისად, დიაკონიცა და მღვდელიც იმყოფება ერთი ეპის-
კოპოსის იურისდიქციაში. აღნიშნულის გათვალისწინებით, და-
დგენილია, რომ „ეპისკოპოსი და საერთოდ ყოველი საეკლესიო
მართლმსაჯულებრივი ორგანო განიხილავს მხოლოდ იმ სამღ-
ვდელ პირთა და მორწმუნეთა შეცოდებებს, რომელნიც მათი
უფლებამოსილების გარემოს მიეკუთვნებიან.“²⁴⁸

იმ შემთხვევაშიც კი, როდესაც მღვდლისა და დიაკონის საქ-
მეს კრება განიხილავს, აუცილებელია მის სხდომაში მმართველი
ეპისკოპოსის მონაწილეობა (კართაგენის კრების მე-15 კანონი).

ეპისკოპოსის საქმეების განხილვის უფლებამოსილება

განსხვავებით დიაკონებისა და მღვდლებისაგან, ეპისკოპო-
სები ხელდასხმულ იქნებიან მინიმუმ ორი ეპისკოპოსის მიერ,
თანახმად მოციქულთა 1-ლი კანონისა. გამომდინარე იქიდან,
რომ ეპისკოპოსს არ ჰყავს უშუალო მმართველი, მისი საქმის
წარმოება ექვემდებარება საეკლესიო კრებას.

ცალკეულ ადგილობრივ ეკლესიებს, სხვადასხვა პრაქტიკა

247 *И.С.Бердниковъ*, დასახ. ნაშრომი, 180

248 *პანაიოტის ბუმისი*, დასახ. ნაშრომი, 157

აქვს ეპისკოპოსის საქმის განხილვასთან დაკავშირებით. გავრცელებულია, როგორც 12-კაციანი საეპისკოპოსო კრების მონაწილეა, ისე საქმის განხილვა წმინდა სინოდის მიერ. საქართველოს სამოციქულო მართლმადიდებელ ეკლესიაში, როგორც წინა კარში საუბრისას აღინიშნა, მართვა-გამგეობის დებულების მეორე თავის §7-ის თანახმად, „წმ. სინოდი არის **პირველი და უკანასკნელი ინსტანცია** საქართველოს ეკლესიაში, რომელიც უფლებამოსილია გაასამართლოს მღვდელმთავარი, განიხილოს მისი მოღვაწეობის დოგმატური და კანონიკური ცდომილება.“

აცილების საკითხი

აცილების საკითხს ეხება *კირილე ალექსანდრიელის* 1-ლი კანონი, რომელიც ეხება ვინმე *პეტრეს* საქმის განხილვას: „განისაჯოს იგი ჩვეულებისამებრ შენი ღმრთისმსახურების წინაშე, ცხადია, შენი ქვეშევრდომი ღმრთისმოშიში ეპისკოპოსების თანდასწრებით, **იმათ გარდა**, ვისაც თვითონ ის არ მოისურვებს, მათდამი **უნდობლობის** გამო. ჩვენ ვერ ვირწმუნებთ, რომ ვინმეს ღმრთისმოყვარე ეპისკოპოსთაგან ჰქონდეს მტრობა თავისი ძმის მიმართ. მაგრამ იმისთვის, რათა ეს მომავალი სასამართლოს **დარღვევის** მიზეზი არ გახდეს, თითქოს რაიმე დააკლდა ძიების პროცესს, არ არის ჯეროვანი სასამართლოზე იმათი ყოფნა, ვის მიმართაც მას რაიმე ეჭვი აქვს“.

ბ) საქმის აღძვრა. საპროცესო მოქმედებები იწყება საქმის აღძვრით. კანონიკური ნორმების ანალიზის ცხადპყოფს, რომ საქმის აღძვრის რამდენიმე საფუძველი არსებობს, რომლებიც პირობითად **ოთხ** ჯგუფში ერთიანდება.

1. ალიარება;
2. ბრალდება;
3. გავრცელებული ცნობა;
4. შემონმების შედეგად მიღებული ცნობა.

1. ალიარება

აღსარების, ანუ ალიარების არსი მდგომარეობს იმაში, რომ ქრისტიანი აცნობიერებს რა მის მიერ ჩადენილი ქმედებების ანტიკანონიკურ და ღვთის საწინააღმდეგო ხასიათს, ნანობს მას

და აღიარებს ამას სულიერი მოძღვრის წინაშე. თუკი ქრისტიანის ქმედება შეიცავს **შეცოდების ნიშნებს**, ცხადია, ეს შეიძლება გახდეს საქმის წარმოების დაწყების საფუძველი. აღიარების საკითხის განხილვის დროს ყურადსაღებია ერთი მნიშვნელოვანი გარემოება: აღსარების დროს წარმოთქმული ცოდვა არ შეიძლება გახდეს საქმის დაწყების საფუძველი აღსარების მიმღები მღვდლის მიერ. სხვა სიტყვებით რომ ვთქვათ, აღსარების შედეგად შეტყობილი შეცოდების შესახებ მღვდელი არ არის **უფლებამოსილი** და მეტიც, **ეკრძალება**, რომ იყოს ბრალმდებელი. ხოლო რაც შეეხება იმას, თუ ამგვარი რამ მაინც მოხდება, იგი განეკუთვნება მძიმე შეცოდებათა რიცხვს.

აღსარების დაწყებულ წარმოებას, გარდა თავისი სულიერი მხარისა, აქვს საპროცესო მნიშვნელობაც:

ა) აღიარების საფუძველზე დაწყებული საქმის წარმოება მარტივია (მოციქულთა 74-ე კანონი);

ბ) იგი არის შემამსუბუქებელი გარემოება (ბასილი დიდის 61-ე კანონი);

გ) შეიძლება გათვალისწინებულ იქნეს სასჯელის აღსრულების პერიოდში.

2. ბრალდება

საეკლესიო სამართლის პროცესში საქმის აღძვრის ყველაზე გახშირებული საფუძველი არის ბრალდება. საეკლესიო პროცესის ხასიათთან მიმართებაში ზოგადად გასათვალისწინებელია ეპ. ნიკოდიმის მოსაზრება, რომ „პროცესის ორი სახიდან, კანონებში, გვხვდება ისეთი, რომლებიც იწყება რაიმე ბრალდებით“.²⁴⁹ საეკლესიო ბრალდება გულისხმობს იმას, რომ საეკლესიო სამართლის სუბიექტის მიმართ განსჯადობის უფლებამოსილების მქონე საეკლესიო ორგანოში ხდება ცნობის წარდგენა ამავე სუბიექტის მიერ შეცოდების ჩადების თაობაზე.

ბრალდების ორი სახე

ბრალდება შინაარსის მიხედვით იყოფა ორ ჯგუფად: **საერო** და **საეკლესიო** ბრალდებად (მეორე მსოფლიო კრების მე-6 კანონი).

²⁴⁹ *Никодимъ*, Еп. Далматинскій, Д-ръ Богословія, Православное Церковное право, переводъ съ сербскаго Милана Петровича, СПб, 1897, 480

საერო ბრალდება გულისხმობს იმას, რომ ბრალდების შინაარსი არის საერო-სამართლებრივი, აღნიშნულის თაობაზე სახელმწიფოს კანონმდებლობით დადგენილი შესაბამისი ნორმები და იგი არ ეხება ეკლესიის სწავლებისა თუ შიდა მონყობის საკითხებს. II მსოფლიო კრების მე-6 კანონით დადგენილია, რომ არასარწმუნოებრივ საკითხებზე მართლმადიდებელი ქრისტიანის მიმართ ბრალდების წარდგენის უფლება აქვს **ნებისმიერ** ადამიანს. აქ, მართალია, არ არის აღნიშნული, მაგრამ სავარაუდოდ იგულისხმება პირთა ის წრე, რომლებსაც საერო კანონმდებლობა ნებას რთავს, იყვნენ ბრალმდებლები ან მხარეები სასამართლო პროცესზე. მცირეწლოვნები, შეურაცხადები და საპროცესო უფლებაჩამორთმეული სხვა პირები, ცხადია, თვით არასარწმუნოებრივი თემატიკის ბრალდების წარმდგენებიც ვერ იქნებიან.

რაც შეეხება **საეკლესიო** ბრალდებას, მისი ამომწურავი განმარტება არ არის მოცემული სჯულისკანონში, მაგრამ შეგვიძლია ვივარაუდოთ, რომ „საეკლესიო ბრალდება გულისხმობს იმას, რომ შესმენა (ბრალდება) უნდა ხდებოდეს საღვთისმეტყველო, სარწმუნოებრივ ან ეკლესიოლოგიურ საკითხებთან დაკავშირებით“.²⁵⁰

ამ დაყოფას უაღრესად დიდი მნიშვნელობა აქვს საპროცესო თვალსაზრისით, რადგან იმ შემთხვევაში, როდესაც სახეზეა საეკლესიო ხასიათის ბრალდება, კანონიკური ნორმები მკაცრად განსაზღვრავენ იმ პირთა წრეს, ვის მიერ **არ შეიძლება** იქნეს ამგვარი ბრალდება წარდგენილი (მეორე მსოფლიო კრების მე-6 კანონი).

პირები, რომელთა საეკლესიო ბრალდება არ მიიღება

საეკლესიო პროცესში არ მიიღება შემდეგი პირების საეკლესიო ბრალდება:

- ა) მწვალებლის (მოციქულთა 75-ე, კართაგენის 129-ე კანონები);
- ბ) განდგომილის (მეორე მსოფლიო კრების მე-6 კანონი);
- გ) უზიარებლის (კართაგენის 128-ე კანონი);
- დ) ბოროტებაში მხილებულის, გარდა იმ შემთხვევისა,

²⁵⁰ დავით ჩიკვაიძე, დასახ. ნაშრომი, 128

როცა ბრალდება პირადად მას ეხება (კართაგენის მე-8 კანონი);
ე) საერო კანონმდებლობით ბრალდებააკრძალული პირის
(კართაგენის 129-ე კანონი).

3. გავრცელებული ცნობა

კონსტანტინოპოლის ორგზის კრების მე-15 კანონის თანახმად თუკი ეპისკოპოსის მიერ მწვალებლობის ქადაგება ღია და აშკარაა, ასეთ დროს მის ომოფორქვეშ მყოფ ქრისტიანებს უფლება აქვთ განუდგენ მას, როგორც მწვალებელს, მიუხედავად იმისა, რომ საკრებო განჩინება ამის თაობაზე ჯერ არ არსებობს, ხოლო საეკლესიო სასამართლო უფლებამოსილია ამგვარი ცნობის **გავრცელების** შემთხვევაში, შესაბამისი მსვლელობა მისცეს საქმეს. ამასთან, საქართველოს სამოციქულო მართლმადიდებელი ეკლესიის მართვა-გამგეობის დებულების II თავის §8-ის თანახმად, „ყოველგვარი საჩივრის გარეშე საქართველოს ეკლესიის საეკლესიო კრება უფლებამოსილია პასუხი აგებინოს იმ მღვდელმთავარს, რომელიც ცხადად არღვევს საეკლესიო კანონებსა და წესდებებს.“

პროფ. ბერდნიკოვი აღნიშნავს: „ძველ ეკლესიაში საეკლესიო სასამართლოს ჰქონდა საბრალდებო ხასიათი... თუმცა საეკლესიო ხელისუფლება არ ყოფილა დაკავშირებული მართლმსაჯულების განხორციელებასთან მხოლოდ კერძო ბრალმდებლის ინიციატივით. აშკარა და ყველასთვის ცნობილ დანაშაულზე სასულიერო ხელისუფლებას არ ჰქონია საჭიროება **დალოდებოდა** ბრალმდებელს; აქ მას შეეძლო და ვალდებულიც იყო ბრალდებული სასამართლოსათვის გადაეცა და დაედო სასჯელი“.²⁵¹

4. შემონების შედეგად მიღებული ცნობა

ეკლესია ზედამხედველობის წესით ყურადღებას აქცევდა და აქცევს სამღვდელო და საერო პირთა მიერ საეკლესიო კანონების დაცვას და სათანადო ზომებსაც იღებდა გამოვლენილი შეცოდებების აღმოსაფხვრელად და შემცოდეთა განსაკანონებლად. ეპ. ნიკოდიმის მოსაზრებით, „საეკლესიო ხელისუფლება ვალდებულია ზედამხედველობა გაუწიოს როგორც სასულიერო დასის მსახურებით დამოკიდებულებას, ასევე მათ ცხოვრებასა

²⁵¹ *И.С.Бердниковъ*, დასახ. ნაშრომი, 184

და ქცევებს. ამიტომ, მას უნდა ჰქონდეს უფლება თავად, ყოველგვარი ბრალმდებლების გარეშე, დაიწყოს სასამართლო ძიება".²⁵² ამდენად, საეკლესიო უფლებამოსილ ორგანოს შეუძლია აღიარების, ბრალდების ან გავრცელებული ცნობის გარეშეც, გამოსცეს შესაბამისი ბრძანება და დაიწყოს მოკვლევა ამა თუ იმ შეცოდების გამოსავლენად და განსასჯელად.

გ) საქმის არსებითი განხილვა. საპროცესო სამართლის მთავარ სტადიას წარმოადგენს საქმის არსებითი განხილვა, რომლის დროსაც ხდება მტკიცებულებათა გამოკვლევა, საქმეზე ობიექტური ჭეშმარიტების დადგენა და განაჩენის გამოტანა.

წინაპირობები საქმის განხილვის დასაწყებად

საეკლესიო ნორმებით დადგენილია ის აუცილებელი პირობები, რაც წინ უნდა უძღოდეს ბრალდების საქმის განხილვას. ეს წინაპირობები იმითაც არის მნიშვნელოვანი, რომ უშუალოდ განხილვის მომწესრიგებელი რამდენიმე კანონი სწორედ რომ ამ წინაპირობების შესრულების აუცილებლობაზე საუბრობს.

ა) ბრალდება წერილობითი სახით;²⁵³

ბ) თავის მართლების დრო და საშუალება (კართაგენის მე-19 კანონი): 1 თვე;

გ) განხილვის დრო და ადგილი (*კირილე ალექსანდრიელის* 1-ლი კანონი);

ადვოკატის ინსტიტუტი საეკლესიო სამართლის პროცესში

ეპ. *ნიკოდიმ მილაში*, საუბრობს რა საპროცესო სამართლის საკითხებზე, აღნიშნავს, რომ საეკლესიო სამართლის კანონები იცნობენ დამცველის ინსტიტუტსაც, რომლებიც ასრულებდნენ ადვოკატის ფუნქციებს საეკლესიო სამართლის პროცესში.²⁵⁴ იგი ასევე მართებულად აღნიშნავს, როდესაც საუბრობს იმის თაობაზე, რომ დამცველთა თანამდებობა მუდმივად იქცა

252 *Никодимъ*, Православное Церковное право, დასახ. ნაშრომი, 481

253 იქვე, 482

254 იქვე, 483

საეპისკოპოსო კათედრებზე,²⁵⁵ რადგან ზემოხსენებულ მეხუთე-მეექვსე მსოფლიო კრების მე-2 კანონში არსებობს მითითება „ეკდიკის“, ანუ „ქადაგის“, როგორც საეკლესიო თანამდებობაზე, რომელზეც განწესებას ახორციელებს ეპისკოპოსი.

საგანგებო შემთხვევები, როდესაც საქმის არსებითი განხილვა არ ხდება

საეკლესიო კანონებით დადგენილია ისეთი შემთხვევები, როდესაც ბრალდების არსებითი განხილვა და გამოკვლევა არ ხდება, არამედ ან წარდგენილი ბრალდება ითვლება **დადასტურებულად** და საეკლესიო სასამართლო მსჯელობს მხოლოდ სასჯელის **ზომისა და ფორმის** თაობაზე ანდა ბრალდება ითვლება **მოხსნილად**. ცხადია, იდენტური მიდგომა არ არსებობს ყველა იმ შემთხვევის მიმართ, რომლებიც ქვემოთ იქნება განხილული, მაგრამ მათი საერთო მახასიათებელი არის ის, რომ სასამართლო არ იყენებს იმ წესებს, რაც დადგენილია ბრალდების გამოკვლევისა და ჭეშმარიტების დადგენის მიზნით. ეს შემთხვევებია:

- ა) აღიარებისას (მოციქულთა 74-ე კანონი);
- ბ) ბრალდებულის გამოუცხადებლობისას (მოციქულთა 74-ე კანონი);
- გ) ბრალმდებლის მიმალვისას (კართაგენის მე-19 კანონი);
- დ) ცრუბრალდებისას — ცრუბრალმდებლის მიმართ (კართაგენის მე-19 კანონი);
- ე) საერო სასამართლოს მიერ გამოტანილი განაჩენისას.

დ) საქმის განხილვის წესი. უპირველეს ყოვლისა უნდა ითქვას, რომ საეკლესიო სამართლის პროცესი განარჩევს ერთის მხრივ დიაკვნისა და მღვდლის, ხოლო მეორეს მხრივ ეპისკოპოსის საქმის განხილვის წესს. საინტერესოა ის ფაქტი, რომ საერო პირის საქმის განხილვის წესი, როგორც ასეთი, არც ცალკეა გამოყოფილი და არც სხვა კატეგორიის (მაგ.: დიაკვნისა და მღვდლის) საქმესთანაა ნახსენები. საერო პირის საქმის განხილვა, სავარაუდოდ იწარმოება დიაკვნისა და მღვდლის საქმის განხილვის წესის შესაბამისად, ცხადია, საერო პირის, როგორც საეკლესიო სამართლის ერთ-ერთი სუბიექტის **სპეციფიკური**

²⁵⁵ იქვე

ბის გათვალისწინებით.

ეპისკოპოსის საქმის განხილვა, როგორც ზემოთაც აღინიშნა, ზოგადი წესის მიხედვით ექვემდებარება საეკლესიო კრებას. თუმცა, გამომდინარე იქიდან, რომ საეკლესიო კრება მოიწვევა წელიწადში მხოლოდ ორჯერ ძირითადად დოგმატურ საკითხებზე, დასაშვებია მონვეულ იქნეს 12-ეპისკოპოსიანი სასამართლო, რომელიც უფლებამოსილი იქნება განიხილოს აღნიშნული კატეგორიის საქმე. დასაშვებია განმხილველ მოსამართლეთა რიცხოვნობის შემცირებაც, თუკი საპატიო მიზეზი არსებობს.

მხარეთა პოზიციის მოსმენა

როდესაც ბრალდებული დროულად გამოცხადდება სასამართლოზე, მაგრამ ბრალს არ აღიარებს, მაშინ ბრალმდებელს წინადადება ეძლევა წარმოადგინოს ბრალდება. როგორც ზემოთაც აღინიშნა, მეორეი მსოფლიო კრების მე-6 კანონის თანახმად, საქმის განმხილველი ეპისკოპოსები ვალდებული არიან ბრალმდებელი გააფრთხილონ, რომ თუკი იგი ვერ დაამტკიცებს თავის ბრალდებას, მაშინ იგი იმავე სასჯელით დაისჯება, რა სასჯელითაც ბრალდებული დაისჯებოდა ბრალდების დამტკიცების შემთხვევაში, ხოლო ბრალმდებელი, თავის მხრივ ვალდებულია დადოს წერილობით პირობა იმის შესახებ, რომ ბრალდება არ არის ცილისწამება.

დაკითხვა

საეკლესიო პროცესი, გარდა მხარეთა პოზიციისა ითვალისწინებს აგრეთვე, დაკითხვასაც. დაკითხვა წარმოებს იმავე წესით, რაც დღეს მოქმედებს საერო სასამართლოში.

მტკიცების ტვირთი და მტკიცებულებათა გამოკვლევა

საქმის განხილვის პროცესში მხარეები (ბრალმდებელი და ბრალდებული) მოვალენი არიან ბრალდების მტკიცების დროს წარმოადგინონ საეკლესიო კანონებით განსაზღვრული მტკიცებულებები. საეკლესიო სამართალი პირდაპირ არ საუბრობს მტკიცების ტვირთზე, თუმცა შესაბამისი კანონების გამოკვლევის საფუძველზე უნდა ითქვას, რომ მტკიცების ტვირთი ეკისრება ბრალმდებელს. კერძოდ, რაკი ბრალმდებელს ევალება, რომ

მისი ბრალდება იყოს **ზუსტი**, მას ეკისრება **პასუხისმგებლობა** და ედება **სასჯელიც** კი, თუკი ბრალდება ცილისწამება იქნა, ყოველივე ეს გვაფიქრებინებს, რომ მტკიცების ტვირთი არის ბრალმდებლის მხარეზე. ამ მხრივ გასათვალისწინებელია ისიც, რომ პროფ. **ბერდნიკოვის** მტკიცებით, ისტორიულად, „ბრალმდებელი ზრუნავდა ყველა იმ საშუალების შეკრებისათვის, რითაც დაარწმუნებდა სასამართლოს მისი ბრალდების სიმართლეში“.²⁵⁶

ე) განაჩენის გამოტანა. საეკლესიო სამართლის საპროცესო ხასიათის კანონები და პრაქტიკა შესანიშნავ ნაწარმოებებს გვიქმნის საპროცესო მოქმედებათა ერთ-ერთი მნიშვნელოვანი ნაწილის — განაჩენის გამოტანის შესახებ. ზემოხსენებული კანონები შეიძლება დაყოფილ იქნეს იმის გათვალისწინებით, თუ რა აუცილებელი სტადია უნდა გაიაროს გადაწყვეტილებამ, სანამ ის ოფიციალურად გამოიცემოდეს საეკლესიო სასამართლოს სახელით.

გადაწყვეტილების მიღების წესი

თუ საქმეს იხილავს ერთი მოსამართლე, მაშინ იგი, ცხადია, გადაწყვეტილებას ერთპიროვნულად. რაც შეეხება კრებულის მიერ, ზოგადად, გადაწყვეტილების მიღების თაობაზე არსებობს ანტიოქიის კრების მე-19 კანონი, რომელიც ეხება ეპისკოპოსის გამორჩევის წესს, მაგრამ კანონისტთა მოსაზრებით იგი ითვლება **საერთო წესად** კრებულის მიერ გადაწყვეტილების გამოტანის შესახებ.²⁵⁷ კრების კანონით დადგინდა, რომ:

ა) კრებაზე მოწვეულ უნდა იქნეს **ყველა**. მართალია, აქ ხელდასხმაზეა საუბარი, მაგრამ ჯერ ერთი, აღინიშნა, რომ იგი ასევე მიღებულია, რომ ვრცელდება გადაწყვეტილებაზეც. და მეორე — რახან ხელდასხმის დროს არის აუცილებელი კრებულის გადაწყვეტილება, ცხადია, რომ აუცილებელი უნდა იყოს **განაჩენის** გამოტანის დროსაც;

ბ) მნიშვნელოვანია ისიც, რომ იმ პირობებში, როცა არ ხერ-

256 *И.С.Бердникова*, დასახ. ნაშრომი, 185

257 *Правила Православной Церкви с толкованиями Никодима*, დასახ. ნაშრომი, გვ. 77

ხდება ყველა ეპისკოპოსის შეკრება, კანონი აუცილებლობად აწესებს კრების **უმრავლესობის მაინც** შეკრებას, ანდა, ასევე გამონაკლის შემთხვევაში, კრების გადანყვეტილების ლეგიტიმურობისათვის აუცილებელ წევრთა **წერილობითი** პოზიციის წარდგენას;

გ) თუკი მაინც არსებობს აზრთა წინააღმდეგობა, მტკიცდება **უმრავლესობის** გადანყვეტილება.

ბრალდების დამტკიცება ან უარყოფა

თუმცა კი საეკლესიო სამართალი ცალკე არ მიუთითებს, მაგრამ განაჩენი შეიძლება იყოს გამამართლებელი ან გამამტყუნებელი.

გამამართლებელი განაჩენის გამოტანის შემთხვევაში ბრალდებულს, ცხადია, ეხსნება ყველა ბრალდება და **აღუდგება** ყველა თავისი უფლება (მაგ.: ზიარების, მღვდელმოქმედების და ა.შ.), რომელიც მას ჩამორთმეული ჰქონდა საქმის განხილვის დროს.

გამამტყუნებელი განაჩენით ხდება წაყენებული ბრალდების დადასტურება, ანუ დამტკიცება. საგულისხმოა, რომ საქმის განმხილველმა მოსამართლეებმა ერთი ბრალდებლის მიერ წარდგენილი ბრალდებები ერთობლიობაში უნდა დაამტკიცონ. თუ რომელიმე ბრალდება ვერ დამტკიცდა, ამ ბრალდების წარმდგენი პირის სხვა ბრალდებებიც **არ მიიღება**, თუმცა ეს არ ნიშნავს, რომ თუ საქმის განხილვის დროს ბრალდებულის მიმართ ბრალდებები წარდგენილია სხვა პირის მიერაც, ამ უკანასკნელის ბრალდებები არ მიიღება.

ბრალდების დამტკიცების შემდეგ საქმის განმხილველმა მოსამართლეებმა უნდა განსაზღვრონ **სასჯელის ზომა**. საპროცესო სამართალში მიღებული წესის თანახმად ბრალდების დამტკიცება ხდება კონკრეტული შეცოდების მიმართ, ხოლო შეცოდებას, როგორც წესი თან ახლავს სასჯელის ზომაც.

სასჯელის ზომის განსაზღვრა

საეკლესიო სამართალში მიღებულია, რომ ძირითადი სასჯელი, რაც დადგენილია ქრისტიანისათვის, ესაა **ზიარებისაგან**

განყენება.²⁵⁸ დაცადება და მღვდელმოქმედებისაგან დაყენება, რაც სასულიერო პირებს მიესჯებათ ხოლმე, არსობრივად ზიარებისაგან დაყენებაა, რადგან მღვდელმოქმედების აკრძალვა გულისხმობს იმას, რომ მღვდელს ეკრძალება მონაწილეობა საეკლესიო მსახურებებში, ანუ ფაქტობრივად ამით იგი განყენებულია ზიარებისგანაც.²⁵⁹

სჯულისკანონის შეცოდების დამდგენი ნორმები ორ ჯგუფად შეიძლება დაიყოს: (ა) სადაც მითითებულია, სასჯელის მხოლოდ **სახე** და (ბ) სადაც მითითებულია მისი შესრულების **ვადაც**.

პირველ კატეგორიას მიეკუთვნება ისეთი კანონები, სადაც აღნიშნულია მხოლოდ „უზიარებელ იქმენინ“, „დაეცადენ მღვდლობისაგან“ და ა.შ. რაც შეეხება მეორე კატეგორიას, მას მიეკუთვნება ისეთი კანონები, სადაც უკვე ვხვდებით უზიარებლობის კონკრეტულ ვადას. საგულისხმოა, რომ **პირველი** კატეგორიის კანონები ძირითადად გამოცემულია **მოციქულთა და მსოფლიო კრებების** მიერ, ხოლო **მეორე** კატეგორიისა, როგორც წესი, **ადგილობრივი კრებების** მიერ. მასვე მიეკუთვნება ავტორიტეტულ საეკლესიო მოღვაწეთა **ეპისტოლარული კანონები**.

სასჯელის განსაზღვრის დროს განმხილველი სასამართლო ვალდებულია, გაითვალისწინოს პირველი მსოფლიო კრების მე-12 კანონი, რომლის თანახმადაც საქმის განმხილველმა მოსამართლეებმა „საჭიროა დაწვრილებით გამოიძიონ მათი **მისწრაფება** და **სინანულის** სახე, თუ როგორი შიშით, ცრემლით, მოთმინებით, და კეთილმოქმედებით, საქმით და არა მხოლოდ გარეგნულად გამოაჩენენ თავის მოქცევას“. ეპისკოპოსი *ნიკოდიმი* ამ კანონის კომენტარებისას იმონშებს სხვა განმმარტებლებსაც და ადასტურებს, რომ ეს არის ქრისტიანი ეპისკოპოსების **განსაკუთრებული უფლება**, რომ გამოიძიონ მონანულო შემცოდნის სულიერი მდგომარეობა და არათუ ამის მიხედვით განსაზღვრონ სასჯელი, არამედ თვით განსაზღვრული და ძალაში შესული სასჯელიც კი **შეამცირონ**.²⁶⁰

258 იხ. *დავით ჩიკვაიძე*, დასახ. ნაშრომი, 66-67

259 *პანაიოტის ბუმისი*, დასახ. ნაშრომი, 167

260 მართლმადიდებელი ეკლესიის კანონები, ტომი I, დასახ. ნაშრომი, 193

ამდენად, თვით ის კანონებიც კი, სადაც მითითებულია შეცოდებისათვის კონკრეტული ვადა უზიარებლობისა, მაინც **პირობითია** და საქმის განმხილველ მოსამართლეს უფლება აქვს გარემოებების ვათვალისწინებით დაადგინოს განკანონების ვადა და პირობები.

განაჩენის ტექსტი და მისი სავალდებულო ნაწილები

საპროცესო ხასიათის საეკლესიო კანონებში არსად არაა ნორმები, სადაც განსაზღვრული იქნებოდა ის აუცილებელი ნაწილები თუ კომპონენტები, რასაც აუცილებლად უნდა შეიცავდეს საეკლესიო განაჩენი. თუმცა, შეიძლება გამოიყოს ის პუნქტები, რასაც, როგორც წესი, შეიცავენ საეკლესიო სასამართლოს გადაწყვეტილებები. ეს ნაწილებია:

ა) **განაჩენი ღმრთის სახელით:** აეკლესიო ტრადიციით განაჩენი გამოიტანება ღმრთის სახელით. ეს შეიძლება იყოს როგორც სამების დასახელება, ისე სამების მეორე პირის (იესო ქრისტეს) ან ღვთის რომელიმე ქრისტიანული ეპითეტის;

ბ) **განაჩენის წინაპირობა ან დასაბუთება:** განაჩენის დასაბუთებასთან მიმართებაში საინტერესოა პროფ. ბერდნიკოვის მოსაზრება: „ბრალმდებელი აყალიბებდა ბრალდების პუნქტებს და მხოლოდ ამ პუნქტების მიხედვით წარმოითქმოდა განაჩენი სასამართლოზე“;²⁶¹

გ) **განკანონების ნაწილი:** განაჩენი სრულდება განკანონებით, ანუ ამ ნაწილში მიეთითება ის სასჯელი, რაც განესაზღვრა და შეეფარდა ბრალდებულს. მართალია, ამის შესახებ პირდაპირ არ არის არცერთ კანონში მითითებული, მაგრამ განკანონების ფორმულირებისას შეიძლება მიეთითოს მისი აღსრულების წესიც;

დ) **სინანულისკენ მოწოდება:** თანახმად მოციქულთა 52-ე კანონისა, ეკლესიის მსახურებს ეკრძალებათ მონანიებული ადამიანის უკან გაძევება ან მის მიერ გამოხატული სინანულის მიუხედავად ეკლესიაში დაბრუნებაზე თუ სხვა იმ უფლების აღდგენაზე, რაც მას ჩამოერთვა განკანონებით, უარის თქმა. ეს კანონი ეფუძნება სახარებისეულ სწავლებას, რომელიც ბრძანებს, რომ „დიდი სიხარული იქნება ზეცაში ერთი ცოდვილისა-

261 *И.С.Бердниковъ*, დასახ. ნაშრომი, 185

თვის, რომელიც შეინანებს“ (ლკ. 15:7). ამის გათვალისწინებით, რაც უნდა დიდი და მძიმე სასჯელიც არ უნდა იყოს მითითებული განკანონების ნაწილში, განკანონების შემდეგ განჩინებას თან ახლავს **მოწოდება სინანულისკენ**. საგულისხმოა ერთი საკითხიც. ზოგადად, ნებისმიერ შემთხვევაში, განკანონებულმა სასჯელი უნდა მიიღოს სიმდაბლით და მორჩილებით: „რომელი განიკანონოს და იდრტყინოს და არა მადლობით მიითუალოს, ორკეცად მიიღენ კანონი იგი“.²⁶²

ვ) განაჩენის თანმდევი პროცედურები. საეკლესიო კანონმდებლობა ადგენს განაჩენის თანმდევ რამდენიმე აუცილებელ პროცედურას, რომლის შესრულებაც სავალდებულოა განაჩენის ძალაში სრული სისავესით შესვლისათვის. აღნიშნული პროცედურები არ არის განაჩენის გამოტანის შემადგენელი ნაწილი, მაგრამ, იმის გათვალისწინებით, რომ მისი ზუსტი ანალოგი საერო სამართალში დღეს არ გვხვდება, მიზანშეწონილია მისი ცალკე გამოყოფა.

გაფრთხილება დასჯამდე

მას შემდეგ, რაც დადგინდება პირის ბრალეული ქმედება, საეკლესიო სასამართლოს, ქრისტიანული კაცთმოყვარებიდან გამომდინარე, უფლება აქვს, განსაკუთრებით, ნაკლებად მძიმე შეცოდებებისათვის, რომ გააფრთხილოს ეს პირი მისი მოსალოდნელი სასჯელის თაობაზე. ეს არ ჰგავს საერო სამართალში მიღებულ „პირობით მსჯავრს“, რადგან მისგან განსხვავებით, ამ პროცედურის შედეგად პირს არ სჯიან, არც პირობითად და არც რეალურად, არამედ **უდასტურებენ ბრალს და მოუწოდებენ, თავი დაანებოს** ამ შეცოდებას (მოციქულთა 42-ე კანონი). გაფრთხილება დასჯამდე, აუცილებელია მხოლოდ **კანონით დადგენილ შემთხვევებში** და იგი ერთგვარი დასკვნითი ნაწილია ბრალდებაზე გამოტანილი განაჩენისთვის. გასათვალისწინებელია ისიც, რომ „ბრალდებულს უფლება აქვს, რომ მოუსმინონ მას დანვრილებით არა მხოლოდ იმასთან დაკავშირებით, რაშიც მას ბრალი ედება, არამედ იმაზეც, რაც მას შეუძლია განაცხა-

²⁶² მცირე სჯულისკანონი, 123

დაინტერესებულ მხარეთათვის შეტყობინება

განაჩენის გამოტანის შემდეგ ერთ-ერთი თანმდევი პროცედურა არის დაინტერესებულ მხარეთათვის შეტყობინება განაჩენის თაობაზე. ეს ძირითადად ეხება შემთხვევებს, როდესაც საქმე კონკრეტული მხარის ბრალდებით იყო აღძრული ანდა ანათემის შემთხვევაში.

ზ) გასაჩივრება. საეკლესიო კანონები საკმაოდ დეტალურად ადგენენ შემთხვევებს, როდესაც დასაშვებია გამოტანილი განჩინების გასაჩივრება. ასევე განსაზღვრულია წინაპირობები, რა შემთხვევაშიც კანონიკური ნორმები კრძალავენ გამოტანილი განჩინების გასაჩივრებას. მართალია, საეკლესიო კანონებში არსად არ არის კონკრეტული მითითება იმის თაობაზე, რომ გამოტანილი განჩინება ძალაში არ შედის, სანამ მხარის მიერ არ იქნება იგი გასაჩივრებული ან გასაჩივრების ვადა არ იქნება გაშვებული, მაგრამ განხილული პრაქტიკა გვიჩვენებს, რომ გასაჩივრების გამოყენებასა თუ არ გამოყენებაზე მნიშვნელოვნად არის დამოკიდებული განჩინების ძალაში შესვლა.

შემთხვევები, როდესაც გასაჩივრება არ დაიშვება

საეკლესიო კანონთა თანახმად, გამოტანილი განაჩენი არ საჩივრდება:

- ა) განაჩენის მხარეთა არჩეული მოსამართლეების მიერ გამოტანისას კართაგენის კრების 96-ე და 122-ე კანონები);
- ბ) ერთხმად მიღებული გადაწყვეტილებისას (ანტიოქიის კრების მე-15 კანონი);
- გ) საერო სასამართლოში (მეხუთე-მეექვსე კრების მე-9 და კართაგენის კრების მე-15 კანონები).

გასაჩივრებისა და განხილვის წესი

გასაჩივრებასთან დაკავშირებით საეკლესიო კანონებით დადგენილია:

- ა) **გასაჩივრების უფლება:** საეკლესიო კანონებით

263 *Никодимъ, Православное Церковное право, დასახ. ნაშრომი, 486*

განმარტებულია, რომ მმართველი მღვდელმთავრის გულფიცხელობის თუ აჩქარების გამო უარყოფითი შედეგების თავიდან ასაცილებლად დადგენილია გასაჩივრების უფლება. სარდიკიის კრებაზე შეკრებილმა მამებმა მე-14 კანონით დაადგინეს, რომ „გაძევებულს (ანუ დასჯილს) უფლება უნდა ჰქონდეს, მიმართოს იმ მხარის მიტროპოლიტს. თუ არ იყოს დედაქალაქის ეპისკოპოსი, მიაშუროს მახლობელ სამთავროს და შეევედროს იქ მყოფ ეპისკოპოსებს, რომ დანვრილებით გამოიძიონ მისი საქმე. მათ კი, ვისაც ევედრება ბრალდებული, ყური უნდა მიაპყრონ მას“. საგულისხმოა, ამ კანონის კომენტარებისას ეპ. ნიკოდიმი აღნიშნავს, რომ მახლობელი სამთავროს მიტროპოლიტთან საჩივრით მისვლა არ უნდა იქნეს სიტყვასიტყვით გაგებული, რადგან, აღნიშნავს იგი, „სხვა ეპარქიის მიტროპოლიტს არასდროს არ აქვს უფლება, ქვემდებარეობის მიხედვით განიხილოს ეპისკოპოსის ან მღვდლის საქმე, თუკი იგი არ ექვემდებარება ამ მიტროპოლიტს“²⁶⁴ აქ, ფაქტობრივად, მოიაზრება **ზემდგომ იერარქიაში** გასაჩივრების უფლება.

ბ) **გასაჩივრების ვადები:** საეკლესიო კანონებით, ცალსახად არ არის განსაზღვრული პირველი ინსტანციის სასამართლოს მიერ გამოტანილი განჩინების გასაჩივრების ვადები. ვადების შესახებ ზოგადად საუბრობს, აგრეთვე, ეპ. ნიკოდიმიც: „განაჩენით უმაცოფილების შემთხვევაში, ბრალდებულს შეუძლია გაასაჩივროს იგი უმაღლეს საეკლესიო სასამართლოში საამისოდ კანონით განსაზღვრული ვადის განმავლობაში“²⁶⁵ თუმცა არ უთითებს, კერძოდ რომელი კანონი ადგენს გასაჩივრების ვადებს. საგულისხმოა ერთი რამე, რომ პირველი მსოფლიო კრების მე-5 კანონის თანახმად დადგენილია გადაწყვეტილების **კრებულის წინაშე** გასაჩივრების უფლება, რომელიც საგანგებოდ ამ მიზნით, უნდა გაიმართოს ნელინადში **ორჯერ** — დიდმარხვის წინ და შემოდგომაზე.²⁶⁶ სავარაუდოდ, გასაჩივრების ვადის გასვლად შეიძლება ჩაითვალოს არასაპატიო მიზეზით უახლოესი გასაჩივრების საშუალების, ანუ საეკლესიო კრების, გაშვება.

გ) **საქმის ხელახლა განხილვა:** სარდიკიის კრების მე-3 კა-

264 მართლმადიდებელი ეკლესიის კანონები, ტომი II, დასახ. ნაშრომი, 120

265 *Никодимъ, Православное Церковное право*, დასახ. ნაშრომი, გვ. 486

266 დიდი სჯულისკანონი, გვ. 232

ნონის თანახმად, დადგენილია შემდეგი პროცედურები:

1. საქმე განახლება ბრალდებულის მიერ;
2. გასაჩივრება ხორციელდება ეკლესიის მეთაურის მეშვეობით;
3. დასაშვებობის თაობაზე გადაწყვეტილებას იღებს ეკლესიის მეთაური;
4. განმხილველ მოსამართლეებს ნიშნავს ეკლესიის მეთაური;
5. ბრალდებულის მიერ განაჩენის დათანხმება ნიშნავს გადაწყვეტილების ძალაში შესვლას.

რაც შეეხება საკუთრივ საქმის განხილვის პროცედურებს, აღნიშნულის თაობაზე ცალკე საეკლესიო კანონი არ არსებობს და, წესით, საქმე განხილულ უნდა იქნეს იმ წესის მსგავსად, რაც დადგენილია პირველ ინსტანციაზე განსახილველად. გასაჩივრების პროცედურებზე მსჯელობისას პროფ. ბერდნიკოვი აღნიშნავს, რომ საეკლესიო სასამართლოებში ძირითადად იხილებოდა სასამართლო აქტები, ხოლო ცალკეულ შემთხვევებში კი — ტარდებოდა ხელახალი გამოძიება: „სასამართლოს უმაღლეს ინსტანციაში აპელაციისას იხილებოდა პირველი ინსტანციის სასამართლო აქტები. ზოგიერთ შემთხვევაში ჩვენ ვხვდებით, აგრეთვე, დებულებას გამოძიების დაწყების შესახებ, როდესაც საჭიროებამ მოითხოვა ზოგიერთი ფაქტის ადგილზე დამონმება“.²⁶⁷

საქმის განსახილველად დაბრუნება

სარდიკიის კრების მე-5 კანონი ადგენს იმგვარ შემთხვევას, როდესაც შეიძლება საქმე განსახილველად დაუბრუნდეს ქვედა ინსტანციას, იმავე ან სხვა შემადგენლობას. განსხვავებით წინა შემთხვევისაგან, ამ კანონით საქმე განსახილველად უბრუნდება ქვედა ინსტანციის სასამართლოს, მაგრამ საბოლოო გადაწყვეტილების უფლება რჩება ზედა ინსტანციას. ცხადია, ეს კანონი ზუსტად არ ეთანადება საერო კანონმდებლობაში არსებულ საქმის განსახილველად დაბრუნების წესს, მაგრამ შინაარსობრივად იგი განსხვავდება საქმის ზედა ინსტანციით განხილვისაგან

²⁶⁷ *И. С. Бердников*, დასახ. ნაშრომი, 186

და ამდენად, შეგვიძლია მივიჩნიოთ, როგორც საქმის განსახილველად დაბრუნება ქვედა ინსტანციისათვის.

შერიგებით დასრულება

საეკლესიო კანონები ითვალისწინებენ იმგვარ შემთხვევა-საც, როდესაც კანონი ბრალდებულ სასულიერო პირს მოუწოდებს თავის მღვდელმთავართან შერიგებისაკენ. ამ პროცედურას ადგენს კართაგენის მე-11 კანონი. მნიშვნელოვანია, რომ ამ სახით საქმის მოგვარებისათვის აუცილებელია მიმართვა **მეზობელ** ეპისკოპოსთან შუამდგომლობის თაობაზე. სავარაუდოდ, ეს წესი დადგენილია იმის გამო, რომ შესაძლოა ბრალდებულს საქმის განმხილველმა მღვდელმთავარმა არც მოუსმინოს. ამასთან, შერიგებით საქმის დასასრულებლად ერთი მხრივ, სავალდებულოა ბრალდებულის მხრიდან ან ბრალის აღიარება (თუ ბრალდება მძიმე არ არის, ანუ არსებობს შერიგების სამართლებრივი წინაპირობა) ან შუამავლის მიერ განმხილველი მღვდელმთავრის დარწმუნება იმაში, რომ ბრალდებული დამნაშავე არ არის.

თ) კასაციის საკითხისათვის. სჯულისკანონის სამი კანონით დადგენილია პროცედურა, როდესაც კრების მიერ მიღებული გადაწყვეტილების გასაჩივრებაც შეიძლება უმაღლეს საეკლესიო მმართველობასთან. ცხადია, სახელწოდება „კასაცია“ პირობითია და მასში იგულისხმება, **ერთი მხრივ**, საქმის მეორედ გასაჩივრება უმაღლესი ინსტანციის საეკლესიო სასამართლოში, ხოლო, **მეორე მხრივ**, საქმის არა არსებით განხილვა, არამედ მხოლოდ წინა ინსტანციების გადაწყვეტილებათა რევიზია.

სარდიკიის კრების მე-4 კანონის შესაბამისად, დადგინდა, რომ დასავლეთის ეკლესიების უმაღლესი და საბოლოო ინსტანცია არის რომის საყდარი.

რაც შეეხება აფრიკის კონტინენტზე მდებარე ეკლესიებს, მათ შესახებ კართაგენის კრების 125-ე კანონმა დაადგინა, რომ კასაციისას მხარეს შეუძლია **განხილვისთვის** მიმართოს არა მხოლოდ ერთ ეპისკოპოსს, არამედ **კრებასაც**, ამასთან შეუძლია აირჩიოს განმხილველი სასამართლო.

რაც შეეხება აღმოსავლეთის ეკლესიებს, მათთვის კასაციონის პროცედურა განსაზღვრულია მცხეთე-მეექვსე მსოფლიო კრების მე-17 კანონით, რომლის თანახმადაც კასაციის უფლება შეიძლება განხორციელდეს კონსტანტინოპოლის საყდართან. რამდენად მოქმედებს ეს კანონები ავტოკეფალურ ეკლესიებთან მიმართებაში, **დამატებით მსჯელობას** საჭიროებს. აღსანიშნავია ისიც, რომ საეკლესიო კანონებიდან არ ირკვევა, **როდის ან რა ვადაში** შეიძლება მოხდეს უმაღლესი ინსტანციის სასამართლოში გასაჩივრება.

ზოგადად, აუცილებელია აღინიშნოს, რომ განაჩენის გასაჩივრების **ვადის გაშვების** ან გადანყვეტილების **უცვლელად** დატოვების შემთხვევაში, განაჩენი ძალაში შესულად ითვლება და იგი უნდა **აღსრულდეს**.

ი) შენდობა, შეწყალება: ქრისტიანული მოძღვრების თანახმად, ეკლესია დაარსებულია ცოდვილთა სინანულისკენ მონოდებისთვის (მთ. 9:13). ქრისტიანული **სასჯელის** მიზანი არ არის შურისძიება და ადამიანის დამცირება.

განაჩენის ნაწილებზე მსჯელობისას აღინიშნა, რომ თვით უმძიმესი სასჯელის — ანათემის დროსაც კი შემცოდეს ეძლევა **საშუალება**, რომ მოინანიოს და ამ გზით კვლავ დაუბრუნდეს ეკლესიას.

ტერმინ „**შენდობაში**“ იგულისხმება შემთხვევა, როდესაც განკანონებული სრულად აღასრულებს მასზე დადებულ სასჯელს, რის შედეგადაც მას შეენდობა ჩადენილი ცოდვა. შენდობისათვის აუცილებელია, რომ განკანონებულმა ზედმინეწით შეასრულოს ყველა ის ეპიტიმია, რაც მას განესაზღვრა, განსხვავებით შეწყალებისაგან. „**შეწყალებაში**“ მოიაზრება შემთხვევა, როდესაც განკანონებულს, გამომდინარე სხვადასხვა სუბიექტური წინაპირობებიდან, ეპიტიმიათა და სასჯელთა სრულად შესრულებამდე კომპეტენტური საეკლესიო ორგანო **მიანიჭებს** შენდობას, რის შედეგადაც განკანონებულს, მიუხედავად იმისა, რომ ფორმალურად სრულად არ ექნება შესრულებული მისდამი დადებული სასჯელი, საეკლესიო იერარქიის შესაბამისი გადანყვეტილების საფუძველზე, იგი განთავისუფლებული იქნება ცოდვისაგან და დაუბრუნდება ის უფლებები, რაც მას ალუდ-

გებოდა შენდობის შედეგად. შედეგობრივად, შენდობაც და შეწყალებაც ერთი და იგივეა, მაგრამ განსხვავდება მისი წინაპირობები, პროცედურა და საეკლესიო ორგანოთა ფუნქცია.

შენდობის მიღების წინაპირობები

მიცემული სასჯელის სრულყოფილად აღსრულების შედეგების და აქედან გამომდინარე, შეცოდების პატიობის გამო სასჯელის დასასრულის თაობაზე საუბრობს პროფ. ბუშისი, რომელიც ჩამოთვლის ხუთ შემთხვევას, როდესაც სასჯელის ვადა დასრულებულად, ხოლო თავად სასჯელი აღსრულებულად ჩაითვლება:

„1) თავისთავადი, ანუ როცა მთავრდება დადგენილი სასჯელის ვადა.

2) ბუნებრივი, მსჯავრდებულის სიკვდილისთანავე. გამოწვევის დაშვებულია დიდი დაყენების სასჯელისათვის, რომელიც სიკვდილის შემდეგაც გრძელდება.

3) შესაბამისი სასამართლოს მიერ დადგენილი სასჯელის გადასინჯვის და შეცვლის შემდეგ.

4) თუკი მომდევნო ხანის კანონიკური განკარგულება ან ოქმი ხასიათდება, როგორც უკან გამოხმობილი (წყვეტს დამსჯელობით ძალმოსილებას).

5) შეწყალების მინიჭების შედეგად. ესე იგი შეწყალების მინიჭებისათვის დამნაშავე სულიერი პირის დარღვევა უნდა იყოს ისეთი, რომლის შედეგად განკანონება არ აბრკოლებდეს მას მღვდლობისაგან“.²⁶⁸

შეწყალების მიღების წინაპირობები

არსობრივად შეწყალების საკითხის განხილვა გასაჩივრებისაგან იმით განსხვავდება, რომ ამ დროს არ ხდება საქმის **ხელახალი განხილვა**, არც განჩინების გადახედვა, არამედ, მსგავსად საერო წესისა, განიხილება მხოლოდ შემცოდის შეცოდების შემდგომი ქმედებები და აღნიშნულის გათვალისწინებით, ასევე რამდენიმე სხვა შემთხვევაშიც ხდება **შემცოდის შეწყალება** და შესაბამისად, მისთვის შეცოდების შენდობა.

268 პანაიოტის ბუშისი, დასახ. ნაშრომი, 170

შენწყალების კანონისმიერი უფლებამოსილება

მოციქულთა 32-ე კანონით განისაზღვრა, რომ შეწყალების (შენყნარების) უფლება აქვს მხოლოდ განმკანონებულ ეპისკოპოსს. იმავე უფლებამოსილებას, მხოლოდ ოდნაე განვრცობით ადგენს მეხუთე-მეექვსე მსოფლიო კრების 102-ე კანონიც.

ამდენად, ეს ორი კანონი განსაზღვრავს, რომ მონაწილის შეწყალებისათვის განჩინების გამომტანი ეპისკოპოსია უფლებამოსილი:

- ა) განიხილოს შეწყალების საქმე;
- ბ) განიხილოს ცოდვის ხარისხსი;
- გ) შეაფასოს მისი სინანული;
- დ) მიიღოს ის გადაწყვეტილება, რაც აღებულ დროს ადეკვატური და ამავე დროს სამართლიანი იქნება.

რაც შეეხება სასჯელის დამდები მღვდლის მმართველი ეპისკოპოსის წინაშე შეწყალების თხოვნას, იგი მიჩნეულ უნდა იქნეს გამონაკლის შემთხვევად და მიეცეს უფლებამოსილება ეპისკოპოსს შეინყალოს მისი იურისდიქციაში მყოფი მღვდლის მიერ განკანონებული პირი.

გამონაკლისი შემთხვევები შეწყალებისთვის

რაც შეეხება იმ შემთხვევებს, როდესაც გარდაცვალების ან სხვა ობიექტური მიზეზების გამო, კანონისმიერად უფლებამოსილ პირს არ ძალუძს შეწყალების განხორციელება, მაშინ, როდესაც ობიექტურად არსებობს საამისო წინაპირობები, აღნიშნული წესრიგდება შესაბამისი კანონიკური ნორმებით:

ა) **განაჩენის გამომტანი ეპისკოპოსის გარდაცვალება:** თუკი გარდაიცვლება ის ეპისკოპოსი, რომელმაც გამოიტანა განკანონების გადაწყვეტილება, მაშინ, თანახმად მოციქულთა 32-ე კანონისა, ამ შემთხვევაში საქმეს იხილავს „სხვა ეპისკოპოსი“. ამდენად, გარდაცვლილ ეპისკოპოსს შეწყალების კომპეტენციაში ცვლის მისი შემკვიდრე ან ზემდგომი იერარქი, მხოლოდ კრებაზე განხილვის შედეგად მიღებული გადაწყვეტილების გათვალისწინებით.

ბ) **განაჩენის გამომტანი ეპისკოპოსის მიერ შეწყალების შეუძლებლობა:** იმ შემთხვევის მოსაწესრიგებლად, როდესაც უფლებამოსილ მღვდელმთავარს არ შეუძლია განიხილოს

შენწყალების საქმე, კართაგენის ადგილობრივმა კრებამ მიიღო კანონი 7. ამ კანონით დამტკიცდა აფრიკის ეპისკოპოსის წინადადება, რომ საგანგებო ვითარებაში, როდესაც ეპისკოპოსი არ არის, შეწყალების განხორციელების უფლება აქვს მღვდელს ეპისკოპოსთან შეთანხმებით. ამგვარი გამოწვევის, ამ კანონის თანახმად, ორ შემთხვევაშია დასაშვები:

1. როდესაც განსაკუთრებულ გაჭირვებაშია შემცოდე;
2. როდესაც სიკვდილის საფრთხეა.

შენდობისა და შეწყალების განსაკუთრებული შემთხვევები

არსებობს შეწყალების რამდენიმე, განსაკუთრებული შემთხვევა. ამ დროს, ყოველგვარი განხილვის გარეშე, „ავტომატურად“ მოიპოვებს განკანონებული ცოდვისათვის შენდობას:

ა) **მონამეობის შედეგად:** ქრისტიანულ სამყაროში მიღებულია, რომ ქრისტიანობისათვის და მისი მცნებების აღსრულებისათვის თავდადება, თუკი ის დასრულდა ამ პირის ფიზიკური სიკვდილით, უტყუარი ნიშანია წმინდანობისა და ამ გზით მისთვის ყველა ცოდვის მიტევებისა.²⁶⁹ მონამეობის დროს, განსხვავებით სიკვდილის შედეგად შენდობისა, არ არის აუცილებელი არც საეკლესიო სასამართლოს განჩინება და არც სასჯელი ან მისი აღსრულების დაწყება. თუკი დადასტურდება თავად ის ფაქტი, რომ ამა თუ იმ პირმა თავი შესწირა ქრისტიანულ რწმენას, იგი ითვლება სრულად შენდობილად ეკლესიის მიერ და აღირაცხება წმიდათა დასში;

ბ) **სიკვდილისწინა მდგომარეობისას:** სიკვდილისწინა მდგომარეობა შემცოდეს საშუალებას აძლევს ეზიაროს და ამით შეურიგდეს ეკლესიას. მართალია, გადარჩენის შემთხვევაში იგი ვალდებულია, დადებული ეპიტიმია შეასრულოს, მაგრამ ეს პროცედურა ცოდვათა მიტევების წინაპირობად უნდა იქნეს მიჩნეული, რადგან:

ა) სიკვდილის შემთხვევაში უპირობოდ ითვლება ამგვარი განკანონებული ეკლესიაში დაბრუნებულად;

ბ) გადარჩენის შემთხვევაშიც, იმის მიუხედავად, რომ სასჯელის აღსრულებას გააგრძელებს, მას განკანონების შემდეგ

²⁶⁹ პროტოპრესვიტერი მიხეილ პომაზანსკი, დასახ. ნაშრომი, 292

უკვე მიღებული ექნება ნმ. ზიარება, რაც, როგორც ცნობილია, ეკლესიასთან ერთობის ნიშანია.²⁷⁰

ვ) **მტკიცებულებები.** საპროცესო სამართლის შესწავლისას განსაკუთრებული მნიშვნელობა ენიჭება მტკიცებულებებს, ანუ იმას, თუ რას შეიძლება დაეფუძნოს სასამართლოს გადაწყვეტილება. უნდა აღინიშნოს, რომ საეკლესიო სამართლის პროცესში და განხილულ გადაწყვეტილებებში არ არის უხვად მტკიცებულება და მით უფრო, განაჩენის დაფუძნება მტკიცებულებებზე, მაგრამ უდავოდ, საპროცესო სამართლისათვის ამ მნიშვნელოვან ინსტიტუტს გვერდს ვერ ავუვლით საეკლესიო სამართლის პროცესის განხილვისა და კვლევის დროსაც. მტკიცებულებათა შესახებ საუბრისას აუცილებელია კიდევ ერთხელ მოვიხმოთ ზემომოყვანილი ციტატა ბერდნიკოვის ნიგნიდან, რომ „ბრალდებული ზრუნავდა ყველა იმ საშუალების შეკრებისათვის, რითაც დაარწმუნებდა სასამართლოს მისი ბრალდების სიმართლეში“.²⁷¹

საეკლესიო სამართლის პროცესში გამოიყენება შემდეგი მტკიცებულებები:

ა) **ბრალდებულისა და ბრალმდებლის ჩვენება:** როგორც საქმის არსებითი განხილვის დროს აღინიშნა, ყველაზე გავრცელებული მტკიცებულება არის ბრალმდებლის საჩივარი, ერთი მხრივ, ხოლო ბრალდებულის ჩვენება ან აღიარება, მეორე მხრივ;

ბ) **ნიგნიდან ციტატა, როგორც მტკიცებულება:** მტკიცებულების ეს სახე უნიკალურია და იგი ძირეულად განსხვავებულია საერო სამართალში არსებული მტკიცებულებებიდან. თავად მიზეზი ამგვარი მტკიცებულების არსებობისთვის განპირობებულია საეკლესიო სამართლის თავისებურებებიდან. რამდენადაც საეკლესიო სამართალში არცთუ იშვიათია ბრალდება და საქმის განხილვა დოგმატური ცდომილების გამო, ასეთ შემთხვევაში საპროცესო სამართალში მიღებული და საყოველთაოდ ცნობილი მტკიცებულებები ვერ გამოდგება ბრალდების პოზიციის გასამყარებლად, რამდენადაც ბრალდება ამ დროს ეხება არა ცალკეულ ქმედობას, არამედ ბრალდებულის თეოლოგიურ შეხედულებას. თუკი სასამართლოსთვის საქმის განხილვის კონკრეტულ ეტაპზე არსებითია, რომ ბრალდებულს დაუმტკიც-

270 პროტოპრესვიტერი მიხეილ პომაზანსკი, დასახ. ნაშრომი, 253

271 *И. С. Бердникова*, დასახ. ნაშრომი, 185

დეს, მართლა ჰქონდა თუ არა მას ესა თუ ის თეოლოგიური მოსაზრება (იგულისხმება — დოგმატურად ცდომილი), ასეთ შემთხვევაში, ცხადია დასაშვებია, გამოყენებულ იქნეს საპროცესო სამართლისათვის ცნობილი მეთოდები და, მათ შორის, მტკიცებულებებიც აღნიშნულის დასამოწმებლად, მაგრამ როდესაც ბრალდებული ღიად აცხადებს თავისი თეოლოგიური პოზიციის თაობაზე, ანუ როდესაც სასამართლოსთვის განსახილველი არის არა ასეთ დროს, გამოყენებულ უნდა იქნეს სხვა მეთოდი, რათა დამოწმდეს თავად ამ მოსაზრების უმართებულობა ეკლესიის მოძღვრებასთან მიმართებაში.

ამდენად, იმისათვის, რომ ბრალდებულს დაუდასტურდეს ცდომილება, საჭიროა წმინდა წერილიდან შესაბამისი ციტატის მოხმობა, რომელიც უტყუარი მტკიცებულება იქნება იმისა, რომ ბრალდებულის სადავო თეოლოგიური მოსაზრება ეწინააღმდეგება მართლმადიდებლურ-ქრისტიანულ მოძღვრებას. შეიძლება იყოს ისეთი შემთხვევაც, როდესაც სადავო შეხედულება ეხება არა წმ. წერილის, არამედ მისიდან გამომდინარე საღვთისმეტყველო პოსტულატს. ასეთ დროს, მტკიცებულების სახით გამოდგება ეკლესიის მიერ აღიარებული წმ. მამის შეხედულება.

გ) კრების სწავლების გამოცემა მტკიცებულების სახით: მტკიცებულების ეს სახე, მსგავსად ზემოთ განხილული მტკიცებულებისა, უნიკალურია საეკლესიო სამართლის პროცესში და ამით იგი განსხვავდება საპროცესო სამართალში ზოგადად მიღებულ მტკიცებულებათა სახეებისაგან. მტკიცებულების ეს სახე შინაარსობრივად პრაქტიკულად წინა მტკიცებულების სახესხვაობა და მისი გაგრძელებაა.

მნიშვნელოვანი ისაა, რომ ისტორიულად საეკლესიო კრებები, როგორც წესი, მოინვეოდა კონკრეტული მწვალებლობის საწინააღმდეგოდ და მის განსამარტად. კანონიკურად კი ეს გულისხმობს იმას, რომ საეკლესიო კრებები ერთ-ერთ ყველაზე მძიმე შეცოდებას განიხილავდნენ. კრების სწავლების გამოცემა მაშინ ხდებოდა საჭირო, როდესაც კრების მონაწილენი ნახავდნენ, რომ მათ მიერ განხილული საეკლესიო მოღვაწის მოსაზრებები ეწინააღმდეგებოდა ეკლესიის მოძღვრებას, მაგრამ ამის დასადასტურებლად იმ ალებულ მომენტში არ მოიპოვებოდა საეკლესიო სწავლება. განსაკუთრებით მაშინ, როდესაც წმიდა წერილის ცალკეული ფრაზის განმარტებასთან დაკავშირებით

იყო აზრთა სხვადასხვაობა, რა დროსაც, ბუნებრივია, ციტატა წმ. ნერილიდან მტკიცებულების სახით ვერ გამოდგებოდა;

დ) **მონმის ჩვენება:** მონმის ჩვენება საეკლესიო სამართალში ყველაზე გავრცელებული და ხშირად გამოყენებადი მტკიცებულებაა. მონმის ჩვენებასთან დაკავშირებულ საკითხებს ანესრიკებენ კანონიკური ნორმები, გვხვდება განხილულ პრაქტიკაში.

პირები, რომლებიც მონმედ არ მიიღებია

საეკლესიო სამართლის პროცესში მონმედ არ მიიღება:

ა) ურწმუნო — თანახმად კართაგენის 129-ე კანონისა;

ბ) მწვალებელი — თანახმად მოციქულთა 75-ე და II მსოფლიო კრების მე-6 კანონებისა;

გ) განხეთქილნი და განკვეთილნი;

დ) ის, ვინც თავად არის ბრალდებული — ორივე თანახმად სოფლიო კრების მე-6 კანონისა;

ე) ის, ვინც მონაწილეობდა საქმის გარჩევაში — თანახმად კართაგენის 59-ე კანონისა;

ვ) მხოლოდ ერთი მონმე (ერთი ჩვენებით) — თანახმად წმ. ნე-რილისა (მთ. 18:16) და მოციქულთა 75-ე კანონისა;

ზ) 14 წლის ასაკს მიუღწეველი — თანახმად კართაგენის 131-ე კანონისა;

თ) საქმეში დაინტერესებული პირი -- თანახმად კართაგენის 59-ე კანონისა.

ამდენად, საეკლესიო სამართლის მიხედვით მონმედ შეიძლება გამოძახებულ იქნეს მორწმუნე მართლმადიდებელი ქრისტიანი, რომელიც არ იმყოფება ეპიტიმიის ქვეშ და შეუსრულდა 14 წელი;

ე) **ფიც:** საეკლესიო სამართალში მონმის ჩვენებასთან მჭიდროდ არის დაკავშირებული ფიცი. ზოგადად, ქრისტიანული მოძღვრება კრძალავს ფიცს, რადგან ქრისტიანის დასტური დასტური უნდა იყოს და უარი — უარი (მთ. 5:34-37). თუმცა, აღნიშნულის მიუხედავად, იმის გამო, რომ სახარებისეული ეს სწავლება ხშირად არ სრულდება ობიექტური თუ სუბიექტური მიზეზების გამო, საეკლესიო სამართალმა დაადგინა ნორმები, რომლებიც ანესრიკებენ ფიცთან დაკავშირებულ საკითხებს.

ქარი V

ეკლესიის სამოქალაქო
სამართალი

თავი 1. საეკლესიო ქორნიება (ჯვრისწერა), ბანქორნიება და შედეგები

ა) ქორნიების კანონიკური გაგება. საეკლესიო ქორნიება, რომელსაც სხვაგვარად ჯვრისწერასაც უწოდებენ, არის ერთ-ერთი საეკლესიო საიდუმლო, რომლის დროსაც ქალი და მამაკაცი იკურთხება ერთ ოჯახად და ისინი ხდებიან „ერთ სულ და ერთ ხორც“. ქრისტიანული სარწმუნოება ქორნიებას იმდენად დიდ მნიშვნელობას ანიჭებს, რომ ქორნიებით შეერთებული ქრისტიანული ოჯახი მცირე ეკლესიად იწოდება: „ოჯახი საზოგადოებრივი ორგანიზმის ძირითადი შემადგენელი უჯრედი და მისი საყრდენია. იგი ქრისტეს მეზობლ ეკლესიაშიც, აგრეთვე, წარმოადგენს მისი სხეულის ძირითად ერთეულს. ამიტომ არის, რომ თვითონ ქრისტიანული ოჯახი მოციქულთა ნაწევრებში „ეკლესიად“ იხსენიება“.²⁷²

მიტროპოლიტ პანტელეიმონის მოსაზრებით, საეკლესიო ქორნიებას აქვს სამი მნიშვნელოვანი ასპექტი, სამი ელემენტი, რომელიც მთლიანად აღწერს საეკლესიო ქორნიების არსს:

„ა) ბუნებრივი ელემენტი, ესე იგი მამაკაცის და ქალის ცოლქმრული კავშირი;

ბ) ზნეობრივი ელემენტი, ესე იგი მამაკაცის და ქალის სრულყოფილი და დაურღვეველი თანაცხოვრება მთელი ცხოვრების მანძილზე;

გ) რელიგიური ელემენტი, რომელიც მოიცავს ყველაფერ იმის სრულ თანაზიარებას, რაც ეხება რელიგიას და სამართალს“.²⁷³

საეკლესიო ქორნიება, მიუხედავად იმისა, რომ ეკლესიის მიერ ასეთ მაღალ რანგშია აყვანილი, არ არის საველდებულო თითოეული ქრისტიანისათვის. მეტიც, უქორნიებლობის ალტერნატივა, რომელსაც სამონაზვნე დებს, აღმატებულია ქორნიებაზე და იგი რჩეულთა ხვედრია (მთ. 19:11-12) ცხადია, ეს იმას არ გულისხმობს, რომ ეკლესია უარყოფს ქორნიებას და მის სინ-

272 პროტოპრესვიტერი მიხეილ პომაზანსკი, დასახ. ნაშრომი, 269

273 Prof. Dr. Panteleimon Rodopoulos, დასახ. ნაშრომი, 187

მიდეს. პირიქით, „პატიოსანია ქორწილი და სანოლი — შეუგინებელი (ებრ. 13:4), თუმცა მონაზვნობა უპირატესია ქორწინებაზე.

„პატივს ვცემთ ქორწინებით თანამკვიდრობას“ — აღნიშნულია ლანგრის კრების 21-ე კანონში,²⁷⁴ რითიც გადმოცემულია ეკლესიის სწავლება და დამოკიდებულება საქორწინო ურთიერთობის საკითხზე. აუცილებელია აღინიშნოს ისიც, რომ რამდენადაც ძველ პერიოდში ქორწინებას მიუღებლად აცხადებდნენ ცალკეული პირები, იმავე ლანგრის კრების მიერ **აიკრძალა ქორწინების ძაგება** და აღნიშნულის ჩამდენისთვის დადგინდა მძიმე საეკლესიო სასჯელი: „თუ ვინმე აძაგებს ქორწინებას და გმობს ქმართან თანამცხოვრებ მორწმუნე და ღმრთისმოსიშ დედაკაცს, ან კიცხავს, რომ მას სასუფეველში შესვლა არ შეუძლია, შეჩვენებულ იყოს“ (ლანგრის კრების 1-ლი კანონი).²⁷⁵ აღსანიშნავია ისიც, რომ ქორწინების უფლისმიერად კურთხევის მონაზვნობად ხშირად მოჰყავთ გალილეის კანაში მაცხოვრის მისვლა და იქ პირველი სასწაულის აღსრულება (ინ. 2:1-11). ამდენად, **პატიოსანი ქორწინება, როგორც მამაკაცისა და დედაკაცის შეერთება ერთ სულად და ერთ ხორცად, მიზანმიმართული ურთიერთშემწეობისათვის და კეთილმორწმუნეობით თანამკვიდრობისათვის, არის ქრისტიანული ცხოვრების ერთ-ერთი სახე, მოსაწონი ღმრთისათვის და დადგენილი თავად მის მიერ.**

ბ) ქორწინების მიზანი. ახალი აღთქმისეული სწავლებით, „სიძვის თავიდან ასაცილებლად, ყველა კაცს თავისი ცოლი ჰყავდეს და ყველა ქალს — თავისი ქმარი“ (1 კორ. 7:2). ნმ. იოანე ოქროპირი ამ სწავლების განმარტებისას აღნიშნავს, რომ **„ჯვრისწერა დადგენილია არა სიღარიბის თავიდან ასაცილებლად და სიმდიდრის მოსაპოვებლად, არამედ — ავხორცობისაგან თავდასაცავად, თავშეკავებული ცხოვრებით ღვთის მცნებების აღსასრულებლად. ქორწინებას მოაქვს ცოლით კმაყოფილება — ესაა მისი ნაყოფი და სარგებელი. ადამიანმა იმისთვის უნდა იქორწინოს, რომ იცხოვროს მშვიდად და უბინოდ“.**²⁷⁶

იმის გათვალისწინებით, რომ ქორწინება ერთ-ერთი საეკლესი-

274 დიდი სჯულისკანონი, 87

275 იქვე, 85

276 იოანე ოქროპირი, ქრისტიანული ქორწინება და ცოლ-ქმრობა, თბილისი, 2002, 23

სიო საიდუმლოა, მისი მიზნების შესახებ არსებობს ეკლესიის ჩამოყალიბებული სწავლება, რაც შესაბამისად და სათანადოდ არის ასახული საეკლესიო სამართალშიც. ნმ. *იოანე ოქროპირი* ზემოხსენებულ საკითხებზე საუბრისას აღწერს ქორწინების ორ ძირითად მიზანს:

ა) სიძვისგან თავის არიდება და ურთიერთშემწეობა ცხოვრების გზაზე;

ბ) გამრავლება.

საგულისხმოა, რომ ნმიდა მღვდელმთავარი ამ ორი მიზეზიდან უპირატესად პირველს ასახელებს და ამას სათანადოდ განმარტავს: „ქორწინება არის დანესებული შვილების გასაჩენად და უფრო იმიტომ, რომ სხეულის ბუნებრივი მოთხოვნილება დაიოკო. ამაზე მიუთითებს პავლე მოციქულიც. მას არ უთქვამს, შვილების გასაჩენადო, არამედ ხაზს უსვამს ქორწინების სწორედ ამ დანიშნულებას. **თავდაპირველად** ქორწინების მთავარი მიზანი გამრავლება იყო, მაგრამ როდესაც მთელი დედამიწა დასახლდა ადამიანებით, მისი ძირითადი მისია ავხორციობის თავიდან აცილება გახდა, რადგან თუ ადამიანი უქორწინებლად მიეცემა ვენებებს, სულს დაიღუპავს, ქორწინება კი გაათავისუფლებს მას სიბილწისაგან და ძალას მისცემს, შეინარჩუნოს სინმიდე“.²⁷⁷

ცხადია, ნმ. *იოანე ოქროპირის* სიტყვები ისე არ უნდა იქნეს გაგებული, თითქოს შვილიერება ქრისტიანობისათვის არსებითი აღარ არის. მეტიც, იგი, როგორც აღინიშნა, ქორწინების ერთ-ერთი ძირითადი მიზანია, თუმცა **უმთავრესი** მიზანი ისაა, რომ მეუღლეებმა **მიაღწიონ** სულიერ და ხორციელ ერთობას და **შეენიონ** ერთმანეთს საცხოვრებლად. მღვ. *პატრიკ ვისკუზოს* ამ საკითხზე მსჯელობისას მოყვანილი აქვს ნმ. *ნიკოდიმოს მთაწმინდელის* კომენტარი *ბასილი დიდის* 42-ე კანონთან დაკავშირებით: „ქორწინებას უმთავრეს მიზნად უნდა ჰქონდეს არა მეუღლეების მიერ ვენებების დაკმაყოფილება სიამოვნებისათვის და ხორციელი მოთხოვნილებებისთვის, არამედ ურთიერთშემწეობა სულიერებაში, რათა ასე განასრულონ თავისი ცხოვრება“.²⁷⁸ ამით აღესრულება ადამიანების განსხვავებული სქესით შექმნის

277 იქვე, 22-23

278 Patrick Viscuso, დასახ. ნაშრომი, 33

მიზანიც: „არ ვარგა ადამის მარტო ყოფნა. გავუჩენ შემნეს, მის შესაფერს“ (დაბ. 2:18).

დეკ. *ვლადისლავი ციპინი* საუბრობს რა ქორწინების საფუძვლებზე, აღნიშნავს: „თუმცა პირველდაწყებით საფუძველს დასაქორწინებლად აქვს **ფიზიოლოგიური** ბუნება, ქრისტიანულ ქორწინებაში **რელიგიურ-ზნეობრივი** საწყისი შეადგენს მის საფუძველს, რომელსაც ექვემდებარება მისი სხვა ელემენტებიც: ბუნებრივი, სოციალური, იურიდიული“.²⁷⁹

იმისათვის, რომ საეკლესიო ქორწინების, როგორც ეკლესიის საიდუმლოს და საზოგადოებაში რელიგიურ-ზნეობრივი მოვლენის მიზნები მიღწეულ იქნეს, აუცილებელია, რომ დაცულ იქნეს საეკლესიო კანონების მიერ დადგენილი **დადებითი წინაპირობები** და **უარყოფითი გარემოებები**. ქორწინების **დადებით** წინაპირობად ითვლება ის წინაპირობები, რომელთა არსებობაა აუცილებელი ქორწინების ნამდვილობისთვის, ხოლო **უარყოფითი** გარემოებები კი, ამის საპირისპიროდ, არ უნდა არსებობდეს.

გ) დადებითი წინაპირობები ქორწინებისათვის. საეკლესიო კანონების თანახმად საეკლესიო ქორწინებისათვის ნამდვილობისათვის აუცილებელია:²⁸⁰

ა) მექორწინეთა **განსხვავებული სქესი**: ქორწინება სრულდება მხოლოდ განსხვავებული სქესის წარმომადგენლებს შორის (*ბასილი დიდის* 62-ე კანონი);

აკრები:

დაუშვებელია ერთსქესიანთა ქორწინება.

ბ) მექორწინეთა **თავისუფალი ნება**, რაც გულისხმობს იმას, რომ დაუშვებელია ქორწინება შედგეს ძალდატანებით, მოტაცებით ან ანგარებით;

გ) მექორწინეთა **უვალო შეერთების სურვილი**, რაც ნიშნავს იმას, რომ საქორწინო ურთიერთობები ვერ იქნება ვადიანი, ვერც დროითი ვადით განსაზღვრული (ანუ კალენდარულად აღნიშნული) და ვერც სიტუაციურად განსაზღვრული (ანუ რალაც მოვლენამდე);

დ) საეკლესიო ქორწინებისათვის **სახელმწიფოს კანონების დაცვა**: რამდენადაც ყოველ ქრისტიანს მართებს, რომ დაე-

279 Протоиерей Владислав Цыпин, დასახ. ნაშრომი, 40

280 პანაოტის ბუმისი, დასახ. ნაშრომი, 101-104

მორჩილოს სახელმწიფოს კანონმდებლობას (რომ. 13:1), თუ იგი არ ეწინააღმდეგება ღმრთის კანონებს (საქმ. 5:29), აუცილებელია, რომ საეკლესიო ქორწინებისათვის შესრულდეს ზოგადად ქორწინებისათვის სახელმწიფოს მიერ დადგენილი კანონები, მათ შორის უპირველესად — საქორწინო ასაკის შესახებ, ვინაიდან, საეკლესიო კანონები საქორწინო ასაკს არ ადგენენ.

დ) უარყოფითი (დამაბრკოლებელი) გარემოებები ქორწინებისთვის. საეკლესიო კანონების თანახმად, უარყოფითი, ანუ დამაბრკოლებელი გარემოებები ქორწინებისათვის პირობითად შეიძლება დაიყოს **ორ ჯგუფად:** საზოგადო-საყოველთაო დამაბრკოლებელი გარემოებები და ინდივიდუალური დამაბრკოლებელი გარემოებები,²⁸¹ ხოლო ორივე გარემოებებს შეიძლება მქონდეს მუდმივი ან დროებითი ხასიათი.

საზოგადო-საყოველთაო უარყოფითი გარემოებები ისინია, რომლებიც საერთოა ყველა ქრისტიანისათვის, ხოლო **ინდივიდუალური დამაბრკოლებელი გარემოებები** წარმოშობილია მხოლოდ კონკრეტულ პირებს შორის, ხოლო არ მოქმედებს სხვა პირებისათვის. რაც შეეხება მუდმივ გარემოებებს, ისინი არ შეიცვლება დროის გასვლის შემდეგ, ხოლო დროებითი შეიძლება ცალკეული მოვლენების შემდეგ შეიცვალოს.

საეკლესიო ქორწინება ეკრძალება **(საზოგადო-საყოველთაო უარყოფითი გარემოებები):**

ა) სამღვდელო ქიროტონიით ხელდასხმულ პირებს: დიაკვნებს, მღვდლებსა და ეპისკოპოსებს, აგრეთვე, კერძო-დიაკვნად ხელდებულ პირებს (მეხუთე-მეექვსე მსოფლიო კრების მე-3 და მე-6 კანონები, მოციქულთა 26-ე კანონი);

ბ) **სამონაზვნო** აღთქმადადებულ პირებს (ანკვირიის მე-19 კანონი, მეხუთე-მეექვსე მსოფლიო კრების 44-ე კანონი);

გ) **კანონიერ ქორწინებაში** მყოფ პირებს (მეხუთე-მეექვსე მსოფლიო კრების 93-ე კანონი, ბასილი დიდის 31-ე და 36-ე კანონები);

დ) პირებს, ვინც იმყოფებოდნენ კანონიერ ქორწინებაში **სამჯერ** (ბასილი დიდის მე-4 კანონი);

ე) **უცხო აღმსარებლობის** მქონე პირთან (მეოთხე მსოფლიო კრების მე-14 კანონი, ლაოდიკიის კრების მე-10 და 31-ე კანონები);

281 Prof. Dr. Panteleimon Rodopoulos, დასახ. ნაშრომი, 195

ვ) საეკლესიო მარხების პერიოდში.

აკრიბია:

„ა“ — „დ“ გარემოებები დაცულია აკრიბიით.

იკონომია:

1. „ე“ გარემოება, მეოთხე მსოფლიო კრების მე-14 კანონის თანახმად, შეიძლება უგულებელყოფილ იქნეს, თუ არამართლმადიდებელი მიქორწინე „ალტემას დადებს, რომ მიიღებს მართლმადიდებლურ სარწმუნოებას“.²⁸²

2. „ვ“ გარემოება, უკიდურესი გამონაკლისი და პატივსადავები შემთხვევის არსებობისას, შეიძლება არ იქნეს გათვალისწინებული.

ზემომოყვანილი გარემოებებიდან „ა“ — „დ“ მუდმივი ხასიათის მქონე გარემოებებია, „ე“ შეიძლება იყოს დროებითი, ხოლო „ვ“ — დროებითია.

საეკლესიო ქორწინება აკრძალულია ორ პირს შორის, თუ **(ინდივიდუალური უარყოფითი გარემოებები):**

ა) მათ შორის არსებობს **ნათესაური** კავშირი (მოციქულთა მე-19 კანონი, მეხუთე-მეექვსე მსოფლიო კრების 53-ე და 54-ე კანონები, *ბასილი დიდის* 23-ე, 67-ე, 68-ე, 75-ე, 76-ე, 78-ე, 79-ე და 87-ე კანონები), რომელიც თავის მხრივ იყოფა სისხლით, სუ-ლიერ და დამოყვრებით ნათესაობად;²⁸³

ბ) მათ შორის წარმოშობილია **შვილებითი** ურთიერთობა (მეხუთე-მეექვსე მსოფლიო კრების 53-ე კანონის კომენტარი *თეოდორე ბალსამონის* მიერ²⁸⁴);

გ) ისინი ერთმანეთის მიმართ **დაცემული არიან სიძვის** ცოდვით, რადგანაც სიძვა არ არის ქორწინების საწყისი (მეხუთე-მეექვსე მსოფლიო კრების 87-ე კანონი, *ბასილი დიდის* 69-ე კანონი);

დ) ერთ-ერთი მათგანისთვის **გლოვის წელიწადია**. გლოვის წელიწადი, ბერძნული ეკლესიის ტრადიციით გრძელდება მეუღლის გარდაცვალებიდან 10 თვის განმავლობაში,²⁸⁵ ხოლო საქართველოს სამოციქულო მართლმადიდებელი ეკლესიის

282 დიდი სჯულისკანონი, 117

283 პირთა შორის ნათესაობის გამოთვლის წესს ეხება შემდეგი ქვეთავი.

284 Правила святых Вселенских соборовъ, 457-458

285 *პანაიოტის ბუმისი*, დასახ. ნაშრომი, 109

ტრადიციით — 1 წელი (იხ. სრულიად საქართველოს კათოლიკოს-პატრიარქის 1992 წლის განჩინება „მიცვალებულთა სულის საოხად“, პუნქტი 23-ე).

აკრიბია:

აკრიბიით დაცულია „ა“ და „ბ“ გარემოებები.

იკონომია:

იკონომია შეიძლება გავრცელდეს „გ“ გარემოების მიმართ (ბასილი დიდის 69-ე კანონი) და „დ“ გარემოების მიმართ, გამოწვევის შემთხვევაში.

ზემომოყვანილი გარემოებებიდან „ა“ — „გ“ მუდმივია, ხოლო „დ“ — დროებითი.

ე) ნათესაობის გამოთვლის წესი. ორ პირს შორის ნათესაური კავშირი, როგორც აღინიშნა, არის ქორწინების უარყოფითი გარემოება და მისი არსებობა კრძალავს ამ პირთა შორის დაქორწინებას.

ნათესაობა თავის მხრივ მოიცავს:

ა) სისხლით, ანუ ხორციელ ნათესაობას, რაც გულისხმობს ორი პირისთვის საერთო წინაპრის არსებობას გარკვეული თაობის ჩათვლით;

ბ) სულიერ ნათესაობას, რაც გულისხმობს ორი პირის ნათლობის საიდუმლოთი ნათესაურ დაკავშირებას;

გ) დამოყვრებით ნათესაობას, რაც გულისხმობს ნათესაურ კავშირს მეუღლეების სისხლით ნათესავეებს შორის.

სისხლით ნათესაობა

საერთო-საეკლესიო ტრადიციით აკრძალულია ქორწინება **მეხუთე** თაობის ჩათვლით, ხოლო საქართველოს სამოციქულო მართლმადიდებელ ეკლესიის ადგილობრივი ტრადიციით — **მეცხრე**, ხოლო დღეს არსებული პრაქტიკით — **მეშვიდე** თაობის ჩათვლით.

საქართველოს ეკლესიაში მოქმედებს 1748 წლის საეკლესიო კრების მე-20 კანონი: „იყავნ დასაბამ პირველ მამა და მისგან რაი გამოეკვეთნენ ოთხნი ერთ კერძო და კუალად ოთხნი ერთ კერძო; ხოლო ეს იქმს, თვინიერ დასაბამისა მის, რიცხვსა რვასა და სრულ იქმნეს რაი ორსავე კერძოსა რიცხვი რვა, — მეხუთე ერთ

კერძოსა და მეხუთე მეორისა კერძოსა — ესე მეხუთენი შეიუღ-
ვლიან ურთიერთას. და ამა მეხუთეთა ნაკლებს არავის განუჩი-
ნებთ ქმნად ქორწინებისაი“. 286 ამდენად, ამ კანონის თანახმად
აკრძალულია ქორწინება ერთი დიდი პაპის შვილიშვილის
შვილიშვილების ჩათვლით.

რაც შეეხება ნათესაობის გამოთვლის წესს, აღნიშნულისა-
თვის საჭიროა შემდეგი საფეხურები (იხ. მაგალითი):

1. იმ პირთათვის, რომელთა შორისაც უნდა იქნეს გამოთვლი-
ლი ნათესაობა, განვსაზღვრავთ უახლოეს საერთო წინაპარს.

2. საერთო წინაპრიდან იმ პირებამდე, რომელთა ნათესაობა-
საც ვითვლით, ვადგენთ გენეალოგიურ ხეს, რა დროსაც ცალკე
აღვნიშნავთ თითო თაობის წარმომადგენელს.

3. თაობების დათვლას ვიწყებთ ერთ-ერთი პირიდან, აღმა-
ვალი შტოთი ავდივართ საერთო წინაპრამდე და შემდეგ დაღმა-
ვალი შტოთი ჩამოვდივართ იმ პირამდე, რომელთან ნათესაობა-
საც ვითვლიდით.

4. მიღებულ რიცხვს ვაკლებთ 1-ს და მიღებული შედეგი გან-
საზღვრავს ნათესაობის რიგს (თაობას).

მაგალითი:


მერამდენე რიგის ნათესავი იქნება ა-სთვის მისი ბიძაშვილის
შვილი (ბ)?

1. ა-სა და ბ-ს უახლოესი საერთო წინაპარი არის პაპა.

2. ვადგენთ გენეალოგიურ ხეს:

ჯამი ა-დან ბ-ს ჩათვლით არის 6.

4. $6 - 1 = 5$. ა-სთვის ბ არის მე-5 რიგის
(თაობის) ნათესავი. მათ შორის ქორწინ-
ება აკრძალულია.



სულიერი ნათესაობა

სულიერი ნათესაობა წარმოიშევა
აღამიანებს შორის, როდესაც პირადად
ისინი ან მათი უახლოესი ნათესავები
ერთმანეთს დაუკავშირდებიან ნათ-
ლობის საიდუმლოთი, სხვაგვარად —
ნათლიობით (ნათელ-მირონობით).

286 ქართული სამართლის ძეგლები, ტომი III, 801

მეხუთე-მეექვსე მსოფლიო კრების კანონით დადგენილია, რომ: „სულიერი ნათესაობა მეტია, ვიდრე ხორციელი. ჩვენ კი შევიტყვეთ, რომ სხვადასხვა ადგილებში ზოგიერთნი, ნათლავენ რა ჩვილ ყრმებს, მათი მშობელი დედების დაქვრივების შემდეგ ქორწინებიან მათთან. ვადგენთ, რომ ამიერიდან აღარ მოხდეს ამგვარი რამ“.²⁸⁷ ეს კანონი კრძალავს დაქორწინებას ნათლულის მშობელთან, ცხადია, იმის გათვალისწინებით, რომ ქორწინება თავისთავად დაუშვებელია ნათლიასა და ნათლულს შორის. საქართველოში გავრცელებულია შეხედულება, თითქოს აკრძალულია ქორწინება ნათლიისა და ნათლულის შვიდ თუ ცხრა თაობას შორის, რაც **უმართებულოა**. დიდი სჯულისკანონით და მისი კომენტარებით განსაზღვრულია, რომ შეზღუდვა ეხება:

საეკლესიო კანონებით:

- ა) ნათლიასა და ნათლულს;
- ბ) ნათლიასა და ნათლულის მშობელს;

საეკლესიო ტრადიციით:

- ა) ერთი ნათლიის ნათლულებს;
- ბ) ერთი ნათლულის ნათლებს;
- გ) საქართველოს სამოციქულო მართლმადიდებელი ეკლესიის ტრადიციით: ნათლიისა და ნათლულის ოჯახების წარმომადგენლებს.

იკონომია:

ადგილობრივ საეკლესიო კრებას უფლება აქვს დაადგინოს განსხვავებული წესი ზემოაღნიშნული ტრადიციისგან (მეხუთე-მეექვსე მსოფლიო კრების 53-ე კანონის კომენტარი ეპ. ნიკოდიმის (მილაში) მიერ).

ზემოაღნიშნული შეზღუდვის გარდა სხვა შეზღუდვა ეკლესიაში არ არსებობს. გასათვალისწინებელია ისიც, რომ **ნათლობით ნათესაობა გვერდით შტოზე არ გადადის**.

დამოყვრებით ნათესაობა

დამოყვრებით ნათესაობა წარმოიშვება ორი პირის დაქორწინების შემდეგ მათ სისხლით ნათესავეებს შორის. დამოყვრებით ნათესაობა გრძელდება განქორწინების შემთხვევაშიც.

დამოყვრებით ნათესაობით გამოთვლისათვის საჭიროა შემდეგი საფეხურები (იხ. მაგალითი):

²⁸⁷ დიდი სჯულისკანონი, 257

1. ცალ-ცალკე ვადგენთ სისხლით ნათესაობის გენეალოგიურ ხეს ორივე მეუღლის ნათესავისთვის.

2. ვითვალისწინებთ, რომ თანახმად სახარებისეული სწავლებისა, ცოლი და ქმარი არის ერთი სული და ერთი ხორცი, ამიტომ თაობების დათვლისას ისინი ერთ თავად (ერთ რიგად) ითვლებიან.

3. დავთვლით იმ ორ პირს შორის ნათესაობას მეუღლეთაგან მის ნათესავთან, ავდივართ რა აღმავალი შტოთი მათ საერთო წინაპრამდე, შემდეგ კი ჩამოვდივართ ნათესავ მეუღლემდე, მეუღლეებს ვთვლით ერთ თავად და ვაგრძელებთ აღმავალი შტოთი საერთო წინაპრამდე და საერთო წინაპრიდან მეორე მეუღლის ნათესავამდე.

4. მიღებულ რიცხვს გამოვაკლებთ 1-ს და მიღებული შედეგი განსაზღვრავს ნათესაობის რიგს (თაობას).


მაგალითი:

მერამდენე რიგის ნათესავი იქნება ა-სთვის მისი დეიდაშვილის მეუღლის ძმიშვილი (ბ)?

1. ა-ს და მის დეიდაშვილს შორის უახლოესი საერთო წინაპარი არის პაპა, ხოლო დეიდაშვილის მეუღლესა და მის ძმიშვილს (ბ) შორის საერთო წინაპარი არის მამა.

2. ა-ს დეიდაშვილი და ბ-ს ბიძა არიან მეუღლეები, ესე იგი ერთი თაობა.

3. ვადგენთ გენეალოგიურ ხეს:



5. $8-1=7$. ა-სთვის ბ არის მე-7 რიგის (თაობის) ნათესავი. მათ შორის ქორწინება აკრძალულია.

3) დაქორწინების წესი. როგორც ზემოთ არაერთხელ აღინიშნა, ქორწინება არის საეკლესიო საიდუმლო და, ამდენად, მისი აღსრუ-

ლების წესი განსაზღვრულია ეკლესიის ლიტურგიკული ტრადიციით. არსებობს ცალკეული კანონებიც, რომლებიც ეხება საეკლესიო ქორწინების აღსრულებას.

საეკლესიო ქორწინების, ანუ ჯვრისწერის საიდუმლო უნდა აღსრულდეს:

ა) სამრევლო ტაძარში,²⁸⁸ სათანადო წესით ნაკურთხ ტრაპეზზე;

ბ) მართლმადიდებელი მღვდელმსახურის, დიდად სასურველია ცოლიანი მღვდლის მიერ (რუის-ურბნისის კრების მე-7 კანონი);

გ) ლიტურგიკულად სათანადო დროს, ესე იგი, როგორც ზემოთაც აღინიშნა, დაუშვებელია მარხვების დროს და მიზანშეწონილი არ არის უდიდესი საეკლესიო დღესასწაულების დღეებში (შობიდან ნათლისღებამდე, ბრწყინვალე შვიდეულში და ა.შ.);

დ) სულ ცოტა ორი მეფჯარის თანდასწრებით. აქვე უნდა აღინიშნოს, რომ საეკლესიო კანონებით **მეფჯარეობა ნათესაობას არ წარმოშობს.**

საეკლესიო ქორწინების აღსრულებისათვის წარმოითქმის სიტყვები **„გვირგვინოსან იქმნების მონა ღმრთისა (სახელი) და მხევალი ღმრთისა (სახელი)“**, რა დროსაც მექორწინეებს დაედგმით თავზე გვირგვინი.²⁸⁹ საგულისხმოა, რომ მეორე და მესამე ქორწინების დროს გვირგვინის კურთხევა არ აღესრულება (იხ. *ბასილი დიდის* მე-4 კანონი).

ზ) მეორე და მესამე ქორწინება. *ბასილი დიდის* დიოდორესადმი კანონიკური ეპისტოლის თანახმად, „მეორე ქორწინება სიძვის შეწყვეტას წარმოადგენს და არა სიბილნის მიზეზს, ვინაიდან საღმრთო წერილი ამბობს; „თუ თავშეკავება არ შეუძლიათ, იქორწინონ“ (1 კორ. 7:9).²⁹⁰

რაც შეეხება მესამე ქორწინებას: იმავე *ბასილი დიდის* განწყობით „მესამე ქორწინება, კანონის მიხედვით, არ შედგება. ასეთებს ვთვლით ეკლესიის ლაქად და ბინად. მაგრამ საერთო სახალხო განსჯის საგნად არ ვაქცევთ, რადგან ისინი უკეთესად

²⁸⁸ ტაძრების სახეების შესახებ იხ. შემდეგი თავი.

²⁸⁹ პროტოპრესვიტერი *მიხეილ პომა ზანსკი*, დასახ. ნაშრომი, 271

²⁹⁰ დიდი სჯულის კანონი, 384

იქცევინ, ვიდრე აშკარა სიძვის მოქმედნი“ (50-ე კანონი).²⁹¹

ეკლესია მეორე ქორწინებას უშვებს გამონაკლისის, ხოლო მესამე ქორწინებას — უკიდურესი გამონაკლისის სახით, მიიჩნევს მათ ადამიანური სისუსტის გამო გადადგმულ ნაბიჯად და არ აკურთხებს მათ გვირგვინოსნებით. მეოთხე ქორწინება კი გამორიცხულია.

თ) ქორწინების კანონიკური შედეგები. საეკლესიო სამართლის კანონებით, მას შემდეგ, რაც დასაქორწინებულ პირებზე აღესრულება ქორწინების (ჯვრისწერის) საიდუმლო, ისინი შეერთდებიან ცოლ-ქმრად, „ერთ სულ და ერთ ხორც“ და წარმოიქმნება ქრისტიანული ოჯახი, რომელსაც, როგორც ზემოთ აღინიშნა, ეწოდება „მცირე ეკლესია“.

საეკლესიო სწავლების შესაბამისად, ქორწინების აღსრულების შემდეგ:

ა) ოჯახის თავი ხდება ქმარი (ეფ. 5:23-25), რომელიც მონოდეულია შეიყვაროს თავისი მეუღლე ისე, როგორც ქრისტეს უყვარს ეკლესია;

ბ) ყალიბდება „სრული და თანაბარუფლებიანი თანაზიარობა ყველაფერში, რაც კი მიემართება ცხოვრებისეულ სულიერ და ხორციელ ურთიერთობას“,²⁹² თანახმად *პავლე მოციქულის* სიტყვებისა: „ცოლი როდია თავისი სხეულის უფალი, არამედ — ქმარი, და არც ქმარია თავისი სხეულის უფალი, არამედ — ცოლი“ (1 კორ. 7:3);

გ) წარმოიშვება მეუღლეთა შორის ურთიერთპატივისცემის და ურთიერთთანადგომის ვალდებულება;

დ) შვილების დაბადების შემდეგ, მეუღლეებს წარმოიშვებათ მათი აღზრდის, მოვლის და რჩენის ვალდებულება (ღანგრის კრების მე-15 კანონი);

ე) შვილებსაც, ანალოგიურად, წარმოეშვებათ მშობელთა მიმართ პატივისცემის ვალდებულება (ღანგრის კრების მე-16 კანონი);

ვ) საეკლესიო-საქორწინო ურთიერთობები გრძელდება ერთ-ერთი მეუღლის გარდაცვალებამდე (რომ. 7:2), მისი დაღვევის უფლება არ აქვს არავის (მთ. 19:6), გარდა სჯულით

291 იქვე, 371

292 პანაოტის ბუმისი, დასახ. ნაშრომი, 111

გათვალისწინებული შემთხვევებისა (მთ. 5:32), ხოლო იმქვეყნად საქორწინო ურთიერთობები აღარ გრძელდება (მთ. 23:30).

ზ) წარმოიშვება **დამოყვრებითი** ნათესაობა ქმრისთვის ცოლის სისხლით ნათესავეების მიმართ, ცოლისთვის ქმრის სისხლით ნათესავეების მიმართ და ცოლ-ქმრის სისხლით ნათესავეებს შორის, ერთმანეთში.

ი) **განქორწინება**. ქრისტიანებს მართებთ, რომ სიცოცხლის ბოლომდე უერთგულონ მეუღლეებს და ამით სრულ-ჰყონ თავიანთი ქრისტიანული ცხოვრება. ამიტომაც, ქორწინების დარღვევა არ არის მისაღები ეკლესიისთვის, თუმცა დაშვებულია, როგორც **გამონაკლისი**. საღმრთისმეტყველო მოძღვრებით „ეკლესია მხოლოდ გამონაკლის შემთხვევაში იძლევა თანხმობას - დაირღვეს ქორწინება. ეს ძირითადად მაშინ ხდება, როდესაც ქორწინება უკვე მრუშობით შეიბიღა ანდა ცხოვრებისეულ გარემოებათა გამო დაირღვა (როცა ერთ-ერთი მათგანი უგზოუკვლოდ არის დაკარგული მრავალი წლის განმავლობაში)“.²⁹³

საეკლესიო კანონების თანახმად, არსებობს ორი შემთხვევა, როდესაც ეკლესია უშვებს ქორწინების დარღვევას:

ა) მრუშობა (*ბასილი დიდის მე-9 კანონი*);

ბ) მეუღლის უგზო-უკვლოდ დაკარგვა (მეხუთე-მეექვსე მსოფლიო კრების 93-ე კანონი).

საგულისხმოა, რომ, როგორც ბულგარელი კანონისტი, დოც. **დილიან ნიკოლჩევი** აღნიშნავს, „სხვა მიზეზები, რომლებიც აკანონებენ განქორწინებას, მსოფლიო ეკლესიის კანონებში კონკრეტულად მითითებული არ არის. თუმცა არსებობს კანონები, სადაც მოცემულია მიზეზები, რომლის დროსაც განქორწინება დაუშვებელია“.²⁹⁴ აღნიშნულის **დასტურად დ.ნიკოლჩევი** უთითებს *ბასილი დიდის მე-9 კანონს* (სადაც საუბარია **ქონებრივი ზარალის** გამო მეუღლის მიტოვებაზე) და *ტიმოთე ალექსანდრიელის მე-15 კანონს* (სადაც საუბარია მეუღლის **სულიერი ავადმყოფობის** გამო მასთან განშორებაზე).

პროფ. პანაიოტის ბუმისის მიერ განქორწინების საფუძ-

293 პროტოპრესვიტერი *მიხეილ პომაზანსკი*, დასახ. ნაშრომი, 272

294 *Дилян Николчев*. Брак, развод и последващ брак в Православната църква, канонично изследване, София, 2007, 205

ვლებთან დაკავშირებით შედგენილი ჩამონათვალიდან²⁹⁵ შეიძლება შემდეგი **ლოგიკური მსჯელობის** ამოკითხვა: რამდენადაც მრუშობა თავის თავში, სიძვისგან განსხვავებით, მოიცავს არა მხოლოდ უკანონო სქესობრივ კონტაქტს, არამედ მეუღლეობრივ ღალატს, განქორწინების სახარებისეული საფუძველი, რომელიც მრუშობიდან გამომდინარეობს, ფართო განმარტებით შესაძლებელია გაგებულ იქნეს, როგორც მეუღლის ღალატის ნებისმიერი ფორმა. სხვაგვარად რომ ითქვას, **თუკი მეუღლეთა შორის ერთ-ერთმა უღალატა მეორეს, რაც გამოიხატა ნებისმიერ იმ მოვალეობის აღსრულებაზე შეგნებულად უარის თქმით, რასაც მას ქრისტიანული მოძღვრება და საეკლესიო კანონები აკისრებენ, შეიძლება ჩაითვალოს განქორწინების საფუძველად.**

ქორწინების შეწყვეტის საფუძველთა შორის ერთ-ერთი, თუმცა სპეციფიკური საფუძველია მეუღლის მიერ **სამონაზვნო ცხოვრების** არჩევა. ახალატქმისეული სწავლებით მონაზვნობა აღმატებულია ერისკაცობაზე (1 კორ. 7:7), თუმცა თუკი ადამიანი ქორწინებაში იმყოფება, მაშინ მის მიერ სამონაზვნო ცხოვრების არჩევა არ უნდა იყოს დაკავშირებული მეუღლის, შვილის ან მშობლის პატივისცემისა და მოვლა-პატრონობის **უარყოფასთან და თავის არიდებასთან და, რა თქმა უნდა, შეთანხმებულ უნდა იქნეს მეუღლესთან.** მხოლოდ ამ შემთხვევაში იქნება სამონაზვნო ცხოვრება ღმრთისათვის მოსაწონი, ხოლო განქორწინება — კანონიკურად სწორად შესრულებული.

განქორწინების შემდეგ ყოფილი მეუღლეები მონოდებული არიან, რომ **ალადგინონ** საქორწინო ურთიერთობები, ხოლო დამოყვრებითი ნათესაობა, როგორც აღინიშნა, **გრძელდება** შეუზღუდავად.

²⁹⁵ პანაიოტის ბუმისი, დასახ. ნაშრომი, 113-114

თავი 2. საეკლესიო ქონება და მისი მართვა

ა) საეკლესიო ქონების სახეები და წარმომავლობა. ეკლესია, როგორც ეს არაერთხელ აღნიშნა, ღმერთკაცობრივი ინსტიტუტია. დედამიწაზე. შესაბამისად, იგი მოწოდებულია, რომ მისდიოს სახარებისეულ სწავლებას და იქონიოს მხოლოდ საარსებოდ საჭირო ნივთები (ლკ. 9:3), თუმცა, რამდენადაც ეკლესია „თავისი ადამიანური ბუნების გამო იმყოფება დედამიწაზეც, ამიტომაც, ეკლესია ჩართულია ჩვეულებრივ ცხოვრებისეულ პირობებში და მიწიერ საშუალებებზე აქვს ბუნებრივი მოთხოვნილება“.²⁹⁶ აღნიშნულის გათვალისწინებით აიხსნება ის, რომ ეკლესიას გააჩნია ქონება.

რაც შეეხება იმას, თუ როგორ ესადაგება საეკლესიო ქონების ფლობა სახარების სწავლებას, პროფ. *პანაიოტის ბუმისი* მართებულად აღნიშნავს: „ზემოთნარმოდგენილი ადგილი არ ნიშნავს იმას, რომ ეკლესიას უნდა აკლდეს აუცილებელი ნივთიერი საშუალებები; არამედ ეს ნიშნავს, რომ არ უნდა მძლავრობდეს ეკლესიასა და მის მკვიდრებზე ვერცხლის მოყვარებისა და მიმხვეჭელობის ვნება, რაც არის კერპთაყვანისმცემლობის სახე“.²⁹⁷

საეკლესიო ქონების დაყოფასთან დაკავშირებით, კანონიკურ ლიტერატურაში არცთუ ბოლომდე შეთანხმებული პოზიციაა. ეპისკოპოს *ნიკოდიმის (მილასში)* მოსაზრება აღნიშნულ საკითხზე შემდეგნაირია: „საეკლესიო-იურიდიულ წყაროებში საეკლესიო ნივთები დაყოფილია ორად: ა) **წმიდა** ნივთები (πράγματα ιερά)²⁹⁸, რომლებიც გამოიყენება უშუალოდ ღმრთისმსახურებისათვის და ბ) **ნაკურთხი** ნივთები (πράγματα άγια)²⁹⁹ — ეკლესიის ქონება, რისი მეშვეობითაც ხორციელდება საეკლესიო მთლიანი ხარჯის დაფარვა“.³⁰⁰ ანალოგიურ მოსაზრებას ავითარებს, თუმცა თითოეულ მათგანს უფრო ზედმიწევნითად განმარტავს ასევე, მიტროპოლიტი *პანტელეიმონი*ც (*როდოპუ-*

²⁹⁶ Протоиерей *Владислав Цыпин*, დასახ. ნაშრომი, 588

²⁹⁷ *პანაიოტის ბუმისი*, დასახ. ნაშრომი, 176

²⁹⁸ ქართულად ითარგმნება, როგორც „სამღვდელო (ან წმიდა) ნივთები“.

²⁹⁹ ქართულად ითარგმნება, როგორც „წმინდა (ან განწმედილი) ნივთები“.

³⁰⁰ *Никодимъ*, Епископъ Далматинскій, д-ръ богословія, Православное церковное право, СПб, 1897, 517

ლოსი), რომელიც აღნიშნავს, რომ „საეკლესიო საკუთრების ნივთები იყოფა:

1. **წმიდად**, ესე იგი ისინი, რომლებიც გამოიყენება მხოლოდ საღმრთისმსახუროდ: ესენიც შემდგომ ორად იყოფიან, რომელთაგან ერთია **განკუთვნილი საგანგებოდ** საეკლესიო წესებისთვის და აღბეჭდილია წმიდა მრონით (ეკლესია, წმინდა ტრაპეზი, ოდიკი, წმინდა ჭურჭელი და სხვა) და რომლებიც **უბრალოდ განწმენდილია** კურთხევით ან რომელიმე წმინდა, განწმედილ ადგილას მოთავსებით (საღმრთისმსახურო ნიგნები, შესამოსელი, ხატები და სხვა).

2. **განწმედილი** ნივთები, ესე იგი ყველაფერი დანარჩენი (ავეჯი, უძრავი ნივთები და სხვა).³⁰¹

საეკლესიო ქონებასაც ორ ჯგუფად, ხოლო თავის მხრივ, წმიდა, საღმრთისმსახურო ნივთებსაც ორ ჯგუფად ჰყოფს პროფ. *პანაიოტის ბუმისიცი*:

„**საღმრთისმსახურო ეწოდება** იმ ნივთებს, რომლებსაც იყენებენ მხოლოდ და მხოლოდ ღმრთისმსახურების დროს. საღმრთისმსახურო ნივთები იყოფა: 1) **ეპისკოპოსის მიერ საგანგებო** მსახურებით და წმიდა ზეთით ნაკურთხი ნაგებობანი, ასევე წმიდა ნივთები (მაგ. წმიდა ტრაპეზი და ოდიკი) და 2) **მღვდლის მიერ ნაკურთხი** ნივთები, წმიდა ტაძარში მათი შემოტანითა და განთავსებით განწმედილი ნივთები (ასეთია, მაგ. საღმრთისმსახურო ნივთები, ლიტურგიკული ნიგნები, შესამოსელი და სხვ.)“.³⁰² რაც შეეხება საეკლესიო **სახმარ** ნივთებს, იგი „ეწოდება ყველა სახის საეკლესიო „სახმარს“ საქონელს, ნივთს, მოძრავსა (მაგ. ავეჯი) და უძრავს (მაგ. სახლები, მიწის ნაკვეთები), რომლებიც **განკუთვნილია ეკლესიის მიზანთა აღსრულებისათვის**, ანუ ღმრთისმსახურების ხარჯთა შედგენისა და დაფარვისათვის. მათ **ეწოდებათ** წმინდა, **ნაკურთხი, იმიტომ, რომ** საეკლესიო მიზნისთვის არიან განკუთვნილი“.³⁰³

საგულისხმოა, რომ ამ საკითხებს ეხება საქართველოს სახელმწიფოსა და საქართველოს სამოციქულო ავტოკეფალურ მართლმადიდებელ ეკლესიას შორის **კონსტიტუციური შე-**

301 Prof. Dr. *Panteleimon Rodopoulos*, დასახ. ნაშრომი, 182

302 *პანაიოტის ბუმისიცი*, დასახ. ნაშრომი, 171

303 იქვე

თანხმებაც, კერძოდ ტერმინთა განმარტების 23-ე, 25-ე და 26-ე პუნქტები.

23-ე პუნქტის თანახმად **საეკლესიო ნივთი** არის საღმრთისმსახურო და სულიერი დანიშნულების საგნები. სულიერი დანიშნულების საგანი ტექსტში განმარტებული არ არის. ხოლო რაც შეეხება საღმრთისმსახურო საგნებს, ისინი თავის მხრივ იყოფა საღმრთისმსახურო ქონებად და საღმრთისმსახურო პროდუქციად და საღმრთისმსახურო პროდუქცია მოიცავს საღმრთისმსახურო ნივთებსაც.

საღვთისმსახურო ქონებაა: ტაძრები, მონასტრები, საეკლესიო დანიშნულების ნაგებობანი, წმინდა ნაწილები, წმინდა რელიკვიები, საეკლესიო ნივთები.

საღვთისმსახურო (საეკლესიო) პროდუქციაა:

ა) ეკლესია-მონასტრები და საეკლესიო დანიშნულების ნაგებობანი (*კათოლიკოს-პატრიარქის ან მღვდელმთავრის რეზიდენციები, სასულიერო სასწავლებლები*), — მათი პროექტირება, არქეოლოგია, მშენებლობა, რესტავრაცია-კონსერვაცია;

ბ) საეკლესიო მხატვრობა;

გ) საეკლესიო-საღვთისმსახურო ნივთები (*ბარძიმ-ფეშხუმი, ლახვარი, სანიწილე, ოდიკი, გარდამოხსნა, ემბაზი, ანალოლია, შანდალი, ტაკუკი, ვარსკელავი, საცეცხლური, სასაკმეველე, კიოტი, საეკლესიო ნახშირი, სკვნილი, კვერთხი, პანალია, სუდარა, სანათლავი, კვართი, სარტყელი, საეკლესიო სამშვენისი, ნაკურთხი წყლის, ღვინის, მინის, ზეთისა და მირონის ჭურჭელი*); ხატი, ჯვარი, საეკლესიო სანთელი, საღვთისმსახურო (*სარიტუალო*) ღვინო, საკმეველი, საკანდელე ზეთი, წმინდა წყალი, სეფისკვერი (*სარიტუალო პური*);

დ) სასულიერო პირის შესამოსელი;

ე) მომლოცველობა;

ვ) საღვთისმეტყველო-საღვთისმსახურო და სასულიერო საგანმანათლებლო ლიტერატურა, ასევე ამ დანიშნულების ტელე-, კინო-, ვიდეო-, აუდიო- და რადიოპროდუქცია.

ამდენად, საეკლესიო ნივთები იყოფა ორ ნაწილად: პირველს შეადგენენ საღმრთისმსახურო ნივთები, რომლებიც, თავის მხრივ, იყოფიან წმიდა მირონით ნაკურთხ და საგანგებოდ განწმენდილ ნივთებად და სხვა საღმრთისმსახურო

ნივთებად, ხოლო მეორეს შეადგენენ საეკლესიო წმინდა ნივთები, ანუ ის ნივთები, რომლებსაც ეკლესია იყენებს თავისი მიზნებისათვის.

რაც შეეხება საეკლესიო ქონების **წარმომავლობას**, იგი არსებითად არ განსხვავდება სამოქალაქო ბრუნვაში მიღებული ნივთების წარმომავლობისაგან. მთავარი განმასხვავებელი ნივთს ენიჭება მას შემდეგ, რაც ეკლესია თავისი **ლოცვით განმმედს** მას და ამრიგად, გადასცემს თავის მადლს. აღნიშნულის შედეგად ჩვეულებრივი ნივთი შეირაცხება საეკლესიო ქონებად და თავისი ბუნებიდან და შინაარსიდან გამომდინარე ჩაითვლება საღმრთისმსახურო თუ წმინდა ნივთად, თუმცა მათი შექმნის და სამოქალაქო ბრუნვაში მოძრაობის წესი საერო კანონმდებლობისთვის არ განსხვავდება სხვა ნივთებისგან. შესაძლებელია, სახელმწიფომ ეკლესიას დაუწესოს მთელი რიგი შეღავათები,³⁰⁴ მაგრამ მათი შექმნა და სამოქალაქო კოდექსით გათვალისწინებული სანივთო უფლებების გამოყენება ჩვეულებრივი წესით ხორციელდება.

საეკლესიო ნივთების განხილვისას, ცალკე გამოიყოფა ტაძრების კლასიფიკაციის საკითხი. თავის მხრივ, **ტაძარი სამლოცველოსგან იმით განსხვავდება, რომ ტაძარში, კერძოდ, მის აღმოსავლეთ ნაწილში მდებარეობს წმიდა ტრაპეზი, ანუ მართკუთხა ფორმის მაგიდა, რომელზეც აღესრულება საღმრთო წირვა და სხვა მნიშვნელოვანი საეკლესიო მსახურებები.** წმიდა ტრაპეზის მდებარეობის ადგილს **საკურთხეველი** ეწოდება და იგი სპეციალური კედლით, **კანკელით**, გამოყოფილია დანარჩენი ტაძრისგან.

ტაძრები იყოფა დანიშნულების მიხედვით³⁰⁵ შემდეგ ჯგუფებად და ქვეჯგუფებად:

- ა) **საერთო-საჯარო დანიშნულების და**
- ბ) **კერძო დანიშნულების.**

საერთო-საჯარო დანიშნულების ტაძრები თავის მხრივ იყოფა:

304 მაგალითად, საქართველოს საგადასახადო კოდექსის 99-ე და 168-ე მუხლები ათავისუფლებენ საქართველოს საპატრიარქოს ცალკეული საეკლესიო ნივთების წარმოებისა და რეალიზაციიდან გამომდინარე წარმომოზილი გადასახადებისგან.

305 ამ საკითხზე იხ. *პანაიოტის ბუმისი*, დასახ. ნაშრომი, 172-173

ა) **სამრევლო** ტაძრებად, რომლებიც ენოდებათ საერო პირებით დასახლებულ პუნქტში ან პუნქტთან ახლოს მდებარე, საერთო მისასვლელის მქონე ტაძრებს, რომლებიც განკუთვნილია ერისკაცთა სულიერი მოთხოვნილებების **სრულად** დასაკმაყოფილებლად; და

ბ) **სამონასტრო** ტაძრებად, რომლებიც ენოდებათ მონასტრის, ესე იგი მონაზონთა სავანის ტერიტორიაზე მდებარე ტაძრებს. სამონასტრო ტაძარში შეიძლება დაწესდეს საერო პირთა მისვლის შეზღუდვა როგორც დროის (დღე-ღამის ზოგიერთ მონაკვეთში), ისე *სქესის* (მხოლოდ მამაკაცთათვის ან ქალთათვის) ან *ღმრთისმსახურების* (მაგალითად, ჯვრისწერის საიდუმლოს შეზღუდვა) თვალსაზრისით.³⁰⁶ სამონასტრო ტაძართან მჭიდროდ არის დაკავშირებული **მეტოქიონი**, ანუ მთავარი სამონასტრო ტაძრის ერთგვარი წარმომადგენლობა, ფილიალი სხვა ეპარქიაში, ხოლო მეტოქიონთა შორის გამოჩენულია **სტავროპიგიალური ტაძარი**, რომელიც ენოდება ეკლესიის მეთაურის უშუალო დაქვემდებარებაში მყოფ ტაძარს, მისი მდებარეობის ეპარქიის მიუხედავად.

აქვე უნდა აღინიშნოს, რომ საქართველოს სამოციქულო მართლმადიდებელი ეკლესიის წმინდა სინოდის განჩინებით, ეპარქიაში მდებარე ერთ ან რამდენიმე სამრევლო ან სამონასტრო ეკლესიას ენიჭება **საკათედრო ტაძრის** სტატუსი. ეს სტატუსი კანონიკურად გულისხმობს, რომ აღნიშნულ ტაძარს უშუალოდ ხელმძღვანელობს ეპარქიის მმართველი ეპისკოპოსი, ტაძარში იდგმება **ტახტი**, ანუ **საყდარი** ეპისკოპოსისათვის და მცირედით იცვლება ლიტურგიკული განწყობა.

კერძო დანიშნულების ტაძრები თავის მხრივ იყოფა:

ა) **დანესებულებებთან** არსებულ ტაძრებად, რომლებიც ენოდებათ ცალკეულ სახელმწიფო და საზოგადოებრივ დანესებულებებთან არსებულ ტაძრებს, როგორებიცაა, მაგალითად, საქართველოს პარლამენტის, საქართველოს მთავარი პროკურატურის, ცალკეული საავადმყოფოების, თბილისის სახელმწი-

306 ლიტურგიკულად, თუკი ღმრთისმსახურება აღევლინება სამრევლო ტაძარში, მაშინ მშვიდობიანი კვერქსის დროს წარმოითქმის სიტყვების „წმიდისა ამის ტაძრისათვის...“, ხოლო თუ სამონასტრო ტაძარში, მაშინ — „წმიდისა ამის მონასტრისათვის“. ასევე განსხვავებულია მსგავსი ადგილები ღმრთისმსახურებისას სხვალოცვების წარმოთქმის დროს.

ფო უნივერსიტეტთან არსებული და სხვა ტაძრები. დასაშვებია, რომ დანესებულებებთან არსებულ ტაძრებამდე წვდომა აკრძალული ან შეზღუდული იყოს ცალკეული პირებისთვის, გამომდინარე დანესებულების სტატუსიდან;

ბ) **სასაფლაოებთან** არსებულ ტაძრებად, რომლებიც ენოდება ქრისტიანთა განსასვენებლად განკუთვნილ სასაფლაოებზე ან მათ მიმდებარედ აღმართულ ტაძრებს, რომელთა ფუნქციაა **მიცვალებულთა მსახურების** აღსრულება და ამიტომ მიზანშეწონილი არ არის მღვდელმსახური დანიშნული იყოს მხოლოდ სასაფლაოს ტაძარში, არამედ მახლობელი სამრევლო ან სამონასტრო ტაძრის სასულიერო პირი უნდა მოემსახუროს სასაფლაო ტაძარს;³⁰⁷

გ) **ეკედრებად**, ანუ რელიგიურად მნიშვნელოვან ადგილას აგებული მცირე ზომის ტაძრებად; და

დ) **ქტიტორულ**, ანუ პირად ტაძრებად, რომლებიც ენოდებათ მორწმუნე ადამიანების პირად, საოჯახო ტაძრებს. ასეთი ტაძრის მოვლა-პატრონობის და მასში საღმრთისმსახუროდ მოვლენილი სასულიერო პირის შენახვის **ხარჯებს იღებს** მისი მამშენებელი, ანუ ქტიტორი, ხოლო თუ ის ამას ვერ ახერხებს, იგი **გადადის** შესაბამისი ეპარქიის საკუთრებაში. საგულისხმოა, რომ ქტიტორული ტაძრების ტრადიცია საქართველოში ამჟამად მივიწყებულია.

ბ) **საეკლესიო ქონების მართვა**. საეკლესიო ქონების მართვის საკითხი მჭიდროდაა დაკავშირებული საეკლესიო ქონების არსის გააზრებასთან. რამდენადაც საეკლესიო-ქონებრივი რეგულაციები მთელ რიგ შემთხვევებში სპეფიციკურია და **განსხვავებული** ქონებრივი საკითხების საერო გაგებისგან, ეს განსხვავება თავის ასახვას ჰპოვებს საეკლესიო ქონების მართვის საკითხის გადანყვეტიასაც.

რამდენადაც საეკლესიო ქონების მესაკუთრე, ზოგადად, ეკლესიაა, ეკლესია ითვლება მისი ქონების უზენაეს მმართველად: „ეკლესიას ჰმართებს გულმოდგინედ, კეთილსინდისიერად და ყოვლისმხილველი და მსაჯული ღმრთის შეურყეველი რწმენით საეკლესიო ქონების შენახვა და კეთილად დაცვა“ (ან-

³⁰⁷ პანაიოტის ბუმისი, დასახ. ნაშრომი, 172

ტიოქიის 24-ე კანონი).³⁰⁸ მოყვანილი კანონის თანახმად, ეკლესია არა მხოლოდ მმართველია საეკლესიო ქონებისა, არამედ ქონების კეთილად გამოყენებისა და დაცვისათვის იგი პასუხს აგებს თავად ღმერთის წინაშე. ცხადია, ეკლესია, როგორც ერთიანი ორგანიზაცია უშუალოდ ვერ შეძლებს საეკლესიო ქონების მართვას, ამიტომაც, იმავე კანონმა ოდნავ ქვემოთ განსაზღვრა, რომ საეკლესიო ქონების „განგება, მოვლა-პატრონობა და გამოყენება შეიძლება იმ ეპისკოპოსის განსჯითა და უფლებით, რომელსაც ჩაბარებული ჰყავს მთელი ერი და იქ შეკრებილთა სულელები“. პათოსი, რომ ეპისკოპოსს, რომელსაც ეკლესიამ ადამიანთა სულელები ანდო, უფრო მეტად შეიძლება ანდოს საეკლესიო ქონების განმგებლობა, აღებულია მოციქულთა 41-ე კანონიდან: „ვბრძანებთ, რომ ეპისკოპოსს უნდა ჰქონდეს ძალაუფლება საეკლესიო ნივთებზეც, რადგანაც, თუ მას ჩაბარებული აქვს ადამიანის პატიოსანი სულელები, რამდენად უფრო ნივთებზე შეიძლება ამისი დაშვება, რათა თავისი ძალაუფლებით განაგოს მან ყველაფერი“.³⁰⁹

ამდენად, საეკლესიო კანონების თანახმად, საეკლესიო ქონებას მართავს ეპისკოპოსი.

აუცილებელია, აღინიშნოს, რომ საეკლესიო ქონების მართვა არ მოიცავს მისი განკარგვის სრულ უფლებამოსილებასაც, რაც იმ ხსენებული პრინციპიდან გამომდინარეობს, რომ საეკლესიო ქონების უზენაესი მმართველი თავად ეკლესიაა. „თუ საეკლესიო საკუთრების პირველ და ძირითად საფეხურზე მართვა-განმგებლობისათვის პასუხისმგებელია ეპისკოპოსი იმ ეპარქიისა, სადაც თავმოყრილია ზემოხსენებული საკუთრება, კანონები მას მაინც არ აძლევენ უფლებას, რათა იგი აბსოლუტურად და კატეგორიულად განაგებდეს საეკლესიო საკუთრებას“.³¹⁰

საეკლესიო ქონების მართვის შეზღუდვა უმთავრესად მოიცავს ეკლესიის მიერ წმიდად შერაცხული ნივთების გასხვისების აკრძალვას. მოციქულთა 73-ე კანონის თანახმად აღნიშნული ქმედება ურჯულოებად ჩაითვლება. იმავეს ადგენს რუის-ურბნისის ძეგლიწერის მე-6 კანონიც: „სამღვდელო

³⁰⁸ დიდი სჯულისკანონი, 95

³⁰⁹ დიდი სჯულისკანონი, 56

³¹⁰ პარათოსის ბუძისი, დასახ. ნაშრომი, 180

ჭურჭლისა და ღმრთისადმი შეწირულ სინმიდეთა შესახებ, როგორცაა ბარძიმ-ფეშხუეში, სამწერობელი, ყოველივე ეკლესიისათვის შეწირული და ერთხელ ღმრთისადმი მიცემული ოქრო, ვერცხლი, თვალ-მარგალიტი, მინა, სტავრა, სირმით ნაქსოვი, სპილენძი, რკინა, ხე, თიხა, ქვა, — ვადგენთ წმინდა კანონთა მიხედვით, რომ არავის მიეცეს მათი ხმარების უფლება, ტყვევითა გამოსასხენელადაც კი, გინდ უქმად და უხმარად ეწყოს და ფებით სათელად ეყაროს ეკლესიის საგანძურში“.³¹¹ სხვა შემთხვევებში საეკლესიო ნივთების და, განსაკუთრებით, საეკლესიო შემოსავლის განაწილება ან გასხვისება დასაშვებია.

ეპისკოპოსი *ნიკოდიმი (მილაში)* აღწერს რა ეკლესიის მიერ პირველ საუკუნეებში საეკლესიო ქონების განკარგვის შემთხვევებს, აღნიშნავს, რომ შემონირულობით მიღებულ ქონებას **ეპისკოპოსი სამნაირად ანაწილებდა**: „შემონირულობათა ერთ ნაწილს ის მიზნობრივად იყენებდა ღმრთისმსახურებისა და აღნიშნულის მიზნით არსებული ფართობისათვის. მეორე ნაწილს ის ახმარდა საკუთარი თავის და სასულიერო დასის შენახვას, ხოლო მესამეს — ეკლესიის ღარიბ წევრთა თანადგომას“.³¹² საეკლესიო კანონები იზიარებს ამგვარ მიდგომას, რომ არააკრძალული ნივთები და შემოსავალი ეპისკოპოსმა **მოახმაროს** სასულიერო პირთა შენახვის და გაჭირვებულთა თანადგომის საქმეს: „მოიხმაროს ყველაფერი თავისი აუცილებელი საჭიროებისამებრ და აგრეთვე უცხო ძმებსაც მოახმაროს, რათა მათ არ მოინაკლისონ არანაირი მხრივ“ (მოციქულთა 41-ე კანონი). იმავეს ადგენს ანტიოქიის 25-ე კანონიც: „ეპისკოპოსი... უნდა განაგებდეს მას და უნაწილებდეს ყველა მათგანს ღმრთის შიშით და კრძალვით. თვითონაც შეუძლია აიღოს იქიდან, თუ დასჭირდება, მოიხმაროს საჭიროებისამებრ სათანადო ნაწილი და მოახმაროს მასთან მისულ უცხო ძმებს, რომ არაფერი აკლდეს მათ არანაირი სახით“.

ეპისკოპოსს, ამდენად, საეკლესიო ქონებისა და შემოსავლის **განმგებლობისათვის მართებს**:

ა) პირადი ქონება გამიჯნული ჰქონდეს საეპარქიო ქონებისგან (მოციქულთა მე-40 კანონი);

311 დიდი სჯულისკანონი, 442

312 *Никодимъ*, Православное церковное право, დასახ. ნაშრომი, 537

ბ) სასულიერო დასს გაუყოს საეკლესიო შემოსავალი (მოციქულთა 41-ე და ანტიოქიის 25-ე კანონები);

გ) საჭიროებისამებრ მოიხმაროს საეკლესიო ქონება (ანტიოქიის 25-ე);

დ) დაიცვას და არ შებლалოს საეკლესიო-სალმრთისმსახურო ნივთები (მოციქულთა 73-ე და რუის-ურბნისის მე-6 კანონები);

დე) არ მოახმაროს ქონება თავის ნათესავეებს და ახლობლებს;

ე) ყოველივე განაგოს და განახორციელოს ღმრთის მოშიშებით.

იმ შემთხვევაში, თუკი საეპარქიო საყდარი დაქვრივებულია:³¹³

ა) ეპარქიის სამღვდელთა დასი ვალდებულია მოუაროს საეკლესიო ქონებას და დაახვედროს ახალ ეპისკოპოსს. თუ ეპარქიაში სასულიერო პირი აღარ არის, ამის ვალდებულება გადადის ეკლესიის მეთაურზე (მეხუთე-მეექვსე მსოფლიო კრების 35-ე კანონი);

ბ) მღვდლებს ეკრძალებათ საეკლესიო ქონების გასხვისება (ანკვირიის მე-15 კანონი);

გ) საეკლესიო შემოსავალი არ ნაწილდება და ინახება ახალი ეპისკოპოსის დადგინებამდე (მეოთხე მსოფლიო კრების 25-ე კანონი).

საქართველოს ეკლესიის მართვა-გამგეობის დებულების XII თავის §9, §10 და §21-ის თანახმად მათდამი რწმუნებულ საეკლესიო ქონებას, აგრეთვე, მართავენ სამრევლო ტაძრებისა და მონასტრების წინამძღვრები.

რაც შეეხება საეკლესიო ქონების მართვის მიმართებას საერო კანონმდებლობასთან, „დღესდღეობით საეკლესიო ქონების მართვა წესრიგდება თითოეული ავტოკეფალური ეკლესიის შესაბამისი დებულებებით და სახელმწიფო კანონების შესაბამისად“.³¹⁴ აღნიშნულის მსგავსად, საქართველოს ეკლესიის მართვა-გამგეობის დებულების XII თავის §19-ის შესაბამისად

313 „საყდარი დაქვრივებული“ — კანონიკურად აღნიშნავს შემთხვევას, როდესაც მოქმედ ეპარქიას/სამღვდელთაგან საყდარს აღარ ჰყავს ეპისკოპოსი, უმეტესწილად მისი გარდაცვალების გამო. თუმცა, ეს გამოთქმა ზოგჯერ გამოიყენება ეპარქიის უეპისკოპოსოდ დარჩენის სხვა შემთხვევების დროსაც.

314 Prof. Dr. Panteleimon Rodopoulos, დასახ. ნაშრომი, 182

„საეკლესიო ქონების მართვა და განკარგვა ხდება საეკლესიო კანონების, სახელმწიფოში მოქმედი კანონმდებლობის და „საქართველოს ავტოკეფალური მართლმადიდებელი ეკლესიის მართვა-გამგეობის დებულების“ თანახმად“.

ქარი VI

ეკლესიის და სახელმწიფოს ურთიერთობა

ეკლესიისა და სახელმწიფოს ურთიერთობა სამართლებლოში

ა) ქრისტიანული სწავლება ეკლესიისა და სახელმწიფოს ურთიერთობათა შესახებ. ეკლესიისა და სახელმწიფოს ურთიერთობები და მათი რეგლამენტაცია მნიშვნელოვანი საკითხია საეკლესიო სამართალში. ზოგადად, ეკლესიისა და სახელმწიფოს კავშირის და თანამშრომლობის განხილვისას უნდა ითქვას, რომ ეკლესიას და სახელმწიფოს აქვთ საერთო და განმასხვავებელი მახასიათებლები.

ეკლესიისა და სახელმწიფოსათვის **საერთოა** შემდეგი:

ა) უპირველესად ის, რომ ორივე — ეკლესიაც და სახელმწიფოც ძალაუფლებას იღებს ღმრთისგან,³¹⁵ ეკლესია არის ღმრთის მიერ დაფუძნებული და სახელმწიფო — ადამიანთა მიერ, თუმცა ძალაუფლება, თანახმად სახარებისეული სწავლებისა, ორივეს აქვს ღმრთისგან (ინ. 19:13);

ბ) მეორე საერთო მახასიათებელია ის, რომ ეკლესიის მრევლი სახელმწიფოს მოქალაქეები არიან, ხოლო სახელმწიფოს მოქალაქეების ნაწილი — ეკლესიის მრევლი, ანუ ეკლესიასაც და სახელმწიფოსაც მართებთ იზრუნონ ერთი და იმავე ადამიანების სულიერ და ხორციელ კეთილდღეობაზე.

ეკლესიისა ასევე ითვალისწინებს შემდეგ **განსხვავებებს** სახელმწიფოსა და მას შორის, რაც საეკლესიო მოძღვრებიდან და სამართლიდან მომდინარეობს:

ა) ეკლესია არის **მარადიული**, მთელი დედამიწის **მომცველი** ორგანიზაცია, რომელიც უშუალოდ ღმრთის მიერ არის დაარსებული, სახელმწიფოები კი **მრავლად** არსებობენ, **იცვლიან** ტერიტორიებს, ფორმაციებს და სხვა მახასიათებლებს, დაარსებით კი ისინი ღმრთის დაშვებით ადამიანთა მიერ იქმნება;

ბ) ეკლესიას და სახელმწიფოს, მსგავსად საეკლესიო და საერო სამართლისა, როგორც საერო და საეკლესიო სამართლის საკითხებზე მსჯელობისას აღინიშნა, **არ აქვთ ერთი და იგივე მიზნები**: ეკლესია დაარსებული და მოწოდებულია ადამიანთა საცხოვრებლად, მათი მარადიული სიცოცხლისათვის გზის განმსაზღვრელად, ხოლო სახელმწიფო — მოქალაქეთა მშვიდობიანი

315 Prof. Dr. *Panteleimon Rodopoulos*, დასახ. ნაშრომი, 205

და კეთილდღეობითი ცხოვრებისათვის.

ზემოაღნიშნულიდან გამომდინარე, სახელმწიფოსა და ეკლესიის მშვიდობიანი ურთიერთობისათვის მნიშვნელოვანია, რომ **გაიმიჯნოს** საეკლესიო და საერო საქმეები და არ მოხდეს მათი ურთიერთაღრევა ან ურთიერთშერწყმა. თავად ეკლესია, რომელიც თავს მიიჩნევს ღმერთკაცობრივ ინსტიტუტად, ანუ უზენაესის მიერ შექმნილ ორგანიზაციად, სახელმწიფოს **არ მოუნოდებს** მორჩილებისაკენ, აღასრულებს რა ეკლესიისა და სახელმწიფოს ურთიერთობათა „ოქროს ფორმულად“ წოდებულ სიტყვებს: „მიაგეთ კეისარს კეისრისა, ხოლო ღმერთს — ღმრთისა“ (მთ. 22: 17, 21).

ეკლესიისა და სახელმწიფოს ურთიერთობებში **დაქვემდებარებისა** (ცეზაროპაპიზმი და პაპოცეზარიზმი) და **პარალელიზმის** ფორმებს შორის, მართლმადიდებელი ეკლესია, ბუნებრივია, უპირატესობას ანიჭებს პარალელიზმს, ანუ ეკლესიისა და სახელმწიფოს თანასწორობას და ურთიერთაწარუხლებლობას.³¹⁶

ეკლესიისთვის მნიშვნელოვანია, რომ იგი არსებობდეს მშვიდობიანი ცხოვრების პირობები იყო სახელმწიფოში, რათა ყოველი ქრისტიანი „მართლითა სარწმუნოებითა და კეთილმსახურებითა ცხოვრობდეს“.³¹⁷ ხოლო იმისათვის, რომ ქრისტიანები არ ყოფილიყვნენ შფოთისა და არეულობის ხელშემწყობნი, მართებულად აღნიშნავს საეკლესიო სამართლის ახალგაზრდა მკვლევარი *ოთარ მაჩაიძე*, რომ „მოციქულები ქრისტიანებს ხელისუფლებისადმი მორჩილებას ასწავლიდნენ იმის მიუხედავად, თუ რა დამოკიდებულება ჰქონდა თვით ხელისუფლებას ეკლესიასთან“.³¹⁸

ყოველივე ზემოთქმულიდან გამომდინარე, უნდა აღინიშნოს, რომ ყოველ მართლმადიდებელ ქრისტიანს მართებს, სახელმწიფოსთან და საერო ხელისუფლებასთან ურთიერთობისას მისდიოს შემდეგ **სამ** წესს:

ა) აღიაროს ღმერთი, მისი მოძღვრება და წესები სახელმწი-

316 *პ.ბუმისი*, დასახ. ნაშრომი, 190-192

317 ციტატა დილის ლოცვითი კანონიდან: ლოცვა მთავრობისა და მხედრობისათვის

318 *ოთარ მაჩაიძე*, „ეკლესიისა და სახელმწიფოს ურთიერთთანამშრომლობის კანონიკურ-სამართლებრივი ანალიზი საქართველოს ეკლესიის 1748 წლის კრების მაგალითზე“ // უფრ. „სარჩევი“, 1-2 (3-4), 2012, 226

ფოზე უზენაესად (საქმ. 5:29);

ბ) აღიაროს ყოველი ხელისუფლება, როგორც ღმრთისაგან **დადგენილი ან დაშვებული** (რომ. 13:1) და **დაემორჩილოს** მას, იმის მიუხედავად, მოსწონს თუ არა (ინ. 19:11), **გარდა** იმ შემთხვევისა, როდესაც იგი ღმრთის მოძღვრებას **ენინააღმდეგება** (საქმ. 4:19);

გ) დადგენილი წესით მიაგოს მას პატივი (მოციქულთა 84-ე კანონი).

ბ) **კონსტიტუციური შეთანხმება საქართველოს სახელმწიფოსა და საქართველოს სამოციქულო ავტოკეფალურ მართლმადიდებელ ეკლესიას შორის**. საქართველოში ეკლესიასა და სახელმწიფოს შორის ურთიერთობებს განსაზღვრავს, ეკლესიის განსაკუთრებულ როლს საქართველოს ისტორიაში და ეკლესიისა და სახელმწიფოს გამიჯვნას ადგენს საქართველოს კონსტიტუციის **მე-9 მუხლი** და კონსტიტუციური შეთანხმება საქართველოს სახელმწიფოსა და საქართველოს სამოციქულო ავტოკეფალურ მართლმადიდებელ ეკლესიას შორის.

კონსტიტუციური შეთანხმება³¹⁹ საქართველოს პრეზიდენტისა და სრულიად საქართველოს კათოლიკოს-პატრიარქის მიერ ხელმოწერილ იქნა 2002 წლის 14 ოქტომბერს, **სვეტიცხოვლობის** დღესასწაულზე, დამტკიცებულ იქნა საქართველოს ეკლესიის წმ. სინოდის მიერ — იმავე წლის 17 ოქტომბერს, ხოლო საქართველოს პარლამენტის მიერ — იმავე წლის 22 ოქტომბერს.

კონსტიტუციური შეთანხმებით **მართლმადიდებლობა** აღიარებულია რელიგიად, რომელმაც ჩამოაყალიბა მრავალსაუკუნოვანი ქართული კულტურა, ეროვნული მსოფლმხედველობა და ფასეულობები.

მსგავსად საქართველოს კონსტიტუციისა, კონსტიტუციური შეთანხმებითაც სახელმწიფო და ეკლესია ადასტურებენ მზადყოფნას, ითანამშრომლონ **ურთიერთდამოუკიდებლობის პრინციპის** დაცვით, ქვეყნის მოსახლეობის საკეთილდღეოდ.

საგულისხმოა ისიც, რომ კონსტიტუციურმა შეთანხმებამ საქართველოს სამოციქულო მართლმადიდებელი ეკლესია აღიარა ისტორიულად ჩამოყალიბებულ **საჯარო სამართლის**

319 ოფიციალური ტექსტი იხ. სსმ, 116, 27/11/2002

იურიდიულ პირად, რომელიც თავის საქმიანობას წარმართავს საეკლესიო (კანონიკური) სამართლის ნორმებით.

ეკლესიისა და სახელმწიფოს ურთიერთობებში სპეციალური უფლებამოსილების გარეშე წარმოადგენენ: საეკლესიო კრება, საქართველოს კათოლიკოს-პატრიარქი, წმიდა სინოდი და საქართველოს საპატრიარქო (ქორეპისკოპოსისა და მდივნის სახით), ხოლო სამართლებრივ ურთიერთობებში უფლებამოსილებას ანიჭებს კათოლიკოს-პატრიარქი.

კონსტიტუციური შეთანხმებით საქართველოს კათოლიკოს-პატრიარქი ხელშეუვალად, ხოლო დიდი საეკლესიო დღესასწაულები და კვირა დასვენების დღეებად გამოცხადდა.

მნიშვნელოვანია ის, რომ საეკლესიო სამართლის მოთხოვნათა გათვალისწინებით, სახელმწიფო მხარს უჭერს აღსარებისა და საეკლესიო საიდუმლოს დაცვას. სასულიერო პირი ვალდებული არ გასცეს ინფორმაცია, რომელიც მას, როგორც სასულიერ მოძღვარს, გააჩნდეს ან მისთვის, როგორც სასულიერო პირისათვის, გახდა ცნობილი.

კონსტიტუციური შეთანხმების თანახმად, მართალია, აღიარებულია ეკლესიის მიერ შესრულებული **ჯვრისწერა**, თუმცა ხსენებულ სფეროში კანონმდებლობა არ არის დახვეწილი, რადგან სამართლებრივ ურთიერთობებში გამოიყენება ქორწინების სახელმწიფო რეგისტრაციის მონაცემები.

სახელმწიფომ გაითვალისწინა მოციქულთა 81-ე კანონი სასულიერო პირთა **საერო და სამხედრო** საქმიანობაში ჩარევის **აკრძალვის** თაობაზე და კონსტიტუციური შეთანხმების მე-4 მუხლით სასულიერო პირები გაათავისუფლა სამხედრო ვალდებულებისაგან. იმავე მუხლით განისაზღვრა, რომ უნდა შეიქმნას მოძღვრის ინსტიტუტი სამხედრო-საჯარისო ფორმირებებში, საპატიმროებსა და თავისუფლების აღკვეთის ადგილებში.

კონსტიტუციური შეთანხმებით საგანმანათლებლო დაწესებულებებში **მართლმადიდებელი სარწმუნოების შესახებ საგნის** სწავლა **ნებაყოფილობითია**. სასწავლო პროგრამების დადგენა, შეცვლა, პედაგოგთა დანიშვნა და გათავისუფლება ხდება ეკლესიის **წარდგინებით**. რაც შეეხება განათლების დამატურებელ დოკუმენტებს, სახელმწიფო და ეკლესია კანონმდებლობით განსაზღვრული წესით **ორმხრივად და გათანაბრე-**

ბულად აღიარებენ შესაბამისი სასწავლო დაწესებულებების მიერ გაცემულ განათლების დამადასტურებელ დოკუმენტებს, სამეცნიერო ხარისხებსა და ნოდებებს.

სახელმწიფო იცავს ეკლესიის საკუთრებასა და სხვა ქონებრივ უფლებებს და ნებას რთავს მას, რომ მან თავისი არასაღვთისმსახურო ქონების ფლობა, სარგებლობა და განკარგვა განახორციელოს **საეკლესიო-სამართლებრივი** ნორმებით, საქართველოს მოქმედი კანონმდებლობის დაცვით.

საგულისხმოა ისიც, რომ სახელმწიფო ეკლესიის მიერ წარმოებულ საღვთისმსახურო პროდუქციას — მის დამზადებას, შემოტანას, მინოდებასა და შემოწირულობას, ასევე არაეკონომიკური მიზნით არსებულ ქონებასა და მიწას **ათავისუფლებს გადასახადებისაგან**.

მნიშვნელოვანი იყო ის, რომ სახელმწიფომ აღადგინა **ისტორიული სამართლიანობა** და ეკლესიის **საკუთრებად ცნო** საქართველოს მთელ ტერიტორიაზე არსებული მართლმადიდებლური **ტაძრები, მონასტრები** (მოქმედი და არამოქმედი), მათი **ნანგრევები**, აგრეთვე, **მიწის ნაკვეთები**, რომლებზეც ისინია განლაგებული და სახელმწიფო დაცვაში (მუზეუმებში, საცავებში) მყოფი საეკლესიო **საგანძური** (კერძო საკუთრებაში არსებული ნაწილის გარდა). თუმცა, ზემოაღნიშნული საეკლესიო საგანძური, როგორც საერთო-ეროვნული საგანძურის ნაწილი, არის სახელმწიფოსა და ეკლესიის **ერთობლივ მფლობელობაში** მოქმედი კანონმდებლობის შესაბამისად (წმიდა ნაწილებისა და წმიდა რელიკვიების გარდა). ამასთან, აღსანიშნავია, რომ სახელმწიფო და ეკლესია **ერთობლივად** ზრუნავენ **ისტორიულ-კულტურული** და არქეოლოგიურ-არქიტექტურული ფასეულობების მქონე საეკლესიო ნაგებობებისა და საეკლესიო საგანძურის სათანადო დაცვისა და მოვლა-პატრონობისათვის.

რაც შეეხება უცხო სახელმწიფოთა ტერიტორიაზე არსებულ ქართულ ტაძრებსა და მონასტრებს, სახელმწიფო თავის თავზე იღებს **ვალდებულებას**, აწარმოოს მოლაპარაკება შესაბამის სახელმწიფოებთან მათ ტერიტორიაზე არსებული ყველა ქართული მართლმადიდებლური ტაძრის, მონასტრის, მათი ნანგრევის, სხვა საეკლესიო ნაგებობის, აგრეთვე, საეკლესიო ნივთების დაცვის, მოვლა-პატრონობისა და საკუთრების თაობაზე.

კონსტიტუციური შეთანხმების მე-11 მუხლით სახელმწიფომ დაადასტურა XIX-XX საუკუნეებში (განსაკუთრებით 1921-90 წლებში), სახელმწიფოებრივი დამოუკიდებლობის დაკარგვის პერიოდში, ეკლესიისათვის მატერიალური და მორალური ზიანის მიყენების ფაქტი და როგორც ჩამორთმეული ქონების ნაწილის **ფაქტიურმა მფლობელმა**, თავის თავზე აიღო ვალდებულება მატერიალური ზიანის **ნაწილობრივ კომპენსაციაზე**.

კონსტიტუციური შეთანხმების მე-12 მუხლის თანახმად კონსტიტუციური შეთანხმება შედგება **ტექსტისა და ტერმინთა განმარტებისაგან**.

გ) საქართველოს კანონმდებლობა ეკლესიის შესახებ. კონსტიტუციური შეთანხმებიდან გამომდინარე, საქართველოს სახელმწიფოს ეკლესიასთან დაკავშირებით მიიღო არაერთი კანონი და კანონქვემდებარე აქტი, რომელთა ძალითაც დაზუსტდა ან განისაზღვრა კონსტიტუციითა და კონსტიტუციური შეთანხმებით ეკლესიისათვის დადგენილი უპირატესობანი.

ამდენად, საქართველოს კანონმდებლობის თანახმად:

ა) ძირითადი საეკლესიო დღესასწაულები გამოცხადებულია სახელმწიფო **უქმე დღედ**,³²⁰

ბ) **მოგების გადასახადისაგან გათავისუფლებულია** საქართველოს საპატრიარქოს მიერ რელიგიური დანიშნულებით გამოყენებული ჯვრების, სანთლების, ხატების, ნიგნებისა და კალენდრების რეალიზაციით მიღებული მოგება;³²¹

გ) **დღგ-ის გადახდისაგან გათავისუფლებულია** საქართველოს საპატრიარქოს მიერ ჯვრის, სანთლის, ხატის, ნიგნის, კალენდრისა და სხვა საღვთისმსახურო საგნების მიწოდება, რომლებიც გამოიყენება მხოლოდ რელიგიური მიზნით³²² და მისი დაკვეთით ტაძრებისა და ეკლესიების მშენებლობა და მოხატვა;³²³

დ) სახელმწიფო საკუთრებაში არსებული **სასოფლო-სამეურნეო** დანიშნულების მიწის ნაკვეთის პრივატიზება საქართველოს სამოციქულო ავტოკეფალური მართლმადიდებელი ეკლესი-

320 საქართველოს შრომის კოდექსი, მუხლი 20

321 საქართველოს საგადასახადო კოდექსი, მუხლი 99, ნაწილი 1, ქვეპუნქტი „დ“

322 იქვე, მუხლი 168, ნაწილი 1, ქვეპუნქტი „ვ“

323 იქვე, ნაწილი 2, ქვეპუნქტი „ბ“

სიისათვის ხორციელდება უსასყიდლოდ.³²⁴

ე) საქართველოს სამოციქულო ავტოკეფალური მართლმადიდებელი ეკლესიის **სარგებლობაში** არსებული სასოფლო-სამეურნეო დანიშნულების მიწის ნაკვეთები გამოცხადდა ეკლესიის **საკუთრებად**;³²⁵

ვ) საქართველოს სამოციქულო ავტოკეფალურ მართლმადიდებელ ეკლესიას **მიეცა უფლება**, საქართველოს ეკონომიკისა და მდგრადი განვითარების სამინისტროსთან შეთანხმებით, **ყოველგვარი საფასურის გადახდის გარეშე საკუთრებაში მიიღოს** სახელმწიფო საკუთრებაში არსებული, იჯარით გაუცემელი სასოფლო-სამეურნეო დანიშნულების მიწის ნაკვეთები,³²⁶

ზ) საქართველოს სამოციქულო ავტოკეფალური მართლმადიდებელი ეკლესიის მიერ „განათლების ხარისხის განვითარების შესახებ“ საქართველოს კანონის საფუძველზე დაფუძნებული **მართლმადიდებლური საღვთისმეტყველო უმაღლესი საგანმანათლებლო დაწესებულებები** 2015 წლის 1 იანვრამდე ითვლება ამ კანონის შესაბამისად **ავტორიზებულად**. 2015 წლის 1 იანვრიდან აღნიშნული მართლმადიდებლური საღვთისმეტყველო უმაღლესი საგანმანათლებლო დაწესებულებები ექვემდებარება ავტორიზაციას საქართველოს კანონმდებლობით დადგენილი წესით;³²⁷

თ) სრულიად საქართველოს კათოლიკოს-პატრიარქი არის სახელმწიფო დაცვის სპეციალური სამსახურის **დასაცავ პირთა** ნუსხაში,³²⁸ საქართველოს საპატრიარქოს ადმინისტრაციული შენობა — **სპეციალურ რეჟიმს** დაქვემდებარებულ ობიექტთა ნუსხაში,³²⁹ ხოლო კათოლიკოს-პატრიარქი შედის სახელისუფლებო სპეციალური კავშირების სისტემის **პირველი კატეგორია**

324. „სახელმწიფო ქონების შესახებ“ საქართველოს კანონი, მუხლი 3, პუნქტი 2

325 იქვე, მუხლი 11, პუნქტი „ა“

326 იქვე, პუნქტი „ბ“

327. „განათლების ხარისხის განვითარების შესახებ“ საქართველოს კანონი, მუხლი 32¹

328. „სახელმწიფო დაცვის სპეციალური სამსახურის შესახებ“ საქართველოს კანონი, მუხლი 5, პუნქტი 1, ქვეპუნქტი „ვ“

329. „სპეციალურ რეჟიმს დაქვემდებარებული ტერიტორიებისა და ობიექტების ნუსხის დადგენის შესახებ საქართველოს მთავრობის 2013 წლის 26 დეკემბრის 377 დადგენილება, მუხლი 1, პუნქტი „დ“

რიის აბონენტთა ნუსხაში;³³⁰

ი) სრულიად საქართველოს კათოლიკოს-პატრიარქის ოფიციალური ვიზიტის ორგანიზაციულ უზრუნველყოფას ახორციელებს საქართველოს დიპლომატიური წარმომადგენლობა,³³¹ აგრეთვე მას უფლება ეძლევა ისარგებლოს საქართველოს საერთაშორისო აეროპორტების პირველი კლასის (ე.წ. VIP) გასასვლელით;³³²

კ) საქართველოს პატრიარქს, საპატრიარქოს საგარეო ურთიერთობათა სამსახურის უფროსს, ქორეპისკოპოსს, დასავლეთ ევროპის ეპარქიის მმართველსა და საპატრიარქოს რელიგიური ტურიზმის „მომლოცველთა სამსახურის“ დეპარტამენტის თავმჯდომარეს ეძლევათ დიპლომატიური პასპორტი,³³³ ხოლო პატრიარქის წარდგინებით — საპატრიარქოს 40 თანამშრომელს — სამსახურებრივი პასპორტი.³³⁴

330 „საჯარო სამართლის იურიდიული პირის — სახელისუფლებო სპეციალური კავშირების სააგენტოსა“ და სახელისუფლებო სპეციალური კავშირების სისტემის შექმნის შესახებ“ საქართველოს პრეზიდენტის 2010 წლის 23 აგვისტოს 670 ბრძანებულება, დანართი 3, პუნქტი 3

331 „ოფიციალური შეხვედრების (ვიზიტების) განხორციელებისას გასატარებელი ღონისძიებების შესახებ“ საქართველოს პრეზიდენტის 2011 წლის 19 მაისის 268 ბრძანებულება, დანართი, პუნქტი „ო“

332 „საქართველოს აეროპორტებში სახელმწიფო ხელისუფლების უმაღლესი და მაღალი თანამდებობის პირთა და უცხო ქვეყნების ოფიციალურ დელეგაციათა მომსახურების წესის დამტკიცების შესახებ“ საქართველოს პრეზიდენტის 2005 წლის 21 მარტის 154 ბრძანებულებით დამტკიცებული წესი, პუნქტი 2, ქვეპუნქტი „დ“

333 „საქართველოს სამსახურებრივი სარგებლობის პასპორტის დებულების დამტკიცების შესახებ“ საქართველოს პრეზიდენტის 2005 წლის 17 ნოემბრის 941 ბრძანებულება, დანართი 1, პუნქტი „რ“

334 იქვე, დანართი 2, პუნქტი „ჟ“



გამომცემლობა „იურისტების სამყარო“

თბილისი, მ. კოსტავას ქ. №75

ტელ.: 238 35 99; 557 51 51 34

E-mail: Lawyers.world@yahoo.com;

<https://www.facebook.com/PublishingHouseLawyersWorld>